




11




John Carter Brown  
Library  
Brown University


2/228

818











21  
BARTHOLOMAEI FACII RERVM GESTARVM ALPHONSI

PRIMI REGIS NEAPOLITANI LIBER PRIMVS.



**H**TSI nonnullos viros hæc ætas tulit, qui præstanti ingenio atq; doctrina præditi, tum ad alia quæq; tum ad res gestas scribendas peridonei existimari possunt: fuerantq; & nostra & patrum nostrorum memoria aliquot populi, ac principes clari, qui magna ac laudabilia facinora gessere: ea tamen est apud plerosq; nouarum rerum negligentia, vt perpauci ad scribendam historiam sese conferant. Sunt enim quos, cum legerint aut Alexandri, aut Cæsaris, aut populi Romani facta, hæc noua ac recentiora non multum delectent. Nanq; ita se res habet, vt quæ nobis notiora & familiariora sunt, hæc in minore pretio, nescio quonâ modo habeamus. Ego verò haud abnuerim, nec regem, nec ducem, nec ciuitatem vllam ætate nostra, aut iam auorum nostrorum extitisse rerum gestarum gloria & virtute cum ijs comparari. Quamquam quis est adeò imperitus rerum, qui nesciat vel eorum res, quos modò præminari, disertorum scriptorum beneficio non nihil illustriores atq; ampliores factas esse? Sed certè & hæc recentiora iudicio meo tanti sunt, vt eos etiâ in ætatem suam quomodo ingratos atque iniquos putem: qui quæ contingere suo tempore, veluti leuius ædam ac notitia parum digna negligere videantur: cum ea ipsi potius verbis extollebant, & aut aliorum ingenijs illustrata perlegere, atq; in honore habere, aut eloquentiam hominum, vt res sui seculi ab interitu vindicare vellent, excitare. Hæc tamen si niebant in mentem, non vsq; adeò tamen valere, vt me à rebus nostris memoriæ mandis deterruerint, existimantem me nulla in re honestiore ac iucundiore exerceri inueniri posse. Nanq; vt fructum taceam, qui ex historia maximus capitur: nulla profecto res est, quæ tanta cum delectatione aut scribentis aut legentis animum teneat, cum propter alia multa, tum propter temporum vicissitudines, fortunæq; varietates, quibus ea recondita omnis. Ac nostri quidem seculi res gestas consideranti mihi, Alphonsi regis facta admirationem in primis asferre assolent: qui à remotissimis Hispaniæ oris in Italiam profectus, cum alia multa memoratu digna gessit, tum Neapolitanum regnum magnum atq; pulcherrimum singulari virtute perdomuit. Quocirca res eius literis mandare, & quantum erit in me, illustrare constitui, ne tantarum rerum cognitio posteris obscura reliquatur. Quod si pro rei magnitudine fortasse minus consequi potuero: at cæteris omnibus qui sentent, eisdem de rebus posthac scribendi facultatem præbuisse non inanis operæ, vt arbor fuerit. Ab Neapolitano igitur bello initium facturus, eius causam atque originem primum repetens paulò altius omnia aperiam.

**M**ARTINVS Quintus pontifex maximus, is qui sacrosanctam potestatem pontificiam tyrannorum quorundam scelere prope euersam restituit, cum Florentiæ degeret, Bracij Montonij iniurijs laceffitus à Ioanna Neapolitanorum regina opem petijt. Ea verò Sfortiam Cottiniolam regiarum copiarum præfectum auxilio petenti misit: qui secundis aliquot prælijs factis, ad postremum acie victus, vt sibi cretum stipendium inuideri agnouit, quorundam opera, qui primum apud Ioannam militantis locum obtinebant, omnia ad suam potentiam reuocare cupientium, Ludouicum Andegauensium principem, regem postea appellatum, vt ad Neapolitanum regnum perueniret, quod ad se pertinere profitebatur, per literas, ac nuntios exhortatus cepit, operam in id bellum impigrem pollicitus. Facile mouit Ludouicum, iam multo antè Neapolitanorum quorundam exulum quotidianis suasionibus eius regni cupiditate inflammatum, eius viri auctoritas: quem acceperat præter egregias belli artes, in Neapolitano regno complura oppida tenere. Lætus itaq; talibus nuntijs renuntiari Sfortiæ iussit.



## DE GESTIS ALPHONSI I.

2  
 sit: periucunda sibi accidisse, quæ ultro obtulisset: & ob eam rem gratias agere. Belli  
 Neapolitanum sibi, & prius, & tunc maximè cordi esse, talem præsertim virum, ac ducem  
 copiarum nactus. Paraturum se omni cura classem: qua Neapolim traiciat. Simul cum  
 qui ad se venerant mittit qui de stipendio ac cæteris rebus ad bellum pertinentibus  
 eo agant, acta quæ ad se referant. Quibus omnibus constitutis, Sfortia extemplo coadunatus  
 dissipati exercitus reliquijs Campaniam proficiscitur: finesque regni ingressus, ut per  
 catum agrum agmen duxit: nec diuini quicquam aut humani violauit, prius quam Neapolim  
 polim peruenit. Ibi demum nullo ad conspectum agminis concursu facto, ad mille ab  
 be passus, castris per otium positis, hostem se Ioannæ professus est. Tum ingens trepidatio  
 & pauor per omnem Campanum agrum, simulque fuga agrestium, pecorumque in op  
 da munita fieri coepta. Initio eius aduentus plerique ciues quos Ioannæ reginæ tæderet,  
 se ad eum in castra contulerunt, cum his satis constaret illum pro Ludouico gerere be  
 lum. Quorum accessu elatus Sfortia (in ijs enim erant nonnulli summo loco nati) ape  
 re laceffere Ioannam coepit. Illa quanquam inopinati hostis aduentu, & ciuium ad eu  
 transitione conterrita, haud segniter tamen ad urbis defensionem intendit. Itaque quan  
 primùm dispositis ad omnes portas circaque in muris, oportunis quibusque locis, station  
 bus, neque hosti, neque infidis ciuibus oportunitatis quicquam ad tentandas res nouas re  
 quit. Posthæc delectus raptim in vrbe, atque agris fieri placuit: conuehendaque vndique ar  
 nonæ, ac muniendæ urbis ratio, curaque, inita. Ioanna deinde consultante quonam modo  
 instantibus periculis obuiam iretur, censuere omnes qui aderant, externa auxilia imple  
 randa esse (neque enim tam Sfortiæ conatus, quam Ludouici aduentus metuebatur) se  
 primùm à Martino pontifice maximo, ad quem regni tutela pertineret, ac si ea spes falle  
 ret: ab ijs principibus, ac regibus qui se iuuare modo vellent: præcipuè ab Alphonso A  
 ragonum rege, cuius in Sardiniam classe profecti iam tunc ingens in Italia nomen era  
 Hac sententia comprobata, Ioanna confestim Antonium Caraffam cognomento Mal  
 tiam, cui maxime confidebat, mittit, iubetque nisi intra certum diem auxilium à pontifice  
 impetret, ad Alphonsum in Sardiniam nauiget: atque ab eo auxilium postulet: simul qu  
 illum regi polliceri velit, auxilij impetrandi gratia edocet. Post hæc Franciscum Vrfinum  
 & Ludouicum Columnam claros copiarum duces mercede conducit: Christophoro  
 Caietano accersito (hi omnes ad mille equites ducebant) Ioanni Caraciolo urbis custodiam  
 demandat. Hic genere clarus, virtute, & forma corporis clarior, omnium longè prim  
 ceps apud Ioannam erat. Malitia naui longa, ac biremi acceptis Pisas, atque inde pedibus  
 Florentiam ad pontificem profectus: qui per id tempus in ea vrbe, à Braccio pulsus, seden  
 suam constituerat, sese contulit. Qui cum Ioannæ discrimen docuisset, & requisito auxi  
 lio, spem modò sibi dari animaduerneret: statuit ad Alphonsum traicere, Ioanna prius  
 de sua protectione certiore facta. Eius consilium confirmauit, atque adiuuit fortuna. Era  
 enim fortè per id temporis Florentiæ Garrias quidam Hispanus eques, Alphonso per  
 carus, qui cognita causa aduentus Malitiæ, cum haud dubiam auxilij regij spem fecisset  
 uti ad regem continuò nauigaret, persuasit. Prægressus itaque Plumbinum, quò naues ire  
 iusserat (neque enim vnà cum Gartia ire voluit, ne quid eius viri comitatus suspitionis  
 pontifici præberet) petito à pontifice comiteatu, simulatoque Neapolim reditu, ad confi  
 mandam auxilij spe Ioannam ibi hominem præstolatus est: qui cum eodem paulò post  
 tranquillo mari in altum euectus in Sardiniam traiecit. Interea Neapolitani Andegauen  
 sis factionis Ludouicum crebrò per literas, ac nuntios monere, atque hortari, ut maturè in  
 structa classe, quam Genuæ parabat, confestim accedere, ne cunctaretur. Futurum ei po  
 stea perdifficile, quod tunc facile factu haud dubium esset, si illum Alphonsus, quem re  
 ginæ auxilio venturum suspicabantur, cum classe præueniret, frustra postea amissam o  
 portunitatem quæsiturum, fortunamque imploraturum. Proinde si ea res sibi cordi & cure  
 esset, maturaret: ita facto opus esse. Et iam Ludouicus Columna, & Franciscus Vrfinus,  
 quos à Ioanna conductos dixi, Christophorusque Caietanus cum copijs accesserant, Sfor  
 tiamque à solitis excursionibus prohibebant, & ciues quorum fides suspecta erat, in offi  
 cio continebant. Neque enim erat quisquam qui se ducem profiteri auderet. Ludouici ad  
 uentum taciti omnes opperiebantur. Legatus ab Alphonso benignè & comiter exceptus,  
 facta loquendi potestate, primùm de reginæ in eum vnum spe, atque animo verba fecit.  
 Post



osthec difficultates ac pericula exposuit. Ludouicum Andegauensium ducem, illam par-  
 rno & hereditario regno exuere conari: Parare classẽ, qua Neapolim petat. Sfortiã,  
 nem illa sibi in aduersis suis rebus vnicum præsidium existimauerat, sibi hostem è duce  
 etum, castrisq; ante vrbem positis, omnibus belli cladibus agros vastare. Eam verò, & si  
 non deerant reges alij, qui opitulari ei vellent, ac possent: ab eo potius opem postulare  
 oluisse, ob nominis eius celebritatem, ac gloriam. Proin orare, atq; obtestari, vt reginæ  
 usam tuendam susciperet, neue pateretur eam per iniuriam regno spoliari: celeritate  
 erò ante omnia opus esse: quandoquidem & Sfortia cum ingentibus copijs vrbi immi-  
 eat, & Ludouicus cum classe breui affuturus putetur: quam Genuæ parari certum sit.  
 agnæ sibi laudi gloriæq; fore, si laborantem reginam, & rebus diffidentem suis, in anti-  
 uam dignitatẽ, statumq; restituerit. Quod vt haud grauatè onus susciperet: reginã vbi se-  
 eri vellet, ei primũ omnium in filium adoptato, Calabriae ducatu, qui honor regionum  
 iorũ maximo natu haberi soleat, cum regni successione polliceri. Cum hæc dixisset, Al-  
 onsus allata modo auxilij spe, rem ad consilium detulit: nec fermè vllus fuit, qui id bel-  
 um suscipiendum diceret, quoniã permagnos sumptus postulare videbatur: & erāt, qui  
 ererentur, ne, si bellum diutius trahi contingeret, Neapolitani satis constantes in bello  
 turi essent: quod eam gentem consilia variare ad fortunæ mutationem solere, fama e-  
 t. Re igitur suspensa, cum adhuc incertus esset, quid ageret: legatus, quem Ludouicus  
 d eum miserat, triremium decẽ petendarũ gratia, quas classi, quam Genuæ parabat, adij-  
 eret: cognito Malitiæ aduentu, eiusq; causa, ad eum profectus, inquit, scire se, legatũ à  
 oana missum ab eo opẽ postulare, nec id dissimulari possẽ. Ceterũ existimare se haud  
 ommissurum vt nouam Ioannæ gratiã veteri Ludouici gratiæ, atq; amicitiaẽ prælaturus  
 t. Neq; enim sibi causam vllam esse, ob quam iusta arma suscipere aduersus Ludouicum  
 possit, qui cum sit, præter amicitiam, affinitate coniunctus. Vocari Ludouicum à Neapoli-  
 nis ciuibus magnis obtestationibus: regnum, quod sibi legitimo iure debeatur, quod-  
 ie à ciuibus vltro offeratur, armis (quando aliter non liceat) vendicare. Sibi verò haud  
 ibium esse, si quas petijt naues, Ludouico concesserit, aut certè ei aduersus non fuerit,  
 udouicum sperati, atq; exoptati regni breui cõpotem fore. Deberi id certè tum veteri  
 nsanguinitati, tum amicitiaẽ: nec committendum, vt imperandi cupidine, à Ludouici  
 nicitia discessisse videatur. Ad hæc Alphonsus, non negare se primum Ioannam ab se  
 xilium petere: ceterũ nihil adhuc super ea re decretum esse: cognationem, & ami-  
 tiam Ludouici, quã commemorarit sibi carã esse: eamq; magni æstimare. Præstaturũ  
 quod Ludouicus postulabat, modo ipse à Genuensium, quibus cum bellum gerebat,  
 cietate discederet. Ludouicũ verò suam, & Genuensium amicitiam simul habere non  
 esse: quod non sit æquum, neq; committendum, sua vt classis cum hostili classe coniu-  
 tur. Cum hoc responso dimissus legatus ad Ludouicũ regressus est. Qui cum vtiliorem  
 i Genuensium amicitiam, & societate arbitraretur, in vna celeritate victoriæ spem re-  
 sitam ratus: omisso Alphonsi auxilio nihil ad conficiendæ classis celeritatem sibi reli-  
 um fecit. Vicerunt igitur regem, reginæ miseræ & afflictæ fortunæ (facile enim alliciũt  
 imos ad misericordiam supplicis preces) quam à se auxilium implorantem aspernari,  
 n existimabat eius esse qui regio nomine & maiestate dignus haberi vellet. Quamuis  
 tem suorum propè omniũ contrarias sententias (vt antè dixi) animaduerneret: accer-  
 o ad se Malitia inquit, se reginæ causam tueri constituisse: nec passurũ vti illa è regno,  
 annos à maioribus suis possessio eiiciatur. Nec verò se ijs tam moueri præmijs (quam-  
 permagna sint quæ illa spondeat) quàm eius incõmodis, ac periculis præsertim cum  
 se, prætermisissis cæteris regibus, certo iudicio postulatũ auxilium intelligat. missurum  
 in præsentia Raimundum Pirilionẽ, præstantem virũ cum rostratis quatuordecim, qui  
 opem ferat, cõmeatusq; ex Sicilia deportari curet. Quæ cum audisset legatus, spe ple-  
 s, mittere ad Ioannã quamprimum statuit, qui illam, quæ egisset, diligenter faceret cer-  
 re: vt auxilij spe allata, fortius labores, atq; incommoda belli toleraret: maximè quod  
 douicus classẽ properè parare ferebatur. Quam rem cum Alphonsus comprobaret,  
 schalem Ioannæ à secretis, qui illi comes datus erat, cum biremi misit, & quæ egisset o-  
 ia, quoque tempore se affuturũ cum regia classe speraret, ad Ioannam perscripsit. Qui  
 ceptis literis, idoneam ad nauigandum tempestatem nactus, in altũ euectus est: & iam



nauigando ad oppidum, quod Ciuitatē ueterē vocant, peruenerat: portumq; ingressu in terrā commeatū petendorum causa descenderat: cum fortē Ludouici classis subit atq; insperatō apparuit. Erant in ea classe præter onerarias sex, rostratæ duodecim, cuius improuiso aspectu conturbati qui in biremi erāt, relicto eo homine cuius expectandi spetium ppter hostium propinquitatē non habebant: anchorā repentē moliti, concitato rorum pulsu Neapolim contenderūt. Sed nihilo magis Ioanna ex ijs ordine scire potuit quæ Malitia cum Alphonso egisset. literæ enim omnes amissæ erāt. Id modō cognouit venturā propediem, icto iam fœdere, ab Alphonso classē, Paschalemq; apud Ciuitatē Veterē relictu, eumq; interceptū putari ab hostili classe, cuius metu quōdā appropinquauerat, eo relicto, effugissent. Quibus cognitis quamuis hostilis classis aduentus terrebat, & eius hominis captiuitas grauis erat, vehementer recreati sunt. Ludouicus appulsi ad oppidum classē: ut audiuit de Pascale à suis destituto, hunc inuentū ad se perducere iussit, extortisq; literis: cuncta, quæ cum Alphonso acta erant, cognouit. Post hæc eo in classem imposito, psp̄erum ventū nactus: paucis diebus Neapolim peruenit: iactisq; ante urbem anchoris, naualibusq; socijs, ac militibus in terram expositis, quos aduexerat, Sfortiam sibi obuiam in littus progressum, castra propius urbem metari iussit. Eius aduentu Neapolitanos variē affecit. Namq; & Andegauensibus longē aucti sunt animi, & Dyrrhachinis imminuti. In has enim duas factiones Neapolitana ciuitas, atq; adeo omne regni diuisum erat. Non tamen omnino remifere animos Dyrrhachini, seq; expectatione classis Alphonfi solabantur. Itaq; imperata pro se quisq; impigre atq; obedienter facere, ad destinata munera obire atq; exequi. Alij turre ac muros armati custodire: alij urbem die noctuq; circumire atq; interuifere: alij tela parare ac tormenta idoneis locis disponere nec facultatem tentandi aliquid per negligentiam aduersæ factioni dare. In eo autē maxime peccatum in quo quis cessasset, existimantes, de officio certabant. At Ludouicus hostium expectatione cognita, omnia tentanda arbitratus prius quā hostilis classis aduertaret: rostratas ante urbem sæpius circumuagari iussit: moturos aliquid in urbe Andegauensis factionis homines existimans: quorum cognati & necessarii ad Sfortiam in castra transierant. Cæterum eius spes atq; opinio irrita cecidit. Nam etsi multi in urbe erant, quæ regnum ad illum depulsa Ioanna, deferri cupiebant: tamen inimicorum vis atq; diligentia omnem ijs nouandarum rerum facultatem auferebat. Certabatur quotidie leuib; prælijs vario euentu. Dum hæc Neapoli geruntur, Raimundus cum Malitia legato omnibus ad cursum comparatis è Sardinia soluit: idoneamq; ad nauigandum tempestatē nactus in Siciliam venit. Ibi iussis aliquot onerarijs cum frumento sequi cōfestim velis sublati Neapolim petijt. Erant in ea classe naues longæ sexdecim: ad cuius prospectum mira quædam animorum commutatio facta est. Nam quantum Andegauenses remiserunt animos, classis suæ usu prope sublato, tantum Dyrrhachini sustulerunt: tantaq; ab ijs lætitiæ significatio edita est, flammis per noctem tota urbe perlucens, quanta in dubijs rebus fieri assolet, qui auxilio diu ac multum expectato tandem potiuntur. Rostratæ hostium quæ quotidie in portu ante urbem excurrere ad concitandos ciuium animos solite erant, cōfestim sub onerarias (erant enim pauciores numero (tanquam sub tutam & eminentem arcem sese recepere: nec liberē nauigandi aut discurrendi (tribus præsertim triremibus Ioannæ additis) postea potestas fuit. Expositus in terram Malitia quæ egisset cum Alphonso non verbis modō, verū etiam rebus ipsis edocuit. Freta hoc auxilio Ioanna & à mari omnis generis commeatus capiebat, & à terra hostium vim faciliē arcebat. Fuit autem hic annus ab ortu Christi Dei nostri vigesimus & quadringentesimus supra millesimum. Postridie Raimundus naui egressus in magna ciuium frequentia ad reginam accessit. Qua conspecta, Bono te, inquit, animo regina esse Alphonfus iubet: cuius in te pietatem, atq; animum Malitia legato tuo referente satis scire potuisti. Nullum tamen eius rei certiū argumentum aut clariū indicium hoc vno est. Simulac enim ex legato tuo agnouit, Ludouicum hostem tuum susceptam expeditionem pertinaciter persequi ut saluti tuæ, ac dignitati consuleret, me cum hac classe quā vides ad te ire vnā cum legato cōfestim iussit, quam satis esse, & ad urbem tuendam, & ad commeatus inferendos in præsentia existimauit. Quod si te haud aliter quā præsentē se tanto belli onere leuari posse cognouerit, sese cum reliqua classe reliquisq; copijs mox tibi affuturum pollicetur.



cetur. Cuius rei si vñs venerit: sentient profecto hostes, à te haud nequicquam eius o-  
em imploratam esse. Itaque posito metu forti facis animo, atq; Alphonsum tuis rebus  
duerfis nusquam defuturum confide: qui quantum te adiuuare possit & milite & com-  
neatu, superuacaneum dicere existimo. Nam ego (quod ad me attinet) tibi pro mea in-  
egem fide regina polliceor me pro tua dignitate ac statu conseruando nullum discrin-  
nen ac laborem recusaturum. Ad hæc Ioanna: Nunquã equidem dubitauì, inquit, quin  
b Alphonso facile in tantis malis auxilium impetratura essem: quod nobis eius huma-  
nitas atq; animi specimen haud inauditum erat. Idque mihi vñum in calamitatibus meis  
olatium, ea vñs spes relicta erat, cum cætera omnia desperationem quandam afferrent:  
ob eamque causam omnes difficultates ac pericula forti animo tuli. Acceperam enim  
eum ijs maioribus ortum, qui semper laudi & gloriæ studuerunt. Acceperam eo patre &  
rege natum, qui consilio atq; animo cunctis ætatis suæ regibus anteisset. De eius erga me  
voluntate, ex Malitia Legato multa accepi, sed nullum habeo testem certiore, quàm  
tuum cum hac classe aduentum, quo hostes ipsos conterritos videmus. Equidem dum  
sciam eum incolumem esse, nihil est quod aut hostem metuiam, aut pristinam auctorita-  
tem ac regni possessionem me recuperaturam desperem. Ego verò eius auxilium hoc plu-  
ris facio, quod in tempore venit vrgente mari terraq; hoste, & quod te virum fama præ-  
clarum classi ducem datum esse conspicio. Hæc vbi dicta, Alphonsum in filium primum  
adoptatum ingenti omnium assensu, per præconem Calabriae ducem pronuntiari iuber.  
Deinde Raimundo aureo torque regis nomine, vt fieri consuevit, ornato, ac per totam vr-  
bem in summa Dyrrhachinorum læticia circumducto arcis maritimæ quam Ovi appel-  
lant, vt per Malitiam legatum pepigerat, clauis tradi imperauit. Per eos dies Auerfana  
arx, quæ amisso oppido nihilominus in fide permanferat, per proditionem in Ludouici  
potestatem venit. Nanque Franciscus Gatula studio partium ductus eam petenti & mul-  
ta pollicenti Ludouico tradidit, quo postea oppido tanquam horreo quodam ac belli se-  
de propter situs opportunitatem vsus est. Neque enim ab Neapoli plus octo millia pas-  
suum abest: arnona, atque omni frugum genere in primis abundans. Inter hæc Baptista  
Fregosus eius classis dux, quæ Ludouicus Neapolim traiecerat, postquam Ludouicum  
mari nihil moliri posse animaduertit, propter hostilis classis aduentum, primo Surren-  
tum, inde Genuam abiit. Nec multo post Ludouicus, cum sæpius vim ac dolum nequic-  
quam tentasset, cum exercitu Auerfam est profectus, ratus Auerfanos facilius in fide  
contineri, & frumentum ac necessaria omnia exercitui multo commodius suppeditari  
posse. Inde quotidie in Neapolitanum agrum procurfationibus crebris omnia circa vr-  
bem infesta faciebat. Cum hic esset rerum status, & profecta ab Alphonso classis, non fi-  
nem præsentibus malis, sed tantum respirationem quandam attulisse videretur, maius-  
que & grauius bellum id esse appareret, quàm quod per Præfectum confici posset: cre-  
scentibus in dies Ludouici opibus, finitimisque plerisque rerum successu ad eum con-  
fluentibus, inualefceretq; quotidie magis ciuilis seditio: quæ hoc grauior ac periculo-  
fior erat, quò hostis erat propinquior: rursus Ioannæ ac totius Dyrrhachinæ partis ani-  
mi in vñum Alphonsum conuersi sunt: nullam salutis spem aliam superesse arbitrantes.  
Mitti igitur placuit ad eum legatos, qui docerent quò statu Neapolitana res esset: quam-  
que necessarium foret, si Regina statum saluum veller, confestim eum cum reliqua classe  
Neapolim trajcere: omnia enim quæ Ioannæ sponderit Raimundo præstita. Inter  
hæc, qui Andegauensis partis erant, per crebra hostium colloquia sollicitati de præden-  
da Ludouico vrbe, Neapoli consilium ineunt. Porta erat angusta infrequenti via, ac de-  
serta vrbs parte, ad Carbonariam (quam vocant) sita, quam, sub Sfortiæ aduentum, ce-  
mento & calce raptim obstructa, terra insuper congesta cumulauerant. Per hanc cum  
occultius intromitti hostes posse coniurati existimarent, compositis omnibus Ludoui-  
cum monent, vti quarta noctis vigilia cum Sfortia atque omnibus copijs tacito agmine  
accedat: sese refractis portæ claustris, eius copias repente admissuros. Quo discrimine  
cognito Ioanna prope consternata, Ioannem Caraciolum cum omnibus externis copijs  
atque vrba iuuentute urbem ac moenia obire confestim iuber: ne quid coniurati mo-  
uere auderent. Quod vt coniurati animaduertere, sua consilia patefacta arbitrati alij a-  
lios hortari coeperunt: vti corréptis armis rem exequi properarent: priusquam inermes



domi comprehensi pecorum modo trucidarentur, Ioannem Caraciolum magno armatum numero per urbem discurrere: ac suspicionis huius signa certa edere. Mutuis itaque studiis accensi, clam arma capiunt, & ad infringenda portæ claustra furtim contendunt quod ijs erat facilius: quoniam in ijs nonnulli erant quibus negotium datum fuerat: v noctu vigilas in muris circumirent. Ad hanc aliquot profecti eamque, interceptis custodibus refringere aggressi (nam cæteri domi armati signum expectabant) ad Ludouicum mittunt haud procul ab vrbe præstolantem, qui moneat vti copias confestim admoueat: ita facto opus esse. Cæterum cum iam perfosso atque eruto muro, patefactum hostibus ingressum putarent: tigillus portæ ab interiori parte obductus equitem ingredi inhibuit. hunc verò ne cedentes sonitus proderet, nequaquam securibus cedere audebant. Quod hostes conspicati equis repente delapsi ingredi urbem cœpere: quorum strepitu propinqui vigiles excitati: atque ad portam quantum vti possent, tacite progressi: vbi portam patefactam sensere, repente ad arma conclamant, teneri ab hoste urbem, pluresque iam intra muros esse. Tum trepidatio simul & pauor repente urbem inuasit: sed minor aliquanto fuit, quod haud omnino improuisa res erat. Ignari primò vbi nam periculum foret, armati per urbem discurrentes, nequi motus à coniuratis fieret, quâ hostes ingressos acceperunt, eò cateruatim contendere. Primus omnium Christophorus Caietanus vir animo & consilio clarus, cui ea pars mœnium tuenda data fuerat, cum paucis suorum ad eum locum equo prouectus conferto prælio hostilem impetum sustinuit, donec Ioannes Caraciolus ac Ludouicus Columna cum equitatu affuere. Hi non modo ingressos expellere, sed etiam ne alij ingrederentur summis viribus contendebant. Atrox certamen erat, præsertim quod in tenebris res gerebatur nocturno tempore tumultu terrorem augente. Simul duplex cura Dyrrhachinorum angebat animos: vna eijsciendorum ex vrbe hostium, altera ne coniurati per noctis occasionem sese hosti adiungerent, tergaque eorum inuaderent: quorum plerique fortunæ euentum expectantes sese Dyrrhachinis immiscuerant. Sed in id vnum pertinaciter pugnatum, Sfortia contra maximè adnitente, ne tigni rescindendi hostibus potestas esset: ne cum equitatu liberius in urbem irrumperent. Inter hæc Raimundus Pirilio tumultu excitatus cum quingentis naualibus socijs eodem contendit. Quorum interuentu Dyrrhachini vsque adeò confirmati sunt, vt hostes iam in fugam inclinantes, extemplo vrbe ac mœnibus expulerint. Obstructa rursus porta, eaque vrbis parte fidis custodibus firmata, cæteri quique ad stationes sibi demandatas diuertere. Post hæc de coniuratis quorum nonnulli inter hostes pugnantes visi fuerant habita quæstio est: quorum plerique grauioris poenæ metu è muro per funem dilapsi sese ad Ludouicū in castra recipere. horum bona publicata. De cæteris comprehensis, tres coniurationis auctores securi percussi: reliqui pecunia multati sunt: atque ex eo argento multatitio in ærarium relato, bellum, quod alioquin vix sustineri poterat, aliquandiu pertractum est. Postridie Ludouicus qui ad mille passus ab vrbe equitatu fretus substiterat: vt nec motum vllum in vrbe concitari, nec hostes ad pugnam prodire animaduertit ad multam diem cum exercitu Auerfam se recepit. Crebræ deinde procurationes vt consueuerant, vtrinque fiebant: nec circa urbem pacati quicquam relinquebatur. Cæterum Dyrrhachini adeò sustulerant animos patefacta coniuratione, depulsis vrbe hostibus, frumenti & cæterorum com meatuum importatione, vt iam hostiles excursiones minasque contemnerent. Interea legati à Ioanna ad Alphonsum missi in Corsicam peruenerunt. Nanq; Alphonsus per id temporis Corsos oppugnabat, Bonifaciumque oppidum totius insulæ ac gentis caput castris sub urbem positus, obsidebat: hique, vbi potestas loquendi facta est, pluribus verbis regi differuerunt: cur Ioanna eius ad Neapolin profectionem pernecessariam existimaret. Deinde docuerunt eundem & reginæ filium, & Calabriæ ducem pronuntiatum arcemque maritimam in Raimundi manu esse. Quibus acceptis, Alphonsus non defuturum se reginæ & matri optimè de se meritæ cum respondisset: omnibus celeriter ad nauigandum comparatis, in Siciliam traiecit, inde, vt primum sibi commodum foret, Neapolim petiturus. Misitque ad Ioannam cum legatis qui illam de aduentu suo in Siciliam certiores facerent, seque breui ad illam venturum significarent. Quò ad illum profecti Antonutius Aquilanus Calabriæ Præfectus & Hieracij Terræ nouæ ac Sinopolitanus, & alij quidam eiusdem regionis proce-



proceres cohortati sunt, postquam Calabriae dux à regina factus esset, mitteret quem-  
 iam è suis, qui eam prouinciam pulsus inde aduersarijs, tuerentur. Quorum consilio pro-  
 nato, Ioanna Hixeritanum regiae stirpis carissimum sibi hominem, & in quo multas & sin-  
 gulares animi ac corporis dotes inesse norat, cum imperio eò misit. Qui in Brutios, quos  
 tunc cum Calabris vno nomine Calabros vocamus, cum aliquanto equitatu transgres-  
 us, coniunctis copijs cum Antonutio ac cæteris, primum Maletum petijt: quo oppido  
 capto, & in fidem recepto, paulò post Neocastrum petens, & ipsum quoq; oppidum in  
 regis potestatem redegit. Deinde in Gratis fluminis vallem, quod flumen ab antiquis A-  
 heron appellatum, & Alexandri Epirotæ nece nobilitatū Consentiam influit, progres-  
 us, multa præclara facinora aduersus Franciscum Sfortiam & Crotoniatem regulum,  
 liosq; Andegauensium partium edidit. Interim dum arma, dum iuuentutem, dum pecu-  
 niam & commeatus præparat, de ratione belli cogitare intentius cœpit. Iam enim cerne-  
 re ad famam fore proficiscentem se ad reginam obsidione liberandam ipsum in vrbe  
 Neapoli obsideri: Bracium qui Sfortiæ opponeretur, mercede conducere instituit. Erant  
 duo clarissimi ac præstantissimi eius tēpestatis copiarum duces. Bracius quidem ge-  
 nere opibusq; illustrior. Cæterum scientia rei militaris, animi magnitudo & auctoritas in-  
 roque propemodum pares, non solum æmulationem inter illos accenderāt, sed etiam  
 raues inimicitias pepererant, adeò vt non veluti hostes, sed tanquam inimici inuicem  
 bellum gererent: alter alteri semper aduersi infestiq;. Vna re dispares erant, quod Bra-  
 cius animi tantum viribus, Sfortia non animi modò, verum etiam corporis pollebat. Bra-  
 cius enim vno latere debilitatus armis vti non poterat. His de rebus existimauit Alphon-  
 sus nullum à se copiarum ducem Ioannæ rebus vtiliorem conduci posse. Misit igitur ad  
 eum de Ioannæ voluntate nuntios, qui de eo conducendo agerent. Qui cum intellige-  
 rat si Ludouicus pulsa Ioanna, regno potiretur Sfortiam amulum, postea Ludouici fauo-  
 ratq; opibus subnixum: multo quàm se potentiorē fore: oblatam conditionem læ-  
 tæ acceperat. Cæterum dum profectiōem parat, complures dies intercessere: cuius moræ  
 fuerunt causæ: vna quòd stipendium ad eum serius missum est: altera quòd nō satis  
 eo relinquere sua existimabat. Is enim Martino pontifici infensus aliquot Romanæ ditio-  
 rum oppida armis occupauerat: quam quidem rem illi postea exitio fuisse crediderim:  
 cū cum superis bellum gerenti. Verebatur enim, simul ac in Campaniam cum copijs  
 transisset: ne pontifex immisso exercitu, receptis ijs, quæ amiserat, sua insuper oppugna-  
 ta iret. Interim Alphonfus ordinandis Siciliae rebus præparandisq; quæ ad bellum ge-  
 dum opus esse videbantur, omnem curam ac studium adhibebat: frequentesq; nun-  
 tios ad Bracium vti aduentum maturaret dimittebat. Itaq; Bracius compositis domi re-  
 bus, oppidisq; præsidio firmatis, è Perusio tandem mouit: ac per Pelignos Sulmonem  
 venit: quinquagintaq; millibus passuum vno die confectis celerius opinione om-  
 ni in Capuā est profectus, frustra tendente Sfortia, qui de eius pfectiōe acceperat, ne  
 Campaniā transgrederetur. Cumq; celeritate aduentus sui famam præuenisset, fallen-  
 tium hostium ei oportunitas data est. Nam cum postridie equites, quos præsidij causa  
 Mariæ maioris vicum Ludouicus miserat, vt solebant, haud procul à Capua excursio-  
 nem fecissent, & ij qui obuiam exierant, ex composito cederent, vt persequentes in infi-  
 nillicerent, Bracius cum equitatu ex vrbe repente egressus, tantum ijs terroris iniecit,  
 ut impetum non tulerint, nec prius finem fugiendi fecerint, quàm ad vicum vn-  
 de discesserant, peruenerint. Hic verò confirmatis paulum animis, loci fiducia constite-  
 re sub templum quod in arcis modum emunitum erat sese receperunt. Insignis ea pu-  
 pro numero equitum fuit. Quos cum Bracius diutius præter spem resistere intue-  
 re, exhortatus milites, eos intra muros præcipites repulit, templumq; eodem impe-  
 teter turrim cepit, cuius expugnatio eò difficilior videbatur, quòd in eam confuge-  
 Perusini quidam eius factionis quæ Bracio aduersa erat, quos mortis metus au-  
 iores ad resistendum faciebat: hique à Bracio venia data arce excesserunt, ipso vico  
 Ioannæ potestatem redacto, omniq; hostium equitatu prope capto. Post hæc Bra-  
 cius Capuam reuersus nullo iam obistente, quòd equitatu superior erat: Neapolim pro-  
 s est, & quòd tam diu aduentū suum distulerat, prius prope in conspectu vrbs fuit,



quàm de eius aduentu nuntijs fides haberetur. Interea dum Bracij aduentus expectabatur, quòd multi ciuium ex coniurationis reliquijs ad Ludouicum inclinare videbantur, & pecunia in stipendium militi deerat, legati sex ad Alphonsum denuò missi fuerant oratum, ne quid amplius eorum spem defereret, si se saluos esse cuperet. Ludouicum enim vndiq; copias cogere, omniaq; ad bellum traducendum necessaria summa cura prouidere, periculum esse, ne qua noua coniuratio si diuturnior obsidio foret, in vrbe rursus excitaretur. Bracium omnibus rebus domi constitutis, mox affore: non esse humanitatis eius, quibus tantam de se expectationem præbuisset eorum ad extremum salutem neglegere: Multos quotidie ciues nec infimos quidem, sed qui & genere & gratia inter ciues valeant, in hostium castra confluere, atq; ad res nouas hos sollicitare, quibus cum aliqua necessitudine iuncti sunt. quibus omnibus malis ipse vnus mederi posset. Profecto Neapoli Bracio, colloquioq; cum Ioanna habito, literæ quamprimum ad Alphonsum de eare datae, vt si quid eius viri expectatio aduentum eius moraretur, quæ vulgò increbuerat opinio, omnem penitus moram rescinderet. Quod cum Alphonsum cognouisset, promotionem maturare instituit. At Ludouicus post Bracij aduentum, quòd erat impar viribus, nihil temere agendum ratus, à solitis excursionibus ac populationibus suos continebat. Sed magis eum angebat Alphonfi expectatio, quem sciebat maiores quàm se vires ad alendum bellum habere, & susceptam semel expeditionem non deserturum. Quod de re ad Martinum pontificem qui in eum pronior quàm in Alphonsum erat, legatos mittere decreuit: ijsq; ad eum profecti hunc in modum locuti sunt: Existimamus non ignorare te, summe pontifex, Alphonsum Aragonum regem Neapoli in dies expectari: eumque sub auxilij prætextu Neapolitanum regnum inuadere conari: cuius rei haud ambigua argumenta sunt, quòd se prius à Ioanna in filium adoptari & Calabriae ducem ac successorem institui per legatos voluit: quàm è Corsica mouerit: quæ omnia illi haud repugnanter concesserit: vt ea quæ viribus diffisa metuit ne regno spoliatur, quamlibet conditionem ferre haud renuens, modò quandiu viuat regno frui, aut certè reginæ nomen retinere possit. Nec illud ignoras, Bracium acerrimum inimicum tuum ab eodem rege mercede conductum: cum multo equitatu iam in Campanum transisse, mox hi oppidis bellum illaturum, quæ Ludouico portas aperuerant: cui vni cum resistere videri possit, quòd is plus valet equitatu quàm Sfortia, accedentibus nouis Alphonfi viribus: quid arbitraris fore? Cedat sane, & ab incepto desistat oportet: quod si quo fato acciderit, non debet apud te dubium esse, quin id iuris atque auctoritatis, quod pontifex Maximus eo regno habes, is breui tempore eleuaturus sit. Rex sublimi animo dominandi cupidus ex longinquis Hispaniæ oris ac gentibus feris profectus omnia suæ potestatis faciet: arbitrio pro lege vtetur: nec tributum debitum pendet: nec regni insignia quæ tui iuris sunt, à te accipere dignabitur. Cuius exemplum sequuturi posteri pontificibus deinceps aduersi atque infesti, aut certè contumaces erunt. Quæ cum ita sint, summe pontifex, tuarum partium fuerit in id summa ope eniti, ne Ludouicus bello succumbat. Nam cum sis Christianæ reipub. dux & moderator, omni à te ratione prouidendum est, ne quid detrimenti eius regnum capiat. Bracio, haudquaquam regi comparando, tibi bellum inferente, magnam existimationis tuæ partem amisisti: quid igitur censes fore, si à rege tam opulento tibi tollatur auctoritas? Quod quidem facile tibi contigerit (vti nam falsus vates sim) si ad prouidendum his malis tardior fueris. Neque enim eas habere Ludouicus copias, quibus Alphonfi ac Ioannæ vim sustinere diutius queat. Tu verò cum per Bracij transitum in Campaniam magno belli onere leuatus sis: poteris commodè, si voles, Ludouicum adiuuare: quem adiuuans facile amissa recuperabis. Quod ni feceris, & Ludouicus Neapolitanum regnum, & tu de pontificia maiestate atque auctoritate non parum profectò amiseris. Quod ne euenire patiaris, te per summam hanc tuam potestatem ac per omnes superos obsecramus. Facto dicendi fine, ea sibi curæ fore pontifex respondit, spemque auxilij præbuit, quòd vt præstaret duæ eum potissimè impellebant causæ: vna, quòd Bracium quem maximè oderat, vlscisci cupiebat: altera quòd Ludouicum sibi multò obtemperatiorem existimabat fore. Cum hac spe dimissi legati Ludouico certiore facto, inde ad Florentinos ac cæteras Italiæ ciuitates, & ad Philippum Mariam Mediolanensem principem profecti, docuere quanto in periculo Itali



principes essent futuri, si Alphonsum regni Neapolitani compotem fieri paterentur: quod tanti regni opes vel moderatum regem, nedum imperij ac gloriæ cupiditate flantem, ad occupandum Italiæ imperium allicere atque incitare sat possent. Singulos opulos ac principes ei postea parto regno, non futuros pares: cui nunc coniuncti & ad bellum consentientes illo haud dubiè superiores futuri essent. Detestabile profectò cuius deberet esse, qui sit in Italia natus, Hispanos habere dominos, & opulentissimam atq; moenissimam Italiæ partem pati Aragonensium prouinciam esse. Simul summis precibus orabant atq; obtestabantur uti Ludouico auxilium ferrent, ac bellum id omnino ad eum pertinere cogitarent: nec sinerent regem amicum in quem maximè Neapolitani regi pars consentiret, eo regno extrudi, vnde maximos fructus capere consueissent. His itq; huiusmodi verbis ciuitatum ac regulorum animos concitare conati, benignis modò responsionibus relatis, ad Ludouicum rediere. Haud multo post Tartalia inter militares uices ea tempestate celebris cum equitibus mille à pontifice ad Ludouicum venit: quo equitatu auctus, hostibus propè par effectus est. At Alphonsus dignitatis suæ arbitratus esse, priusquam è Sicilia solueret, legatum ad Ludouicum mittere, qui illum ab incepto euocaret: aut si id non posset, ei bellum indiceret, quod patri opem ferre cogeretur, Ioannem Ferdinandum magno consilio virum Neapolim mittit, qui se perbreui aduenturum Ioannæ significet: simul qui Ludouico denuntiet, nisi è Neapolitanis finibus cum exercitu abscedat, sese auxilio reginæ venturum. se quidem inuitum aduersus eum arma suscipere quocum sibi consanguinitas & amicitia sit: sed eos qui sese in suam fidem & tutelam dederint, destituere, non videri id humanitatis suæ. Quod si antiqua iura repetantur, intelliget Ludouicus ad se magis quàm ad eum id regnum iure pertinere, quod per Aragonum reges quibus ipse successerit, ad quos regnum id per Constantiam Manfredi Siciliae regis filiam quæ Petri minoris Aragonum regis vxor fuit, ad se perueniat: Caelumque illum qui primus pulso Manfredo, regnum inuasit, nullo iusto titulo regnum tenuisse: quod ante eum Henricus imperator Rogerij primi Siciliae regis gener, regnum illud hæreditarium legitimo iure tenuerit. Sed tamen quamuis hæc sciret: noluisse fortunam vexare, existimantem maximè iniquum esse quæ Ladislao fratri legitime successerit, hanc regno exui. Reginæ obitum ab eo expectari satius fuisse, qua mortua, fortasse regnum sine certamine ad se redisset. Monere ac rogare se uti ab incepto abstinere in nimum inducat: suamque amicitiam retinere, quàm inimicitias experiri malit: quod si fecerit, perpetuam sibi cum eo gratiam atque amicitiam fore: sin aliter animatus sit, bellum pareat. Cum his mandatis legatus Neapolim profectus postquam Alphonsum breui venturum Ioannæ significauit: confestim ad Ludouicum accessit: cui cum regis mandata exposuisset, irritatus his multò magis Ludouicus, Alphonsum facere iniuste ait: qui ipsum eo regno expellere conetur, quod Carolo auo suo legitimo iure à pontifice maximo concessum, ab eo iuste repetatur: Non esse sibi obscurum Alphonsum non tam auxilium Ioannæ ferre in animo habere, quàm eius regnum occupare. Quod autem inquit possessionis antiquitatem spectari oportere, non esse ita: sed quo iure quoque titulo quis possideat. Nam quæ vel iusto bello parta, vel ab eo qui dandi potestatem habeat tractata sunt, hæc iniuste possideri quis arguat? Non debere Alphonsum ignorare, id regnum à pontifice Romano summo omnium consensu Carolo auo traditum olim fuisse. Caterum illum dominandi libidine omnia humana ac diuina iura negligere. Se tamen adorare deum æquum iudicem, vnde ius sit, inde victoriam daturum. Se verò neque declarationibus belli, neque terroribus ullis susceptam expeditionem deserturum. Inter hæc Ioanna de Castro Maris recipiendo cogitare coepit: quod oppidum à Ludouico tenebatur. Nimis enim propter propinquitatem Neapoli imminebat. Itaque eò Bracium mittere cum copijs statuit. Isque prima noctis vigilia cum exercitu clam hostibus profectus: ante lucem ad oppidum peruenit. Cuius inopinato atque improviso aduentu perculsis oppidanis, antequam ijs sui colligendi, aut arma capiendi, facultas daretur, irruptione facta, oppidum præter arcem primo impetu cepit ac diripuit: nonnullos præterea vicos circuncinctos expugnauit, præda militi concessa. Quod simul atque Ludouico renuntiatum est, Sfortiam cum equitatu atque eo delectu, quem raptim cogere potuit, eò confestim mittit, qui oppidanis auxilium ferat, & Bracium, si possit, reditu interclu-



dat. Cuius consilio Bracius per exploratores cognito, in his locis sibi haud diutius morandum ratus, quod omnis circa ager hostilis esset, quodq; ea loca adhuc militi suo ignota: antequam Sfortia cum exercitu appareret, relicto oppido atq; omissa arcis oppugnatione, confestim abire inde constituit. Itaq; secunda noctis vigilia instructo agmine, quavisq; hostis occursurus secus mare iter faciens, Sarni fluminis hostia propinqua oppido primùm transgressus, atq; inde ad oppidum Turrim, quod alij Ostaui, alij Graeci Vocant à vini copia, suos incolumes Neapolim reduxit. Quare cognita Sfortia, cum nihil amplius posset proficere, in Auerfanum vnde iam mouerat, redijt.

\*

## BARTHOLOMAEI FACII RERVM GESTARVM ALPHONSI PRIMI REGIS NEAPOLITANI LIBER SECVNDVS.



**D**um hæc Neapoli aguntur, Alphonsus cognito Ludouici animo, è Sicilia digressus, ad Aenariam insulam quam Isclam vocant, classem appulit, iactisq; anchoris in portu substitit. Quod postquam Ioannæ nunciatum est, Ioannem Caraciolum cum nonnullis optimatum ei obuiam quàm primùm misit, qui illi de aduentu eius gratularentur: deinde gratias agerent quod se non deferendam in tantis laboribus existimasset, ac demum rogarët vt ad arcem maritimam, quæ in ipsius potestate esset, cum classe proficisceretur: atq; ibi tantisper morari non grauaretur, donec quæ pro eius aduentu celebrando decreta essent, pararentur. Quæ cum accepisset Alphonsus, ad eam arcem subito concessit, ibique constitit. Mouit maximè Ioannam insigne quoddam virtutis specimen, quod & vultu & verbis rex præferre videbatur, atq; illustrium virorum comitatus. Si quidem præter milites ac nauales socios, quorum ingens erat numerus, ad mille & quingentos tum equestris ordinis viros, tum regulos partim ex Hispania, partim è Sicilia secum ad id bellum vexerat. Quæ tanta potentia conspecta, & si Ioannæ nonnihil molesta erat, quoniam eius opes eleuatura, aut certè obscuratura videbatur: tamen eidem renuntiata, ingentem eam spe atq; lætitia repleuerunt. Postridie paratis omnibus, Alphonsus cum ex arce maritima in regiã accerferetur, Neapolitanis ciuibus obuiam progressis, scaphisq; completo portu, classem expediri, exercitumq; instructa acie, in aduersum littus prodire iussit, simulacra quædam naualis terrestrisq; pugnae inuicem edentes, rem profectò dignam spectaculo. collustratoq; per hunc modum portu, puppibus ad litus conuersis, in terram sub urbem descensum est. Ad quem mox Bracius progressus, vehementer inquit, rex, optauit ex quo ad me nominis tui fama peruenit, aliquod tempus accidere quo mihi amicitia tuæ conciliandæ opportunitas aliqua daretur. Postquam verò ea mihi occasio & facultas data est: nihil profectò potius habui, quàm vt ad te confestim proficiscerer: constitutisq; quàm celerrimè fieri potuit domi rebus, in Campaniam quò me vocasti accessi: nulloq; periculo, aut labore declinato Neapolim contendi: meorumq; militum virtute hostium ferocitatem ita repressi, vt qui prius ante Neapolitana moenia quotidie excurrentes, hunc agrum incendijs ac populationibus vastabant, nunc vix intra Auerfæ moenia secutos existiment. Ad ea paucis Alphonsus suam gratiam illum pridem consequutum ob egregiæ virtutis famam, hanc verò non parum eius in matrem merita auxisse, pro cuius salute quos labores quæ uel discrimina subierit se satis scisse, pergeret modò, maioraque præmia quàm sibi animo proponeret si belli exitus ex sententia foret, expectaret. Simul his dictis ad eam portam quæ Capuam fert ire pergit. Intranti urbem vniuersa ciuitas visendi studio ei obuiam effusa. Admirabantur autem non regalem corporis ornatum, sed in tanto ætatis flore virtutis tantam opinionem. Hac multitudine circumfusus præeuntibus,



## LIBER SECVNDVS.

11

us, per singulas nobilium sessiones inter saltationes & cantus ad arcem regiam peruenit. Quò simul atque eum ingressum Ioanna accepit ad palatij limina obuiam progressa: postquam eum exosculata est: clauēs portarum ipsius arcis ei illico spectantibus omnibus tradi iussit. Deinde gratias inquit, ago superis, qui dedere vt te in hoc regno meo presentem præsens intueri possim: qui mihi absens decori ac saluti fuisti. Fatebor namque ingenuè me hanc urbem atq; hoc regnum quod mihi reliquum fortuna fecit, beneficio tuo possidere. Nam postquam Raimundus cum classe auxilio venit: ea meditari atque agere non destitit, quæ mihi prospera, hostibus aduersa existimaret. Nam vt cætera omit- tam, qua nocte coniurati Ludouico urbem prodere conati sunt, tandiu anceps certamen cum hoste intra muros fuit, quoad Raimundus eodem tumultu excitatus, cum naualibus socijs occurrit. Bracius verò primo aduentu non solum à procurfationibus solitis Sfortiam prohibuit, sed etiam Castrum Maris & alia quædam loca circumiecta vno impetu cepit. Quæ beneficia nisi maiora existimem quam possim verbis æquare ingratiſſima profectò sum: vt autem me hisce auxilijs grauiſſimo obsidionis periculo leuasti, ita profectò aduentu tuo omnem belli motum iustulisti. Nam qua grauitate, quo consilio, atq; minimi magnitudine præditus sis: ne nobis quoq; in Italia ignotum est. Hunc ego certè liem omnium qui mihi adhuc ætatis illuxerint faustum ac felicissimum duco habeoque, quo te salutis ac dignitatis meæ defensorem acerrimum in hac vrbe mea meoque regno conspicio: cuius vel aduentu ipso ciues meos haud mediocriter recreatos, vides. Adhuc Alphonsus maximè, inquit, regina lætor subsidium meum quem optabam rebus tuis futurum attulisse. Namque vt primùm legatus tuus ad me in Sardiniam profectus mihi labores ac discrimina tua narrauit, nihil profectò mihi potius fuit, quam vt missa classis parte te quamprimum ab obsidione vindicarem: quòd per iniquum censebam me in quem vnum salutis tuæ spem iecisses discrimina tua negligere. Postquam verò res tuas arctiores factas cognoui, prætermiſſa expeditione certa, vt te è tanto, belli incendio eriperem contendi, quòd vt præstare possim, mihi spondet causæ tuæ equitas, quam rem multum in bello valere compertum est. Facto orationis fine, intra tecta concessit regali opulentia atq; apparatu instructa. Sub meridianum tempus postquam quieti indultum est, ad Ioannam se contulit: quæ (vniuersa ciuitate in lætitiā effusa) intentis per mœnia custodi- bus ne quid ab hostibus detrimenti per dolum acciperetur, eius aduentum festiuis virgi- num ac nuptiarum choris celebrabat: vnaq; cum ea varijs sermonibus diem exegit. De- inde animum ad belli curas conuertit, existimans esse dignitatis suæ aliquid se dignum aduentus sui initio gerere: ne in expectatione, quam de sese haud mediocrem concita- rat, reginam & Dyrrhachinos frustra adduxisse videretur: simul ne terror hosti de se in- ductus in fiduciam mox atq; in contemptum verteretur, si per segnitiam tempus tereret, atq; cum ei nuntiatum esset hostes ex Auerſa pabulandi causā egressos, Bracium eò- rum copijs repentè misit: Sfortiam opprimi posse arbitratus, si quàm primum obuiam veretur. Cæterum horum nihil Sfortiam fefellit. Namq; id veritus speculatores procul in- iuerſa miserat: ne qua vis incautum circumueniret atque vti palatos per agros milites colligendi spatium esset. Itaq; vt primùm Bracius ijs locis appropinquare coepit, specula- tores citatis equis, hostem adesse Sfortiæ referunt. Quo nuncio accepto, statim vt rei ac temporis ratio poscebat, pabulatores vagos dato signo coëgit: acieque vt erat instructa constitit. Bracius, vt sensit viſos ab hostibus ante cursores Sfortiamq; minimè falli posse: subito transuersis itineribus, ad Auerſam agmen vertit: eo consilio, vt illos reditu inter- duceret. At Sfortia vt animaduertit nō apparere hostem, ratus id quod Bracius cogitaue- rat, se faciliè Auerſa excludi posse, citato agmine, ad Auerſam iter rapit, pabulatoribus in- mediam aciem coniectis. Procedenti mox nuntiatū est Bracium haud procul inde abesse: tinusq; conspectum est agmen. Conuersus igitur ad suos Sfortia: Videtis inquit commi- ſſiones in quæ nos casum fortuna perduxerit: pugnandi necessitas iniecta est: festinat ho- ſtes, vt iter nostrum occupet, nec reditus patere iam videtur, nisi quem ipsi ferro aperueri- mus. Quamobrè quod animi ac roboris sæpe antehac in vobis expertus sum, id hodie in- ſtem oportet repræsentetis. Militū animis hac breui oratione confirmatis, iter perse- quitur. Bracius ordine Sfortiani agminis perſpecto quo densiorem Sfortiæ aciem æqua- ret: quatuor acies confestim in vnā contulit, hostesq; affecutus à latere inuadit. Hi verò



receptus propinquitate freti & pugnabant simul & procedebant. Iamq; in conspectu Auerſæ res gerebatur, cum clamore excitati oppidani, captis repente armis, iubente Ludouico, laborantibus suis accurrerunt. Quorum accessu audentiores factos Bracius ad moenia prosequutus, postquam nihil profici posse animaduertit, receptui cecinit, Neapolimque copias reduxit. Post hæc Bracius à Ioanna cœpit contendere, uti urbem Capuam quam ei ante aduentum in stipendij conditionibus pepigerat, traderet. Quæ haud sat tutum arbitrata tam validum oppidum tamq; opportunè situm externi ducis, imperij profectim auidi potestati committi: eius postulata indies differebat. Quod cum Bracius animaduertit, eam rem per quam egrè ferens ad Alphonsum detulit. Is verò & si Ioanna haud temerè in eam suspicionem incidisse iudicabat, veritus si ea res pertinacius negaretur, ne Bracium à rebus suis abalienaret: idq; ad fidem suam pertinere arbitratus, reginam multis verbis persuasit, Ioanne Caraciolo clam contrà renitente, ut quod Bracius promiserat, præstaret. Capua vrbs peruetusta, agri fertilitate & situ nulli Campanarum secunda. Hanc ab occidente Vulturis amnis altus atq; prærapidus alluit, duabus egregij operis saxo quadrato turribus ponte iunctus. Ab oriente, qua ferè parte ad Neapolim spectat, manu atq; opere munitam. Eò profectus Bracius absq; controuersia eam in ditionem præter arcem accepit. Cæterum arcium præfecti (nam duæ sunt, una contra urbem, altera ad exitum pontis sita) tradere arces renuebant, nisi pecunia quæ ijs pro custodia debebatur sibi primùm numeraretur. Iniecta q; est ob eam causam nonnullis suspicio, eam arcium præfectorum tergiuersationem à Ioanne Caraciolo ortam esse, indignante, ut dixi, eam urbem Bracio tradi. Qua de re cum certamen & altercatio orta esset, ijs persoluta Alphonsi opera quæ postulabant pecunia, cum præsidio arcibus cessere. Ea ætate nihil ferè memorabile gestum est. Namq; omne id tempus excursionibus, aut leuibus prælijs, aut comportandis in hyemem necessarijs consumptum est. Exacto verò autumno, quanuis media hyems instaret, quod anni tempus quieti militum dari solet: cum accepisset Alphonsus Acerras propter propinquitatem (neq; enim plus octo millia passuum ab Neapoli abest) ingentis rem momenti ad propulsandum bellum vexandosq; hostes esse, eò exercitum ducere instituit. Præparatis itaq; omnibus oppugnationi necessarijs, contractisq; vndiq; copijs Acerras profectus est, binisq; castris positis, urbem obsedit. Acerrani quam subito atq; improviso eius aduentu perculsi, clausis portis illico in muris apparuerunt, stationibusq; idoneis quibusq; locis dispositis, propugnaculisq; interiectis, subeuntes hostes, & scalas muro adinouere conantes fortiter summouebat. Quod cum Alphonsus animaduertit, tormenta & machinas adinoueri iussit, magnoq; militum labore urbem circinuallare aggressus est: factoq; vallo duplicem fossam obduxit, uti ijs omnis auxilij spes adimeretur, crebris inter vtranq; fossam turribus excitatis. Cæterum oppugnationis omnis frustra erat, oppidanis fortiter contrà tendentibus. Tandem tormētis muri parte quassata, agrè resistebant: cui tamen malo sic occurrebant, ut quantum interdiu prociderat, tantumdem munimenti ex materia noctu sufficerent. Hos autem labores eò constantius ferebant, quod Auerſæ oppido propinqui, sese à Ludouico deserui non posse confidebant. Qui eorum discrimine cognito, ne oppidum ad bellum gerendum tam opportunum amitteret, ijs auxilium ferre statuit. Quibus cum iam non aliter quam ui & armis subueniri pateretur oppidi circinuallatio, Sfortiæ imperat, uti cum omni exercitu (nisi quantum Auerſæ præsidio sat esset) eò per noctem proficiscatur. Isq; confestim ad milites profectus, dissimulato itinere, ne quid hostes sentirent, corpora curari, & aliquantum quieti dari iubet, ne quid in his moræ sit, ubi facto opus fuerit: consiliumq; cum paucis primorum ordinum communicat. Paratis itaq; omnibus, tertia noctis vigilia Acerras versus composito agmine, quasi hostis in conspectu esset iter facit, & ad tria millia passuum ab oppido constitit. Quod postquam Alphonsus ex speculatoribus cognouit, confestim Ioannem Vintimillium virum fortem atq; impigrum, cum parte peditatus & equitatus ad pontem, quem Casulæ vocant, ei obuiam mittit, qui illum transitu Clani fluminis prohibeat. Isq; celeriter profectus reperit duas iam hostium acies cum parte peditatus occupato ponte flumen transisse. Missisq; qui id Alphonso renuntiarent, laceßere hostes cœpit, ut si quæ posset, vel eos qui transierant trans flumen repelleret, vel transire conantes arceret. Quibus Alphonsus renuntiatis, peditatum quem egregium nauibus vexerat, statim



ad eum submittit, hisque aliquot equitum turmas addidit: hancque omnem manum  
 Colao Picinino iam tum in re militari claro, qui in magnum postea & singularem co-  
 rum ducem euasit, attribuit: ipse interim opera custodiri, & ne quid omnino detri-  
 nti ab oppidanis accipi posset, obseruari præcipit. Omnibus pro tempore prouisis,  
 eto in castris Bracio, cum parte copiarum: ipse cum ad pontem contenderet, suasis-  
 acius, ut ipse potius in castris aduersus oppidanos maneret, se ad pontem ire sineret.  
 Quod consilium cum omnibus probaretur, dimisso Bracio ipse in castris perstitit. Iamque  
 eruentu Picinini perculsi hostes, ponte deserto, terga dare coeperant, cum interim  
 acius superuenit, simulareque fugam suos præcepit ut hostes cis flumen illiciat. At Sfor-  
 ut primum vidit temere hostes cedere, insidias veritus, ab ijs persequendis suos con-  
 uit, ac fortissimo quoque in postremo agmine collocato Auerfam iter rapit. Quod cum  
 acius animaduertit: & ipse insidiarum metu, emittere noluit qui persequerentur  
 euntes. Et iam mille passus citatim Sfortia contenderat: cum Ioannes Vintimilius  
 in valida equitum manu pontem transgressus eum insequi coepit: nouissimosque asse-  
 ctus, agmen moratus est. Quo viso Sfortia suos, ut quoad tuto possent & dimicarent,  
 progredierentur, exhortatus: nunc agendo, nunc impetum hostium sustinendo, cum  
 quantum processisset, Ioannes receptui cecinit, ac citra pontem suos reduxit. Dum hæc  
 pontem gerebantur, Xantus Acerrani præsidij præfectus rei bene gerendæ oportuni-  
 tem sibi datam arbitratus, cum subito eruptione facta, in opera impetum fecisset, haud  
 igno negotio intra moenia ab Alphonso repulsus est. Atque ita res utrobique feliciter ge-  
 ra, Acerrani Sfortiæ fuga comperta, etsi rebus suis diffidere coeperant, nihil tamen ani-  
 mos remiserunt. Quæ murus disiectus erat materiam atque aggerem continuè sufficiebant.  
 Eterum obsidio ad extremum & obsessis & obsidentibus pariter grauis erat, Italico  
 præsertim militi, qui hac nostra tempestate sub tecto hybernare consueuerat: nec solum  
 propter hyemis acerbiteriam, sed quod tum Clani fluminis vicinitate, tum naturali situ  
 cumiecta regio plurimum aquosa est. Quod cum Alphonsus intelligeret, ne ibi diu-  
 s tempus tereretur, oppidum undique summa vi nouis operibus adiectis oppugnare  
 tituit. Dum hæc parantur, Martinus pontifex maximus Cardinales duos legatos, alte-  
 rum ad Alphonsum, alterum ad Ludouicum mittit: quorum aduentu instituta oppugna-  
 dilata est, ac de concordia inter Alphonsum & Ludouicum per eos agi coeptum.  
 Cumque oppidum ob eam rem obsideretur negligentius, Ludouicus se natum opportu-  
 ratem arbitratus, qua Acerranis opem ferret: qua intermissæ custodiæ erant, plerasque  
 oppidum clam dimisit. Quod facto, euenit ut Acerranis iam nihil amplius oppugnatio-  
 in metuentibus, Ludouicus (quod legati decreuerant) oppidum in eorum potesta-  
 tem tradere abnuerit. Qua de re permotus Alphonsus, oppidum totis viribus oppugna-  
 uti iam constituerat, decreuit: nec legatus dissuadebat rei nouitate animaduersa: ne-  
 ce enim Ludouico fas esse ducebat, interim dum de compositione per legatos ageba-  
 tur, in obsessam urbem præsertim intermissa oppugnatione, militem transmittere. Et quan-  
 tum multis à prælio abstinendum videbatur, quod cum antea oppugnatio difficilis fo-  
 ret, eam auxilij accessione haud dubiè difficiliorem futuram existimabant: fortunam ta-  
 men experiri constituit, quod se non impunè elusum Acerrani scirent. Accedebat alia ra-  
 tio, quod obsidionem, quæ iam propè ad extremum permagno militum labore perdu-  
 ra erat, in æstatem extrahi nolebat: ne aut plus negocij postea haberet, aut si re infecta  
 cederet, ea expeditio frustra à se suscepta videretur, quod existimationis suæ plurimum  
 ferre censebat. Itaque paratis omnibus, oppidum undique oppugnari præcepit: summa vi  
 eptum. Quod cum oppidani animaduertent, ad oppidi tutelam haud segniter con-  
 runt ingentesque lapides atque omnifariam tela è muro in subeuntes iaciebant. Præci-  
 a tamen ijs propugnationis cura circa muri ruinas erat: quod ab ea parte oppidum  
 cilius superari posse videbatur. Quod Xantus cum futurum prouidisset, oppidanis per-  
 tiones dispositis ad eius loci defensionem fortissimum quemque militem collocauerat.  
 phonsus sic exercitum diuiserat: Equitatus & sagittariorum magnam partem muri rui-  
 s opposuit, ijsque Bernardum Centiliam præstantem virum præfecit. Guilielmo Mon-  
 te, pars oppidi quæ ad meridiem spectat, cum parte copiarum oppugnanda est data.  
 quites desilire equis iussi, partim ad Bernardum partim ad Guilielmum accessere: re-



liqui cum Bracio in equis constiterunt, ut quocumque opus esset, sine mora aduolarent. Ceteræ pedestres copię ubi expedire visum est per varia ante oppidum loca distributę, uti vno tempore signo dato oppidani vndeque premerentur. Fortę ea nocte quę antecesserat, ingens imber campos inundauerat, solumque suapte natura aquosum adeo laefecerat, ut nec miles, nec equus vestigio posset insistere: quę res magno incommodum oppugnantibus cecidit. Xantus in medio pugne ardore per oppidum discurrens cum oppidanorum manu & laborantes adiuuabat, & segnius pugnantes accendebat. Maiorem vi ea pars oppugnabatur, quę muro nudata erat. Sed tanta erat eorum virtus, quibus ea tuenda obtigerat, ut nulla vi munimenta superari possent. Multi in fossam ruentes grauer fauciati pedem referre coacti sunt: nec vllum frustra telum in tantam multitudinem ab oppidanis conijci poterat. Dum acriter pugnatur, Guilielmus Moncal fossa ac vallo transmissis ad munimenta audius progressus lapidibus penę est obrutus, cum armorum grauitas & soli lapsus vestigium non recipientis regrediendi facultatem adimeret. Blasus quoque Passaniti comes graui vulnere accepto cum praelio excessisset paulo post mortem obiit. Cuius viri decessu Alphonsus grauer commotus cum maiori conatu oppidum ira percitus debellaret, ne in oppidanos plus æquo saeuiret, legatum orare eum vehementius coepit, atque ut praelio finem imponeret, suorumque labori ac periculo parceret. Non dubitare se inquiens, simul, atque responsio à pontifice allata esset quam expectabat, quin Acerrani cum bona Ludouici veniam pontificis imperata facerent. Quod si fortasse abnuerent, nullam se pro ijs veniam amplius petiturum. his verbis demollitus Alphonsus ut erat natura mitis, etsi rem eodem deducam videbat, ut oppidani diutius eius vim ferre non possent, receptui cani iussit, plerisque oppidanorum vulneratis. De Alphonsi quoque exercitu plures fauciati: nonnulli etiam interfecti: in quibus Franciscus Panormitanus strenuus eques, qui fortiter pugnans cecidit. Post hanc pugnam complurculi dies absque certamine exacti. id modum obseruatum, ne quid subsidij autannonę ab hostibus clam deferri in oppidum posset, donec à pontifice nuncius cum literis redijt. Quibus allatis quod id pontifici placebat, Ludouicus ex oppido praesidium sine certamine euocauit, atque in legati potestate tradi iussit. Quo recepto, Alphonsus Bracio cum copijs in hyberna Capuam dimisso, Neapolim redijt. Haud multo post Tartaralias, cuius fides Sfortię suspecta erat (quod ab Alphonso equos quosdam dono accepterat, & à Bracio diligi videbatur) permittente pontifice, ut quidam auctores sunt, à Sfortia comprehensus est, ac securi percussus. Interim cum de componenda regum conuersa ageretur, inducię factę. quare legatis pontificis iussa permissa. Ludouicus è Castrumaris, cuius arcem adhuc tenebat, atque ex Auerfa praesidijs deductis, ea oppida in legatorum manu deposuit. Sfortię quoque & suorum saluti consultum, ijsque etiam Bracij opera in Ioannę atque Alphonsi gratiam, Beneuentum quod tenebat, accepta fide se recepit. Ea tempestate Aquila ciuitas in Marfis opulenta ac bellicosa quę ad Ludouicum defecerat, Ioannę adhuc imperio rebellis erat. Quam cum sibi ex foedere deposceret, Bracium Ioanna simul atque Alphonsus (neque enim quicquam amplius à Ludouico metuebant) ut ad eam capiendam proficisceretur, permiserunt. Qui cum copijs profectus plerisque circa oppidis castellisque partim vi partim voluntate receptis, commeatibusque interclusis, castris propius admotis urbem ipsam arctissime obsedit. Et iam nihil propere hostile in omni regno videbatur, praeter quam Matheloni: id castellum haud procul ab Aceris situm ab Otino Caraciolo tenebatur. Erant in eo pedites trecenti, qui nihil Campanis quietum aut pacatum relinquebant: ipse quidem Otinus Ioannę infensus vel ob eam maximę causam ferebatur, quod illa Ioannem Caraciolum sibi honore & dignitate pretulisset. Erat is quidem magna prudentia atque elato animo: magnas etiam opes habebat. Quapropter multos & duces & populos auctoritate sua ad Ludouicum traxerat. Itaque cum Alphonsus animaduerneret Campanum agrum ab ea parte infestari: uti eos à maleficio atque excursionem deterreret, quicumque ex ijs capiebantur in naues longas in remigum supplementum dari imperauit. Quo cognito, Otinus captiuos omnes qui in eius potestate veniebant, excelsis manibus, ac naso mutilato, dextroque oculo eruto dimittebat. Atque ut contigebat efferatū ac nefarium bellum vtrinque geri, ita in hoc rerum statu pestilentia urbem Neapolim grauer vexante, Ioanna atque Alphonsus, qui ubi praesent cū praesidio relictis, sese Castrum



aris receperunt. Erat autem omnis ea regio, quantum à Castrumaris ad summum inertæ promontorium pertinet Ludouico amica: necdum enim ad Ioannæ imperium fidemq; redierat, quamvis è regno Ludouicus abscessisset. Proin nè quid inde iramodi rursus aliquando suboriri posset, statuit Alphonfus in ea loca cum classe officisci, id tempus maximè idoneum existimans ijs populis expugnandis, quo omnis auxilij spes ijs sublata videbatur. Ludouico enim submoto, non habebant qui eos militum comineatu iuuarent. Itaque accersita classe cum parte peditatus primùm obside Vicum cœpit: id enim oppidum Castrumaris proximum est: eoq; haud magno labore est potitus. Quo recepto & præsidio firmato, ad Surrentum castra mouit: quod oppidum non plus quinque millibus passuum à Vico abest. Cæterum situ atque opere multo munitius. Idq; machinis & tormentis adhibitis circumsedit. Interea Massæi, quicum oppidum Surrento propinquum est, veriti ne ad se postea duceretur exercitus, legas missis deditionem fecerunt. Quibus rebus cognitis Amalphitani, quæ est altera pars eiusdem promontorii, absque certamine & ipsi in deditionem venerunt. Ad quindecim millipassuum id promontorium in mare protenditur, ab oriente quæ est Amalphis, & alia quædam oppida, vitis, oleæ, citri, atque omnis generis cultarum arborum & frugum ferax fontibus præterea, situ, cœli salubritate, atque amœnitate, omnis Italiæ oræ primum celeberrimumq;. Ab altera parte quæ est Surrentum oppidum, vini suauissimi atque omnis pomorum generis copia: idemdem memorabile Mineruæ promontorium appeatur, quod in eo olim templum esset Mineruæ sacrum. Huic promontorio opposita est Caprearum insula montana plurimum, in cuius pene medio surgit montis editus, vndique præruptus & præceps in mare spectans, secessu olim Tyberij Cæsaris celebris: in quo situm est oppidum eiusdem nominis munitissimum. Quod cum audisset Alphonfus sitis fiducia ab oppidanis negligentius custodiri, nocte intempesta partem classis eodem misit: nique nacti locum custodibus vacuum ad motis scalis in murum primò pauci euaferunt: rox, ut tutum ac liberum ascensum cognouerunt, certatim plures eodem conscenderunt, atque oppidum (oppidanis somno sepultis) ingenti clamore sublato inuadunt. Quo casu tam subito ac tam inopinato consternati oppidani, cum arma capere conarentur, hostium multitudine celeriter oppressi, armis positis præsidium admiscere. Simul omnis infla sine vi repente deditionem fecit. Interea Surrentini, quos obsideri diximus, omni spe auxilij destituti, eum eorum res in dies vehementius coartaretur, & ad obsidionem fines accederet, conditionibus quas postulabant impetratis, præsidio intromisso in deditionem venerunt. Recepto Mineruæ promontorio, quod adhuc pestilens morbus Neapolin afflictabat, Ioanna atq; Alphonfus sese Caietam recepere Artale Luna, cuius opera forti in oppugnatione Surrentina usus fuerat, cum parte classis eius ore præsidio relictò. Tot fortibus factis prosperisq; fortunæ successibus, Alphonfus ad gloriæ incrementum natus, omnium regulum animos in se conuertit. Itaq; qui prius Ludouico fauerant, eius rebus desperatis fortunam sequuti, ad Ioannæ atque Alphonfi imperium redierunt. Per eos dies Alphonfus legatos ad pontificem misit qui ius successionis Ioannæ rogatu peterent: quo impetrato, celeriter reuersi sunt. Per idem quoq; tempus Sfortia ad Alphonsum salutandi gratia Caietam est profectus. Idem fecere reguli qui Ludouicum sequuti fuerant, erroris sui veniam postulantes: ijsq; omnibus venia per benignè à Alphonso data, quanquam Ioanna egrè ferente tam facile ijs ignosci. In id enim maxinè studebat, ut sibi clementiæ atq; humanitatis famam compararet. idq; ad conciliandos sibi regulum atq; populorum animos vehementer conducere existimabat. Ad hoc vq; tempus Ioanna atq; Alphonfus de communi sententiæ omnes bellicas atq; urbans administrare: summusq; inter eos consensus omnium rerum fuit. Cæterum communis regnorum pestis atq; pernicies, inuidia eam quæ inter eos erat, caritatem labefactæ paulatim cœpit: fideq; mutua sublata, in suspensiones, atq; exinde in graves simulas ventum. huiusmodi ferme causis Auerfani Acerrani, Surrentini, Amalphites ceteriq; populi qui vel vi vel voluntate destituti Ludouici partibus, deditionem fecerant: in Alphonfi verba iurauerant. Quod grauiter ferens atq; indignans Ioannes Caraciolus, quoniam quantum auctoritatis ad Alphonsum accesserat, tantum eius auctoritati atque opibus detractum existimabat, meditari cœpit quoniammodo dignitatem suam tueri



posset. Erat hic vir ingentis spiritus: nec ei consilium in omnia vel pacis vel belli mune-  
ra deerat, nec ferre æquo animo poterat, quenquam sibi apud Ioannam auctoritate &  
gratia præferri. Ipse enim cunctis regni regulis non anteire modo dignitate, verum etiam  
imperare consueverat: eratq; omnibus maximè formidolosus. Itaq; inter Ioannam &  
Alphonsum cœpit suspiciones & inimicitiarum causas gerere. Facile verò credidit Ioan-  
na: muliebris nanq; sexus, vt natuta imbecillior ac timidior, ita ad credendum proni-  
us est. Cumq; in dies augescerent suspiciones, & vereretur Ioanna ne se in Cathelonia  
missa, Alphonfus sibi regnum eriperet, dissimulata causa è Caieta Prochyta profecta  
est, quæ insula per breuis haud procul Puteolis est sita, quasi ibi animi causa mansuram  
aliquot dies commorata, Puteolos petijt, vt inde Neapolin trajiceret. Quo audit Al-  
phonfus Neapolin reuerti statuit. Iam enim pestilentia restincta erat: terrestriq; itinere  
ire maluit, vt Capuam atq; Auerfam vrbes inuiseret nondum à se visas. Cumq; Capuam  
venisset, quò magis omnem Ioannæ de se suspicionem ac metum adimeret, ad eam du-  
cendum Puteolos profectus est. Ceterùm eius profectio eam potius suspicionem auxit.  
Quapropter, eo Capuam reuerso, Ioanna mox Neapolin pedibus petijt. Eius maiorem  
celeritatis causa fuit, quòd verebatur, si Alphonfus Neapolin præueniret, ne sibi in grã-  
m non foret in arcem Capuanam (vti constituerat) se recipere, ne uè cogeretur in ar-  
cem regiam præter suam voluntatem se conferre. Neapolin ingressa, cum secus arcem regiam  
iter faceret, præfectus arcis occurrit, illiq; clauis obtulit: cui illa valetudinem calata,  
velle se aliquot dies in arce Capuana esse inquit: mox, ubi conualuisset, reuersur. Al-  
phonfus tam repentinã eius profectiõnem admiratus, se præsertim incòsulto, ne qui illa  
noua machinaretur aduersus se veritus, confestim Neapolim profectus in arcem regiam  
se recepit. Tum dissimulata ad eam diem suspiciones ac similitudines paulatim de se cœ-  
ptæ, nonnunquã tamen Alphonfus, vt suspiciones, si posset, eleuaret, & ad eam ascen-  
dam ibat. Inter hæc Franciscus Darinio, quem Alphonfus Roma miserat, ad eum scribit  
se comperisse, vitæ eius insidias parari, eumq; diem neci suæ destinatum esse, quòd Io-  
annam salutandam proficisceretur. His permotus Alphonfus aduersariorum onati-  
bus obuiam ire instituit: & quoniam Ioannem Caraciolum eius consilij auctorem fuisse  
acceperat, sperabatq; eo comprehenso, omnia prosperè cessura, vt primùm in regiam  
accederet, quò Senatus die ire consueuerat, distingere hominem constituit, nec prius di-  
mittere, quàm sibi Capuanæ arcis potestate facta, Ioanna quæ vellet efficeret. Estimauit  
Ioannam eo viro absente ac velut pignore fidei retento, quæ æqua forent huius repu-  
gnanter facturam quòd in eo sciebat esse omnem reginæ consiliorum summam. Itaque  
hunc haud multò post in regiam profectum iussit in Senatum ire, quasi magnum aliquid  
de regni statu consulturum, neu ipse aut quisquam è suis ex arce egrederetur, obstruere  
præcepit, ne Ioanna illum detineri scire posset, antequam ipse ad eam peruenisset. His  
compositis ad Ioannam citatim proficiscitur. Sed nihil horum Ioannam latuit. Quidam  
enim Bracij notarius ad Alphonsum profectus rem ad eam detulit, simulq; arcem Ca-  
puanam à rege peti, eo animo, quantum coniectura consequi posset, vt eam, arce apta,  
in custodiam traderet. Hoc nuntio propè exanimata, quid ageret nesciebat, præsertim  
omnis consilij eius auctore amisso. Neq; enim dabatur in re tam subita tamq; insperata  
vllus consilij locus. Id tamen ijs qui eam circunstabant, in tanta rerum perturbatione, in  
primis salutare visum est, portam aduenienti claudere. Protinusq; omni arce tumultu  
completa, alij ad alia officia, prout cuiq; vel ratio vel animus suppetebat, sine ordine,  
sine imperio, discurrebant. In tanta trepidatione cum Alphonfus medium iam pontem  
transgressus esset, deiecta repente cataracta exclusus est. Tum qui muros inscenderant,  
eum supernè lapidibus incessere cœperunt. Quod ubi animaduertit, consilia sua prodi-  
ta suspicatus, peruerso celeriter equo pedem retulit, atque extra teli iactum substituit: pa-  
rumque absuit quin lapidis ictu, qui in tergum equi incidit, occubuerit. Deinde ciuilem  
motum veritus, præsertim in viarum angustijs, in forum boarium se recepit. Is enim lo-  
cus visus est maximè idoneus, quòd erat latè patenti campo, in quo magna vis homi-  
num explicare se posset, ac si vis fieret, manu rem gerere. Erat enim ei adhuc ambiguum  
quonam id ciues animo laturi forent. Inter hæc Hispani Cathelaniq; cognito regis  
sui discrimine correptis armis, eò aduolauere. Consternata tanto malo ciuitas, Dyrrha-  
china



mina præsertim factio (nam Andegauenſibus id lætum acciderat) nec pro eo, nec ad-  
 eꝛſus eum arma ſumere audebat. Magna pars domi ſedentes vrbiſ caſum ingemiſce-  
 ant leuatos ſe externi belli metu in domesticum atq; inteſtinum incidiffe. Nec ignora-  
 ant id mali ex inuidia atq; ex ſuſpicionem ortum, quòd complures iniuriæ extarent, quæ  
 in graues inimicitias inter regem & reginam parere debuiffent. Pleriq; tamen offici-  
 i cauſa, nequid plus æquo rex fortasſe per iram faceret, eòdem inermes cõuenere. Hi ne-  
 que ſaluti, neq; excidio propiorem vnquam ciuitatem vllam fuiſſe aiebant. Si enim ipſe  
 Ioanna conſentirent nullam urbem vnquam feliciorem fuiſſe: ſin verò diſſentirent  
 nullam citius periſſe. Futuram inter ipſos Dyrrhachinos ſeditionem, reuocatuꝛos è Ro-  
 ma Ludouicum aduerſarios: ſimulq; omne regnum belli incendio denuò conflagratu-  
 um, cum vtriq; ſuos exercitus ſuosq; duces habituri ſint. In hiſ colloquijs reliqua diei  
 arte conſumpta, cum nulli apparuiſſent qui vim facerent, in regiam ſe recepit. Poſtri-  
 e de reconciliatione per communes amicos agi cõceptum. & Alphonſus quidem rem  
 componi cupiebat, quòd bello domestico in Hiſpaniam reuocabatur, vt Henricum fra-  
 trem è Ioannis Hiſpaniæ regis poteſtate liberaret. Ioanna verò ab ea re prorsus auerſa,  
 ſi ſimulabat placere ſibi de concordia agi, continuo ad Sfortiam miſit, qui eum in gra-  
 tiam receptum oraret, vt ſibi circumuentæ atq; oppreſſæ quamprimum opem ferret.  
 Cuius conſilio cognito Alphonſus, quicquid militum equitumq; habebat, extra urbem,  
 quæ Sfortia venturus erat exire iubet, ne ex arce Capuana Ioannam educeret, aut in vr-  
 bem irrumperet, naualibus ſocijs per varias vrbiſ ſtationes diſpoſitis. Bernardus Centi-  
 a iſs copijs præfectus. Non ignorabat Alphonſus tutius eſſe conſilium, copias in vrbe  
 contineri: ſed verebatur, vbi Ioannam cum Sfortia abire pateretur, ne grauius in ſe bel-  
 lum concitaret. Cognito Sfortiæ aduentu Bernardus copias in quatuor acies diuiſit, iſſe  
 que ſingulis ad eas vias quæ ad urbem ferunt diſpoſitis, ne libera eſſet hoſti procurſatio,  
 tranſuerſis tignis vallum obiecit. Ipſe in primam progreſſus aciem, viam Accerranam,  
 qua Sfortiam aduentare acceperat, tenuit. Qui dimicandi audior appropinquante Sfor-  
 tia, priuſquam ſibi ſatis ſpectatæ hoſtium vires eſſent, audacter congreſſus, cum impe-  
 tum ferre non poſſet, ad ſecundam aciem ſe recepit. Hic paulum retardato hoſtili impe-  
 tu, prælium redintegrare cõceptum. Quod cum Sfortia animaduerneret, ipſe cum paucis  
 in propinquos hortos clam digreſſus, perſraeto qui viæ imminebat muro, ſubito hoſti-  
 bus à tergo improuiſus apparuit. Illi verò perterriti, cum & à fronte & à tergo premeren-  
 tur, telisq; præterea & tormentis ex arce Capuana peterentur, ſeſe in fugam coniece-  
 runt. Ea re conſpecta, tertia acies & ipſa mox terga dedit: quos hoſtes perſecuti propè  
 omnes ceperunt. Quarta item acies vt ſuos proſtigatos ſenſit, ſaluti fuga conſuluit: ho-  
 um alij Capuam, alij in regiam arcem citatis equis ſeſe receperunt. In eo prælio propè  
 omnis nobilitas capta eſt, quæ Alphonſum offici-  
 i cauſa ſequuta fuerat, atque omne in-  
 ſuper militum robur. Sfortia deinde victoriam ſecutus, eodem impetu Capuanam ar-  
 cem, ac protinus urbem ingreſſus, Hiſpanos, Siculosq; omnes expulit, eorum hoſpitijs  
 ſtreptis. Poſt hæc de expellendo Alphonſo cum Ioanna conſilio habito, eaq; primùm  
 parte præſidio firmata, quæ regiam arcem vrbi iungebat, ad Auerſam obſidendam co-  
 pias ducit (ex hoſte amicus & dux factus) ibiq; caſtra ponit. At Alphonſus clade ſuorum  
 cognita, cum neq; pecuniam haberet vnde nouos exercitus compararet, neque claſſem  
 paratam qua acceptam iniuriam vlciſceretur, præſertim inimica ciuitate, angſt animo cõ-  
 ſtit. Spes reliqua erat in ea claſſe poſita, quæ Barcinone ad Corſam expeditionem cõpa-  
 ri ſciebat, & iam inſtructam eſſe exiſtimabat. Muniendæ arcis intentus ad frumenta  
 conuehenda, pecuniamq; conquirendam, in Siciliam mittit: ſimul qui claſſi occurrant,  
 ea fortè in curſu eſſet, iubeantq; conſeſtim Neapolim petere, & quinam rerum ſua-  
 um ſtatus ſit edoceant. Oppidani veriti, ſi qua claſſis aduentaret, ne per arcem in ſe im-  
 mitti hoſtes poſſent, quæ arcis oppoſita erant loca muro obducto firmare: arcis ipſius  
 oppugnationem haud quaquam tentare auſi, quòd ea res propter naturalem ſitum ac  
 munimenta adiecta, non vnius diei, ſed longi temporis obſidio videbatur. Leuia tamen  
 prælia nonnunquam ex occasione conſerebantur. Cum hic eſſet rerum ſtatus, claſſis è  
 Barcinone quindodecimo die hac clade accepta proſecta eſt: triremes decem & onera-  
 tæ ſex fuere. Eius præfectus erat Ioannes Cardona vir fortis atque impiger, qui audita



modò apud Caietam rerum nouitate, & his quæ regi ceciderant, solutis continuò è portu nauibus in altum euectus est. Et primò quidem onerariæ (erat enim ventus vehemens) inter Capreas Aenariamq; conspectæ Baias patierunt, vr quinam esset rerum status diligentius explorarent: deinde triremes sequutæ. Quibus cognitis, repente Neapolim petijt: expositisq; sub arcem naualibus socijs regis iussu castra posuit. Eius aduentus vt aduersarijs tristis, ita Alphonso perquam lætus fuit. Itaque acceptam iniuriam vlcisci posse confusus, castra confestim muniri, nequis in ea hostium equitatu impetus fieri posset, iussit. Locus est pro arce regia quem Corizias vocant latè patenti campo: & ob id equis maximè opportunus: hunc Neapolitani ad primum classis despectum: dispositis permœnia armatis, occupauere: quòd eum equitatu tenere posse existimabant, castrisque obequitantes hostem laceffebant. Non audebant primò regij extra munimenta prodire, vt pote maritimis rebus assueti, atque equestrium præliorum rudes: sed tantùm sagittis ac lapidibus subeuntes arcebant. Pauci tamen, quibus audacia maior erat, munimentis paulùm egressi congregi cœperunt: qui cùm equitatus impetum non sustinerent, sapiusq; in castra repellerentur, Ioannes Cauus, qui inter primos ordinem ducebat, ingenti audacia, Quid est, inquit, cõ militones quòd ita patiamur nostros ab hostibus pelli? An verò vsque adeò animus viresq; nostræ, tam breui tempore consenuerunt, vt tam paucorum equitum incursum ferre nequeamus? Si nemo est, qui sequatur, vel solus in hostes ibo, neque patiar, quod in me fuerit, hoc dedecus nomini gentique nostræ impingi. Hæc vbi dicta, confestim è castris exiit, seque hostibus obijcit. Hunc primò pauci, mox plures sequuti, non solum hostes summouerunt: verùm etiam toto campo præcipites in urbem compulerunt. Post hæc dolijs plerisq; lapide repletis, hisq; pro muro obiectis, aduersus equorum incursum, per vitem, quæ domus cuiusdam parieti ab exteriori parte adiuncta erat, quasi per scalas in muros ascensum, portaque (quam Petruciam appellant,) deiectis propugnatoribus, quos timor inuaserat, ob effusam suorum fugam eodem impetu capta continuoq; excisa trabe, patefacta est. Tum certatim è castris ad eandem portam concursum. Quæ cùm præter spem repentè contigisset, Alphonsus naualium sociorum partem, classẽ inscendere, præfectumq; à mari urbem adoriri imperat. Isq; cum classe celeriter profectus (nondum enim vrbs à mari mœnibus cincta erat) & maior ciuium pars clamore excitato, ad portam Petruciam contenderat. Paucis frustra renitentibus facilè in terram descendit, hostesq; inde propulit. Petrus quoq; regis frater ab alia parte urbem aggredi iussus, vt à diuersis partibus vno tempore laceffiti oppidani faciliùs opprimerentur, Diui Nicolai templum aduersus arcem situm, & item turrim quæ moli imminebat, ad motis scalis occupauit, ingressusq; urbẽ pauiorem ac trepidationẽ perculsis auxit. Ita quantũ vrbs patet ab arce regia ad Petri martyris templum, vna prope excursione captũ est. Ad hæc proximis teetis iniectus ignis reliqua deinceps ædificia extemplò corripuit, longiusq; effusus magnã vrbs partem vento adiuuante haussit. Tum tota simul vrbe trepidari concursariq; cœptum, nocturno tumultu terrorẽ augente. Et alius quidem alio, vt quisq; periculo proximus erat, aut clamore excitabatur, occurrebat. Omnia passim fugientium puerorum, aut foeminarum fletibus personabant. Paulùm tamen suppressit impetũ Francisci Mormini interuentus, qui cum aliquantulo equitatu inuectus, regios repulit. Quod cùm Petrus regis frater animaduertet, repressa suorum fuga, pugnam redintegrauit, paruoq; certamine hostes in fugam vertit. Quibus ad cliuũ vsq; pulsus, reliqua pars noctis quieti data. Fuit autem huius procellæ tanta ac tam repentina vis, vt ei resistere Ioanna nulla vi aut consilio potuerit. Prius enim irruptionẽ in urbem hostes fecere, quàm Sfortia, quem confestim appulsa classe accersuerat, ex Auerfa veniendi spatium habuerit. Neq; enim tam subito obsidionem deferere & copias adducere potuerat. Illa tamen ad eum continuò nuncios dimittebat, & vt adferendam opem captæ vrbi, sibiq; prope iam obsessæ contenderet, flagitabat. His nuncijs permotus Sfortia, ommissa obsidione Neapolin profectus est. Primaque luce urbem ingressus, ad Diuæ Claræ templum citato equo aduolat: iam enim prælium, quod interuentu noctis sublatum fuerat, renouari cœperat: eiusque aduentu primò hostilis impetus paulum retardatus est. Caterùm equorum vsus vel nullus vel exiguus erat. Regij enim continenter perfossis intrinsecus domibus facilè equites lapidibus & omnite-



primum genere è testis summoueabant, interiectisq; trabibus vias præcluserant. Quod  
 iam Sfortia animaduerneret, confestim equites desilire equis iubet, pedibusq; rem ge-  
 nere. Nitebatur eques claustra perfringere. Cæterum urgente post munimenta multitu-  
 dine, omnes conatus frustra erant. Pugnabatur eodem tempore diuersis vrbis partibus:  
 iam quicquid à porta ad cliuiū pertinet, in Alphonfi potestate redactū erat. Itaq; Sfor-  
 tia cum nihil se proficere pugnando animaduerneret, timeretq; ne quo ciuili motu à ter-  
 ro exorto, reditu intercluderetur, quòd pauci admodum ciues eum sequuti fuerant, pau-  
 cis in pugnantium speciem relictis, ne discessus similis fugæ videretur, ad cogendam reli-  
 quam suorum manū proficisci simulauit. Regressusq; ad Capuanā arcem Ioannam rebus  
 suis diffidentem, atq; è periculo vt eriperetur orantem, Pomilianū vicum primò, deinde  
 Nola traduxit. Sfortia digresso, equites quos reliquerat paulatim cedere cœperunt.  
 Quibus pulsus, reliqua pars vrbis præter arcem Capuanam (nemine iam resistente) vna  
 modo excursionem capta & direpta est. Optimates ad quos incendium non peruenerat,  
 consternati in cæta diffugerant: ibiq; abditæ communem calamitatem deplorantes, vlti-  
 mum patriæ casum expectabant. Cæterum Alphonfus, etsi iustam suam iram existima-  
 bat, tamen antiquæ vrbis casum miseratus, incendijs parci iussit: vltioni satis datum arbi-  
 tratus, vt aduersarij scirent sibi cum rege non ignauo rem esse. Deinde ne Sfortiæ pro ar-  
 bitrio euadendi in urbem potestas esset, arcem Capuanam obsideri atq; oppugnari præ-  
 cepit. Huic arci præerat Xantus de quo supra in Acerræ obsidione mentionem feci. Sed  
 tunc multa incommoda circumstabant, materiæ inopia, quatuor turrem murosq; contabula-  
 bat: arci propinquæ domus, in quibus dispositi sagittarij propugnatores in muro consi-  
 dere non sinebant: tum frumenti inopia, quod tanto præsidio vix paucis diebus suffe-  
 rentur videbatur. Namq; repentinus & improuisus casus, nec munimenta vlla, nec rem fru-  
 mentaria prouideri permiserat: itaq; agrè resistebat oppugnantibus. Cognito eius di-  
 crimine Sfortia paucis post diebus ex Nola regressus, ad mille passus ab vrbe castra po-  
 nit, vt si quâ posset, cōmeatus in arcem importaret. Cæterum paucitati suorum diffusus, quòd  
 munimenta arci obiecta erant, auxilij modo spem dabat. Cum hic esset rerū status, qui-  
 am ad Sfortiā in castra venit, spemq; Auerse recipiendæ præbuit. Itaq; properè castris  
 Auerse profectus, arcem à Iacobo Pertusio eius præfecto per proditiōem recepit: quod  
 consilium ciuitas sequi mox coacta est. neq; enim ijs aliter facere licebat. Haud enim cum  
 Alphonfus habebat, qui Sfortiano equitatu opponi posset. Eius vrbis amissio  
 permagno incōmodo Alphonfi rebus accessit, ob propinquū maximè aduersariorū re-  
 ceptum. Sfortia vrbe atq; arce præsidio firmatis, ipsoq; successu acrior factus, cum Nea-  
 poli reuertisset, in eodem, quo prius confederat, loco, castra posuit: vbi cum cerneret  
 frustra tempus terere, irritò incepto Auerse rediit. Quod postquā Xantus animadu-  
 erat, & iam non cōmeatus modò, sed etiam tela deesse cœpissent, sciretq; Alphonsum  
 creuisse totis viribus arcem oppugnare, ac desperaret (propterea quòd ea minus firma  
 esset) posse resistere, suam & sociorū salutem pactus, deditionē fecit. Ioanna interea A-  
 uersam concesserat, simul quò spem obsessis daret: simul quòd vrbs nouandis Neapoli-  
 tanis, ppter propinquitatē opportunior videbatur. Multa illam simul angebant, amissio  
 vrbis, ac patriæ casum reputantē: sed in primis Ioannis Caracoli desiderium, cuius  
 consilio atq; opera forti & fideli in rebus summis, minimisq; utebatur. Itaq; de captiuorū  
 permutatione agere statuit, in eas se calamitates, plasmam existimans, quòd eo viro ca-  
 pisset. Nec reuit permutationē Alphonfus, receptisq; sine pretio Bernardo Centilia,  
 Raimundo Pirilione, qui pro vno Ioanne offerebantur, cæterisq; captiuis, qui in Sfor-  
 tia manu erāt, paruo pretio redemptis, Ioannē dimisit. Post hæc Michael Coxa Ioanni  
 Caraciolo inimicus ad Alphonsum venit, eiq; Aenariæ occupandæ spem attulit. Aena-  
 riæ insula (quā Isclam vocāt) duodeviginti passuum millibus à Neapoli abest, à cōtinenti  
 plus quatuor: opulentior q̃ pro paruitate. In eius penè medio se attollit mons miræ  
 altitudinis, qui olim (vt ferūt) ad Aetnæ similitudinē, terrificos in cœlum ignes per no-  
 tem euomere solebat: reliqua pars plurimū plana est: incolæ habet piscatoriæ, ac ma-  
 rinæ arti assuetos. Contra hanc insulam ad teli iactum mons est mille fermè passus in  
 altitudinē eminens, actantundem circuitu ambiens, paruo ponte insulæ coniunctus ille  
 idem, præruptus & confragosus, atque vno tantum, & eo quidem perangusto atque



arduo calle peruius. In eius fastigio situm est oppidum totam montis planitiem occupans. Ad radices situs est viculus, unde per obliqua & anfractus oppidum aditur. In eo spatium tres turre interiectæ aditum claudunt: domus oppido pro mœnibus sunt. Oppidani in duas factiones & ipsi diuisi erant: quarum altera Coxia, altera Manocia appellabatur. Coxie factionis princeps erat Michael is, quem modò nominavi: Isq; multum apud Aenarienses poterat, non modò propter clientelas, verum etiã propter Prochyta, quam tenebat, vicinitatem. Hic regem docuit id oppidum subitò atq; improviso aduentu occupari posse, quòd oppidani naturali situ freti, circa oppidi custodiam negligentiores essent, pontem eum quo iunctum est insulæ oppidum, noctu clam occupari facile esse: qui occupato ac rescisso, omni auxilij spe, quam in insulæ accolis haberent, sublata, mari circumfessos, aut ferro, aut fame superari posse. Alphonsus homine collaudato, eiusq; opera impensius postulata, ea, quæ sequuta est, nocte cum triremibus misit qui pontem occuparent: simul qui quanta foret maris altitudo ad ima rupis explorarent, vt sciret an onerariæ naues saluis carinis eousq; subire rupem possent, vt nauales socij ac milites ipsam non incommodè exponerentur: ijq; intempesta nocte (vt iussi fuerant) profecti non sentientibus oppidanis, pontem subitò occupauere. Alij explorato fundo ad regem quamprimum reuersi, pontem occupatum atq; intercisum, & cum onerarijs ad rupem satis tutò accedi posse renuntiarunt. His rebus cognitis, & ipse paucis conscijs ad insulam profectus est, vt eadem quæ acceperat, oculis spectaret. Indeq; celeriter reuersus omnibus ad oppugnationem oppidi comparatis, insulam repetit, onerarijs quibus opera bellica vehebantur subsequi iussis. Oppidani vt pontem occupatum classemq; adesse conspexerunt, aliquandiu attonitis similes constitere: receptis deinde animis, doneis quibusque locis armatos, ac tormenta per oppidum disponere. Profectus nauibus Alphonsus, priusquàm pugnae signum præponeret, per præcones pronuntiare iussit, se oppidanis potestatem facere mittendi ad se quos vellent è suis, si fortè res sine vi ac certamine componi posset. Itaque oppidani duos accepta fide ad illum miserunt, ijsq; in mandatis dedere, vt tantummodo regem accederent: audita ad se referrent. Hos ac se profectos pluribus verbis ad deditionem hortatur, ac docet non ita ijs situ confidendum esse, vt vim eius quàm benignitatem experiri malle debeant. Satis ijs exempli esse debere depulsum modò Neapoli Sfortiam, & ipsam Neapolim vi captam, quæ tanta ciuitas si suis viribus obsistere non potuit, qua tandem spe freti Aenarienses resistere posse confidant? Non esse sibi cum regina bellum, quam pro matre haberet & coleret: sed cum ijs qui inuidia stimulati aduersus se reginam concitauerint: nec descituros eam à regina, si secum consenserint: sed ab ijs qui priuati commodi & ambitionis causa eam à se abalienauerint, nihil se eorum viribus detracturum: tantum petere vt positis armis suum præsidium in oppidum ac arcem reciperent. Ab hoc sermone legati in oppidum regressi, cum nihil respondissent, atque hæc ad suos perlaturus dicerent, senatu coactò quæ ab Alphonso acceperant retulere. Quæ cum Christophorus Manocius audisset, aduersæ factioni suæ homines secedere, & eos qui suaderent pro hostibus habere atq; interficere iubet. Quo terrore adacta Coxia factio, cum aduersari non auderet, & ipse ad oppidi tutelam omissa pacis mentione coierunt. Alphonsus, cum nemo responderet, & per clamores dissonos rem aduersæ parti non placere coniectaret, frequentiores quæ ad defensionem oppidanos conuenisse animaduerteteret, experiri vim statuit. Itaque ex templo Ioannem Cardonam ad Mariæ ædem, quæ è regione oppidi sita erat, cum nauium & copiarum ducibus conuenire iubet, vna cum ijs de ratione oppugnationis consilium capturus: nam ceteri insulæ accolæ vt pontem intercisum cognouere, haud cum stantèr deditionem fecerant. Omnibus (vti imperatum erat) eò profectis, oppidanorum primò pertinaciam detestatus, prælium sic instituit. Nauim vnã ceterarum maximam, ad eam quæ orientem spectat, quatuor reliquas ad eam rupis partem quæ in meridie, ire præcipit. Rostratas duas maiores cum totidem minoribus ad suburbium quod ostendi, ad imam rupem situm, oppugnandum. His ita constitutis & comprobatis, ad ea paranda quæ reliqua erant, continuò discessum. Interea oppidani e loca, quæ minus difficulter subiri ab hostibus posse videbantur, munierunt: foemina atq; ijs qui imbecillioris ætatis erant, procul à prælij tumultu in arcem missis: ad suburbium quoque



uoq; turresq; interiectas, qui tuerentur missi: reliquū diei ac noctis tempus quieti dā-  
m. Vbi altera dies illuxit, propositum pugne signum, ad quod tantus hominū clamor  
in coelum sublatus est, quantum vix oppidanorum aures ferre potuerunt. Tum naues ad  
estinata loca remulco agi coeptæ, primaq; omnium Generij naus ad præstitū locum  
appulit, pontemq; in rupem exposuit. Cumq; intueretur Alphonsus Campi ro-  
undi nauem, quod ad septentrionem mare ætiosum erat, non posse pontem in rupem  
stere, tres expeditos iuuenes ad se vocat, atq; ijs mandat, vt in rupem transgressi funem,  
uo pons alligatus erat, ad virgulta quædam procul visa deligarent. Quo facto duo ex  
s, quibus audacia maior erat, per abrupta, atq; auia querere aditum ad oppidum coepe-  
re: multi nanq; anfractus erant, quibus furtim ad fastigiū niti posse videbantur. Ij post-  
uam paulū processere, in rupem adeo rectam, atq; arduam inciderunt, vt agrè tenta-  
nt. Fortè tum euenerat, vt è duobus custodibus, quibus ea pars custodienda contigerat  
nam quod locus ipse munitissimus erat, idcirco minus suspectus ab hoste habebatur.)  
ter ad eum locum perrexisset, vbi Christophorus Manocius laborans pugnabat. Hoc  
itur vno intercepto, & cæso, locum clam oppidanis capiunt, tacitq; subsistunt, donec  
ij quidam eorum audaciam imitati, eodem conscenderunt. Interea nauales socij stre-  
uo saltu in rupem exilientes obiectis clipeis contra lapidum ictus ad oppidum scan-  
dere contendebant. Caterū ea vis hominum fuit simul à nauibus exire certantium, vt  
eneriæ, ac Cæsaraugustanæ nauium præ nimio pondere effractis pontibus complures  
mare prolapsi interierint. Ex quo contigit reliquos non aliter quā per propinquas  
naues exilire in rupem posse. Naui quoq; Pisane cum eadem fortuna accidisset, quin-  
que ea enecti sunt. At qui in Campirotundi naue erant, & in cæteris quæ ad eandem par-  
tem se contulerant in terram egressi, ad oppidum per ardua, & confragosa loca eniteban-  
tur. At oppidanos natura loci adiuuabat, quod rupes adeo procliuēs erant, vt non emi-  
ssimodō tormenta: sed etiam saxa pondere suo prolapsa grauissimè in hostes inciderēt.  
atq; multos audacius subeuntes vulnerabant. Quod cum Alphonsus intueretur, vt eos  
de auerteret, ad suburbium oppido subiectum contendit. Oppugnabatur oppidum  
nimia vi à mari, nec minus ab insula omni tormentorum genere adhibito. Oppidani vt  
clere suburbia ab hostibus peti, ad eam partem tuendam haud segniter ierāt. Quo viso  
phonsus confestim scapham ingressus, propius accessit, quō suos ad pugnandum ala-  
ores redderet, ad animandos in prælijs milites regis conspectum multum valere non  
sciens. Inter hæc simul qui oppidum ciām introierant, simul qui tecta proximè subibāt,  
intempta hostium paucitate, clamores tollunt. Itaq; oppidanis ancipiti casu consterna-  
tum, cum stationes deseruissent, regia quæ pro muro erat, primò capta: deinde per oppi-  
dum discursum. Cum autem Alphonsus suburbia petens in scapham descendisset, præ-  
celsitudine conscendentium conuersa in latus scapha, ipse in mare armatus excidit: adif-  
q; in tanto tumultu vitæ periculum, nisi quidam nandi periti eum obluçantem flucti-  
bus confestim exceperant. Vicum deinde defensoribus vacuum nactus, nullo repugnan-  
te cepit. Et iam regij casus fama, quæ semper in peius efferri solet, plerosq; iam oppidum  
reptos ad curam salutis illius reuocauerat. Quem postquam incolumen subeuntem  
videre, confestim reuersi, oppidanos, arma ponere coactos, diripuerunt. Per hūc  
dum intra horam fermè quintam, ex quo pugnari coeptum fuerat, debellatum est op-  
pidum. Restabat arx, in quam multi se oppidanorum salutis causa receperant, munitior  
am quæ vno impetu capi posse videretur. Stationibusq; ita circa eā dispositis, ne qua  
e eruptio fieret, reliqua diei, ac noctis pars quieti data. In eo prælio multi vtrinq; de-  
erati sunt: plures etiam vulneribus affecti. Postridie Alphonsus cum clementia sua in  
os vt i statuisset, captiuos omnes liberari, ijsq; domos restitui iussit. Qua re cognita,  
qui in arcem confugerant, salutem pacti deditionem fecerunt. Recepta arce, eaq;  
præsidio firmata, Neapolim redijt, ex tam muniti naturali situ oppidi  
expugnatione ingens nomen, & gloriam adeptus.





DE GESTIS ALPHONSI I.  
BARTHOLOMAEI FACII RERVM GESTA-  
RVM ALPHONSI PRIMI REGIS NEAPOLI-  
TANI LIBER TERTIVS.



Am hyems instabat, cum literæ ad Alphonsum delatæ sunt, quibus Hispaniam accersebatur. Nanque inter Ioannem Hispaniæ regem, fratres eius oborta contentio, ac discordia, eousque creuerat, ut à protectione absistere nullo modo posset. Inimicitiarum causa fuerat, quod Ioannes Henricum Alphonsi fratrem, cui Galleciæ principatus obtigerat, in custodia tenebat, propterea quod Catharinam sororem sese inueto, uxorem ceperat. quæ cum existimaret non passurum fratrem, ut illi nupta esset, cui nimè cupiebat, magnis itineribus in Aragoniam clam fratre contenderat. Itaque confuit Barcinonem quamprimùm traicere, ijsque conuocatis quorum consilio utebatur, protectionis suæ necessitatem pluribus verbis exposuit. Posthæc ad res ordinandas conuersus, Petrum fratrem summæ rerum præfecit, multis summa nobilitate & consilio viris, quorum consilio in rebus administrandis vteretur, ei adhibitis. Et ut non minus animis, quàm consilio partum regnum firmaret, non exiguum peditum atque equitum numerum ei attribuit: ne uel duces deessent, per quos res bellicæ, si opus foret, gererentur. Iacobum Caudolam, ac Bernardinum Cardam homines rei militaris peritissimos, mercede conductos (hi ad mille equites ducebant) apud eum reliquit, ciues ut in fide officio permanerent, fratrique obtemperarent, exhortatus. Imprimis verò palam professus est non esse sibi in animo reginam regno spoliare, sed tantum efficere atque eniti, ut per inuidiam atque per odium eorum, qui apud illam gratia atque opibus pollerent, eo regno pelleretur: quod à se fugato reginæ hoste pacatum esset, quodque sibi post reginæ mortem successionis iure deberetur: tantumque abesse ut eam vellet regno exueret, ut nihil æquè optaret, quàm ut positis certaminibus atque inimicitijs, cum illa in gratiam rediret: simul spe celeris reditus facta, omnibusque diligenter prouisis Caietam traiceret: et Antonium Lunam cum præsidio præficeret, confirmatisque ciuium animis, cum duodeviginti rostratis, ac onerarijs duodecim in altum euehitur. Vix dum è Caietæ conspectu classis abscesserat, cum subito exortus Africus naues dispulit: Ipse cum paucis rostratis summo remigum labore ac nixu, retro ad Caietæ portum delatus est. Cæterarum aliorum Pontiam, aliæ propinquas insulas tenuerunt. Post sedatam tempestatem solutis nauibus Pontiam, quod reliquam classem cursum tenuisse suspicabatur, petijt: ibi totam noctem classem (nulla enim naus perierat) onerarias, quæ triremium cursum sequi non poterant, ad Stœchades insulas conuenire iubet. Nanque statuerat ex itinere Massiliam oppugnare, quod Ludouicum, qui adhuc Romæ erat, cum Ioanna amicitiam renouare, nouaque belli consilia agitare acceperat. Itaque Ioanni Cardonæ onerariarum præfecto imperat, ut ad Stœchades insulas cum nauibus proficiscatur, ibi se eum cum rostratis præstolaturum monet, si eò prior aduenerit: si inde discesserit non expectatis onerarijs, sese inueni literas arundini illigatas in demonstrata quadam insulæ parte relicturum: quibus quid à se agi vellet scire posset. Sin verò ipse prior venti beneficio præueniret cum onerarijs, ut eum ibidem anchoris iactis expectaret: neque pronuntiaret velle se Massiliam oppugnare, ne quid de eius consilio Massilienses præsentirent. Ipse altum petens cum rostratis remibus ad easdem insulas contendebat, & iam ad Planasiam insulam peruenerat, cum iterum oborta mari tempestas classem disiecit, onerarijsque altum tenentibus rostratis in Niceæ portum delatæ sunt. Prosperum deinde ventum nactus, ad destinatas insulas cursum contendit. Ibi cum onerarias eodem conuenire iussas, non reperisset, suspicatus euentu iactatas Barcinonem petisse: ne Massiliæ oppugnationem differret, institutum cursum persequi decreuit: accitisque ad se triremium ductoribus, quod ad eam diem occurrerant, consilium eis aperuit hortatus ut præsentibus animis rem susciperent, quæ ingentem ijs gloriam, prædamque allatura esset, nec vereretur, quod onerariæ abessent: facile enim Massilienses inopinato suo aduentu opprimi posse: at certe quando res ex sententia non succederet, absque detrimento discedi posse. Cunctis operam strenuè pollicetur.



bus, postridiè idoneam ad nauigandum tempestatè nactus, sub quartâ noctis vigiliam  
 ad paruam admodum insulam, quæ in conspectu Massiliæ est sita, classem appulit, ibiq;  
 gere de tota oppugnandæ vrbis ratione cœpit. Difficilem faciebat oppugnationem lo-  
 i situs non natura modò, sed etiam opere permuniti. Namq; Massilia à tribus fermè par-  
 tibus mari alluitur, pars reliqua altis mœnibus circumdata est: quæ pars austro exposita  
 est, hanc rupes ingens inexpugnabilem facit. Sinus introrsus recedit, qui portum efficit  
 et angustis faucibus. Duo excelsa templa cum præaltis hinc atq; hinc turribus portum  
 laudunt: inter quæ Syrtis quædam posita, eas faucium angustias coarctat, ad cuius ex-  
 tremum sita est Pharus manu facta: quæ cum altera parte, quâ altius est mare ferrea ca-  
 thena iungebatur. Hac loci natura freti Massilienses conspecta classe, de cuius aduentu  
 per quosdam Nicæenses cognouerant, regios conatus contemnere videbantur, & ob  
 rem nulla ex circumiectis agris auxilia accersierant. Sed multis sæpe vrbibus negli-  
 gentia exitio fuit. Sæpe contemptus hostis ingentem calamitatem attulit. Erat fortè in i-  
 lius portus faucibus naus quædam oneraria: Hanc visa regia classe, confestim mali fa-  
 tigium ad turrim quamproximè appulsam nautæ religarunt, quam regij aggressi cum  
 triremibus quatuor, cum inde vi diuellere nequirent, Alphonfus turrim ipsam à terra op-  
 pugnare primùm constituit. Huic verò turri, vt ostendi, cathena iuncta erat. itaque trire-  
 mium quatuor cohortes confestim in terram defilire præcipit, ac turrim oppugnare. Nec  
 multo post ipse cum paucis eodem profectus est. Dura erat eius turris oppugnatio, ijs  
 qui in præsidio erant, creberrimè grandinis modò lapides, atq; omne telorū genus inij-  
 cientibus. Quod vbi Alphonfus animaduertit, exterioris circuli portæ illico faces inijci  
 imperat. Miraculum rei adijciunt, subito coorto imbri flammam restinctam. Cumq; ite-  
 rum iniectus ignis portam denuò corripuisset: rursus imbris casu incendium obrutum.  
 Quæ res cum esset à plerisq; in religionem versa, & ob id abistendum ab oppugnatio-  
 ne censerent, iussit Alphonfus, vt tertio ignem conijcerent, non passurum se vltius con-  
 ci affirmans, si tertio ab imbri defenderetur. Itaq; cum tertio faces iniectæ essent, confe-  
 tim nullo iam obstante imbri, flammæ vis portam hausit. Quo casu qui in turri erant con-  
 territi, regi polliciti sunt se nullâ inde vim facturos, si ab ipsius turris oppugnatione absi-  
 ceret, ac si accideret vt vrbe potiretur, sese in eius potestate fore. Quib; auditis Alphon-  
 fus ne ibi diutius tempus tereret, satis sibi esse arbitratus, modò eos non haberet aduer-  
 sos, ita se omisfurū oppugnationem respondit, si propugnacula turris deijcerent. quod  
 cum illi haud cunctanter fecissent: ad triremem regressus, Ioannem Corueriū cum tri-  
 remi recta ad secandam cathenā cum dolabris anteire imperat. Itaq; celeriter profectus  
 athenam ex mari in lembos tectos extractam cadere aggreditur. Tum ex altera turri  
 atq; ex vrbe tormenta ac saxa in triremem coniecta. Lembi etiam pleriq; hostiles aduer-  
 sus regios tela iacentes cathenæ sectionem impedire conabantur. Ceterum triremes re-  
 quæ turrim, quoad tutò poterāt, subeuntes propugnatores sagittis incessabant, nec in-  
 tro apparere patiebantur. Inter hæc naualis quidam socius, Alphonso detulit, esse lem-  
 bum quendam intra portū incustoditum, qui facile capi possit, ceterum remis inermem,  
 non cōprehensū atq; armato, terror inijci oppidanis possit. Quod vbi accepit, eum con-  
 festim arripit, remosq; inferri, atq; armatis hominibus cōpleri imperauit. Id cum strenuè  
 fecissent duos oppidanorum lembos in se concitè venientes inuadunt, capiuntq; & ad  
 quadraginta lectos viros in ijs imponunt, quibus cum portū obeuntes nauiculam quan-  
 tum adorti comprehenderunt: qua capta, & armata, reliquas omnes onerarias, quæ in  
 portu erant, cepere. Hic tantus rerum successus Alphonso spem attulit, quando ipsa ca-  
 thena ferro secari non posset, urbem ab ea parte cum nauibus captis, capi posse. Ingens  
 certamen ad cathenā erat, contendentibus summa vi hostibus, ne claustra perrum-  
 perentur. Qua tandem rescissa, consultatū (nam iam prima noctis vigilia erat) vtrum re-  
 a in portum vno agmine irrumperent, urbemq; oppugnarent, an oppugnationē in po-  
 steriorum diem differrent. Suadebat Ioannes Cardona vt in posterū diem certamen extra-  
 cerent, nec per noctem in vrbe in maximæ parti ignota, prælia confererent, rem magni di-  
 minis esse affirmans noctu cum oppidanis pugnare, quorum tela certiora futura es-  
 sent præferentibus regijs per urbem faces, quæ quidem sequentes proderent. Contrà  
 Coruerius ne respirare terrosos sinerent, dum nox terrorem augeret, satius fuisse dicti-







as dixi, causæ, ac belli insuper Hispani moles, ne quid amplius in his locis moraretur, gebant, quamobrem in Hispaniam, ut constituerat, ire perrexit. Necdum multum navigando processerat, cum subito exortus in adversum ventus adeò mare commouit, ut pulsas nauibus vel preciosarum rerum iacturam fieri oportuerit. Hæ tamen post longam iactationem Palmosam nulla omnino amissa, delatæ sunt. Inde paucos moratus dies in iactatos reficeret, tranquillo vectus Barcinonem traiecit. Lætus ijs, ac maximè iuandus eius aduentus, ut diu desiderati regis, ut gloriosi victoris fuit. Iam enim ad eos, adeò in omnem Hispaniam tot rerum ab eo prosperè simul & magnificè gestarum, na peruagata fuerat, quibus Cathelonicum, atq; omne Hispanum nomen non meocriter illustratum esse animaduertebant. Itaq; quàm maximo honore potuerunt eiusuentum celebrare: nulla re prætermissa, quam ad id munus pertinere existimarent. Nec minus ceteræ Cathelonix, atq; Aragonix ciuitates, ac reguli eius salutandi & congratulandi gratia Barcinonem profecti, inter se de officio certabant. Fuit autem hic ante aduentu eius in Italiam, tertius. Interea Ioanna. ob Alphonsi discessum occasio, ut sibi videbatur, naçta qua amissam urbem Neapolim reciperet (magnum enim litum numerum ab Alphonso transuectum in Hispaniam sciebat) de reuocando Ludouico, quem antè pro hoste habitum regni finibus expulerat, consilium cepit. Cumq; ret Martinum pontificem maximum, illi amicum esse, nulliusq; opera facilius reconciri posse, legatos ad eum misit, qui ea de re agerent. Nec fuit pontifici difficilis ea reconciliatio, Ludouico eam rem vltro, & maximè expetente. Renouata igitur amicitia, ac edere, Ludouicus ex hoste hospes repente factus, Auersam ad Ioannam profectus est. Coniunctio maximæ voluptati fuit Andegauensi factioni, quæ prius Ludouico expulso, omni prorsus spe sibi exuta videbatur recuperandæ in perpetuum dignitatis. Itaque cum inter se occulta consilia agere, atq; illius rebus, quoad tutò possent, fauere cœperunt. Multiq; etiam ad eum sese Auersam contulerunt, operam, studiumq; omne pollicentes. Cum autem Ioanna, & Ludouicus sese Neapolim, ceterumq; regnum, priuatis rebus recuperare posse diffiderent, externa auxilia poscenda censuerunt: ea maximè, quæ mari pollerent. Ea tempestate Philippus Maria Mediolanensium princeps, cuius res omni Italiæ formidolosæ erant, urbem Genuam, propter ciuium dissidia, tenebat, atq; ingens eius auctoritas, terra quidem propter equestres copias, quibus abundabat, mari verò propter Genuenses, quorum in rebus maritimis magnæ opes erant. Huius itaq; amicitiam imprimis sibi petendam duxere. Nam cum sibi classe imprimis opus esse animaduertent, eam non aliunde commodius, quàm è Genua se consequi posse intelligebant, præsertim cum scirent Genuenses, ad veterem amicitiam, in vtrunq; propositum esse. Quod consilium cum pontifex comprobaret, legati ad Philippum, ac deinde Genuenses missi, ijs; suadendo perfecere, ut bello adiuuantur. Alphonsus per id temporis Genuensibus infensus erat, propter Corsicam à se bello petitam. Itaq; facilius ea re Philippo obsequi onerariarum duodecim, ac triremium quinque & viginti classis effecerunt. Huic classi Philippus Guidonem Forellum, vnum è copiarum ducibus, præfuisse voluit, patientibus æquiore animo Genuensibus alienigenam hominem aduersum foederis formulam classi præfectū dari, quòd eos pecunia in classis stipendium Philippus adiuuerat. In eam classē præter nauales socios, lectissimum peditatum, equitesque complures misit, qui, ubi quid terra gerendum foret, hostium impetum sustinerent. Al decem millia hominum, qui pugnare possent, in ea classe fuisse accepimus. Dum tractatur, Ioanna ac Ludouicus de recipienda primū Caieta agere cœperunt, cuius rei cultatem classis beneficio sibi oblatam videbant. Erat enim ea vrbs & ad classis receptum portu tutissimo peropportuna, & propter vicinitatem ad bellum Neapoli, atq; adeò iuerso agro Campano inferendum maximè idonea (neq; enim abest à Neapoli plus triginta millibus passuum) egitq; Ioanna cum Christophoro, ac Rogerio è Caietana urbe regulis, quibus in ea vrbe magnæ clientelæ erant, propter oppida, quæ tenebant Caietæ circumiecta, ut in aduentum classis Caietanorum animos eorum, quibus amicisuebantur præpararent. Postquam verò Petrus regius frater certior factus est Genuensibus pro Ioanna & Ludouico Philippi iussu classē moliri, coacto in urbem frumento, quibusq; ad obfistendum necessarijs attentiore cura præparatis, ad Bracium misit, qui



rogaret, si Alphonſi ſtatum ſaluum eſſe cuperet, vti Neapolim quamprimum cum exitu contenderet. Bracius per id tempus adhuc urbem Aquilam obſidebat, ſtatuerat non prius ab obſidione diſcedere, quàm eam cepiſſet, quòd intelligebat (vrbe illa tationis ſuæ facta) poſtea in manu eius fore, cui velle Neapolitanum regnum tradere, gesq; qui de regni poſſeſſione certabant, amicitiam eius magno empturos eſſe: quapropter irrita ad eum legatio fuit. Aduerſus quem aliquanto poſt, ita poſtulate pontifice belli ſocijs, cùm Sfortia à regina cum exercitu mitteretur, in tranſitu Aterni fluminis (quem nunc Piſcariam ab oppido vicino vocant) dum periclitanti armigero opem ferre conatur, vorticibus rapidis, cum equo in profundum abſorptus, nuſquam poſtea apparuit. Nec multò poſt Iacobus Caudola, ac Franciſcus ipſius Sfortiæ filius, adoleſcentiam tum magnæ expectatiſſionis, cum copijs eodem miſſi: cùm per montana ſupra Aquilam veniſſent, ipſum Bracium per contemptum hoſtium patientem omnes prius copias in planum deſcendere, quàm pugnam inciperet, acie vicerunt, eo caſo, totoq; exercitu propè capto. Inter hæc Genuenſium classiſ parata atq; inſtructa è Genua ſoluit: eaq; cùm ad Caietæ conſpectum perueniſſet, ijs, qui Alphonſi partibus fauebant, magno terrori fuit: nec ob id, quòd urbis munimento diſſiderent: ſed quòd magnam ciuium partem Ioannæ ac Ludouico affectam, rerumq; nouandarum cupidam intelligebant: quorum conatus pertimeſcebant. Et quanquam eorum conſilium Antonio Lunæ præfecti urbis non obſcurum erat, tamen diſſimulanter id ferebat, nec punire ſontes, nec expellere vrbe auſus, quòd verebatur, ſimul ac quaſtionem de ſuſpectis habere cœpiſſet, ne illorum vim ſuſtinere poſſet. Appulſa igitur ſub urbem claſſe, expoſitisq; in terram nauibus ſocijs militibusq;, Guido classiſ præfectus, vti monitus fuerat, terra mariq; Caietanos circumſedit: multiq; ad eum à Ioanna equites cum Chriſtophoro Caietano in caſtra acceſſere. Antonius, quoad potuerat, urbem munierat, diſpoſitis per muros vigilibus, & nequid noui aduerſæ partis homines moliri poſſent, obſeruabat. quorū nullus primo classiſ aduentu ſe ducem ad arma capienda profiteri auſus eſt. Iitriduo poſt cœptam obſidionem, cùm non auderent vim facere præſidij metu, terrorem iniiciunt: docent tam grauem obſidionem fruſtra tolerari: nam neq; ab Alphonſo Hiſpano bello occupato: neque à Petro eius fratre: cui nulla ſit claſſis, ſubſidium vllum expectari poſſe. Stultum autem videri, vbi auxilium deſperes, quòd tueri nequeas, id tamen pertinaciter ob cupiditatem velle defendere. Mare à claſſe clauſum, terra ab exercitu teneri, nec iam vllum obſeſſis effugium patere. urbem præterea non uſque adeò munitam eſſe, vt tanta claſſis, tantiq; exercitus ſimul Ioannæ, ac Ludouici vim ſuſtinere poſſit, quapropter ſuæ & præſidij, ciuitatisq; ſaluti conſulendum: antequam hoſtis muros quaterere inciperet. His perterrefactus Antonius, quòd in ijs, qui amici Alphonſo erant, parum opis intuebatur: cedendum neceſſitati ratus, conſilium ſalubre magis, quàm honeſtum arripit, patetisq; ſuam, & præſidij ſalutem, Neapolim ad Petrum abiit, quo digreſſo, haud mora Caietani deditionem fecere. Vrbe Caieta præſidio firmata, Guido tranquillum naſtus mare Neapolim petijt, extraq; teli iactum anchoras in portu iecit. Quòd poſtquam Petrus animaduertit, ſtationibus per muros tormentisq; diſpoſitis, omnibusq; cum cura effectis, quæ ad muniendam tuendamq; urbem pertinebant, nequid eum falleret, circumſpiciebat. Poſtridie haud procul à templo Mariæ Carmelitanæ Guido copijs in terram expoſitis caſtra ponit. Leuia de hinc prælia inuicem committi cœpta. Dum autem Petri equitatus in Auerſanum excuſſionem facit, Remundus Anechinus, qui ſub Iacobo Caudala militabat, capitur, atque ad Ludouicum perducitur. Quem cùm ſciret Iacobus imprimis charum eſſe, peridoneus ei eſt viſus, per quem cum Iacobo de recipienda vrbe Neapoli ageret. Itaq; hominem ſeorſum placidè affatus, quid ad Iacobū perferri vellet edocet, ſpeq;, & promiſſis ingentibus oneratum, à ſe dimittit. Ille conſeſſum ad Iacobum reuerſus, remotis arbitris, ei Ludouici mandata aperit. Quæ vbi audiuit, renuntiare iuſſit ſeſe in id quòd peteret paratum eſſe, & qui id exequi poſſet, meditaturū: in hoc conſilium aliquot dies conſumpti. Neque enim abſque magno diſcrimine, & aſtutantes agi poſſe videbatur. Erant enim apud Petrum & alij quidem præſtantes copiarum duces præter Cathelanos, & Hiſpanos, vt ab eo cauſiſſimè agi oporteret. Cæterum claſſis præſentia eius animum ad rem perficiendam confirmabat. Tum magnam ciuitatis par-



partem ad Ioannam inclinare animaduvertebat. Hæc quanquam ab eo occultissimè  
gebantur, tamen Petrum non latebant: sed veritus hominis potentiam dissimulandum  
dissimulabat. Erant enim in Iacobi manu portarum clauēs, vt periculum esset, si quā vis  
uersus eum pararetur, ne vno momento propter auxilij propinquitatem cuncta euer  
ret. Molliendum igitur potius, & vincendum omni officio eius animū, (si fortè à propo  
sito reuocari posset) quàm irritandum, & quod sine suspicionis significatione fieri pos  
t nequid noceret, præcauendum. Itaq; nec vrbs custodiam omittebat, nec omnes vno  
tempore copias in hostem educi sinebat. Sed postquam Iacobus consilia sua palàm fa  
a cognouit: maturandum ratus: priusquàm ei vis afferretur, Ludouicum monet, vt  
uidonem postero die in armis paratum esse iubeat, simul quidnam constituerit edo  
et. Postridie hostes instructa acie ad urbem succedunt, veluti moenia oppugnaturi. Quod  
im Iacobus animaduerneret, ijs obuiam cum equitatu, & magna peditatus parte repen  
t prodijt. Cæterum paulo post primum congressum, quasi eorum vim sustinere nō pos  
t, ex composito cessit: hostesq; fugientem consequuti vnā cum eo urbem inuecti sunt.  
tunc tumultus & trepidatio repente totam urbem peruasit. Hispani, Cathelaniq; cogni  
o dolo, vt quisq; potuit, in tanto, ac tam inopinato casu alij arcem regiam, alij aliò effu  
fuga sese receperunt. Quæ cum Petrus animaduerneret cedendum fortunæ arbitra  
us, & ipse in arcem concessit. Hispanorumq; & Siculorum domus direptæ, et si qui com  
rehensi sunt, pro captiuis habiti: totaq; vrbe cum ingenti clamore discursum est, nec  
uicquam præter arces superfuit, quod non vna modò excursionē captum fuerit. Qui ar  
em Capuanam tenebant, paulo post salutem pacti, deditionem fecerunt. obsidebatur  
rx regia. ad hæc res frumentaria deesse cœperat. Magnus enim hominum numerus in  
so tumultu captæ vrbs in eam confluerat. Sed eam inopiam, vnus naus interuentus  
bleuauit: quæ violentiore vento de industria expectato, pleno velo ad arcem delata:  
umentum, quo erat onusta, inuitis hostibus, exposuit. Alphonsus per id tempus in ha  
endis delectibus, contrahendisq; copijs occupatus erat. Cui postquam renuntiatum  
st amissa Neapoli, arcem obsideri, dignitatis suæ esse statuit, fratrem quamprimum ob  
dione liberare. Itaq; Artalem Lunam cum parte classis qua Barcinonem vectus fuerat,  
Neapolim confestim proficisci iubet: & quæ frater imperaret efficere. Isq; secunda tem  
estate vsus, paucis diebus Neapolim profectus est. Frumento in arcem illato ( iam e  
im Genuensium classis abierat) & arcem famis periculo, & Petrum obsidione libera  
it. Ad eius classis conspectū, Neapolitani confestim armatis moenia compleuere statio  
ibus oportunis quibusq; locis dispositis. At Petrus cum se ciuitatem ea classe recipere  
osse diffideret, omni turba inutili inde sublata, classē conscendit, ac Siciliam repetijt.  
ter hæc Alphonsus cum copijs Ioannis Hispani regis fines ingressus, ei intentabat ma  
is, quàm inferebat bellum, quo finitimis populis terrore iniecto Henricum fratrem di  
mitteret. Ioannes quoq; frater Nauarræ rex, qui antè Henrico non nihil aduersus fuerat,  
o Alphonso persuasus, mutato repente consilio suadere Ioanni cœpit vt fratrem abire  
ateretur: seq; non passurum nisi id faceret, fratrem diutius distineri. Itaq; Ioannes etfi  
as parauerat copias, quibus Alphonso obsistere se posse confideret, tamen omissis bel  
consilijs, dimittere Henricum statuit: Quo dimisso, pax facta est: moxque Alphonsus  
eductis copijs, in Aragoniæ fines redijt. Dum hæc in Hispania aguntur, Thomas Frego  
is, principatu Genuæ expulsus ad Petrum mittit, qui auxilium ab eo postulet aduersus  
hilippi vim ac dominatum: quiq; doceat quos populos in Italia amicos, quas cliente  
s in vrbe Genua, atq; in reliquis Genuensium oppidis habeat, nec dubitare se si ab eo  
asse adiuuaretur, fore, vt eiecto Philippi præsidio vrbe potiatur: debere illum memi  
isse acceptæ à Philippo grauissimæ iniuriæ: à quo & ipse ex vrbe Neapoli expulsus fue  
it, & Alphonso fratri omnis propè spes adipiscendi regni adempta. Non placuit Petro  
& si ira, atq; indignatio animum eius ad vlciscendam iniuriam stimulabant) quicquam  
per ea re decernere, antequam Alphonsi voluntatem cognosceret. Itaq; continuo ad  
um misit, qui eius animum sciscitaretur. Quo ad se profecto, Alphonsus animo repu  
ns nullam fermè aliam gentem sibi Neapolitanis in rebus aduersari posse, ac facilè fo  
re, vt Thoma Genuæ principatum obtinente, ipse cum classe proficiscens, reginam, quæ  
omiserat, præstare compelleret: placere sibi auxilium Thomæ ferri renuntiari iussit.



Cuius voluntate cognita, Petrus sumpto comœatu, cæterisq; necessarijs in classẽ inpositis, ad portum Pisanum cursum dirigit. Ibi Baptista & Abramus Thomæ fratres cum duabus Florentinorum rostratis eius aduentum opperiebantur. Cum hac classẽ quatuor & viginti naues longæ erant, Baptista & Abramo ducibus in Ligusticũ sinum profectus, oppida mari vicina circumire, terroremq; ingentẽ aduersarijs inferre cœpit: Eodem Clauarũ, modò Genuæ portum, modò Sauonam petens, omnia infesta faciebat nec nisi insigni magnitudine naues comœatus importare in oppida patiebatur. Si quãdo in hominum Fregosæ factionis naues incidebat, has absque detrimento atq; inuiolatas dimittebat, aduersariorum verò capiebat. Quod cum inimici animaduernerent, quæ potuerunt, ex amicorum delectibus præsidia in oppida suspecta, aut minus tuta confestim miserunt. Inter hæc in spem Baptista Sigestri potiundi adductus (quod oppidum Genua triginta millibus distat) Petro persuadet, uti cum classe eò se conferat: multos amicos sibi in eo oppido esse, qui ingressum pollicerentur: horumq; principes esse Laurentium, Federicum, & filios, suæ factionis homines: quo oppido capto, reliquos illius oræ populos aut voluntate, aut metu deditionem facturos. Hæc cum dixisset, Petro consilium approbante, Sigestrum profecti sunt. Situs oppidi huiusmodi erat. Locus est accliuus leniter sese à littorẽ in montem attollens, insulæ propè modo vndiq; mari circumdatus: vna tamen litoris pars continentem attingit, non latior fermè passibus centum: vtrinque stationem habet lembis ac triremibus tutam, ipsa montis natura maris impetum coercente. Sed non vtraq; statio eadem tempestate tuta est: nanq; ciente procellas Notus, eam partem quæ Aphrico exposta est naues petunt. Rursum flante Aphrico, ad eam partem quæ ad Notum vergit, mutata statione se recipiunt: ipsorumq; ventorum impetus magnam in vtrunq; litus arenarum molem vehunt. Quæ de re etsi tellus ipsa fossione facilis est, tamen oppidum in insulam redigere difficillimum foret, atq; adeò penè nullum, ut arte effici ratione eũ posset. Extra hanc peninsulam in qua oppidum situm est, vicus erat nullis mœnibus circumseptus, aduersæ factionis hominibus frequentior: nanque in oppido Fregosæ factio plus poterat. Laurentius cum suis perpetuò intentus stabat, vti cum primùm classis accessisset, Baptistæ oppidum traderet. itaque ad primum eius aduentum pulsa aduersa factione Baptistam intromisit. Quo casu, qui contrariæ factionis erant, conterriti, in montes propinquos, mox Centuriam (incolæ ita appellant) amicis frequentem, qui mons inter Sigestrum & Clauarum est sese fugientes receperunt. Ea re à Genuensibus Philippo nuntiata, Nicolaum Guerrerium cum multo peditatu, equitatu pauciore (quod in montanis locis peditum vsus maior erat) confestim eò proficisci iussit. Ad sex millia hominum ij fuere. Ad hæc Genuenses onerarias quatuor ingentes, quæ mari oppidum vexarent, misere. Nicolaus primò Compianum cum exercitu profectus, quod oppidum in Apennino est situm, in agri Genuensis confinio: priusquam vterius progrediretur, eius regionis peritos aliquot consuluit quãnam sibi transseundus Apenninus esset. Duo enim erant itinera, per quæ Sigestrum aditus patebat: vterque fermè passuum millibus inter se distantia: vtrunque porro difficile, ac periculosum, vnum per vallem, quam Sturlæ vocant: alterum haud procul à Varisio oppido. Cæterum id remotius ac multò minus tutum videbatur: propterea quod in ijs locis Abramus magnam agrestium manum ex amicis comparatam habebat. Nanque Ioannem Lodouicum, ac maiorem Flisicorum partem, summæ nobilitatis viros, quorum dominata ea loca tenebantur, amicos atque adiutores habebat. Itaque Nicolaus astu vtendum ratus, callidum pro tempore consilium capit. Ligures complures expeditos, quibus ea regio nota erat, confestim deligit: hosq; ante lucem postridie Varisij iter ingredi præcepit: longoq; agmine, plerisque militaribus signis interiectis, quod maioris multitudinis speciem atque opinionem hostibus præberent, incedere. Qui ut erumpente luce in collibus apparuere: confestim ij, qui montem, quem Sanctam vocant, infederant, uti erat constitutum, fumo significare cœperunt. Quæ re Abramo nuntiata, extemplò cum ea manu, quam cœgerat montem petijt: hostesque citato agmine persequitur. Idem Valis Sturlæ incolæ depulsum à se periculum opinati fecere: desertisq; collibus, quos infederant, Varisium versus contenderunt. Ea re cognita Nicolaus præmissis levis armaturæ hominibus, cum agrestibus plerisque, qui colles ab hoste desertos occuparent:



ipse cum reliquo exercitu per vallem Sturlæ iter facit: vicisq; passim direptis, atq; incensis colles, per quos eundem erat, gradatim occupat: ne hostes à tergo vrgere possent. At a manus, quam per Varisij iter missam demonstrauius, vt vidit Varisio motos hostes sese citatim insequi, effuso cursu per montes ferri cœpit: instantibus iam à tergo hostibus sese pleriq; è subiecta rupe deiecerunt. Interea nuntiatum est Abramo hostes Sturlæ Vallem ingressos eam latè populari, atq; vastare. Et primò quidem fumus prospectus ardentium tectorum, mox fœminarum, & puerorum clamor opem poscentium auditus maiorem suorum partem ad sua defendenda reuocauit. Ipse quoque Abramus intellecto hominum dolo cum ijs omnibus, qui secum erant, cumq; equitatu, quem à Florentinis accurrerat: eodem cucurrit, hostesq; iam longè progressos insequitus, vt vidit se assequi non posse, rectà Sigestrum petit, ac Nicolao, nullo iam obsistente, per Lauaniæ amnis vallem, diuersa via Clauarum profecto: ibi donec delectus imperati à Genuensibus conuenient, consistere iussus est. Interim Baptista, & Abramus ante Sigestrum oppidum castra in tutore posuerunt, fossamq; & vallum ad vtrumq; litus (nam à tergo oppidum castra in liore muniebat) à fronte perduxerunt. Petrus cum classe ad litus stabat, alterumq; castrorum latus tuebatur. Postquā Nicolaus perfectis nauibus, ac delectibus se satis firmum, atq; instructum videt Sigestrum petere instituit. Abest autem Sigestrum à Clauaro non plus quinq; millibus passuum, cæterum iter plurimum confragosum, & præceps. In medio fermè Centuria mons est, quem paulo antè monstrauius, ab aduersarijs magno præsidio communitus. supra Sigestrum collis est: qui Saltus ab incolis dicitur: quā brevis ad oppidum descensus est. Hunc cum sciret Nicolaus per speculatores ab hostibus infessum, magnam popularium, atq; agrestium manum per superiores montes circummisit: qui deiectis inde hostibus continuò collem occuparent. Quod postquam Baptista animaduertit, confestim summissa peditatus parte, qui collem tueretur, ipse reliquas copias in aciem producit. Petrus quoq; sub eundem collem quàm proximè potest classem admouet. Nicolaus composito agmine iter faciebat, cum interea, qui circummissi ab eo fuerant, è superiore parte magno impetu in hostes inuecti sunt. Quod postquam conspicatus est, peditatum confestim summisit, qui hostes lacefferent. Ita supernè simul à fronte impugnabantur. Non tamen vsque adeò animos remiserunt, vt collem subito deseruerint: Sed cominus pilis, & gladijs rem gerentes fortiter aliquandiu restiterunt: multaq; vulnera & intulerunt simul, & acceperunt. E classe multi eorum manu battis, ac tormentis feriebantur. In viarum angustijs, par vtrinq; virtus erat: sed cum foris premerent qui de superiore loco pugnabant, cedere coacti: sensim deserto colle sese ad equites in planitiem receperunt. Occupato saltu Nicolaus celeriter in subiectos campos descendit: namq; ante oppidum duum millium, aut eò amplius, planities patebat, traductoque omni exercitu, eoque saltu, & circumiectis collibus infessis, ac præsidio firmatis, haud procul ab hostium castris, castra posuit. Baptista, quod equitatu inferior erat, in castra copias reduxit, præliaq; inuicem quotidie conferebantur: non tamen, vt in vniuersi certaminis fortunā deueniretur. Nicolaus equitatu præualebat, sed classe abtere circumfusa multi suorum tum militum, tum equorum manu balistis icti cadebant. et naues tres Genua profectæ tormentis, & omni telorum genere castra infesta faciebant. In hoc rerum statu Nicolao nuntiatum est, Ioannem Ludouicum, de quo paulò ante mentionem feci, cum magna popularium manu, è Varisio per Sturlæ Vallem in auxilium Baptistæ proficisci: breuiq; supra caput ijs affuturum deiectisque, qui colles teneant, vallis fauces occupaturū. Quapropter veritus ne reditu intercluderetur, ipse confestim cum parte equitatus, dissimulata fuga, ad eum saltum progressus: quasi venturos hostes transitu prohibiturus, reliquas copias composito agmine se sequi iussit. Cæterum qui in castris manserant: vt se desertos à duce conspexerunt, tumultuosius, ac sine ordine abeuntium vestigia sequuti sunt: postremosq; adorti in fugam coniecerunt. Horum magna conspecta, qui antecesserant: & ipsi desertis collibus, fugere effusius cœperunt: nec minus vi aut imperio retineri poterant. Fugientibus per saltum (is verò est mons, quem præ memorauimus) classis, quæ ad radices suberat, terrorem augebat. Latera enim nuda anubalistis præbêtes multa inde vulnera accipiebant. Ad tria millia mercenariorum milia capta, reliqui sese effuso cursu Clauarū, vnde venerāt, receperunt: ijq; nauibus inue-



Et, quòd terra tutò reuerti in Galliam Cisalpinam non poterant. Genuā traiecerunt. cundum hanc pugnam Petrus, ac Baptista Rapallum oppidum profecti, expositis in terram naualibus focijs vnà cū Abramo primo impetu oppidum cepere, magna enim populi oppidanorum Fregosis fauebat. Ingressi deinde vallem, ad cuius exitum oppidum situm est insectari agrestes coeperunt: qui gregatim in colles conuenerant. Erat autem per temporis Antonius Fliscus Fregosis inimicus: is igitur contracta popularium, & clientum non parua manu, præter delectos Genua ad se missos, in eam vallem descendit, hostesq; adeptus ad naues repulit. Post hæc Petrus cum classe Ligusticum sinum circumrursus coepit: multaq; detrimenta, ijs præsertim qui aduersæ factionis erant, inferebat. nec frumentum, aut aliud commeatum genus importari patiebatur: sed hæc mala non minus graua ciuitati erant, quàm reliquæ prouinciæ: quoniā onerarijs quæ magnitudinem excellebant, rostratæ nauigationem inhibere non poterāt. At cætera verò oppida terræ striuere à Gallia Cisalpina, interdum mari maioribus nauibus deferiebantur, sed summo tempore maximo. Ex quo nauigatio, ac mercatura apud eos, qui maritimā oram incolebant, omnis conquieuerat: quotidieq; ad senatū Genuensem, & ad eos quos Philippus reipublicæ præfecerat, graues querelas deferiebant, atq; ut eorū calamitatibus consulere, precabantur. Quibus rebus cognitis Philippus, veritus ne Alphonsi bellum Genuæ rebus discrimen ob Fregosam factionem afferret, si classis eius in Ligustico sinu diuturniorē terram faceret, de pace cum Alphonso agendum censuit. Missis igitur ad eum in Hispaniam legatis, Bonifacium Corficæ caput, quòd pax aliter impetrari non poterat, ei se traditurum in socijs Genuensibus pactus. Cū exoluere promissum non posset, Genuensi Senatu renitente, Veneris portum, atq; Ilicem, duo in portu Lunæ castella naturali situ munitissima, Bonifacij loco, ei tradidit: atq; ita pax conuenit, foedusq; iactum. Digrediens Ligustico sinu cum classe Petrus ad Cercinam Aphrorum insulam profectus, expositis in terram naualibus focijs: primo impetu eam cepit ac diripuit: incolisque omnibus virisq; sexus, præter eos qui in syluis delituerunt, in seruitutem adductis, in Siciliam reduxit: eo videlicet consilio ut Neapolitani regni oras vexaret, atque hostes à nauigatione arceret. Dum hæc geruntur, Ioannes atq; Henricus Alphonsi fratres, qui post factam, quæ dixi, pacem in pristinum statum apud Ioannem Hispaniæ regē restituti, cuncta rursus administrare, atq; agere coeperant, Aluarum Lunam, de cuius consilio Ioannes omnia gerat, donec inter illum & Alphonsum discordia vixit, quòd illos potentia æquare atque eorum auctoritatem eleuare nitebatur, è medio excedere, & in oppida sua abire coegerunt. Erat hic nobili quidem loco natus, cæterum propter scientiæ rei militaris opinionem summum apud regem dignitatis gradum adeptus, omnia seu belli, seu pacis munera per se geri volebat. Eo igitur à rege distracto, & à regni negotijs in otium coniecto, Ioannes, atq; Henricus, ut dixi, cuncta agebant. Cæterum commune regnorum malum inuidia rursus eam fidem, quæ inter eos, ac Ioannem regem renouata erat, è medio sustulit. Quidam enim è regni primoribus, quibus fratrum potentia inuisa erat varijs suspensionibus iniectis denuo inter illos ac regem dissensionem pepererunt: atq; ut eorū ope euerterent, Ioanni persuasere, uti Aluarum, qui iam tum alterum annum iacebat, & à recuperandæ dignitatis pristinæ longè aberat, ad capeffendas vnà secum regni curas reuocaret. Qui incunctanter profectus, ut vidit se pristinam auctoritatem adeptum, Ioannis, & Henrici statum demoliri, ac labefactare coepit, breuiq; fautorum ope, atque opem raeffecit, ut utroque à regni curis amoto, de sui vnus consilio, ac voluntate (ut consueuerat) cuncta rex gereret. ea verò res maximè Alphonsum mouit. Anno igitur post factam pacem ferme quarto: tantam iniuriam minimè ferendam diutius existimans, cū intellexeret non posse fratres, nisi Aluari potentia imminuta, amissam dignitatem recuperare, ad Ioannem scribit, velle se aliquot dies regni curis vacuos, vnà cum eo agere. Simul ad mille equites, lectissimam iuuentutem, quorum plerosq; è nobilitate Hispaniæ ad studio partium traxerat, confestim conuocat: sub specie ludorum equestrium, quos agere instituisset, cū ad eum peruenisset, multa arma ijs certaminibus apta parari iubet. Eius profectio Aluaro in primis suspecta fuit: ne suo detrimento instituta esset. Quapropter minimè cessandum ratus ad artes se conuertit, quando aperte vi uti nō poterat. Adducto igitur in suspicionem Alphonso: quasi vellet Ioanni regnum adimere, coactis ra-



prim, quas potuit, regis iussu copijs, Alphonso iam regni Hispani fines ingresso cum rege obuiâ processit. Quod ubi Alphonfus agnouit, delectu raptim habito, quando confilium non succedebat, vi agendum apertè ratus, tria millia peditû equitatu addidit: progressusq; ad Aegyptâ oppidû plano, ac patenti loco castra posuit. Eare cognita Ioannes cum Aluaro citato agmine iter facientes in colle edito, vnde Alphonfi castra conspici poterant, confedit. In hac castrorû ppinquitate quotidie magis ac magis irritabantur, vtriusq; partis animi: paruaq; prælia inuicē cōmittebantur, ijsq; Alphonfus, quod equitatu plus poterat, superior euadebat. Cæterû alijs super alios indies aduentantibus, postquam Aluaro visum est Ioannem satis instructum ad certamen esse, fortunam prælij experiri, quod ad eam diem recusauerat, statuit. Et iam vterq; exercitus conflicturus erat: cum Maria Alphonfi vxor, eademq; Ioannis soror interuenit: seq; viro, & fratri mediam obiecit: precibusq; simul, & lacrymis impia, atq; nefaria arma è manibus vtriusq; eripuit. Deinde vnâ cum pontificis maximi legato, ob eam causam in Hispaniam profecto, effecit, vt Alphonfus factis inducijs, retro in regnû concederet: Cæterû hæc induciæ non belli finis, sed parui temporis quies fuere: Nanq; Aluarius Ioannē quotidie stimulare in Alphonfi odium nō desinebat. Itaq; regem rursus impulit, vt contractis ingentibus copijs bellum renouaret. Quod postquā ad Alphonsum perlatû est, confestim ex delectibus ad xx. millia peditum cōegit: oppidaq; hostili regno opposita, quæ haud satis tuta videbantur, solo æquari, incolasq; cum bonis in tutiora loca transmigrare, pabula prætere, & stramenta, ne hostibus vsui essent, igne corrumpi iussit. Paratis deinde, contractisq; omnibus copijs ad regni fines processit. Ioannes equitû millibus circiter triginta, peditû quadraginta, Aragoniam ingressus inter Sertinû, & Fericiâ oppida castra posuerat: Fericiamq; primû oppugnare aggressus est. oppido præsidio miserat Alphonfus complures viros fortes, ac strenuos Italico bello expertos: qui non tantum de muro pugnare, sed etiâ extra, oppidi munimenta p. dire, & aperto Marte manus cum hoste conferere audebant: Triduo id oppidum totis viribus à Ioanne nec quicquā oppugnatû est: pari animo audaciaq; restiterû, qui Sertinû tuebantur. Alphonfus, vt Ioannem ex Aragonia abstraheret, proxima regni eius vastabat: quod ubi Ioannes agnouit decimo postquam venerat die, irritò incœpto, in regnû se recepit. Cuius discessu cōperto Alphōsus quinque peditum, tribus equitû millibus ex omni numero delectis Deciâ oppidum petit: atq; illud, & Boroniâ ac septem prætereâ oppida, Aragoniæ finitima, intra paucos dies expugnauit. Ijsq; præsidio valido firmatis, quod per anni tempus res geri nō potreat, in Aragoniâ in hyberna copias reduxit. Ineunte Vere, ne hostis posset pro arbitrio regni sui fines penetrare, omnem vndiq; aditum firmis præsidijs sepsit: constitutisq; domi rebus: Taronē profectus est: copijs eodem couenire iussis. Nam, q̃ ea vrbs situ permunita, atq; opulenta erat, & in confinio hostium posita, is locus omnium cōmodissimus ei est visus, quò potissimû copiarum contraherentur. Eare Ioanni renuntiata nō minori & ipse cura omneis in fines suos aditus præclusit, copiasq; quas potuit, conuocauit, cōcitatis in mutuâ perniciē vtriusq; regis animis: nanq; ita natura cōparatum est, vt si qua inter necessarios ira interciderat, acerbiora inde odia, grauioresq; inimicitiae exoriâtur. Verû priusquam iustæ conuenirent acies, multæ excursionēs, ac populationes vltro citroq; factæ, ac pleraque oppida hinc inde debellata. Inter hæc Petrus Alphonfi frater: qui iam cum classe in Catheloniam redierat, Alborcheriû, quod oppidum est in confinio Lusitaniæ situm cum magna populari manu profectus est: vt ab ea quoque parte Ioannis regnum vexaret: erat ei summa amicitia, vetusque hospitium cum Alicantaræ Magistro: ita enim appellatur eius religionis princeps: nanque Ferdinandus rex sapientissimus filiorum adolescentiam ei viro propter grauitatem & integritatem vitæ regendam dederat: ijq; ab eo liberaliter instituti fuerant. Qua necessitudine confusus Petrus cum ad oppidum quod ab ipso Alicantaræ magistro tenebatur, profectus esset, vt inde auxilia ad bellum accerferet, fratris filius à Ioanne Hispaniæ rege magnis pollicitationibus persuasus, adempta patruo oppidi possessione Petrum in Ioannis potestatem tradidit, Quem Henricus frater cum aliter liberare non posset, nisi eo oppido Ioanni tradito, fraterna pietate victus, oppidum haud cunctanter tradidit. Isque dimissus, ad Henricum venit: atque inde ambo cum nihil aliud tutum in ea prouincia aduersus Ioannis opes



amplius haberent, ad Lusitaniam regem, cui soror nupta erat, sese receperunt, belloq; inde renouato, Ioannis regnum multis cladibus affecerunt. Alphonfus copijs omnibus coactis, regni hostilis interiora ingressus, longè lateq; terrorem incussit. Ioannes quoq; identidem excursiones multas in Aragoniam fecit. Nusquam tamen collatis signis dimicatum: praeliorum fortuna varia fuit, magisq; tempus procurfationibus atq; populationibus tritum, quàm vt vno praelio bellum finiretur: sed trahendo bellum exasperatis odijs, tandem in conspectu castra posuerunt, vniuersi certaminis fortunam subituri. Cum hic esset rerum status, nonnulli ex regni optimatibus (quibus regum discordia molesta erat) antequam praelio decernerent, reges adeunt: quantaq; hominum cædes, quanta regni vtriusq; calamitas consequutura esset, si omnibus copijs decertarent, quamq; præterea flagitiosum ad famam tanta necessitudine deuinctos reges inter se gladios stringere, docent. Isq; & huiusmodi verbis vtrunque regem perpulere, vt omissa pugna perlegatos & communes amicos de pace ageretur. Itaque inducijs in quinquennium factis, delecti arbitri qui cognita rerum controuersia pacis condiciones dicerent, quò penitus omnis discordiæ causa tolleretur. Isq; constitutis non prælum modò, quod haud dubiè cruentissimum futurum videbatur, sed etiam tam atrox, tamq; impium bellum sublatum est.

## BARTHOLOMAEI FACII RERVM GESTARVM ALPHONSI PRIMI REGIS NEAPOLITANI LIBER QVARTVS.



INITO bello in Hispania, Alphonfus vt aliquid insigne pro Christiana religione ederet, aduersus Afros bellum gerere instituit. Itaq; Barcinonem profectus, sex & viginti triremium classem comparauit, hisq; onerarias nouem adiecit, quæ còmeatus & bellica opera veherent: omnibusq; diligenter prouisis, Caralim insignem in Sardinia Hispanorum coloniam, vt inde sumpto còmeatu Africam peteret, primùm profectus est. Cæterum cum iam inde discessurus esset, biremis quædã è Sicilia celerrimè ad eum nuntiatum venit, Trupiam Brutiorum oppidum, quod in Hispaniam proficiscens, valido presidio firmatam reliquerat, ad Ludouicum defecisse, arcemq; in periculo esse, nisi ei confestim auxilium feratur: quod Ioannes Rota arcis præfectus deditionem pepigerit, nisi intra dies viginti ei subsidium mitteretur, ob eamq; rem maturandum esse, ne serò ac nequicquam postea opem ferret. Qui vbi hæc accepit, nihil ad nauigandi celeritatem sibi reliquum fecit. Neq; enim ignorabat, quantum detrimenti rebus suis afferret eius oppidi amissio, quod & ad classis receptum in summa portuum paucitate, & ad vexandam Brutiorum suorum hostium oram percommode situm videbatur. Alluitur enim magna ex parte mari, estq; nò tantum situ, sed etiam opere permunitum. Et iam ad Carbonariam Sardinia promontorium secundo vento vectus peruenerat, cum subito atrox & turbulenta vis tempestatis coorta, classe in portum reiecta, duodecim dierum cursum morata est. Quæ quidem res impedimento fuit, quo minus Trupianæ arcis in tempore subueniri potuerit. Postquam ventus desijt, pacato mari classem rursus soluit, atq; inde in Siciliam traiecit: ac vix duabus horis in Panormi portu commoratus: tamen vt sciret, an adhuc Trupiana arx suo presidio teneretur, in Brutios celeriter cõtendit: ea verò venti vis fuit, vt ante horam vigesimam octauam in Trupia conspectum accesserit. Cæterum idem ventus qui venientibus prosper fuerat, descensionem in terram facere volentibus, aduersus fuit: adeo enim ad littus vndas concitauerat, vt triremes pontes exponere nullo modo possent: quod quidem ipsa venti natura: & vis efficit. qui quemadmodum primo ingressu maria placat, ita ad exitum perturbat ac ciet. Isq; fortè dies erat quo arcis præfectus deditionem pactus fuerat, nisi auxilium accepisset. Qua de re Alphonfus etiam sciebat sibi



bi cum Ludouico dimicandum esse, propterea quod arx ducentos fermè passus à ma-  
distabat, nec ad eam nisi per medios hostes strictis gladijs euadi poterat: omnino ob-  
ssis opem ferre statuerat. Ceterum dum ad terram fertur, præfectus arcis siue obsidum  
erit, nam filios fidei pignus Ludouico dederat, siue quòd putarit se perfidiæ nota inuri  
osse, nisi arcem ad præstitutam diem dederet, siue desperarit nauales socios propter  
maris tempestatem in terram exponi posse, educto inde præsidio, arcem Ludouico de-  
it, eam sibi continuo dedi visa classe deposcenti. Nanque is pertinaciter instabat, vt  
am in potestatem suam redigeret: priusquam classis propius accederet. Quare cogni-  
Alphonfus superuacuum dimicationem ratus, in Siciliam, vnde venerat, vt proposi-  
um, & iam coeptam expeditione exequeretur, rediit. Fuit autem hic annus ab ortu Chri-  
i vigesimus sextus, & quadringentesimus, supra millesimum: onerariæ quatuordecim,  
iremesq; , & speculatoriæ ad septuaginta classi adiectæ machinarum omnis generis, 1426.  
omneatuum vis magna comparata: peditum, atque equitum non paruus numerus.  
atque hæc intra quinquaginta dies (tantus omnium ardor, & studium erat petendæ A-  
ricæ) effecta. Interea reguli, & copiarum duces (quemadmodum ijs mandatum fue-  
at) cum imperatis militibus, & comitatibus ad diem conuenere. Quibus profectis  
Alphonfus ad insulam Gerbim (quam veteres Lothofagitem appellabant) cursum di-  
gi imperat, superos precatus, vt ea expeditio sibi, suisq; bene, ac feliciter verteret. Ab-  
st autem Gerbis à continenti circiter quatuor milliapafluû, insula cultoribus frequens.  
Qua ad occidentem vergit, sinuata propius continenti iungitur, nec plus ferè mille pas-  
us ab ea distat: pons lapide structus insulam continenti iungit. Hic erat ante omnia oc-  
upandus, ac rescindendus aduersus Barbarorû incursum: quo Gerbini auxilij spe sub-  
ata facilius ad deditionem cogerentur. Alphonfus itaq; cum nauigans appropinquaret  
insulæ: onerarias primò ad eum portum, supra quem turris est sita, quam à nominis con-  
itore Valgarneriam appellant, petere iubet: quod propter Syrtis, propius pontè acce-  
ere nò poterant. Deinde rostratis bifariâ diuisis, æquâ partem Guteriæ attribuit: Cum-  
ue statuisset à duabus partibus pontè occupare, petijt ab eo Guterias, vt se ab occiden-  
e pontè adire sineret, arbitratus ab ea parte sese ad pontè antè venire, & præoccupare  
osse. Cuius postulatio, quorsum tenderet, etsi non fallebat Alphonsum, tamen id ei fa-  
ilè concessit. Erat aut Guterias reimaritimæ scientissimus. Itaq; Alphonfus ab oriente,  
Guterias ab occidente pontè petunt: Sed dum proficiscitur, vadorum haud satis gna-  
is, multis flexibus ac reflexibus tardius iter facit. Alphonfus prior in pòtis conspectum  
enit. Nonnullæ etiam nauium, quæ Guteriâ sequebantur, vadis implicitæ cursum demora-  
e sunt. Ceterum cum Alphonfus propius ad pontem ferretur, triremes quædam ex ijs, quæ  
um sequebantur, præeundi cupiditate cum citatius agerentur, in vadis hesere. Quod v-  
i conspicatus est, illico agmen antegressus oēs ex ordine sequi se iubet, neue in vada i-  
nora, & ipse incideret, speculatoriâ præmittit, quæ fundum exploret, ac sic tutò ad pon-  
em successit. Iecerant aut Barbari vtrinq; iuxta pontè magnam lapidum vim eius classis  
uspitione, ne qua naues pontem subire possent, atq; in eum armatos exponere: hos igi-  
ur lapides primùm exhauriendos curauit, dato quibusdam negotio, qui in mare subito  
se coniecerunt. At Gerbini, qui ad primū classis conspectum ad arma conclamantes ma-  
nam iam hominū vim coegerant, vt viderunt acervos lapidum detrahi, classemq; ponti  
pupes appellere conari, ad prohibendos descensione nostros cucurrere. Inter hæc tres  
tri fortes contemptis hostibus pontè ingressi, tam diu Barbarorû impetum sustinere,  
onec purgato fundo regia triremis ad pontè perueniret: Nanq; è classe & suorum stu-  
ijs, clamoribusq; , & manubalistis, quas Barbari maximè formidabāt, adiuuabātur: Sed  
nta lapidum congeries erat: vt non oēs naues ponti puppes admouere possent. Itaque  
ando aliter nò poterant, p proximas triremes, veluti per scalas, naualibus socijs expo-  
tis cum Barbaris prælium conferere coeperunt. Qui cum primo impetu fortiter resiste-  
nt, mox pluribus in pontè transgressis, cum vim ferre nò possent, in fugam coiecti, ple-  
q; vulneratis, & cæsis, in insulam refugerunt. Posthæc Alphonfus continuò ea parte o-  
eribus munita, quæ ad insulam vergebat, ne qua eruptio à terra fieri posset, pontè à ter-  
o recidit. Interea Guterias ingenti labore è vadis alapsus, cum pontè versus ferretur, &  
um armatis plenum prospiceret, dubitare coepit eæ ne hostium copiæ, an regis essent.



Cæterum propius accedens, ut signa regia cognouit, arbitratus (id quod erat) pontem à rege occupatum esse, celeriter inuectus, & ipse ab altera parte nauales socios in pontem exposuit. Nocte, quæ insequuta est, Afri qui parati in armis erant (nam ob classis huius metum Bopherius Africæ rex multa hominum millia coegerat, atque in diuersis locis disposuerat, ignarus quemnam potissimum locum Alphonsus cum classe petiturus esset) in conspectum insulæ frequentes conuenere. Bopherius verò ut cognouit per ignes in diuersis promontorijs excitatos, Alphonsi ad ipsam insulam aduentum, ad duo millia equitum auxilio confestim misit. Qui ut ponte occupato, iter ad insulam interruptum videre, haud procul inde constiterunt: ac statim nuntius cum literis à Bopherio ad Alphonsum venit, camelo, quem à velocitate Dromaden vocant, inuectus: in quibus literis scriptum erat, se mox cum copijs affore, pugnandi que potestatem facturum: regem cum rege certare magis decere, longeque laudabilius esse, quam cum vnus parua insulæ cultoribus: neque enim ex Gerbinis deuictis tantum illum gloriæ adepturum, quantum si regem prælio vicerit. Eratis quidem & animi magnitudine, & prudentia singulari: atque ob id à Barbaris vehementer colebatur. Alphonsus etsi ob terrorem Gerbinis iniectum, insulam à se capi posse confidebat, nec ignorabat quorsum à Bopherio scriptæ literæ tenderent: tamen ne detrectasse certamen videretur, abstinere insulæ oppugnatione ac præstolari eius aduentum decreuit: renuntiarique iussit oblatam sese conditionem lato animo accipere: veniret modò quamprimum, nec rem in dies traheret. Paucis post diebus Bopherius cum ingenti peditum, atque equitum numero affuit, castrisque in conspectu hostium positus, ipse cum robore, ac flore totius exercitus in ponte confedit, ac pro munimento quæ hostium castra vergebant, grandes palmarum truncos hostium telis ac tormentis opposuit: quorum tanta durities erat, ut etiam tormentis resisterent. Is dies in muniendis vtrinque castris consumptus: namque prælium in sequentem diem ex composito dilatum fuerat, edixeratque Alphonsus, ne quis ante eam diem munimenta transiret, aut manum cum hoste confereret: qui aliter fecisset, ei capitale id fore. Idque negotij dederat Ioanni Vintimillio, atque Eximino Corellæ, quos munimentis, quæ Bopherij castris proxima erant, præfecerat. Biremes, ac lembos sagittarijs instructos partim à pontis dextra, partim à sinistra postero die mittere statuerat: qui vtrinque hostes lacefferent, quique vno, atque eodem tempore in terram egrederentur, & dum ipse à fronte vrgeret, à tergo hostes aggrederentur, interiectis rapum munimentis è terra, quæ ex dolijs parauerat, ne qui in alterius quæ trans pontem erant castris regi suo opitulari possent. Qui ordo si seruatus esset, haud dubie Bopherius cum ijs omnibus, qui vnà cum eo in ponte confederant, eo die capi potuissent. Cæterum paucorum quorundam temeritas pugnam, quæ in posterum diem extracta fuerat, eo die repræsentari compulit. Namque ij à Barbaris quibusdam munimento proximis ad singulare certamen prouocati, neglecto imperio, atque edicto regio, per asserem interiectum transmissere: qui mox cum prouocantibus congressi, cum eos pellerent, Barbarorum plures in sese conuerterunt. Tum qui è nostris propiores erant, munimenta transgressi ad opem ijs ferendam confestim iere. Quod ubi Alphonso nuntiatum est, indignatus confestim misit, qui & cæteros transitu inhiberet, præliumque committi non sinerent, ac transgressos reuocarent. Cæterum vtrinque iam usque adeo incensi ad pugnam erant, ut nec transgressi reuocari, nec qui in castris erant ullius imperio retineri possent. Quod cum Alphonsus animaduerneret, fortunæ euentum experiri statuit: castrorum vtrorumque munimenta quantum modo pontis patebat interruptio distabant: exercitus extra teli iactum subsistebant: atque ad extrema munimentorum ligneæ turre, ac propugnacula excitata erant. Ab insula quoque prospectum nequid inde detrimenti in ipso pugna ardore caperetur. Ingentibus deinde animis vtrinque conflatum: namque & ipse Bopherius lectissimam suorum manum, totumque exercitus robur in pontem, ut dixi, traduxerat. Sed is tumultus magis quam iustum prælium erat: nam neque acies instrui, neque copiæ distribui, nec quicquam ex disciplina & more militari feruari potuit: atrox verò, quoniam in angusto res gerebatur, certamen erat: stetitque aliquandiu vtraque immota acies. Sed minus sua damna sentiebat Pœnus, quod multitudine abundabat, quæ continue à castris in pontem procurrebat. Quod ubi Alphonsus animaduertit, lembos quosdam, ut instituerat, circa pontem dimisit: ipse inter primos pro-



progressus tantam alacritatem suis iniecit, ut tum primum praelium iniisse viderentur: cum hostes loco moti ad regis tabernaculum paulum substiterunt. Nanque reges suos barbari pro dijs habere, colereque consueuerunt: hic fortissimus quisquis eorum, dum prius pro regis salute decertat, interficitur: denique verecundiam metu vincente, in fugam versi, toto ponte cesserunt, ipse quoque Bopherius desperatis rebus equo repente abiquite, qui circumstabat oblato, in altera castra se recepit. In eo prelio Barbarorum multi vulnerati, complures etiam caesi, in quibus regis cognatus: signa sex regia, ac tormentaenea duodeuiginti capta. De Alphonso quoque exercitu nonnulli quoque viri fortes desiterati sunt: in quibus Ioannes Heredia honesto loco natus, qui pugnae initio rescissi pontis interuallum strenuo saltu transgressus, cum fortiter pugnaret, lancea iugulum traiecit: usque praelio semianimis excessit. Ea victoria, etsi grata Alphonso fuit, tamen hoc minus lucunda exitit, quod ante constitutum pugnae tempus dimicatum fuerat. Cupiebat enim collatis signis iusto praelio cum rege dimicare. Idque sibi maiori existimationi, & gloriae ducebat fore, si ex proposito congressus ipse rex regem fudisset. Post haec quae breuiem esse traiectionem in insulam dixi, Ioannem Calatageronem (id ei cognomen fuit) cum militem mittit qui Barbaros equites, qui per vada cognita in insulam euadebant, cum festus in mare refudisset, transitu arceret. Namque ea loci natura erat, ut nec pedibus, nec equo insula adiri ex continenti posset, cum se ex alto aestus inuexisset: quod sexta quaque hora (quemadmodum in oceano) contingit: neque nauibus tuta statio erat, quod urfus decedente aestu naues in vadis destituebantur, periculumque a terra incurrebant. Sed Ioannes mox vel praedandi cupiditate, vel commorandi taedio demandatam sibi a rege stationem deseruit. Eius discessione Barbaro nuntiata, nocte, quae sequuta est, complures equites in insulam transmisit. Quo cognito Alphonso, etsi omnem propere spem expugnandae insulae abiecerat, haud tamen inchoatam obsidionem deseruit. Quinetiam cum omni exercitu, nisi quantum castrorum praesidio sat erat, in insulam transgressus est: ibique castris positus incolas in maximum metum, ac discrimen adduxit. Cumque populationibus & incendijs vastare insulam statuisset, interea pacis mentio a Bopherio orta est, eaque unica fraude tractata: factisque aliquot dierum inducijs copiae in pontem reductae sunt. Remittere se velle grandi pecunia pacem simulabat, ne insulam vastaret: Sed dum in conditionibus dandis, & accipiendis tempus teritur, comeatus classis deesse coepit: quod tempus de industria Bopherius expectabat, ut inopia comeatuum compulsus rex abscederet. Pluresque etiam in insulam ab eo interim furtim transmissi, ut iam oppugnatio omnis vana esset, irrita videretur. Quibus necessitatibus adductus Alphonso soluta inde classe in Siciliam rediit: paucosque dies Messanae commoratus, agitare animo coepit, quonam modo Neapolitanum regnum, quod amiserat, recuperare posset. Itaque Aenariam insulam, quae adhuc eius praesidio tenebatur, adire primum statuit, ut reginae erga se animum exploraret. Profectusque agere de reconciliatione, & pace cum illa per internuntios coepit. & Ioannam quidem mulabat sese pacem eius non aspernari. Ceterum ut eius rei exitus docuit, ab ea re longe uersa mens erat. Iam enim multorum persuasionibus ad Ludouicum inclinauerat. In his audendis, quod reliquum aetatis fuit, nequequam consumptum: pace tamen nomine magis, quam de facta in Siciliam rediit, eo animo, atque consilio, ut inde in Hispaniam remigraret, satius tunc tempori cedere, dum emolliretur reginae durities, si forte emolliri posset, aut si consilium immutaret, quod varia, & mobilia sunt mulierum ingenia: quam concertando illius in se animum odio exasperare. Iamque ob eam rem naues aliquot, & milites missos fecerat: ipsaque in Hispaniam abierat. Commeatu igitur in classem imposito instante iam hysce Drepanum petiit, inde ut primum per maris tranquillitatem posset, classem soluturus. Cum autem omnia ad cursum parata essent, nec aliud restaret negotij, quam anchoras soliri (res dictum mira ac penitus incredibilis accidit) tres circiter menses tota classis in anchoris stetit, ventum modo secundum frustra expectans, ut fato quodam datum esse videretur, non esse fas ex Italia discedere, cui regnum Neapolitanum destinatum esset. Inter haec Ludouicus eius aemulus apud Consentiam Brutiorum oppidum febri correptus mortem obiit: quo audito Alphonso rursum in spem potiundi regni Neapolitani, quam illudem illo viuo posuisse videbatur, venire coepit: observabatque si qui motus in eo reno illius morte consequerentur. Nec multo post nuntiatum est ei, Ioannam quoque defun-



etiam esse. Quare cognita quam ex Ludouici morte spem conceperat, vehementer confirmavit. Cæterum hæc tam magna erant, ut vix nuntiis fides haberetur. Quis enim crederet tot adipiscendi regni oportunitates sibi tam breui spatio contigisse? Excesserat primùm è medio Ioannes Caraciolus inimicorum conspiratione noctu fœdè interemptus: cuius & magnæ opes erant, & acerbissima in Alphonsum odia. Excesserat è vita Ludouicus maximam iam apud populos ac regni principes auctoritatem adeptus: quo viuo regni possessio sibi prorsus desperanda erat. Demum Ioanna decesserat, quæ vniuius votis ob stare poterat. Hæc omnia reputanti sibi: longè profectò maiora videbantur, quàm ut ijs fides haberetur. Apparebat enim à superis datum esse, ut omnibus, qui obistere poterant, è medio sublatis, ipse vnus absq; controuersia Neapolitano regno potestaretur. Itaq; confestim Caraffellum Caraffam, cuius opera fideli ac forti multos iam annos vsus fuerat, ad Raimundum Buillum, cui Neapolitanæ arcis, & Italicarum rerum curam mandauerat, misit, qui quorsum inclinarent ciuium ac regulorum animi, quantum tutò posset, scrutaretur, quemq; potissimum suspicerent, cuiq; regnum destina rent. Ipse intereà tantis oportunitatibus ad iutus de repetendo regno meditabatur. Re igitur à consilio delata, fuisse qui censerent intermissis rebus Italicis, sibi in Hispaniam, ut constituerat, abeundum esse: quod ei pecunia ad bellum gerendum deesset, reparandas res, instaurandam validiorem classem. Intereà sciri posse in quemnam regem Neapolitanorum ac regulorum studia conuersa essent: quod prius sciri necesse esset, quàm eò animam rursus conferrentur. Ad hæc Petro fratri fortissimo viro classis & copiarum partem relinquendam esse, qua in oram Neapolitanam vectus aduersus eos qui imperium detrectarent, bellum gereret. In quam sententiam liberiùs pro ingenio, petita à rege venia cum Guterias loquutus esset, dixissetq; sese tanquam hominem haud sobrium loquutum, subridens respondit Alphonsus, Tu certè tanquam homo super coenam loquutus es. At ego idcirco, ne hominis temulenti sententiam sequutus videar, statui non discedere. Dimisso consilio quò magis magisque rerum statum, & temporū animo voluebat, homo magis in proposito permanebat, omniaq; quæ ad eam rem pertinerent, attentiori curâ cogitabat. Inter hæc ex Caraffello, quem auidissimè expectabat, ad se reuerso de Neapolitanorum voluntate atq; animo quantum ille sciscitando consequi potuerat, cognouit. Quem in secretius colloquium adductum cum percontatus esset, quidnam de expeditione sentiret, videri sibi inquit, eam arripiendam esse fortunam, quæ sese ultro offerret: nunquam postea maiorem illi opportunitatem adipiscendi regni, quod tanti laboribus & periculis quæsiisset, fortunam allaturam. Cuius verbis haud mediocriter confirmatus (nonnullos enim regulos ad se inclinare acceperat) cum è Catina Messaniam traiecisset, conciliare sibi primùm regulorum animos instituit, & imprimis Ioanni Antonij Vrsini Tarentini principis, qui ut magnitudine ditionis, ita dignitate & auctoritate inter regni optimates eminebat. Hic verò, cum olim eius fides apud Ioannam suspecta fieri cœpisset ob inimicitias quas cum Ioanne Caraciolo exercebat, à Ludouico cum exercitu fines eius ingresso, cui Iacobus Caudola præerat, propè omni agro, atq; imperio exutus fuerat: septem modò oppida tutatus, situ atq; opere munitiora, cæteris aut vi aut metu ad deditionem compulsis. Hunc itaq; Alphonsus sibi primò conciliandum, & ad suam recuperanda enixè adiuuandum existimauit. Sperabat enim si beneficio suo, quam amiserat, recepisset, non illum modò, sed & alios nonnullos regulos, qui illum aut propinquitate aut beneuolentia continebant, auctoritate illius & gratia in se regem absq; controuersia consensuros esse. Accedebat summa commoditas propter breuem trajetum transportandarum in Neapolitanum regnum copiarum atq; belli ab ea parte gerendi. Contracta igitur cum eo amicitia, Ioannem Vintimillium acrem & impigrum virum cum mille equitibus ad eum misit: ac paulò post Minicucium Aquilanum cum pari equitum numero, quorum opera forti quæ amiserat oppida breui recepit. Ludouico & Ioanna mortuis, ingens rerum perturbatio in Neapolitano regno consequuta est. Re enim arbitrio multitudinis magis, quàm optimatum consilio gerebatur. Siquidem nullo conuentu principum actò, Renatum Ludouici fratrem è Gallia quamprimum accersendum in regnum decreuere. Interim verò qui summæ rerum præessent, Otinum Caraciolum, Georgium Alamannum, & Balthasarem Rattam (id ei cognomen erat) Andegauer



is factionis principes delegerunt, octingentisq; equitibus è Neapolitana iuuetute con-  
scriptis Iacobum Caudolam Tarentino principi maximè infestum, pecunia è reginæ lo-  
culis deprompta, cum duobus millibus equitum mercede conduxere, atq; ad Renatum  
regatos miserunt, qui illum ad regnū capeffendum accerferent. In hoc rerum statu dum  
expectat Alphonsus, quorsum primi motus euaderent, Ioannes Antonius Martianus  
ueffanorum dux, Franciscus Aquinianus, Christophorus Caietanus, ac Rogerius fra-  
ter ijs, qui Neapolitanam rem administrabant, infensi ad eum respicere cœperunt. Atq;  
cum facilius ad bellum traherent, cum scirent Capuam urbem, quæ ab aduersarijs te-  
nebatur, ingentis ad victoriam momenti esse: spe ijs oblata illam per prodicionem oc-  
cupari posse, omnes in id vnū curas, & cogitationes intendere. Præerat arci intra urbem  
ta (nam duæ sunt) Ioannes Caramanicus Ioanni Antonio, quod is ditioni suæ subie-  
tus erat, amicus, ac fidus, & ob eam causam ijs suspectus, per quos Neapolitana resp.  
erebatur. Huic magnis præmijs per internuntium Ioannes Antonius suadere clam cœ-  
pit, uti sibi arcem traderet: cui ille, velle se quidem annuit: cæterum eam rem frustra ten-  
ari, nisi turres ad pontem sitæ (quæ altera arx) vno, atq; eodem tempore occuparen-  
tur: quod ciuitate inimica, cui præsidio quadringenti equites missi forent, nullus ijs pa-  
eretur aditus, qui arci subsidio venturi essent: tentaturum itaq; se propediem, si fortè qui-  
am è præsidio, quo amico utebatur, proposito præmio adduci posset, uti turres ipsas tra-  
deret. cuius rei efficiundæ nonnullam spem haberet: significaturum verò, quid agi pos-  
se confideret: postquam illius voluntatem cognouisset. Nec dicto fides abfuit: confe-  
stim enim cum amico agere, multa & magna pollicendo per hominem fidum de ea re  
cœpit: nec difficulter persuasit, petentiq; aliquot ad se viros strenuos per noctem ab ex-  
teriore parte mitti, quos in turrim per funē admitteret, quos sibi fideliores putabat, de-  
legit: seq; qua hora commodum foret, cornu significaturum monuit. Postridie cum sibi  
alterius turrium custodia proximanocte euenisset: patranda rei tempus arbitrat, cor-  
nu datum signum: tum qui parati erant strenui viri taciti turrim subeuntes per demissum  
funem conscendere, atq; adniti cœperunt. Sed tam difficilis erat ascensus præfer-  
m armato militi in tanta muri altitudine, ut vix tres ex omnibus in turris fastigium eua-  
erint. Hos in secretiorem partem abductos confestim occuluit, & quoniam propter so-  
torum paucitatem rem exequi apertè non audebat, ad dolos se conuertit. Primumque  
ocios singulos, quasi aliquid operis facturos ad se vocat, comprehensosq;, & loqui veti-  
os, adiuuantibus ijs, quos intromiserat, scorsum disponit. Deniq; ijsdem artibus & ipso  
præfecto arcis intercepto Ioanni Caramanico per cornu, uti conuenerat, signum dedit.  
le ut intellexit arcem in amici potestate esse: latus postridie mane Citatinum (id ei no-  
men erat) præsidij vrbanæ præfectum arte capere instituit: cum quadringentis enim e-  
quitibus, præter urbanas copias, ijs dimicandum erat, qui arci auxiliū laturi forent. Adiu-  
itq; fortuna eius consilium. Forte enim per eos dies Citatinus duos Campanos ciues è  
timoribus ciuitatis verbis altercando ad rixam progressos ipsarum turrium præfecto  
custodiam tradiderat. Mittit igitur ad eum præfecti nomine, qui ei significet velle ci-  
es illos, qui in custodia tenebantur, positos inimicitijs in gratiam reuerti: & ob eam rem  
erere, ne ad se venire in arcem grauaretur: hoc nuutio accepto Citatinus nihil insidia-  
m, aut fraudis veritus, confestim ad turres profectus est. Mox verò ut primum portam  
troijt, exclusis comitibus, comprehensus, ac protinus in carcerem coniectus est. Tum  
auor, & trepidatio ingens urbem peruasit: celeriterq; equites duce suo orbatī armis ca-  
is per urbem discurrere cœperunt. Postquam verò Caramanicus Citatinum interce-  
um comperit, haud amplius differendum ratus, cornu signum dat, quod cum Ioanne  
ntonio Martiano constituerat. Is verò haud procul cum magna popularium manu pa-  
tus signum expectabat. Itaq; repentè profectus, & per patefactam turrium portam in-  
essus, ponte transiisso urbem inuasit: Tum equites cognito dolo perterriti, & confi-  
inopes per ciuium domos diffugere cœperunt. Mox verò ut cognitum est Caramani-  
m ad Ioannem Antonium defecisse, eiq; arcem deditam, qui aduersæ factionis erant,  
omos quisq; suas trepidi petierunt. Atq; ita sine suorum cuiuspiam cæde Capua in Ioan-  
s Antonij potestatem redacta est. Post hæc expulso aduersariorum equitatu, Ioannes  
ntonius ac socij accerfendum confestim Alphonsum censuerunt. Neq; enim tantum  
d



belli onus suis duntaxat viribus sustinere se posse confidebant: præsertim cum aduersarijs magnæ copię essent, hæcque aliena copia sustentarentur, quos non dubitabant ad urbem obsidendam quamprimum accessuros. Ad hæc ciuitatis partem sibi inimicam esse non ignorabant. Itaque Renaldum Aquinate[m] Messanam ad Alphonsum quamprimum mittunt, qui moneat uti ad paratam sibi fortunam & exoptati regni possessionem adulescet: Capuam opulentam urbem (permagnum haud dubie momentū ad totum regnum vendicandum) in sua manu esse. Multum verò periculi moram importare, quod aduersarij coactis copijs ad urbis obsidionem breui profecturos non ambigerent: cuius iam apparatus fieri sentirent: quorum auctoritas non eos modò ciues qui sibi aduersarij essent, verum etiam eos quibus amicis vterentur, trahere ad se posset. Latissimus huius nuntius Alphonso fuit: eoque perbenigne accepto ac dimisso, in vna celeritate spem omnem victoriæ positam arbitratus, quod aduentus sui famam praueneret, cum septem mēdo triremibus, quas paratas instructasque habebat, è Messanæ portu vela facit, Petro fratrem in Sicilia relicto, qui quæ bello gerendo opus forent, curaret, annonamque & comestum meatus summitteret. Quoque suus aduentus occultior foret: ut Neapolitani metu posset segnius Capuam obsidere aggredierentur, procul à regni ora ad Pontiam insulam altius petens contendit. Atque inde extemplo Caraffellum Capuam mittit, qui Ioannem Antonium, ac socios de suo aduentu certiores faceret: nuntiaretque videri sibi hoc rerum initio cum montem occupandum esse, in quo sita Caieta est, antequam hostes suum aduentum cognoscerent: quo capto vel voluntate, vel metu Caietam in suam potestatem venturam breui speraret. Quæ quàm commodè sita esset ad bellum Neapoli inferendum, nemini obscurum esse: duo oppida firma, & peropportuna, alterum terra, alterum mari habiturū se, si vrbe illa potiretur. Cuius potiundæ spes ei non abesset, si dum mortis ipsius custodia negligetur: illi à terra, ipse à mari improvisos noctu aggredieretur. Hoc sibi suscepti belli nimirum caput videri, & in eo rerum summam verti. Inter hæc aduersarij Capuæ defectione vehementer attoniti, quas ad eius urbis obsidionem copias mitterent summo studio parabant: atque in agris delectus habebant. Caraffellus non sine discrimine per iter haud pacatum Capuam profectus, Ioanni Antonio, ac socijs eius mandata exposuit: & in primis de occupando Caietæ monte pluribus verbis differruit. Ad quem reguli, magna se sollicitudine subito regis aduentu leuatos esse: sibi quæcam rem summæ lætitiæ, ac voluptati fuisse. Copias verò à se sine ingenti periculo è Capua educi non posse, quod aduersæ factionis ciues, qui metu in officio continerentur: sese digressis metu soluti noui aliquid struere in se possent. Quæ ciuitas si quo sinistro facto sibi e manu elaberetur, summam inde rerum cœptarum desperationem haud dubie consequuturam. Præstare igitur sibi videri de Capua conseruanda, quàm de Caietæ colle capiendocogitare: quod Capua conseruata, regni reliquū facile superari possit, propter annonæ & pabuli copiam: illa autem amissa, nullam fermè spem reliquam fore. Multa contra à Caraffello dicta, cur satius duceret regis sententiam sequi. Sed cum ibi in sententia permanerēt, ne Alphonsum adire grauarentur petijt, de ea re, & de tota belli ratione vnā cum eo consilium capturi. Quod cum illi se facturos recipere[n]t, constitutodie, & loco, ad quem venturi essent, ad Alphonsum celeriter reuersus quid egerit, referre. Quibus auditis, comprobato eius consilio eundem rursus cum triremi Sinuessam, quæ reguli postridie conuenturi erant mittit, qui illos suum aduentum præstolari Sinuessam haberet: sese eò ire decreuisse, quo sit maris tolerantior, quoque propior sit: sese proxima nocte Aenariam insulam aditurum. Cogitauit sanè (id quod euenit) regulorum animos nulla re magis, quàm humanitate, & facilitate sibi conciliari posse. Profectus igitur Caraffellus postridie manè uti conuenerat, regulos Sinuessæ reperit, præter Franciscum Aquinianum, quem mole corporis grauem urbis Capuæ custodiæ reliquerant: ijsque Alphonsum eò venturum nuntiauit: ne à Capua longius eis abeundum esset, neue mare pertimescerent. Ea regis humanitas audita in eius desiderium accensos regulos multo etiam vehementius inflammauit. Tertia ferè noctis vigilia Alphonsus per summum silentium Aenaria soluens, prima luce Sinuessæ adfuit, regulos quàm humanissimè excepit: paucisque verbis inter se habitis ad prandium inuitatos in triremem perduxit. Post epulas de re communi consultari cœptum. Ostenderunt primū reguli quos princeps



auctoritate sua in belli societatem traxissent, se tamen aduersus hostes haud satis firmos  
 esse, quod illi & copijs, & pecunia in belli sumptum, & re frumentaria superiores essent.  
 Accersendum sibi videri Ioannem Antonium Vrsinum cum copijs, cuius opibus adiuti  
 sperarent bellum à se tantisper, dum maiores copias pararet, sustineri posse: copias au-  
 tem quas haberent sine summo periculo à se diuidi non posse: nec Caietæ magis quàm  
 Capuæ à se rationem habendam esse. Quorum sententia collaudata, missurum se ad Io-  
 annem Antonium quamprimùm inquit, qui hortaretur vt cum exercitu celeriter in Cam-  
 paniam proficisceretur, vel si venire ipse grauaretur, Ioannem Vintimillium, & Minicu-  
 tum cum copijs mitteret: sperare se, atq; confidere pro eius viri erga se beneuolentia  
 nullam intercessuram voluntati suæ moram. Interea omnes se vires suas terra marique  
 contracturum, quibus susceptum bellum tueri se posse non diffideret. Hac oratione con-  
 firmati reguli, quò sibi regis fidem vehementius ad se tuendos obstringerent, in ipsius  
 Alphonsi verba iurauere. Cùm autem cogitaret Alphonsus, quemnà è suis ad Ioannem  
 Antonium mitteret, nec temerè idoneus quisquam occurreret, quoniam periculosum  
 per hostes iter erat: & res præstantem, ac grauem virum postulare videbatur, Caraffel-  
 lum operam suam impigrè profitentem misit: quid ve ad eum perferri vellet, edocuit.  
 Post hæc eo Aenariam repetente reguli Capuā reuersi sunt toto iam animo in bellum  
 proueni, intentiq; Caraffellus simul & exploratis itineribus & mutato habitu ad Ioannem  
 Antonium peruenit, facileq; ei persuasit, vt cum omnibus copijs Capuam proficiscere-  
 tur. Duobus millibus equitum, ac prope pari numero peditum coactis, sese ipse cum Ca-  
 raffello itineri repentè commisit. Profectusq; per Caudinam vallem, in quam olim Ro-  
 manos Consules sub iugum missos à Samnitibus legimus, cùm accepisset Relingerium  
 Caudolam ad eas fauces occupandas, per quas transeundum erat, accessisse, ipse per a-  
 grum Ceritanum (sic enim appellant) iter in Campanum flexit: & ad Lunatam Vultur-  
 no amne traiecto inter Cales, & oppidum Francolissium: quæ loca ab hostibus tene-  
 bantur, castris positis confedit. Relictis, qui exercitui præessent, ad Alphonsum Caiet-  
 am se contulit: constitutisq; inter se, quæ ad bellum gerendum pertinere videbantur,  
 Capuam profectus est. Interea enim eius copiarum, quas ad Cales relictas dixi, Capuam se  
 receperant: quod & oppida illa egregiè munita erant, & commeatus non facilè è Ca-  
 ua per hostilem agrum in castra ferebantur, eisq; annem Vulturum castra posuerant,  
 eo consilio, vt hostes transitu fluminis, & populationibus arcerent. Aduersarij cognito  
 rius regis aduentu, & Ioannis Antonij ad se profectio, minimè cessandum rati, Relin-  
 gerium Caudolam, Antonium eius fratrem, Micheletum Cotiniolam ac Ricium, non-  
 nullosq; alios copiarum duces, (hi ad tria millia equitum ducebant) mercede condu-  
 xerunt: hisq; ex Neapolitana iuuentute haud contemnendam manum cum multo pe-  
 ditum numero adiecere: atq; ad Vicum, quem Mariæ Maioris vocant, castra haud pro-  
 ul à Capua posuerunt. Inter vtraq; castra vix duo millia passuum intererant: leuiaque  
 quotidie prælia ex opportunitate mittebantur. In hoc rerum statu, nuntiatum est Re-  
 ngerio (nam is summæ rerum præerat) Antonium Pontadereum, quem aduersarij mer-  
 ede conduxerant, cum equitibus trecentis aduentare. Itaq; quò tutius proficisceretur,  
 d quingentos equites repertos ei præsidio confestim misit: Quos vbi Ioannes Anto-  
 nius amnem transisse, ac populari agros accepit, Minicutium Aquilanum illicò eis ob-  
 tam iussit contendere. Isq; hostes nactus leui certamine magnam eorum partem cœ-  
 cit, reliquis fuga per agros dissipatis. At Relingerius vt per exploratores agnouit Minicu-  
 tum abesse à castris, cum magna equitatus hostium parte opportunitatē sibi datam exi-  
 mians qua hostium castra expugnaret, conuocatis repentè copiarum ducibus, de que  
 eo consilio certioribus factis, confestim aciem instruit, atq; aduersus hostium castra con-  
 tendit. Qua re per speculatores quamprimùm cognita, Ioannes Antonius, simulato me-  
 tu, quo hostes audacius contempta paucitate castra subirent, partem copiarum intra vr-  
 tem instruxit, reliquis ante castra dispositis: nec alius atque opinatus est, rei exitus fuit.  
 Nam cùm hostes castra metu deserta rati ea alacriter inualissent, atq; oppugnare paucis  
 consistentibus cœpissent, patefacta confestim vrbis porta quæ ad castra vergebat, atque  
 equitatu reliquo peditatuque immisso, perturbati illico pedem referre cœperunt. Mox  
 erò vt paulum sese collegere, haud segniter restiterunt. Pugnatum est diu atque acriter



ancipiti euentu. Ad postremum cū vim diutius ferre non possent (iam enim Minio-  
 rius redierat) sese in fugam coniecerunt: nec prius finem fugiendi fecerunt, quā  
 castra peruenerunt. Secundū hanc pugnam Relingerius Vulturum copias traduce-  
 instituit, ratus ab ea parte maiora Campanis detrimenta inferri posse, & Andegauen-  
 factionis ciues facilius noui aliquid in vrbe molituros, sed ponte opus erat propter fi-  
 minis altitudinem ac rapiditatem, quo traduceretur exercitus. Itaq; pontem ad Vultu-  
 num facere statuit, cuius efficiendi magna cōmoditas offerebatur. Turris erat trans Vu-  
 turnum sita ad sex fermē millia passuum infra urbem Capuam, quam vallo ac fossa me-  
 nitam, præsidio insuper firmauerat: præterea & materiæ copia suppetebat. Is locus ei  
 ximè idoneus est visus in quo pontem efficeret. Itaq; accersitis fabris, & magna prætere-  
 agrestium manu, eō copias ducit: castrisq; positis, pontem inchoauit, eiusque extremi-  
 ne, postquam copiæ flumen traductæ forent, ponte ab hostibus rescisso, reditu interclu-  
 deretur, castello firmavit. Quod postquā Ioannes Antonius accepit, confestim cum ex-  
 exercitu ad ipsam turrin profectus est, eo consilio vt vel opus disturbarer, vel si id nō po-  
 set, hostem transitu prohiberet: castraq; haud procul à turri in conspectu hostium met-  
 tus est. sed quō minus opus incœptum perficeretur, efficere non potuit. Tentatum si quā  
 modo etiam igni corrumpi posset, nauiculis tectis secundo amne aduersus pontē dem-  
 sis. Cæterū hostes grauium saxorum deiectu, longurijsq; in summa aqua expositis, at-  
 ad tignos quibus pons sustentabatur, deligatis, eorum conatus omnes vincebant. mul-  
 tisq; periculo ea res fuit, nauiculis modō in hanc, modō in illam ripam, quo impetus flu-  
 minis propellebat, raptis. Turris quoq; non semel modō, dum pons efficiebatur, frustra  
 oppugnata. Nanq; è castris nauiculis ac lintribus inuecti hostes in eam commodè transi-  
 bant. Ponte perfecto Relingerius copias Vulturum traducere conabatur. Quod cū  
 Ioannes Antonius animaduerneret, exercitu extemplo in aciem educto, ad turrin, quæ  
 ad tutō potuit, successit, hostiq; euadendi facultatem sustulit. Neq; enim multi vnā pro-  
 pter pontis angustias transire poterant: & qui euadebant, hostium oppositu ijs erum-  
 pendi facultas non erat, equiti maximè. Erant enim castra adeo exiguo interuallo à tur-  
 ri separata, vt propemodum turris vallum contingeret: pediti aliquanto facilior eru-  
 ptio erat. Itaque cū per singulos dies pedestria prælia confererentur, multi ex vtriusque  
 castris equites, pugnandi cupidi, omisissis equis pedibus rem gerebant: ex quo insignia  
 prælia crebrō edi contingebat. Melior tamen hoc vno erat Neapolitanorum conditio:  
 quod multos hostium sub turrin illectos, ipsi muro tecti impunè vulnerabant. In ho-  
 rerum statu dum hi perumpere, illi resistere conantur, multi dies consumpti sunt. Dum  
 hæc ad Capuam gerebantur, Alphonsus montem Caietæ imminem, cui maximè an-  
 mum adiecerat, hoc modo cepit. Ea nanque vrbs sibi quoquomodo rerum initio tenta-  
 da videbatur, in eo scilicet belli cardinem verti existimanti. Eius loci natura hæc est:  
 Mons est propemodum excisus, & præruptus vndique: tribus enim ferè partibus mar-  
 alluitur, reliquam partem, quæ est Caietam aditus, mons alter excelsior, ac circumquaq;  
 procliuis communit. Hæc quoque pars muro cincta est: eam plurimum incolebant as-  
 grorum cultores, atque infimæ sortis homines: murus interius ductus hunc montem  
 ab vrbe diuidit. In eo turris sita erat, quam Sufiniā appellabant, iuxta diui Iuliani ædem.  
 Fortè autem turris custodia eo tempore, quo Alphonsus eō profectus est, quibusdam  
 contigerat, qui studio partium illi affecti erant. Hi cognito regis aduentu, quem prius  
 Aenariam venisse acceperant, confestim ad suæ factionis homines misere, qui illum ad-  
 esse cum classe nuntiarent, quiq; eos in armis paratos intra tecta iuberent esse: ne ab ad-  
 uersarijs, si fortè præsentirent regis aduentum, sua consilia opprimerentur: quosdam et-  
 tiam suorum discedere ad eum in classē iussere, qui omnia parata esse significarēt, mo-  
 nerentq; vt socios nauales in terram exponeret, qui ad muros per montem ascenderēt.  
 His constitutis, cū ignem in turris fastigio excitare statuissent, quod signum eis cum Al-  
 phonso conuenerat, quō sciret suis ascensum dari, fortè Gorax Pica homo contrariæ fa-  
 ctionis eō profectus, vt vigilum stationes circumiret, ad eam turrin accessit: citatisque  
 custodibus, cum nemo responderet primū sopitos somno existimauit: post ijs sapius  
 vocatis, cū nemo nomen daret, responderetque perplexa, atque incerta, magis sub-  
 esse dolos suspicari cœpit. Cumque iam minacius inclamaret, & pertinaciter eorum no-  
 mina



mina requireret, nec ij possent diutius consilium tegere, Aragoniam clara voce clami-  
 antes cum inde lapidibus submouerunt. Inter hæc Alphonsus signum intentius expe-  
 ctabat. Neque enim existimabat milites suos periculo capitis temere committendos  
 esse: neque ijs satis credendum, qui vt ascensum maturaret, hortabantur. Fortè autem  
 Gorax in tanto periculo trepidus cum intra interiorem vrbs murum festinaret, in duos  
 è coniuratis incidit: qui ab Alphonso reuertebantur per angustum foramen loco negle-  
 cto, atque abdito, ad turrim, quam dixi, properantes, comprehensosque illicò ad Fran-  
 ciscum Spinulam, & Otolinum Zoppum præsidij duces perducit: simul quæ viderit, re-  
 fert: ijque mox in quæstionem dati, metu grauioris supplicij rem omnem, vti se habe-  
 bat, confessi sunt. Tum milites, ac ciues, quibus confidebant, celeriter arma capere iussi:  
 parsque vigiles in mœnibus collustrare, pars ad prohibendos ascensu hostes contende-  
 re. Cæterum id frustra fuit. Iam enim à coniuratis è turri signo dato, regionum plerique  
 in montis fastigium euaserant, eaque turri, ac proximis turri mœnibus occupatis dilap-  
 si intra exteriorem murum sese cum ijs, qui montem incolebant, conglobauerant. Hosti-  
 bus itaque paruo certamine intra interiorem vrbs circulum repulsis: Alphonsus toto  
 monte potitus est. Oppidani perterriti, quæ ad vrbs tutelam pertinere videbatur, sum-  
 mo studio, & celeritate parare cœperunt: & quos aduersæ factionis homines res nouas  
 moliri posse suspicabantur, ad triginta comprehensos in custodiam tradidere. erat verò  
 ea vrbs præter naturalem situm præsidio imprimis munita. Nam multo antè Alphonsi  
 aduentum, & Otolinus Zoppus vnus è copiarum ducibus Philippi Mediolanensium  
 principis, qui ab illo ad Ioannã, cum adhuc viueret, legatus mittebatur, cum illam mor-  
 tuam reperisset, rogatus à Caietanis apud eos manserat: ac paulo post Franciscus Spi-  
 nula genere, fama, dignitate omnium ciuitatis suæ ea tempestate longè princeps ijs au-  
 ilio venerat, quem Caietani nominatim subsidij ducem depoposcerant, ad quadrin-  
 gentosque sagittarios totidemque pedites, in quibus Placentinum impigrum virum, à Phi-  
 ippo missos, nauibus vexerat. Multoque antè sub reginæ mortem, quod summa regni  
 perturbatio ob principum dissidia futura videbatur, quum Caietani ad eos, qui Neapo-  
 litanæ reipublicæ præerant, legatos misissent, qui sese in eorum fide ac potestate mane-  
 re velle significarent, præsidiumque postularent, Sorleonem Spinulam virum fortem  
 cum aliquanto peditatu vti ad se mitterent, impetrarunt. quibus auxilijs confisi fortiter  
 Alphonso resistebant. Crebræ itaque eruptiones ab ijs fiebant: quotidianaque inter se  
 prælia in ea castrorum propinquitate conferebantur. Caietani præter veteris vrbs cir-  
 culum nihil tenebant. Ad hæc Alphonsus tormentis æneis miræ magnitudinis adue-  
 ctis, murum, ac tecta vrbs quatiebat. Iamque ijs turribus, quæ ad castra spectabant,  
 quassatis, oppidanos in summum discrimen adduxerat. Nanque propugnatoribus con-  
 stendi tutò in muro potestas non erat: totamque eam murorum partem defensore nu-  
 lassent, nisi Genuenses (solers in tuendis vrbsibus hominum genus) summa vi restitissent.  
 Nanque pro muro diruto munimenta agere intrinsecus noctu sufficiebant: faccosque  
 ana repletos, prominentibus tignis religatos tormentorum ictibus opponebant, quod  
 tegmenti genus multis locis deprehensum erat nullo tormento aut telo perfodi pos-  
 se. Sed procedente obsidione rei frumentariæ penuria omni bello, ac calamitate gra-  
 uior vrgere obsessos cœpit: præsertim clauso mari. magnus nanque numerus non viro-  
 rum tantum, sed etiam foeminarum, ac puerorum penè, quicquid frumenti publici, pri-  
 uatiq; è vicinis regionibus conuectum fuerat, atq; omne insuper pecus consumpserat.  
 Cumq; id malū quotidie magis ingrauesceret: nec vlla reliqua salutis ratio succurreret:  
 Franciscus omnem inutilem bello turbam, quod in extremis rebus fieri consuevit, ex vr-  
 be eiiciendam curauit. Miserabilis horum facies erat, macie simul, ac pallore confecti,  
 manus ad cœlum suppliciter tendentes, cum flebili voce humi procubere. Quos vbi  
 Alphonsus conspicatus est, quamuis penè omnes in vrbs eiiciendos censerent: nec  
 esset nescius facere se contra militarem disciplinam, quod protraheretur obsessis in ali-  
 quod tempus fames: magis tamen naturæ & consuetudinis suæ, quàm quid hostes de se  
 meriti essent, rationem habere voluit: veniaq; ijs data castra adeundi, & cibo, ac potu  
 refectis, abeundi, quò vellent, potestatem fecit. Ea verò regis humanitas audita: incredi-  
 bile est, quàm multos tum populos, tum principes adhuc incertos quid agerent vtramque



partem sequerentur, sibi conciliauerit. Neq; enim propè vlla res est, quæ magis mortali animos capiat, quàm eorū, qui calamitate aliqua premuntur malis commoueri. Post aliquot dies arctioribus rebus, Franciscus omne reliquum frumentum per ciuium domos cum cura conquisitum, atque in panem redactum, quò diutius sustentarentur, parcè paulatim per dies singulos viritim diuidebat. Præterea quicquid faccari (vtar enim verbo nouo & noto) in ea vrbe apud negotiatores atque opifices erat, condiri iussu, & in paruula frustra defectum identidem dispertiebat. Cæterum hæc non tam præsentis malis finem, quàm exigui modò temporis leuamen tum pollicebantur. Denique consumptis penè omnibus humanis alimentis, cum grauior fames vrgeret obsessos cœpisset, herbis ac radicibus teneris vefcebantur. Ad hæc mala accedebat, quòd quæ Genuæ gerentur pro sua salute clauso mari scire non poterant, classemque ingentem à Petro regis fratrem in Sicilia contractam, mox venturam acceperant. Quibus incommodis oppressi decreuerant Franciscus atque Otolinus omni præsidio, ac plerisque ciuibus, non modò Andegauensis, verum etiam Dyrrhachinæ factionis in nauē impositis, ante hostilis classis aduentum vrbein deferere. Erat tum fortè adhuc Caietæ nauis vna Genuensium ingens, ex ijs quas Franciscus cum præsidio adduxerat, à triremium vi ob magnitudinem tuta. Hanc verò, cum iam esset ad cursum parata, fortè quoddam ingens saxum è regijs castris tormento æneo excussum summa mali parte præfracta inhabilem ad nauigandum reddidit. Quæ res consilium mutare obsessos compulit. neque enim ijs materiæ copia erat, vnde malum reficerent. Postquam autem cognouerunt Petrum cum classe aduentare, nec iam nauim ipsam à se defendi posse, nauisque ipsius iuuentutem vrbeis præsidio maximè necessariam, eam æstimatam, quum de pretio domino cauissent, quàm proximè potuerunt, sub murum depresso, eo videlicet consilio, vt regis nauibus subeundi oppidi facultas adimeretur, extractumque prius malum ad eam partem quam infirmiores existimabant, pro munimento statuerunt. Maximè verò ex eo casu iudicatum est rerum humanarum euentus incertos esse, solereque plerumque mortales futurarum rerum ignoratione falsò lætari atque angere. Nanque regij deiecto nauis malo gaudebant, quòd hostibus importandorum commeatuum facultas sublata videbatur: aduersarij verò mutilatam armamentis nauim dolebant, quòd eorum nauigatio impedita esset. cæterum rei exitus vtrosque iudicio deceptos docuit. Nam ni ita cecidisset, nec Caieta digresso inde præsidio Alphonso restitisset, nec post eadem nauis vndis obruta regijs nauibus muros subire conantibus impedimento extitisset, nec porrò tanta clades consequuta esset. Tot tantisque ærumnis adacti Caietani à Francisco, atque Otolino summis precibus postularunt, ne se diutius affligi paterentur, ac si tolerabiles modò deditiois conditiones proponerentur, suæ saluti consulerent, malle se ferro quàm fame interire: nullum se periculum recusasse, quamdiu de subsidio sperauarint, & quoad superfuerit aliquid, vnde vitam producerent: nunc se omni humana spe, atque ope destitutos, tot mala diutius ferre non posse. Franciscus per id temporis æger erat: nam dum paulò antè pugnaretur acrius, sagitta femur traiectus fuerat. Itaque oppidani vtrumque separatim alloquuti, demum vtriusque animum ad misericordiam flexere. Misit igitur Otolinus ad Alphonsum, qui peteret ad se mitti quempiam ex ijs, quibus fidelioribus vteretur, qui cum deditioe ageret, & nominatim Antonium Panormitam: quem poetam nō insuauem Mediolani apud Philippum in magna gratia, & dignitate cognouerant: eumque non tantum propter prudentiæ, sed multò etiam magis propter æquitatis opinionem, & quòd illum ab Alphonso apprimè diligi acceperat. Hic præter excellentiam doctrinam excellenti ingenio præditus, & carmine, & soluta oratione, quod est perrarum, propè æque valuit, in suadendo, aut dissuadendo perfacundus habitus: Iudicio quoque acerrimus, atque imprimis facetus, iacentem tempestate nostra elegiam excitauit. Eo nuntio accepto, Alphonsus tametsi confidebat oppidanos aut vi aut fame breui ad deditioem cogi posse, tamen ad humanitatem suam pertinere arbitratus quæ illi dicere vellent, non aspernari, Antonium misit. Isq; in senatum introductus audiente Otolino (nam Franciscus propter vulnus sese domi continebat) hunc in modum, cum illi pauca prædixissent, disseruit. Videre vos non dubito Caietani, quonam vos discriminis fortuna, & pertinacia vestra perduxerit, ab Alphonso terra, mariq; vos non obsessos modò,



modò, verumetiam circumfessos esse nec vllum iam effugio locum patere : esse vobis rem cum rege opulentissimo, & maximo, cui non modò Sicilia, Sardinia, Baleares insulae, Hispania, atque Aragonia (regna amplissima) verumetiam magna huius vberissimi regni pars pareat : è quibus & immensam pecuniam, & milites in belli vsum necessarios comparare facillè possit. Videtis vt urbem premat, & muros armis circumsonet, castra vrbis coniuncta sint, vel in ipsa vrbe potius. Vnus tantù muri circulus interiectus, & is quidem adedò quassatus, & disiectus, vt ruinæ magis, quàm muri speciem præbeat : Fame vrbis gemini omnium malorum maximo, & grauissimo. Nam cæteræ quidem calamitates aliquo modo tolerari possunt : sola fames ad extremum ferri non potest. Satiùs est vel iniquas quasunque conditiones, & leges ab hoste accipere, quàm inedia maceratos vitam finire. Auxilia præterea nulla habetis, eaque desperare omnino iam potestis, cum ad hunc diem nulla venerint. Intelligit Philippus, intelligunt Genuenses Alphonso vires terra mariq; maiores esse, quàm vt ab obsidione vestra facillè depellatur. Cogitate quantas copias terra, quantas mari habeat : quantas præterea parare queat, cogitate. Nolite obsecro expectare extremum vrbis casum : nolite committere, vt videatis patriam vestram, quæ vobis debet esse carissima, ferro excindi, domos cremari, fortunas diripi, viros, ac liberos (quod omnem exuperat calamitatem) in oculis vestris rapi, & distrahi. Sapienter nimirum quisquis ille est qui ait, aut vince, aut vincenti pare : fortis nanq; animi est, si possis, vincere : si verò non possis, potentiori obtemperare, & fortunæ tempestatiq; concedere. Alterum iam experti estis, videtis enim vos nec vincere, nec libertatem vestram tueri posse. Erit igitur prudentiæ vestræ alterum sequi, potentiori scilicet obsequi, quem profectò, si deditionem feceritis, & clementissimum, & mansuetissimum agnoscetis : alioquin de patria vestra, de fortunis, de coniugibus, de liberis, de parentibus, de libertate, de vita denique vestra (si quicquam mihi creditis) actum existimate. Ad hæc Caietani, non ignorare se in quibus difficultatibus versarentur. Sed nec fortasse eas esse quas existimaret : nec verò se prorsus de subsidio spem omnem abieciisse. Neque enim aut Philippum, aut Genuenses passuros esse vt eorum præsidium, vt tot sibi carissimi ciues & milites, vt denique reipubl. amici fideles in hostium potestatem veniant. Se tamen si ij dentur, sibi triginta dierum induciæ, quibus liceat Philippo, ac Genuensibus denuntiare qui nam sit suarum rerum status : vt nisi interim auxilium mitatur, cum bona illorum venia possint deditionem facere post eam diem sese absque cōrouersia deditionem facturos. Cum hisce postulatis Antonius ad regem reuersus, quid Caietani vellent, retulit. Quæ cum audisset : veritus ne qua interea classis Genuæ pararetur, quam parari fama erat, inducias nullo pacto concedendas censuit. Itaque contestim renuntiare ijs Antonium iussit, aut continuò deditionem facerent, aut se ad extremum certamen compararent. Qua spe destituti Caietani, quum nihil omnino scire possent, quid nam Genuæ ageretur, iam enim Petrus è Sicilia cum reliqua classe venerat, & aliæ naues in dies aduentabant, nec famem diutius ferre poterant, rursus per Antonium ab Alphonso petierunt : vt saltè eas sibi inducias daret, quibus Philippum, ac Genuenses, tantum quo statu res eorū essent, certiores redderent. Sed quoniā maris tēpestas incerta esset, tridui haud amplius spatiū, postquā nuntius Genuā peruenisset, quò Mediolanum proficisci posset : vt Philippo, & Genuensibus conscijs deditio à se fieret, requirebant, quæ vt rex sciret se præstare velle, optimatū liberos obsides polliciti sunt : sed ne id quoq; impetratū : qd'ne Alphonso concederet, duæ causæ erant : altera q̃ intelligebat eos diutius famē tolerare nō posse : altera q̃ interea auxiliū ijs ab hostibus mitti poterat. Reuersus itaq; ad eos Antonius, negauit id ab Alphonso impetrari posse : ac nisi ex templo deditio fieret, seram postea poenitentiam eorū fore : deditionē verò à se honestè iam fieri posse : quòd difficillima quæq; perpeffi, tandiu à suis auxilium nequicquam expectarent : putare se Philippum ac Genuenses grauius laturos si quid in se ipsis crudelius conuulerent, quàm si se conseruatis Caietā amitterent. His atq; huiusmodi verbis cum Otolinum atq; oppidanos ad deditionem inclinasset, petijt Antonius vt Otolinus ad regem proficisci non grauaretur : sic facilius posse de deditionis conditionibus, quæ vellent, eo petente transigi. Existimauit enim rem ipsam per mutua colloquia & melius & commodius tractari posse, seq; eo onere leuatum iri. Huic postulato cæteris omnibus assentien-



tibus, vnus Pica exurgens negauit æquum esse eum qui Philippi personam gereret, ad Alphonsum proficisci. Quem cum reprehenderent, non illepidè inquit Antonius, non esse videlicet considerandum quidnam ille diceret, morbo enim affectum (nam is ali- quot dies malè se habuerat) in phrenesim incidisse, atq; ideò delirare. Itaque cognita Senatus voluntate statuit Otolinus Francisco inconsulto ad Alphonsum se conferre: acceptaque in id fide regia, cum Antonio ad regem profectus, longo sermone super de- ditione nequicquam habito in urbem redijt. Cuius profectiōem cum Franciscus ægre ferret, maiorem ciuium partem ab eo alienauit. Post hæc inter Genuenses & Otolini co- hortem exorta dissensio omnem deditiōis mentionem sustulit: longè enim amplior a- pud Caietanos Francisci quàm Otolini auctoritas erat. Quod cum Alphonsus animad- uerteret, constituit obsessos terra mariq; omnibus copijs oppugnare. Iam enim præter rostratas, ad sexdecim onerarias coëgerat. Itaque scalas & coruos, per quos in murum è nauibus euadi posset, cæteraq; machinamenta bellica confestim parari iussit, atq; ex- pediri. Ad hæc turrim ligneam mobilem, non modicæ altitudinis, quæ muros supera- ret (machinæ antiquæ genus) effecit: cuius consilium cum oppidani sensissent, conti- nuò eam partem, quæ ad mare sita erat, summa ope munierunt, eaque raptim ac certa- tim effecere omnia, quibus machinarum violentiam, coruorum maximè, declinari pos- se existimabant. Postquam paratis omnibus Alphonsus ab omni parte oppidum adoriri instituit, terra ita copias diuisit, ad diui Theodori templum Henricum fratrem cum par- te copiarum, nec procul inde Ioannem alterum fratrem cum lecta manu statuit. Ipse ad- uersus portam Ferream (sic enim appellabant) quæ ad castra ferebat, reliquas copias habuit. Petrum minimum natu fratrem, cuius virtuti confidebat, à portu classe oppugna- re urbem præcepit, in qua erant præter onerarias quindecim, triremes decem. Aduer- sus hosce apparatus Franciscus atque Otolinus tormentis variæ magnitudinis per mu- ros dispositis, alios regijs castris, alios classi opponunt, alios ubi plurimum periculi im- mineret, iubent occurrere: foeminis, imbellibusque qui supererant, negotio dato vt pugnantibus lapides & tela ministrarent. Signo pugnae proposito, regij pars eminus la- pidibus, atque omni missilium genere certare, pars moenia subire, ac scalas admouere contendebant. Simul lingnea turris, simul naues remulco agi coeptæ. At oppidani in- eos, qui propius succedebant, lapidibus atque omnifariam telis coniectis, muro sca- las applicari non sinebant, cubitalibusque clauis qui crebri in muro ob id facti erant, plerosque hostium & sagittis ac minoribus tormentis ex occulto vulnerabant: nec vl- lum frustra telum in tantam multitudinem emittere poterant. Et primò quidem turris contabulata, cum rotis ad muros ageretur, terrori oppidanis fuit. Post ubi propius per- ducta partim tormentorum ictibus, partim sua mole dissipata est, multiq; in ea pugnan- tes cecidere: ab ea parte vehementer hostibus animus creuit. Amari quoque atrociter pugnabatur. Nanque naues simul atque ad teli iactum appropinquarunt, tormentis op- pidanos laceffere coeperunt: coruisque ad malos religatis, ingentem ijs terrorem in- tulere. Stabant intenti oppidani (nanque ea pars fortioribus tuenda data fuerat) cum longurijs & furculis in id factis, in quas si fortè corui incidissent, necessariò procumbe- bant. Inter hæc Alphonsus, quò magis hos à portus defensione auerteret, acrius vrgeri à terra imperat, alios hortando, alios nominatim appellando, præmiaque pollicendo, atque ad portam, quam dixi, Ferream facto impetu succedens, milites in pugnam ala- crioribus reddebat: multoq; acrius pro se quisque ubi curabat, nitebatur. Pudor enim simul, atque auaritia, gloriaque militum animos longè acuebat. pugnantium clamor ad coelum ferebatur exhortatione, lætitia varioque affectu permixtus: & quo magis nite- bantur, quoque propius ad muros succedebant, eò plures, aut cadebant, aut faucieban- tur. Quod cum aduerteret Gartias quidam Medineus signifer regius, vir fortis, & stre- nuus, signo, quod manu gerebat, in fossam urbis illato, socios, vt sequerentur, vociferās, cum audius progressus scalas muro admouere contenderet, lethali vulnere accepto vix inde retractus est. In hoc prælij ardore naues ad oppidum succedebant, laxatis funi- bus coruos dimittere in muros paratæ. Primaq; omniū ea nauis, qua Petrus ferebatur, coruū muro iniicere conata est. Sed cum eius extremamimio intervallo in murū perueni- re nō possent, diffractis suo pondere rotarū axibus, coruoq; comminuto, qui superstere-



rant in mare præcipites collapsi sunt : ijꝑ omnes, quod armis grauari erant, enecti, præter duos Drepanitanos, qui sub aquis ( dictu mirum ) diloricatis thoracibus, & reliqua armatura incolumes euaserunt. Eo casu Petrus, & qui in nauibus erant, totam penè victoriæ spem deposuere. Ad hæc nauis altera cum corui exponendi causa propius subiret, crebris tormentorum ictibus repulsa est, nec postea nauis vlla iniiciendi corui facultatem habuit. Nanque ob rerum successum crescentibus hostium animis eam partem acerrimè tutabantur. Quæ vbi Alphonsus agnouit, suorum saluti parcendum arbitratus, receptui cani iussit : quo viso Petrus extra tormentorum iactus naues reduxit, nec post eam diem vniuersa oppugnatio tentata : sed tantum in obsidione perseveratum. Interea Genuæ cum esset auditum Caietanos obsessos, fame insuper laborare, tres onerarias ingentes, nec dum enim regia classis Caietam conuenerat, armare decreuerunt, ijsque fauentibus quibusdam ciuitatis optimatibus, Blasius Aferetus præfectus est, maxima nobilitatis, & populi parte ægrè ferente nouo homini eam præfecturam dari, quod eum honorem quasi pollui hominis nouitate existimabant. Erat is quidem humili genere ortus, cæterum vigilans, callidus, lingua celeri, & expedita animoque supra dignitatem, ac præterquam par erat honores publicos affectante. Dum hæc naues pararentur, Genuam perlatus est, plures iam naues ab Alphonso coactas Caietam conuenisse : cumque ob id ampliori classe opus esse cognoscerent, naues vndecim confestim ijs tribus adiecere. Cæterum optimates, qui prius vix tulerant trium nauium præfecturam ad Blasium deferri, apertè anniti coeperunt, vt eo à præfectura amoto, alter ex clara gente præfectus crearetur. Quod cum Blasius animaduerneret, mox ad artes conuersus, cum Philippo, penes quem summa rerum potestas erat, per amicos, qui apud illum poterant, vt inuitis aduersarijs sibi is honos ratus esset, perfecit. Eaquæ re impetrata classem maturari, cætera quæ vsui essent parari confestim curauit. Dum ea parantur, Genuenses de suis qui obsidebantur, vehementer solliciti & anxij, Benedictum Pallauicinum, qui sese Alphonsi amicitiam habere profitebatur, mittere ad Alphonsum statuerunt, antequam aliquid de classis apparatu ad Alphonsum permaneret : ei que in mandatis dedere, vt ad regem se missum simularet, vt cum illo de conditionibus deditionis obsessorum ageret. Cæterum oportunitate colloquendi cum Francisco, atque Otolino data, quanta classis decreta esset doceret : hortareturque, vt eos fortiter labores tolerarent, quorum finis appropinquaret, & quæ essent regis opes terra, marique exploraret ; cum ijs mandatis Benedictus Caieta profectus ad regem accepta fide se contulit, de deditione agere, vt instituerant, coepit : factaque potestate oppidum intrandi, vt eadem illa, quæ cum rege egerat, communicaret : quæ Genuæ pro eorum salute pararentur, edocuit : seque ob id venisse, nequid præter Philippi, & Genuensis nominis dignitatem ipsi desperato subsidio consulerent. Cæterum vehementer tacito opus esse, ne rex sese ab eo elutum suspicaretur : quæ quidem res sibi perniciem esset allatura. Eius oratione Francisco, atque Otolino confirmatis ad regem reuersus non posse obsessos ad deditionem flecti respondit. Cognitis, quæ voluerat de regis copijs & classe Genuam redijt. Quibus rebus Philippo nuntiatis, qui Genuensem remp. gerebant, classem confestim expediri, frumentumque obsessis deferendum, conuehi iussere. Classe verò ita parata, atque instructa Blasius idoneam ad nauigandum tempestatem nactus, Caietam versus cõtendit. Quod postquam Alphonsus comperit, extemplo vndiq; copias accersit : ac fratribus, & cæteris primoribus conuocatis, Quousque, inquit, tandem viri fortes, Genuensium insolentiam atque iniurias patiemur ? Nullum bellum suscipimus, quin continuò amicitiam ac foedus cum hostibus nostris ineant, eosque classe ac pecunia adiuuent : nobis semper aduersi, inuestique ob inuidiam scilicet & vetus in gentem nostram odium, ferre non possunt, opes nostras mari coalescere. Nam vt omittam quas prioribus Aragoniæ regibus iniurias intulerunt, quotque modis & quotiens illos bello persecuti sunt, non ne ingenti classe comparata, cui Guido Torellus præfuit, occupatis nobis bello Hispano, præsidium nostrum, cum nihil ab his hostile metueremus, ex vrbe Neapoli eiecerunt ? Sed hæc quam graua sunt, tamen aliquomodo ferri possent, si quem iniurijs modum statuisent. Cæterum genus hominum inquietum in perniciem nostram quotidie magis exardescit. Quid autem iuris in Neapolitano regno habent, in quo ne vicum quidem,



aut exiguum castellum tenent? Cur Caietam, quæ nostra est, humani iuris obliti rup-  
 fœdere occupauere? Classẽ quoq; si dijs placet, effecerunt, quæ Caietanos ab ob-  
 dione vindicent, eaquẽ iam instructa in cursu est, quantum accepimus: simulantesq; Caietam dedi velle, Benedictum Pallauicinum nos elusum misere. Quis hæc tot & tam in-  
 digna ferat? aut quis non maximè commoueatur, & in ultionem concitetur? Nullus  
 est animal tam imbecillum, quod non conetur illatam vim repellere: nos quibus pro  
 pulsandæ iniuriæ facultas est, hostes aduersus nos proficiscentes otiosi, ac segnes ex-  
 pectabimus? Nulla gens tam imbellis aut tam ignaua vnquam fuit, quæ vel minima par-  
 te occupati agri certare non sustinuerit: nos pro tanti ac opulenti regni possessione  
 qua spoliare nos student, non depugnabimus? Quod autem pars vestrum rudis est re-  
 maritimæ, haud equidem referre multum puto, vir fortis terræ ne pugnet, an mari. Vtrò  
 biq; vim eandem animi, atque idem robur fortibus viris esse compertum est. Romanus  
 miles primo bello Punico, nunquam antea ingressus mare, non dubitauit cum Pœni  
 in maritimis rebus exercitatissimo classe configere, victoriãq; primo prælio adeptus  
 est. Et nos certè longè ampliores quàm Romani naues habemus, in quibus tanquam in  
 stabili solo dimicatur. Quod si viri estis, si eam animi magnitudinem retinetis, quam ego  
 in vobis pluribus prælijs expertus sum: haud dubito, quin vtrò obuiam hostibus eun-  
 dum existimetis: nec passuri sitis, vt hunc Caietæ portum aspiciant. Onerarijs nauibus  
 pares ijs sumus, triremibus verò etiam superiores: quarum turmis supplere naualium  
 sociorum numerum possumus habemus lectissimam iuuentutem, florem Italiæ, ac citè  
 rioris Hispaniæ, & quod plurimum in prælio valet, armis egregiè instructam. At in hosti-  
 li classe magna pars semiermes, nautarum ministerijs fungentes, eminus pugnando, lap-  
 idibus, ac manubalistis valent: At si propius congressis manu balistarum vsum ademeris  
 nostrorum certè impetum non ferent. Quapropter censeo (viri fortes) relicto in castris  
 idoneo præsidio ac conscensis quamprimum nauibus, aduersus capitales hostes con-  
 tendamus: quos si vicerimus (quod fore speramus, dijs bene iuuantibus) tantum, ac  
 tam difficile bellum vno die haud dubiè confecerimus. Eius consiliũ cum penè omnes  
 pugnandi cupiditate approbarent, confestim copiarum duces parari cum cohortibus  
 suis iubet, atq; in singulas naues diuidi: relaque, & arma in classẽ imponi, quæ tempo-  
 ris breuitas prouideri passa est. Ante omnia verò nequis impetus interim, dum abesset  
 ab obsessis fieret: valida in castris præsidia reliquit: fratribus, qui tum fraterna pietate  
 tum gloriæ auaritate ducti eum sequi statuerunt, parte nauium, & copiarum attributa  
 His constitutis classẽ conscendit: idem cæteri fecere: inde altum petens, te, inquit  
 Deus, qui cunctis rebus præes, quiq; ius, atq; æquum colis, oro, obtestorq; vt mihi ho-  
 stium meorum, qui contra fœdus me armis petunt, vlciscendorum, (si iusta postulo) po-  
 testatem facias: atque vt milites hos meos, ijs deuictis, incolumes, prædaq; onustos me-  
 cum reducam. Eo die nulla conspecta classis: cum postridie apparuisset: magno exultan-  
 tium clamore ad eam cursum dirigi imperat. cæterum noctis interuentus mox illius co-  
 spectum abstulit. Tertio verò die cum rursus supra Pontiam insulam visa esset, tantus o-  
 mnibus ardor iniectus est, vt non ad ancipitem pugnam, sed ad certam victoriæ præmi-  
 proficisci crederes. O fallaces hominum spes, & incerta rerum futurarum iudicia: nam  
 qui sibi victoriã pollicebantur, mox ab illis, quos despexerant, victi sunt. Classibus al-  
 quanto propioribus factis misit Alphonsus, qui specularetur, quoad tutò posset, cum na-  
 ui longa hostilium nauium ordinem, quamũx instructæ naualibus socijs forent. Profici-  
 scenti lembus quidam occurrit, qn̄ à Blasio classis præfecto ad regem mittebatur: qui  
 cum procul extra reli iactum significasset, velle se colloqui, vexillo in mediam triremem  
 translato, quod fidei pignus maritimo bello esse consuevit, accedendi propius potesta-  
 tem fecit. Eo signo prospecto celeri remorũ pulsu lembus ad triremem venit. in coue-  
 batur tubicen qdam, qui à Blasio mittebatur, vt regi nũtiaret, se cum classe à Philippo, &  
 Genuensibus Caietã mitti ob eam rem modò, vt frumentũ obsessis deferret: qd̄ si impor-  
 tari pateretur, rediturũ se continuò cum classe: nec intercessurũ, quominus, si vellet, in vr-  
 bis obsidione perstaret. Interrogatus tubicen, quid nam noui apportaret: pacẽ se, inquit,  
 bellumq; afferre: in arbitrio Alphonsi fore, vtrum malit deligere. Cæterum monere se,  
 atq; consulere, ne cum Genuensi classe decertent: naues em̄ illas egregiè instructas esse.

Itaque



Itaque petere se, uti ad regem quamprimum deducatur. Hæc ubi dicta, ad Alphonsum perductus, cum eadem nuntiasset, res ad consilium delata est. Erant quibus quietis consilia tutiora, & meliora videbantur. Alij dimicandum censebant: nonnulli etiam per contemptum, ut mediam sententiam sequi viderentur: respondendum videri dixerunt, placere Alphonso, frumentum Caietanis tradi. Cæterum quo certo scire posset, Blasium haud amplius quippiam moliturum, quod obsidioni incommodaret, se nauium vela interim petere. Cum hoc responso tibicen remissus, & cum eo ab Alphonso nuntius, qui denuntiaret, à Genuensibus contra pacis leges fieri. His verbis Genuenses irritati continuo armis decernendum una voce succlamarunt. Omnibus confestim ad pugnam paratis, Blasius regiam classem peti infestis proris imperat. Nunquam ferme aliàs nauali prælio tantis animis concursum est. Quippe aliud quam vnius certaminis victoriam utrique respiciebant, Alphonsus ut fuis, ac deuictis hostibus Caieta, atque omni regno Neapolitanorum potiretur: Genuenses ut vendicata sibi maris possessione regnum finibus suis propinquum in Alphonsi, & Hispanæ gentis potestatem venire non sinerent. Ante pugnae initium tres hostium naues, quod regias fallerent, à reliquo agmine diuisæ altum petentes speciem fugæ præbuere. Id autem eo consilio factum, ut postquam reliquæ naues conflixissent, regias pugna implicitas à tergo circumuenirent. Quas Henricus fugere opinatus, cum insequi properaret, vetuit Alphonsus, satius esse existimans parte illa virium hostibus detracta, cum tota, atque integra classe reliquas hostium naues adoriri, omnesque vno loco vires contrahere: id quod à rei navalis disciplina non abhorrebat, reliquas hostiles naues à se prius superari posse ratus, quam tres illæ à reliquo agmine longo interuallo distractæ opem ferre circumuentis possent. Idque sibi hoc magis persuadebat fore, quod venti prope vis ceciderat, nec habebant hostes rostratas, è quibus eæ naues remulco agi aduersus se possent. Itaque cum tota simul classe in hostes inuectus unam ex omnibus præfecti nauem petit. Quam simulac Blasius in se venientem aspexit, flexa in gyrû naue, tanto impetu puppim eius inuasit, ut disiectis munimentis, magnaque vi lapidum, ac telorum, in creberrimæ grandinis modum, coniecta, propugnatores omnes in naus tabulata præcipitavit. Fortè autè naus ipsa regia, ante congressum saburra in alteram partem prolapsa, nulla vi, aut arte in tantis angustiis erigi potuerat: cuius rei causa fuerat malo onus adiectum. Nanque præter summi mali propugnaculum, alterum ad mali medium extruxerant. Ex quo contigit, uti prætoria hostilis, quæ minor erat, illi altitudine exæquaretur, faciliorque transcensus hostibus in eam foret. Tum protinus reliquæ naues, quæ cuique obuia fuit, aggrediuntur: ferreisque vncis hostilem nauem à se diuelli non sinebant: cogeantque iunctis inter se proris ex propinquo dimicare, nauibusque peruijs factis, veluti in solo pugnaretur: vix vllum telum in mare decidebat. Plerique tamen viri strenui, priusquam naues inter se coirent, in hostilem nauem transilire aggressi, cum armati in mare cecidissent enecti sunt. Altitudinem nauium proræ puppesque contabulatæ ac solidis tignis intextæ adaugebant: proculque spectantibus montium speciem præbebant: Regia naus etsi primo congressu graue detrimentum acceperrat, tamen navalibus socijs impigrè rem gerentibus fortiter resistebat: donec alia se à latere, alia à prora circumfuderunt. Cæterum eo maximè prælio intellectum, & iudicatum est, (quod & sæpe aliàs) inter naualem & terrestrem militem nauali prælio quid intersit. Genuensis maritimis rebus bellisque exercitatus, facile omnia nautæ ac militis munia obibat. At terrestres Alphonsi copię oneri magis quam adiumento erant: cum quidam alij nausea afficerentur, alij vestigio vix insisteret, alij alios metu premeret, & insolito pugnae genere perturbarent. Adhuc qui regiae naus malum tuebantur ab ijs, qui prætorie hostilis malo imminebant, subacti, in suos desuper tela iacere cogeantur, quorum quo certiores ictus, hoc grauius incidebant: & quanquam ubique acriter pugnabatur, summum tamen in eo certamen erat, ut regiam nauim expugnaret, quæ superata confidebat facilem victoriam fore. Maiore itaque vi nixi in perturbatam (amisso mali propugnaculo) nauem, è prora, atque è media nauis summiouere hostes: ægreque regij puppem defendebant. Alphonsus & simul dimicabat, & hortabatur suos, seque ubi plurimum periculi erat, intrepidus offerebat: non tamen eadem prælij fortuna ubique erat. Iam enim ab alia parte duæ hostium naues captæ fuerant: cum interim tres illæ, quas ante pugnae initium à cæteris di-



fractas altum petisse dixi, flexo cursu regias adortæ renouato prælio ingentem terrorem  
 ac stragem intulere. Et iam regie classi tela deesse cœperant, nec sagittariorum prætere-  
 is numerus, qui hostium erat. Nanq; in Genuensi classe penè omnes manubalistis vte-  
 bantur, quarû arte & vsu ea gens excellit. Ad hæc mala accedebat, quòd regie naui cum  
 triremibus succurri, ob circumfusas hostium naues, non licebat: à quibus propter inie-  
 ctas ferreas manus nulla vi dissolui poterat. Etiam vndiq; in eam transgressi hostes re-  
 gem ad deditionem vrgebant. Quod cum pertinaciter abnueret, nuntiâtum est ei nauim  
 carina fatifcente aqua compleri, eamq; statim pessum ituram, nec amplius vilo humano  
 consilio seruari posse. Quibus periculis adactus, Philippo, quanquam absenti, dedere  
 se dixit. Maluit enim Philippo, quàm Genuensibus, quos sibi infensos sciebat esse, salu-  
 tem suam committere. Tarentinus ac Sueffanus reguli, qui vnà cum rege eadem naui ve-  
 hebantur, capti. Deditione facta mox victores conclamant regiam nauim cum ipso rege  
 captam: quæ protinus vox per omnes naues diffusa, vt hostes haud dubiè pro victori-  
 bus, regij pro victis haberentur, effecit. In eo tumultu Petrus frater, cum duabus modò  
 onerarijs (nam ceteræ captæ fuerant) triremium beneficio, atq; interuentu noctis vim  
 hostium effugit. Pugnatum est ab hora ferè quarta ad occasum solis continenter, multis  
 vtrinq; caesis & vulneratis. Quo vno prælio bellum Neapolitanum haud dubiè confe-  
 ctum esse videbatur. Nam cum ipso rege duo eius fratres, multi reguli, equestris præte-  
 reà ordinis quamplurimi capti fuerunt. Ad hæc naues propè omnes magnitudine infi-  
 gnes, quas ab initio belli cœgerat, eodem prælio amissæ. Ea verò clades, etsi committen-  
 dum non fuit, vt inexercitatus maritimis bellis miles cum exercitato dimicaret, fortunæ  
 tamen plurimùm adscribi potest: nam & subeunda necessariò dimicatio fuit, alioquin  
 commeatus Caietanis deferebantur, quorum importatio haud dubiè spem omnem re-  
 gi auferbat Caietæ potiunda, & temporis angustia de socijs naualibus commodè pro-  
 uideri non permiserant: & viros fortes ac strenuos, quorum permagnum numerum ha-  
 bebat Alphonsus, & in quibus sibi satis præsidij constitutum putabat, vbiq; benè pugna-  
 tuos credibile erat. Sed quis credat eam cladem tantum postea felicitatis Alphonso al-  
 laturam fuisse? Angimur miseri mortales, si quid nobis contingat aduersi, exitus rerum  
 ignari, quos summus Deus sibi vni præuios esse voluit, cum omnia quæ accidunt, in po-  
 tiorem partem accipienda sint. Siquidem ea clades, qua Alphonsus omni spe potiundi  
 regni sibi orbatum esse videbatur, ad postremum eius victoriæ causa exitit. Cum Philip-  
 po enim, quo hoste voto se suo potiri posse sperare vix poterat, amicitiam ac fœdus con-  
 traxit, quo postea fautore & amico vsus, Neapolitanum regnum adeptus est. Ea clade  
 subito clam in castra perlata, milites, qui in castris manserant, consternati cum sarcinis  
 abire properabant, antequam oppidani victoriam sentirent: quos Caietani eruptione  
 facta subito adorti, castris captis & direptis, in fugam coniecerunt: magnaq; præda par-  
 ta (nanq; ibi regie suppallectilis & principum, bona pars relictæ fuerat) multi eorum  
 capti sunt, reliquis in proxima quæq; loca per deuia & occultos tramites dilapsis. Hostes  
 deinde cum victrici classe Caietam profecti, exposito commeatu, biduo ibidem substi-  
 terunt. Interim Blasius cum accepisset id agi à ductoribus nauium, vt se comprehenso,  
 quòd omnia facturum videbatur quæ Philippus imperaret, ac Franciscus Spinula (erat  
 enim Genuensium Admiratus, ita imperatorem rerum maritimarum vocant) classis præ-  
 fecturam arriperet, abire inde quamprimùm statuit. Hi enim cogitabant, rege Genuam  
 misso, præter Philippi voluntatem, atq; imperium (quando is aduersaretur) Siciliam,  
 & Sardiniam oppugnatum ire. Quòd magis Blasius consilium suum tegeret, se Aena-  
 riam insulam oppugnatum ire velle, mox reuersurum simulauit. Ad eam nanq; insulam  
 Petrus cum classis reliquijs se receperat. Velis itaq; in altum datis, cum ab Aenaria vix  
 mille passibus abesset, oborta subito mari tempestas classem in diuersa pepulit: ipse ad  
 portum, quem Hercules vocant, nonnulli ad Pontiam insulam, alij aliò, quocunq; ventu  
 vis impulit, delati sunt. Sedato mari quum omnes incolumes Pontiam cōuenissent, Bla-  
 sius præter ductorum opinionem, qui Aenariam repeti, deinde Caietam credebant, Ge-  
 nuam cursum dirigi præcepit: prosperumq; ventum nacti paucis diebus Veneris por-  
 tum in Liguriam, quod oppidum adhuc regis præsidio tenebatur, peruenere. Appropin-  
 quantibus oppido lembus quidam citatim obuiam venit: quo quidem à Philippo nun-  
 tius



lus inuehebatur. Philippus enim metuens ne Genuenses regem Genuam perduceret,  
 retiꝫ victoria sibi vrbis imperium adimerent, hunc cum literis confestim eò miserat:  
 lassisq; aduentum ibidem præstolari iusserat. Is nauim ingressus, remotis arbitris Blasio  
 teras tradidit: eumq; monuit, ne regem Genuam perduceret: neue illum Genuen-  
 um potestati permetteret: sed Sauonam, quam veteres Sabatiam appellabant, depor-  
 taret. Missurum Philippum, qui eum cum cæteris captiuis Mediolanum ad se ducerent.  
 Quo nuntio Blasius confestim callidum pro tẽpore consilium capit. Nam quò reliquas  
 mnes naues à se dimitteret prædã se partiri velle pronuntiat: atque ob eam rem om-  
 nes nauium vectores postridie manẽ adesse, prædãque, quam egissent de hostibus,  
 omportare iubet. Proposito edicto nauium duces, ne eorum, quæ adepti fuerant, ra-  
 onem reddere cogerentur, abeundi consilium capiunt, confestimque eo relicto vela  
 aciunt. Ipse de industria aliquantum commoratus sublati anchoris subsequitur, iu-  
 etq; gubernatorem nauis cursum ita moderari, vt ijs, quæ præibant, nauibus ingredi-  
 ndi Genuæ portum spatium esset, antequam nauis prætoria in conspectum vrbis ve-  
 iret. Quibus portum ingressis, cum iam ciues nihil tale suspicantes eius ingressum læti  
 xpectarent, vniuersa ciuitate tanti regis videndi studio ad portum effusa, transmissa  
 lasse omnium expectationẽ frustratus est: nec vllis Genuensium iussis ab instituto cur-  
 i inhiberi potuit, quò minus regem, vti Philippus mandauerat, Sauonam deportarit.  
 oannes verò regis frater alia nauì vectus Genuam perductus est, ibique honestè citra  
 bertatem habitus. Alphonso deinde in arcem perductus, non captiui modo, aut  
 abitu, sed veluti rex peregrè proficiscens à Francisco Barbauaria, qui tum prætor Sa-  
 onam pro Philippo obtinebat, susceptus est: nec quicquam de regiæ pristinq; digni-  
 tis fastigio ab eo, quo captus est die in ea captiuitate sibi deesse præter libertatem sen-  
 t. Si quidem, vt in priore fortuna, & salutabatur, & venerabatur. Paucis post diebus  
 bernardinus Carda, & alij quidam copiarum duces à Philippo missi eum Mediolanum  
 eduxere: eiꝫ domus, in qua Philippi coniux habitare consueuerat, extra arcẽ sita, pro  
 iuerforio data est, ibiq; in omnium rerum copia triduum egit. Hunc deinde Philippus  
 arcem vocatum: in maxima principum frequentia, & celebritate (perinde hospes, &  
 nicus venisset) eò deduci iussit. Concesserat autem Philippus in eam arcis partem, vni-  
 e transeuntem regem videns ipse à nullo videri poterat. Non ab re fuerit hoc loco de  
 hilippi natura, ac moribus paucis dicere. Erat imprimis ingenio peracri, ac callido, in  
 rgiendo profusus, in parcendo facilis, in colloquio mitis, cultus corporis, & mundi-  
 arum omnisq; lenocinij negligens, venandi cupidus. Cæterum quietis impatiens, ac  
 nperitandi auidus: in pace bellum, in bello pacem querebat: simulandi, ac dissimulan-  
 i egregius artifex. In milites, quàm in ciues indulgentior: copiarum duces maximè  
 xtollebat. Ad hæc siue solitudinis amore, siue periculi metu, se ab omni omnium con-  
 etudine sequestrauerat, præter quàm quorundam paucorum, quos ille sibi solitudinis  
 cios delegerat. Legatos ad se missos per suos plurimum audiebat. Quin & Sigismun-  
 um Imperatorem Romanum, Mediolanum aliquando profectum, vt inde Romam pe-  
 ret, videre non sustinuit. Et tamen in tanta solitudine vitam agens omnem Italiam ar-  
 is territabat, concutiebatq; vt non inscitè quidam dixerit: Philippus sedendo vincit.  
 ostquàm in arcem ventum est, in domum regali cultu axornatam deductus perlibera-  
 er est habitus. Deinde Philippus cum eum vellet inuisere, præmisit, qui admoneret,  
 quod omnino pro ijs, quæ ceciderant, deprecandi gratia verbum faceret: non place-  
 de re tristi sermonem conseri: velleq; ab eo existimari, se non vt captiuum, sed vt ho-  
 item, atq; amicum sua voluntate accessisse. Atq; vbi ad eum profectus est, post mutuos  
 mplexus, de re venatoria sermonem inijcit: nec quicquam, nisi lætum, ac iucundum,  
 omni colloquio dictum, responsum ue est. Eadem quoq; comitate in Henricum fra-  
 em, ac regulos vsus est. Post hæc digressus venaticas aues, & canes cæteraq; id genus,  
 ibus regem delectari cognorat, ad eum misit. Ac ne quod omnino captiuitatis vesti-  
 im in eo relictum videretur, venandi cum vellet in septis suis sub arcem, in queis varia  
 arum genera incluserat, ei potestas facta, equisq; & comitibus datis, nonnunquam  
 ipse se illi comitem venationis exhibebat. Ioannem quoq; Nauariæ regem, petente  
 phonso fratre, è Genua Mediolanum adduci (quanquam Genuensibus id ægrè feren-



tibus) iussit: atque æquè liberaliter habuit. Post de amicitia, deque fœdere renouand  
 agi cœptum. Philippus enim cognita eius singulari virtute, amicum illum, & socium ha  
 bere cupiebat. Nec minus Alphonsus ad Philippi amicitiam animo aspirabat: simul  
 sese in libertatem vindicaret, & ut eum fautorem Neapolitano bello postea habere  
 quem rebus suis plurimum prodesse, atque obesse posse, periculo suo cognouerat. Ne  
 multi dies intercessere, quum fœdus hisce legibus sancitum est, ut scilicet Alphonso, fr  
 tribus, regibusque, & cæteris captiuis, quos Mediolani, quos Genuæ in potestate habe  
 ret sine pretio dimissis, societas eo iure staret ut Philippus Alphonsum, Alphonsus Ph  
 lippum pace ac bello adiuuaret, atque ut amicos eosdem, atque inimicos vterque haberet.  
 Deinde cum cogitaret Alphonsus repetendum regnum esse, priusquam accepta cala  
 mitate consternati populi, quos ante amicos habuerat, ad hostes deficerent: Ioannem  
 atque Henricum fratres, Philippo permittente, ad comparanda noua in bellum auxilia  
 in Hispaniam dimisit. Tarentino, ac Sueffano regulis, qui interim, dum ipse proficisce  
 retur, renouato bello aduersarios lacefferent, abire domum iussis. Cumque ex fœderi  
 formula Genuensium naues à Philippo postularet, quibus in Neapolitanum traiciens  
 ad recuperandum regnum vteretur, scripsit ad Ludouicū Crotum Philippus, quem G  
 nuæ præfecerat, uti naues armari, atque instrui regis sumptibus quamprimum curaret.  
 Qui cum senatu conuocato imperatās naues armari iuberet, reclamatum est ab vniuer  
 sis, rem periniquam postulari, protinusque legatos ad Philippum misere oratum, ne se  
 cogeret pro inimico classem comparare, præsertim aduersus eos, quos semper amico  
 habuissent. Sed cum Philippus nihilominus in proposito persisteret, Genuam reuersi fe  
 natū docuere classem omnino parari oportere: ita Philippū iubere. Quo audito classi  
 ex templo decreta indignantibus omnib. ac permolestè ferentibus: omnia tamen lentè  
 & cunctanter, utpote ab inuitis, administrabantur. Dum ea parantur, Alphonsus sub Ph  
 lippi nomine grandem pecuniæ summam in stipendium misit. Cumque optimum factu sit  
 tueret: eam se ad Veneris portum præstolari: sic enim maiorem spem regulis eius ami  
 citiam sequutis asserri posse quando eum propiorem regni finibus factum audirent  
 approbante eius consilium Philippo, illi haud repugnanter abeundi potestas facta. Me  
 morabilis profectò, atque omnium scriptorum monumentis celebranda Philippi libe  
 ralitas fuit, & quæ omnium regum, populorum, ac principum, qui vnquam fuerunt, be  
 nignitatem constanti omnium iudicio antecesserit: qui duos fratres excellentissimos re  
 ges terrarum, atque eorum Henricum fratrem regio fastigio, ac dignitati proximum: to  
 præterea principes, tot equestris ordinis viros gratuito dimiserit. Abeunte in Liguriam  
 Alphonso, nonnulli clari copiarum duces comites à Philippo adhibiti: à quibus per Pl  
 centinum, deinde per Parmensem agrum Pontremulum, quod oppidum in radicibus  
 Apennini situm est, atque inde Spediam vnde mihi origo est, emporium portu ac merce  
 tu nobile, deductus, postridie cum lembis ad se accersitis Veneris portum mari petijt.  
 At Genuenses ne classem pararent: captiuosque, quos reddi Philippus cogebat, dimitte  
 rent, coniuratione facta, interfecto Opicino Alzate, qui Prætor urbem Genuam obtine  
 bat, & Ludouico atque Erasmo Triuultio qui ipsi Opicino successurus veniebat, in ar  
 cem receptis: assertore, ac duce Francisco Spinula Philippi iniurijs laceffito, sese in li  
 bertatem vendicarunt, Hispanis omnibus captiuis in custodiam retentis, & ut sese  
 auro redimerent, coactis. Cum Siculis mitius quam cum cæteris actum,  
 qui propè omnes pro amicis habiti propter vetusta hospitia  
 atque commercia, sine pretio dimis  
 si sunt.



## BARTHOLOMAEI FACII RERVM GESTA

RVM ALPHONSI PRIMI REGIS NEAPOLI-

TANI LIBER QVINTVS.



ERVM ordo postulat, vt quæ post cladem ab Alphonso mari acceptam in Neapolitano regno gesta sunt, prioribus annectam. Iacobus Caudola, cui summa rei bellicæ demandata fuerat, dum Caietam versus cum exercitu contenderet, eo consilio vt Alphonsum cum copijs à terra distineret, nec classi hostili obuiam ire pateretur: haud procul ab amne Liri certior factus victum nauali prælio Alphonsum, castraque insuper capta & direpta, quanta maxima celeritate potuit coeptum iter persequutus est. reliquiasque exercitus fugientes nactus fudit, ac cepit, præter paucos: quibus equorum pernicitas, aut viarum anfractus saluti fuit. Inde Sueffani principis agrum ingressus, complures vicos & castella vna propè excursione debellauit. Ipsamque Sueffam totius regionis caput, principis sui captiuitate consternatam, expugnaturus videbatur, si in obsidione permanisset. Cæterum spe potiundæ Capuæ in tanta fortunæ mutatione obsidionem soluit, causatus se ab Otolino iussu è Sueffani reguli agro exercitum deducere. Nanque Otolinus tum solus Philippi nomine Caietam tenebat: & Sueffani, atque omnis earegio, quò tuti essent à Iacobi iniuria, Philippi signa in mœnibus erexerant. Deductis igitur inde copijs ad obsidionem Capuæ profectus, cis amnem Vulturum ad quingentos passus à Capua castra posuit, pontemque in ipso flumine aduersus castra conuectis scaphis compluribus hunc in modum fabricatus est. Scaphas proris in aduersum flumen spectantibus, quæ impetum amnis exciperent, quantum ipsius fluminis alueus patebat, modico intervallo disposuit. Has contabulatas, & à lateribus aduersus hostium tela munitas, terra constrauit, ne transeuntibus per tabulata equis, pedum fonitus consternationem incuteret. Ponte perfecto, præsidioque valido ad eius extrema collocato, Micheletum Cotiniolam, & Antonium Pontadereum, qui se cum eo iunxerant, cum aliquanto Neapolitanæ nobilitatis equitatu trans pontem non longius à Capua mille passibus castra metari præcipit. atque ita binis castris obsidere Capuam coepit. Quod cum Ioannes Vintimilius præfectus vrbs animaduerneret, prouisis, vtpotuit, omnibus, quæ ad tuendam vrbs, & ad obsidionem tolerandam valere cognosceret, in omnem rei benè gerendæ occasionem intentus stabat: prælio abstinendum propter suorum paucitatem existimans, præsertim cum ea pars ciuium, quæ regi aduersa erat rerum nouarum cupida, ob acceptam calamitatem videretur. Summa tamen Iacobo tuendi pontis cura erat, vt ijs, qui in alteris castris trans Vulturum erant, si qua vis premeret, in ea castra transeundi libera facultas foret: simul vtrique, cum res posceret, mutuuum auxilium ferre possent. Parua tamen interdum certamina succedentibus ad portas & muros hostibus conserebantur. Multum verò adiuuit Alphonsi partes Nicolaus Datia Campanus, homo impiger, ac manu promptus, magnaque inter populares suos gratia. In hoc rerum statu Isabella Renati coniux, hortantibus his, qui Neapolitanam rempublicam gerebant, cum triremibus quatuor Neapolim petitura ex Massilia soluit. Nanque Renatus per id temporis à Ioanne Burgundiæ duce distinebatur. Is enim bello Britannico in eo prælio, quo omnis Gallia propè concidit, captus, in ipsius Ioannis potestatem venerat. is enim regijs copijs præerat. Cumque ab eo postea dimitteretur militari more, atque instituto fidem dedit, sese ad eum, cum vellet, & quo iuberet reuersurum: quamque is sibi pecuniæ summam, redemptionis nomine imponeret, cum fide soluturum. Hunc igitur, cum Ioannes sciret Neapolim proficisci statuisse, inter apparatus rerum, vt Alphonso gratificaretur, quicum sibi amicitia erat, ad sese renocauit. Qua spe legati destituti, vt Isabella interim dum ipse dimitteretur Neapolim peteret, postulauere: quam præter singularem modestiam, prudentia, & grauitate supra muliebre ingenium præditam acceperant. Cum duobus igitur paruis liberis naues in-



gressa ad urbem Caietam Primum contendit, quam adhuc Otolinus prætor obtinebat. Et iam Philippi fides Caietanis aduersæ factionis suspecta esse cœperat. Quapropter Isabella hortatu eorum, qui regnum ad Renatum deferri cupiebant, ipsum cum præsidij parte, sub honoris prætextu, quod eius consilio in rebus gerendis uti vellet, Neapolim traducere constituit. urbemque ipsa nouo præsidio firmata: extemplo Neapolim profecta ingenti lætitia ab Andegauensi factione suscepta est. Adhuc capua à Iacobo obsidebatur: nec tam citò finem ea obsidio habitura videbatur. Itaque cum essent, qui existimarent Campanos obsidionem diutius non laturos, aut seditionem propter diuersa partium studia facturos, si ipsa in castra proficisceretur, aut in loca Capuæ vicina: confestim coactis, quas potuit, ex urbana iuuentute copijs, Capuam versus profecta, ad sex millia passuum ab urbe constitit. Cuius aduentu cognito Ioannes Vintimillius alios orando, alios terrendo, alijs præmia pollicendo omnes illius conatus irritos fecit, totamque ciuitatem partim voluntate, partim metu in officio continuit. Isabella cum præter spem & opinionem eorum, qui protectionem eius suaserant, tempus ibi nequicquam teri animaduerneret, Neapolim redijt, equitatu, quem secum adduxerat, ad Iacobum dimisso. Sed nulla res obsessos magis fatigabat, quam rei frumentariæ inopia, quæ in dies propter urbanam multitudinem, arctior fiebat. Erat in Neapolitanorum exercitu, ut supra demonstraui, Antonius Pontadereus copiarum dux, vir & consilio, & audacia singulari. Hunc Ioannes Vintimillius promissis ad eum clam nuntijs, ad transfugium sollicitabat: sperans multum hostibus illius discessu detractum iri. Qua de causa cum suspectus in castris trans Vulturum diuerteretur, à Iacobo in citeriora castra accersitus est. Profectus obiectum crimen pertinaciter negare instituit. Fuerunt, qui suaderent illum comprehendendi, atque interfici: nec sinendum vllò modo, irritatum hac quæstione hominem in vltiora castra regredi. Cæterum Iacobus seu veritus ne tumultum in castris incitaret, seu Michelettum offenderet, qui illi amicus, & socius erat, seu falsum existimaret crimen, ipsum incolumem abire passus est. Tentatum etiam à Campanis est, si fortè sublati in muro (Suessanorum exemplo) Philippi signis obsidione leuari possent. cæterum id frustra fuit. Reuersus deinde in castra Antonius quod inchoauerat de transfugio, exequi perrexit: aliquanto liberius pactus se abiturum cum copijs, si ei tria millia aureorum exhiberentur. Quod sentientes Neapolitani, qui iisdem castris tendebant, veriti ne ereptione ex oppido facta improviso caperentur, sese in citeriora castra ad Iacobum recepere: & iam res eò perducta erat, patiente Micheletto, cui id persuaderi non poterat, ut haud amplius Antonio manus iniici, aut furor eius coerceri posset. Denique & ipse Michelettus re comperta in citeriora castra eo relicto transgressus est. Qua re animaduersa Iacobus, qui intelligebat sese parte illa virium detracta, ibi tutò consistere non posse, obsidionem soluit: Protinusque partito exercitu Michelettus in Calabros, & Brutios, ipse in Pelignos profecti sunt. Nanque eo tempore Soranus, & Laurentanus reguli, qui pro Alphonso bellum gerebant, Iacobi oppida vexabant bello. Eo igitur profectus (nanque equitatu plus poterat) hos non tantum è finibus suis pepulit, verum etiam in summum discrimen rerum suarum adduxit. Multis enim excursionibus in eorum agros factis, magnaque inde vi pecoris, atque hominum abducta vniuersam regionem illam tumultu, ac terrore inuoluit. Eadem quoque Micheletti expeditio in Brutijs fuit. Nam & Consentinos, qui à finitimis regulis infestabantur, graui bello liberauit, & regulos illos, tota prouincia pacata, in Isabellæ potestatem redegit. Inter hæc Antonius Pontadereus, accepta pecunia, uti pepigerat, è regni finibus discessit. Hæc verò ad Tarentini, ac Sueffani regulorum reditum in Neapolitano regno gesta. Quorum aduentu Petrus regius frater certior factus, Tarentini præsertim (qui triremi Panormum, ubi Petrus erat, vectus per Messanæ fretum Apuliam petijt) Alphonsum à Philippo liberatum, quod antea multorum ore acceperat, cum quinque nauibus longis in Liguriam, eius transportandi causa trajicere quamprimum statuit: onerariaque frumento onusta, quod ad Veneris portum deferret, prosperum ventum nactus è Sicilia soluit. Iamque in Aenariam insulam transmiserat, cum subita venti mutatione intumescens mare sublati in cœlum fluctibus onerariam à rostratis dispulit. Sed ea re maximè patuit, quantum fortuna in rebus humanis possit. Nanque ea tempestas, quam



Petrus detestabatur, ei multo magis profuit, quàm illa maris tràquillitas, pdesse potuisset. Nam si eodem, quo uti cœperat vento, diutius vsus esset, nec Caieta tunc in eius potestatem venisset, nec tam subito oneraria in Liguriam cum frumêto peruenisset. Si quidem & illa vehementiore vento impulsâ ante diem tertium ad portum Veneris quod intenderat delata est, frumentumque quo & præsidium & oppidani maximè indigebant, tutò exposuit. Et cum ipse in Caietæ sinum, qui ei in conspectu erat, procul ab vrbe cum rostratis sese recepisset, nonnulli Caietani inimicorum iniurijs pulsi clam ad eum venire: spemque fecerunt Caietam subito eius aduentu per noctem capi posse, quod in ea vrbe multi essent, ad quos suæ iniuriæ pertinerent, quibusque præsens rerum status inuisus esset. Et quod ab aduersarijs partim præsidio fretis, partim de hoste securis, vrbis moenia negligentius custodirentur, æquè in id operam suam vltro polliciti sunt. Quibus collaudatis & magnis insuper promissis oneratis, Petrus tantam fortunam minimè negligendam ratus, ac ducibus iisdem vsus, sub noctem inde soluit, ac præire iussis qui rem cum suis ordirentur, ipse summo silentio molliter subsequutus est: illi statim Caietam profecti, & cum quibusdam suorum tacitè collocuti, uti Petrus reciperetur facile persuaserunt. Occupata igitur repente ea vrbis parte, cuius custodia negligebatur, complures nauales socij subito per scalas intromissi sunt: captaque turri proxima, portaque patefacta, cætera multitudo vno impetu ingressa est. Quo casu quanquam attoniti aduersarij, arma tamen cepere, totius adhuc rei ignari. Cæterum ubi cognouerunt Petrum cum classe adesse, armis positis cessere. Quod ubi Petrus accepit, præmissis ab his qui se, urbemque dederent ingressus, à præda & cædibus ciuium abstinere suos iussit: pulsoque aduersariorum præsidio, nouo eam ipse præsidio firmavit. Consultare deinde cœpit de instituta in Liguriam profectiōe. Variæ erant sententiæ. Alij eundem ei propter pestilentiam, quæ Caietam vexabat, relicto qui vrbi præesset, existimabant. Alij verò cum dicerent non se de salute sua, sed de profectiōe regis & vtilitate in præsentiarum consulere, & imprimis Antonius Panormita, alium quempiam cum nauibus mittendum, sibi verò manendum, aiebant, quod rex non eo, sed nauibus egeret. Periculum enim esse ubi is abscessisset, ne ea vrbs propter ciuium discordiam rursus in Renati potestatem rediret, quam eius præsentia tueretur. Quorum consilio probato Raimundum Pirilionem cum iisdem rostratis ad Alphonsum misit: isque secunda tempestate vsus ad Veneris portum quarto postquam soluerat die peruenit. Ibi & onerariam quæ frumentum oppidanis aduexerat, & regem Mediolano recens profectum reperit, Caietamque captam nuntiauit. Quo nuntio lætus admodum maiore rursus animo in id bellum incubuit. Moxque Caietam petiturus erat, ni moræ causam Philippus iniecisset. Per eos nanque dies Genuenses sese Philippi dominatu, ut dixi, liberauerant: cuius rei causa Philippus ad Alphonsum misit, qui rogaret uti cum rostratis quas haberet Saonæ arcis (quam adhuc suo præsidio teneri acceperat) quamprimum succurreret. Quod cum Alphonsus pro officio facere instituisset, subito in aduersum coortus ventus tantam vim procellæ concitauit, ut toto triduo è portu exire non potuerit. Interim ea arx amissa est. Quod ubi Philippus agnouit, ad Alphonsum misit, qui gratias ageret, diceretque liberare sibi, cum vellet, abscedere. Itaque Alphonsus illico ascensis nauibus, primò portum isanum, atque inde Caietam tranquillo mari vectus petijt. exceptus est autem eius aduentus summa lætitia, vniuersa ciuitate gratulabunda illi obuiam cum coniugibus, & liberis effusa: per paucis diebus quieti datis, de renouando bello meditari intentius cepit. Caieta enim præter eius spem capta illi haud dubiè totius regni possessionem ostendere videbatur. Contractis itaque, quas potuit, per æstatem copijs, Tarentinoque, & cæteris partis suæ regulis accersitis, ineunte hyeme Capuam est profectus, eo videlicet consilio, ut inde hostes lacefferet. Hoc belli principio rei benè gerendæ spes li ingens affulsit: nanque ad eum veniens Ioannes Antonius Tarentinus princeps, aimundum Nolanum regulum ex patruo natum illi conciliauit: quæ quidem res magna victoriæ causa fuit. Abest enim Nola à Neapoli non plus duodeuiginti millibus assuum, vrbs antiqua, & Annibalis cladibus celebris, & ad vexandos Neapolitanos ærquàm opportuna. Deinde Nuceriam in Lucanis aggressus, eam præter arcem



cum aliquot castellis circumiectis cepit. Et quoniam Nucerinæ arcis expugnatio longæ obsidionis videbatur fore, his gestis ad Alphonsum abiit: cuius copijs auctus Alphonsus, primum Matianisum, quod oppidum ab hostibus tenebatur, exercitum ducit: idque oppugnare adortus, cum tormenta muris admouisset, vno modò iactu oppidanos adeo conterruit, ut continuò deditionem fecerint. Inde Scaphatum ducit, castellum in agri Campani confinio situm: idque in insulæ modum ambit amnis Sarnus, non tam aquarum magnitudine, quàm ortu mirabilis: siquidem nullis adauctus aquis ex Apennino iuxta Sarnum oppidum, cui nomen dedit, propè tantus oritur, quantus in mare effluit. Sex millia passuum à fonte prouectus, hanc exiguam insulam in qua arx sita est, efficit: ipse angustis coercitus ripis vno tantum ponte iungitur: nec plus dena passuum millia decurrit. Ad subitos casus incolæ sese in eam arcem recipere assolent. Itaque Alphonsus quo sibi liber pateret in Lucaniam transitus (neque enim vado transiri potest, ut hostes ab ea parte annona, & commeatu reliquo intercluderet, Lucanosque, & Brutios infestaret, accersitis naualibus focijs eò proficiscitur, incolæque in arcem primo imperu compellit. Hi interciso ponte præsidio freti sese primò egregiè tuebantur: Sed postquam è ponte, atque è ripa infestis se telis peti viderunt, tantæ multitudini resistere se posse diffisi, præsertim cum rei frumentariæ parua copia illis esset, admissò præsidio deditionem fecerunt. Deinde Castrum Maris infestis signis petit: quod oppidum duodeuiginti millibus passuum ab Neapoli abest: idque primo certamine, deturbatis muro propugnatoribus, præter arcem cepit. Ea verò arx in colle sita difficilem habebat oppugnationem. Cum ea res obsidionis magis, quàm oppugnationis esse videretur, machinas, & tormenta adhibuit: quibus magna muri parte discussa, oppidani, qui in eam confugerant, salutem pacti deditionem fecere. Posthæc Alphonsus simul quòd res prosperè succedebant, simul quòd eo tempore aduersarijs copiæ non erant, quæ obsisterent, fortunam sequendam ratus, castra in Nolanum mouit: atque inde per Caudinam vallem, factis in aliquot dies cum Marino Boffa, qui eam vallem tenebat, inducijs, ad montem Sartium, ac Cepalonum, quæ castella in amicitiam eius nuper venerant, profectus est. Causa verò profectionis fuit spes illi iniecta, Troianum Ioannis Caracioli illius filium, qui magnus apud reginam fuerat, cuius in ea regione magnæ opes erant, posse in suam amicitiam suo aduentu illici: quo sibi conciliato intelligebat sibi tutum postea, & expeditum iter in Beneuentanum atque inde in Apulum agrum fore. Compluribus igitur diebus in ea re agenda frustra consumptis, relicto ad montem Tusculum Ioanne Antonio Vrsino, quod per anni tempus res geri non poterat, & aliquid militum quieti dandum videbatur, eo consilio ut Capuam repeteret inde mouit. Rediens verò in Apennini transitu non parum detrimenti accepit. Brumæ tempus erat, cum subito frigoris insueta vis coelum complexa est: tum coactis vento nubibus, ingens procella niuis effusa terram altè operuit: tantusque rigor milites inuasit, ut nec membris uti, nec arma sustinere obtorpente manu possent, atque ut multi ob id in graues morbos inciderint. Augebat frigoris sæuitiam ventus niui immixtus: qui oculos, atque ora diuerberans vix sub tentorijs militem consistere patiebatur. Hanc aëris immanitatem, veteranorum nemo Alphonso fortius tulit. Quippe ita ab adolescentia per crebras venationes, & assiduos labores obduruerat, ut nec frigus nec calorem pertimesceret. Mitigato coelo, niuibuscque Africo solutis, per Caudinam vallem, quæ venerat, composito agmine iter faciens, Areolam, quod castellum in ipsa valle situm à Martino Boffa tenebatur primo impetu arce expugnata debellauit. Nec multo post Ioannes in Apuliam in hyberna redijt. Inter hæc Isabella cum Alphonsi opes in dies crescere animaduerneret, eumque è regni finibus viribus suis arceri posse desperaret, ad Eugenium quartum, qui tum erat pontifex maximus, legatos opem postulatum misit. Cuius laboribus permotus Ioannem Vitelescum Patriarcham Aquilegiensem, cuius libido, & auaritia, atque effrænata crudelitas humanum modum excesserat, cum tribus millibus equitum, ac pari peditum numero quæ sequuta est æstate, ad eam misit. Isque in Campanum profectus primo impetu aliquot castella vi cepit. Cumque Capuam obsidere statuisset, ad Isabellam misit, qui hortaretur, uti quas posset, vires cogeret, & ad se mitteret.



mitteret. Quæ haud morata ad ostingentos equites raptim coactos in Auerfanū ire iussit, & haud pcul à Vulturno ipsum opperiri. Alphonsus per id tempus tria millia passuum à Capua castra habebat: nec eas habebat copias, quibus posset tantis aduersariorū viribus obsistere. Namq; & Ioannes Antonius Vrsinus, & alij nonnulli reguli, quos cognito patriarchæ aduentu accersierat, nondum ad se peruenerant. Cæterum cum audisset patriarcham appropinquare: cedendum interim fortunæ existimauit, donec maiores vires contraxisset. Varia erat suadentium sententia. Hispani Caietam eundum censebant, quod locus situ munitior, & ab obsidionis periculo tutior foret: Italici Theanum potius, quod eius longior secessus desperationem quandam principibus, ac populis suarū parium esset allaturus. Plurimum enim ad nominis sui existimationem conducere, quam minimum à suis abesse. Posse illum Theani tuto permanere, quod id oppidum moenibus, & annona firmum esset. Si quidem longius abscederet, non alia potius de causa, quam quod non haberet, ubi propius in tuto consisteret, tam suos, quam hostes, factum existimatuos. Capuam quidem validam & permunitam urbem, sed parum in ea fruenti esse: seque in ea facile commeatibus intercludi posse, quod trans flumen omnia hostium incursionibus quotidianis infesta essent. Quorum sententia comprobata, relicto, qui copijs præesset, Ioanne Vintimillio, Theanum se recepit: quo digresso, Ioannes motis inde properè castris Capuam copias reduxit. Neapolitani equites, quos ab Ila bella in Auerfanū missos dixi, Sicinium, qui vicus in Auerfano est, concessere, ibi patriarchæ aduentū præstolantes. Quos cum Ioannes per exploratores cognouisset incautius in castris agere, nulloq; munimento obducto passim vagati, eos aggredi statuit, existimans si hos fudisset, nec permetteret Patriarchæ cōiungi, eius vim facilius ferri posse. Nec enim fusis Neapolitanis, illum ad Capuā obsidendam pfecturū, vno modo prælio, si fortuna adesset, sese obsidionis periculo liberari posse. Non abfuit fortuna consilio. Namq; Capua profectus speculatoribus præmissis prius penè in hostiū castris conspectus est, & eius aduentū cognorint. Imparatosq; & inermes aggressus, non sui colligendi, nō parua capiendi, non gladios stringendi ijs facultatem reliquit: captisq; propè omnibus, se confestim Capuā recepit. Hac clade audita patriarcha de obsidenda Capua consilium omisit, Vulturnumq; circiter sex millia passuum vado transgressus, nullo obsistente, per Caudinā vallem montē Sartiū perit, idq; ex itinere oppugnare aggressus est. Quod ubi Ioannes Antonius Vrsinus, qui ad Alphonsum cum copijs proficiscebatur, agnouit, confestim ad montē Tusculum, quatuor ferè millia passuum à monte Sartio cōtendit, ibiq; castris positus auxilij spē obsessis afferebat. Cæterum cum se imparē patriarchæ viribus ciret, sese in castris cōtinebat. Et iam Alphonsus Capuā redierat. Itaq; Ioannis Antonij ad montē Tusculum aduentū cognito Ioannē Vintimillium eò ire iussit cum parte copiarum, ut si posset, se cum eo coniungeret. Ad quē cum tutò transire nō posset, aliquatò procul inde, loco tutò positus castris constitit, ut hostibus fiduciam adimeret, & Ioanni Antonio, atq; obsessis spem daret. Patriarcha per exploratores cognito, in hostium castris custodias negligi, posseq; opprimi incautos, eò celeriter profectus est, eosq; inopinantes, ex improviso adortus primo impetu fudit: castrisq; expugnatis magnam partem, & in his Ioannem Antonium cepit, cæteri receptus propinquitate freti patriarchæ vim effugerunt. Ea clade cognita, Ioannes Vintimillius, cum nullam se obsessis opem afferre posse nimaduerneret, atq; in ijs locis cum summo periculo diutius immorari, confestim Capuam cum copijs se recepit: & iam Alphonsus cum parte copiarum Sulmonetam conuenerat, eo videlicet consilio: ut patriarcham à montis Sartij oppugnatione auerteret: arbitratus hostem, iniecto domi metu ab amicorum vexatione deterreri posse, totamq; eam regionem tumultu ac terrore compleuerat. Quod cum patriarchæ nuntiatum esset, missa montis Sartij obsidione iter in Campanum flexit: Varranumq; & Præsentianū, & Venafrum sine certamine in deditionem accepit. Inter hæc simultate quadam inter eum, ac Iacobum Caudolam, qui vnà cum eo copias iunxerat, exorta: cum ei haud satis fideret, diuiso exercitu, Iacobo in Apuliam profecto, ipse ad vicum, quem sanctum Petrum vocant, ad mille passus à Scaphato se recepit. Alphonsus cognita calamitate ad montem Fulculum accepta, magno dolore, ob amici maximè captiuitatem affectus,



prætermiffa Sulmonetæ oppugnatione, confestim Capuam regressus est. Ibi cum accepisset de diffensione inter patriarcham, & Iacobum orta, distractisq; copijs patriarcham apud Scaphatum confedisfe: eius opprimendi tempus idoneum ratus, celeriter in Nolanum profectus, primò ad Cancellum, deinde sub Nolam ad mille passus substitit. Fortè eo die magna equitum manus de patriarchæ exercitu regis aduentus nescia, prædandi causa, Nolam uersus profecta in Alphonfi castra incidit: impetuq; in proximos quosque imparatos, & inopinantes facto, quosdam iam è regijs ceperant. Quo cognito Alphonfus illicò arma expediri iubet: acieq; celeriter pro tempore instructa, laborantibus suis occurrit. Cæterùm ea vis pulueris fuit, mutuo concursu excitata, ut vix armorum insignia, quæ in prælijs accommodari solent, inter dimicandum discernerentur. Ad hæc æstus intolerabilis grauem armis militem exanimabat, nec reciprocare anhelitum defatigatos sinebat. Ad postremum hostes multitudinem circunuenti in fugam vertuntur, quos Alphonfi equites confectati, plerisque vulneratis, complures ceperunt: nec quisquam omnium superfuisset, nisi itinere atque æstu defatigatis militibus Alphonfus receptui cani iussisset. Hac clade nuntiata, patriarcha perterritus, cum eum locum haud satis idoneum castris putaret, nocte, quæ insequuta est, relictis præ festinatione equitibus, quos ad trecentos Neapolim miserat, inde in sancti Seuerini agros citato agmine se recepit: modicoq; spatio militibus ad quietem dato per vallem Serrinam sub montem Fusculum, transmissò monte, profectus est. Quod ubi Alphonfus agnouit, eius itinere per exploratores cognito (iam enim reliquias fusi ad montem Fusculum exercitus collegerat) cum propter locorum iniquitatem minimè persequendum illum existimaret, conuerso itinere Iferniam, ac Varranum patriarchæ metu liberata oppida sine certamine recepit. Per id quoque temporis Franciscus Pandonius Venafrò oppido, quod præfectus obtinebat, sibi ab Alphonso in ditionem, ut postulabat, tradito, deditio nem fecit. Inter hæc cum patriarcha per amicos agi cœptum: ut Ioannes Antonius Virsinus, quem in vinculis habebat, accepta cautione dimitteretur, sibiq; eum virum beneficio obstringeret, quem si allicere in suam amicitiam posset, plurimum esset opibus suis accessurum. Non displicuit patriarchæ eius rei mentio, seque eum dimissurum sine pretio est pollicitus, modò is ad sese cum quingentis equitibus reuerti vellet, pontificis stipendia facturum. Eam verò conditionem quanquã ei permolestam & grauem, (quando ita necessitas vrgebat) ut se in libertatem vindicaret accepit, ea tamen lege, ut dum is fratrem pro se mitteret, sibi domi liceret permanere. Idque eius factum Alphonfus haud iniquo animo tulit, quamuis conditionem, eius viri captiuitate, cuius amicitiam sibi fructuosam senserat, potiorem ducens. Post hæc patriarcha, Alphonfi in Venafranum profectio cognita, cum omnibus copijs Salernum petijt, eo videlicet consilio, ut illi obuiam contenderet. Quod postquam Alphonso nuntiatum est, subito in Nolanum contendit. Iam enim is sibi patriarchæ par factus Iacobi secessu videbatur. Cumque ad oppidum Sarnum peruenisset, fortè duo de patriarchæ equitatu ad eum venere, hortatique sunt, ut quempiam è suis ad patriarcham mitteret, sperare se, sibi cum illo de pace, aut certè de inducijs conuenturum, quod eum belli satietas cepisset. Alphonfus eam rem haud aspernandam ratus, quod graui aduersario sublato, sese hostibus superiorem intelligebat fore, quosdam è suis vnà cum ijs ad eum misit, qui de ea re illius animum explorarent. Ipse nihilo segnius cœptum iter persequutus ad vicum, quem Aquemellam vocant, cum copijs est profectus, quò maiorem pacis necessitatem patriarchæ iniiceret: simul quòd verebatur, ne equites à patriarcha fallendi animo ad se profecti essent: & ad sex millia passuum à Salerno in tumultu quodam, natura munito, castra posuit. Forte autem eò proficiscente trecenti hostium equites, quibus præerat Paulus Alemanus è monte Tusculo Salernum ad patriarcham ibant: ijque improuiso cum in hostes incidissent, paruo negotio fusi, magnaque ex parte capti sunt. Posthæc qui Salernum ad patriarcham ierant, ad Alphonsum rediere. Hi que inducias in duos menses, si ita is vellet patriarchæ fieri placere retulerunt. Quod cum ille haud abnuisset, induciæ factæ, hac lege adiecta, ut si qua vrbs quatrinduo antequàm sibi induciæ denuntiata essent, alterutri parti sese dederet, accipienti fraudi ne esset.



esset. Factis per hunc modum inducijs, Alphonsus inde in Auerfanum cum copijs redijt, & ad Iulianum vicum tria millia passuum Auerfa castris positus ibi aliquot dies egit, statueratque Puteolos petere, atque accersitis triribus, quas tum Caietæ habebat, id oppidum oppugnare, ut inde commeatum Neapolim importandorum facultatem adimeret. Aberat is vicus non plus decem millibus passuum à Puteolis: atque idcirco eum locum interea dum classis accederet, statuis idoneum existimabat. Cæterum patriarchæ nouum consilium eum, ut sententiam immutaret, compulit. Is enim Archiepiscopum Beneuentanum, qui tum Renati partibus fauebat, Iacobo Caulæ reconciliatus, rursus cum eo copias iunxit iureiurando ab equitibus, ac ductoribus fieri passuros. Deinde quum sciret Alphonsum ad Iulianum vicum statua habere, locum haud satis tutum, opprimi posse ratus, si antequam de reconciliatione eius Iacobo rescisset, aduersus eum contenderet: omnis humani iuris, ac diuini oblitus, per omnes saltus, atque aditus custodes disponi iussit, qui obseruarent, ne quis prius ad Alphonsum iret, à quo de eius consilio certior fieri posset. Quod cum Iacobus Lagonissa, vnus è regni regulis, fide in Alphonsum, & constantia singulari cognouisset, plures ad Alphonsum confestim nuntios per varias pertes dimisit. Cæterum ij omnes, excepti à custodibus, præter vnum qui per transuersos, ac deuios tramites ad reem profectus, omnem ei rem pandit. Alphonsus primum admiratus, quod bona fide patriarcham secum inducias fecisse existimaret, cum se loco haud satis tuto esse cognouerit, hostesque copijs superiores esse, confestim abeundi Capuam consilium cepit, atque haud mora milites cogi, arma expediri, & impedimenta componi imperat. Sed iam hostes, qui apud Auerfam erant, auxilij propinquitate freti ferocius instant, atque consultius, eorum plerique capti. Nec dubium quin intra urbem reiecti omnes, aut opti eo die fuissent, nisi patriarcha, & Iacobus citatis equis aduolantes pauorem ac epidationem regijs intulissent: qui cum apud Caiuanum accepissent Alphonsum à Iuliano vico iam mouisse, quanta celeritate potuere Auerfam contenderunt: hosque partim pugna implicitos, partim abeuntes conspicati effuso cursu petierunt. Quos ut regij in sese concitè venientes conspexere, cedendum rati, omnibus pro impedimentis amissis saluti consuluerunt. Palus erat propinqua, quam Clanius exitus annis efficit. Hæc hybernis aucta imbribus, ita coarctauerat iter, ut facillè pauci aduersus multos locum tutarentur. Ea verò ponte perangusto transmeabilis erat. Id ab initio cum à Iuliano mouisset, prouiderat Alphonsus. Itaque præmisit qui transitum occuparent, ne ab hostibus circumueniri, & Capua intercludi posset: ob eamque rem copias diuidere necesse esset: quod ni esset factum, ingens fortasse eo die detrimentum hostes accepissent. Nanque & vigilijs simul, & itinere fessi contempta hostium periclitate in compositi pugnam inierant. Hostes ut pontem inessum, atque occupatum viderent, primosque iam longè progressos signo receptui dato Auerfam redierunt. Quod Alphonsus animaduertit, placidè iter persequutus sese cum copijs Capuam recepit. Hinc exitum habuit tumultuaria ad Auerfam pugna: inde in aliquot dies ab utrisque cessatum fuit. Post hæc rursus inter patriarcham ac Iacobum dissensio exorta est, hac maximè de causa: Patriarcha, quo tutum aliquem receptum in Neapolitano regno haberet, uti sibi Auerfa ab Isabella traderetur, postulabat. Iacobus verò cum intelligeret quorsum eius petitio tenderet, eum scilicet non tam pro Renato quàm pro Eugenio pontifice maximo bellum gerere, eius postulatis maximè aduersabatur. Quod cum patriarcha permolestum accidisset, haud dissimulatis inimicijs, relicto Iacobo, Auerfa abiit: nec multo post & ipse Iacobus in Pelignos in oppida sua concessit. Per idem ferè tempus Tranenses ad Alphonsum legatos misere, qui deditione a se opem implorarent: dicerentque urbem in potestate ciuium esse: Cæterum ardeant ab hostibus teneri, eamque nec expugnata faciliem, nec absque nauibus propter circumfusum obsidioni obnoxiam. Causa verò deditionis fuit, quod vulgatum erat patriarcham eò ire statuisse, uti à Iudæis ad Christianam legem recens profectis, qui in ea vrbe erant, grandem pecuniam in belli sumptum exigeret. Mouit ea legatio Iulianum Alphonsum, plurimū conferre rebus suis ratum, si vrbe tam opulentam potire-



tur. Itaque legatis benignè respondit: collaudatosque quòd deditiōem sua voluntate fecissent, spe plenos dimisit: moxq; Ioannem Carassam cum triremibus tribus Tranium petere, & quæ ad arcis obsidionem necessaria cognosceret, cum cura gerere imperauit. At Patriarcha eius vr̄bis deditiōe cognita, Andrium, quæ ciuitas in Apulia est, subito profectus, copiarum duces, ac regulos quos in fidem acceperat cum omnibus copijs eodem conuenire quamprimum iubet: quibus ad diem profectis, obsessæ arcis opem ferre statuerat. Inter hæc orta seditiō, maiore ciuium ac militum parte ad Alphonsum inclinante (quòd patriarchæ impotentem superbiam, atque auaritiā ferre non poterant) eum in maximum metum, ac discrimen adduxit: nec esset temperatum cædibus, nisi Ioannes Antonius Vrsinus eorum furorem interuentu suo compressisset, qui ad fidem suam id pertinere existimans, temerarijs suorum consilijs sese obiecit. Itaque postquam tumultus conquieuit, nihil mutato consilio contractisq; vndique auxilijs ex Andrio mouere constituit. Ceperat eum ante suspicio, Ioannem Antonium rursus cum Alphonso sentire. Hanc autem suspiciōem vel ea res maximè confirmauit: quòd Ioannes Antonius in valetudinem causatus Tranensem expeditiōem detestabatur: Accepta tamen ab eo copiarum parte Tranium, quod haud plus decem millibus passuum aberat, repente profectus, castris positus agrum circumiectum hostiliter populatus est. Interea Tranenses Paulo Pellicano auctore, eius factionis principe, quæ Alphonso vr̄bem dederat, fossam, qua arx continenti, atque vr̄bis edificijs iungitur, arci obduxerant, nequa ab obsessis eruptio in vr̄bem fieri posset: eamq; fossam aggere, crebrisq; turribus communierant: ob eamque causam (nisi superatis munimentis, in arcem terra euadi, atque obsessis subueniri nullo modo poterat. Cœperat Ioannis Antonij fides, vt antè dixi, patriarchæ suspecta esse: cum igitur oppugnare munimēta statuisset, & ob eam rem equis desilire equites imperasset, nec paruisset Ioannis Antonij equitatus, suspiciōem confirmauit. Quod cum intueretur Laurentius Cotiniola vir bellicis artibus clarus, minimè dubia esse affirmans, quæ de illo suspicatus esset, eum perpulit, vt deserta obsidione, Vesilium, quod oppidum eius ditionis erat, se receperit. Ibi cum cognouisset triremes ab Alphonso mitti, quæ arcem obsiderent: veritus vbi venisset, ne sibi minus integrum foret, ex ea prouincia, cum vellet, excedere, quòd Ioannis Antonij copiæ terrestris iter occurreret, ex ea prouincia, cum vellet, excedere, quòd Ioannis Antonij copiæ terrestris iter occupaturæ essent, triremes autem mare clausuræ, statuit ante nauium aduentū relictis copijs, dum liceret, abscedere. Lembum igitur quendam nactus paucis conscijs, is, qui paulo antè vniuersum Neapolitanum regnum terrore compleuerat, quasi ad contrahendas maiores vires iturus, turpi fuga, intempesta nocte digressus, primò in Picenum, mox terrestri itinere ad pontificem abiit. Postridie milites, atque equites cognita patriarchæ fuga, rebus suis diffidentes, cum nec ducem, nec pecuniam haberent, vnde commeatus suppeditarent, sese ad Iacobum Caudolam contulerunt, qui Isabellæ rogatu posita similitate eodem accesserat: huic enim salutem suam credere, quàm hosti maluerunt. Dura erat obsessorum conditiō. Nanque Tranenses nauculis per varia ante vr̄bem loca dispositis, nec commeatus in arcem inferri, nec militem quenquam ingredi sinebant. Inter hæc Ioannes Carassa triremibus duabus vestus Barletam primò, mox Tranum venit. Causa longioris moræ fuit, quòd is primùm proficisci in Siciliam ab Alphonso iussus fuerat: vt inde pecuniam in stipendium Ardironi copiarum duci, qui tum Barletæ erat, deferret: cuius pecuniæ exactio serior fuerat. Huius aduentu Tranenses vehementer confirmati sunt, quòd minimè dubitabant, arce terra marique circumfessa, præsidium ad deditiōem cogi posse. Ad centum quinquaginta milites erant iisdem triremibus inuecti. Antè omnia Ioannes collustratis munimentis, quæ ciues arci obiecerant, cum propter latitudinem hostes nunc quinos, nundenos erumpere, & simulata fuga regios sub arcem illicere, incautiusque sequentes à sagittarijs, qui pro arce occulti stabant, excipi animaduerneret, iacto interiore vallo, ac fossa, crebrisque turribus per interualla excitatis, munimenta coarctauit. Hæc à terra prouisa, à mari autem naues longas, quibus aduectus fuerat, contra arcem statuit: & ne qua vis maior succedere ad arcem posset, quòd ea maris altitudo erat, vt possent non incommodè triremes arcem subire, scaphas complures præparauit. Eas vero saburra grauatas, tignis solidis inter se cōpactis, ante arcem extra teli iactum



## LIBER SEXTVS.


59

in anchoris tenuit: ut si qua fortè maior vis ingrueret, has continuò vndis supprimeret. His operibus perfectis, cum animaduertisset hostes biremem in arce subductam habere, qua, furtim captata occasione, ad cū meatus deferendos uti possent: castellum à terra aduersus arcem aedificauit, tanta altitudine, ut muros superaret: in quo castello complures milites collocati & infestabant telis obsessos, & ne biremis clam emitti posset, obstabant. Lembos præterea viginti tectos præparauerat: eosque intra opera ac munimenta maritima collocarat, ut si fortè triremes hostilium nauium impetū ferre non possent, interiecta munitione sagittis hostem arceret. Per hunc maximè modum circumfessa arx, omni telorū ac termentorū genere sine intermissione quotidie oppugnabatur. quā tamen oppugnationē fortiter ferebant. Postquam verò res frumentaria arctior fieri coepit, nec quicquam opis sibi in patriarcha relictum esse perspexerunt: obsidionē diutius non tulere: impetratisque triginta dierum inducijs, quibus liceret ad patriarcham mittere, qui doceret ad extremam inopiam ventum esse: dedituros se arcem pacti sunt, nisi intra eam diem auxilium afferretur. Quòd cum ad tempus nullum venisset, deditione facta, arce excesserunt. Vix triduo post exacto, Ianus Fregosus (nanq; Isabella à Genuenibus auxilium postulabat) cum triremibus octo profectus, ad sex millia passuum à Trane peruenit. Ibi cum de arcis ipsius deditione accepisset: retro conuerso itinere redijt.

Recepta Trani arce, & patriarchæ copijs ad Iacobum profectis, Ioannes Antonius Ursinus, cum sibi omni metu solutus videretur, ad Alphonsum, qui eum auidè expectabat, (nam Iacobus inde digressus fuerat) sese contulit.

\*

## BARTHOLOMAEI FACII RERVM GESTARVM ALPHONSI PRIMI REGIS NEAPOLITANI LIBER SEXTVS.



ER eos dies, quibus hæc ad Trani gesta sunt, Renatus cuius summa erat apud hostes opinio atque expectatio, à Ioanne Burgundiæ duce dimissus, triremibusque decem comparatis, è Massilia Neapolim profectus est. Eius verò aduentus Andegauensis factionis animos longè sustulit: siquidem magni animi vir Britannico bello cognitus fuerat. Ut primùm venit, contrahere copias, & quæ ad bellum gerendum pertinere videantur, parare coepit, imprimisque Iacobū Caudolam sibi accersendum putauit, qui per aliquod tempus in Apulia cum copijs hybernabat. Misit igitur ad eum, qui rogaret, cum copijs ad se venire ne cunctaretur: de tota belli ratione vnà consultaturus. Quo nuntio accepto Iacobus, ut primùm potuit, coactis copijs sese itineri cōmisit: profectusque Neapolim, cum eo de summa belli colloquutus, primùm hortatus est, uti Scaphatū oppugnaret, quò tutò in Lucanos, ac Brutios transire posset: atque inde necessaria aduehere. Cuius consilio probato confestim cum omnibus copijs Scaphatū petijt: accitisque naualis socijs arcem aggressus, oppidanos, qui in eam se receperant, adeo cōterrui, ut deditione facta, vix primam oppugnationē tulerint. Interim Alphonsus Renati aduentu cōmunito, confestim, quas potuerat, copias contraxerat. Itaque ut primùm factus est certior Renatū ad oppugnandum Scaphatū isse, citato agmine è Capua in Nolanum cōtendit: ubi cum accepisset arcem in potestatem hostis venisse, cōcepto itinere abstinuit: reuersusque Capuam in Pelignos ire constituit, eo consilio ut Iacobi oppida vexaret: si fortè esset sollicitudine domi iniecta, à Renato distrahi: constitueratque alio quodam breuiori itinere proficisci. Caterum Sulmonenses vrbs inter Pelignos, hoc etiā clarior, quòd ex Nalo poëta ortus est, uti per Sulmonensem agrum iter faceret peruicerunt: qui si alio itinere, quo ire instituerat, profectus esset, ipsa celeritate totam eam regionem depollari, ac vastare potuisset. At Iacobus eius itinere cōperto, de rebus suis sollicitus, cum



Renati venia, quàm maximis itineribus potuit, per Beneventanum, & ipse in Pelignos est profectus: & ad Casam Cantinellam (id ei castello est nomen) constituit. Haud procul hinc duo colles siti sunt, inter quos angusta valle exiguus amnis excurrit: sed eorum collium alter altero eminentior est, ac multò munitior. Hunc sibi cognitum Iacobus primo aduentu occupauit: eoque multo peditatu firmato sub radicem castra posuit. Cuius aduentu cognito Alphonsus haud multo post & ipse eodem perrexit. Cumque eum collem, quem edoctus ab hominibus eius regionis peritis occupare statuerat, ab hoste captum comperisset: altero colle, què demonstrauit occupato: & ipse è regione sub montem castra posuit. Amnis modò vtrosque diuidebat: aquandi ex eodem vtrisque æquè potestas erat: Ea verò castrorum propinquitas vtriusque partis animos mutuo clamore prouocantium, ac probra iactantium longè ad certamen acuebat. Inter hæc falso in castra allatum est Franciscum Sfortiam impigrum iuuenem, quem Renatus accersierat, magno cum equitatu ad Iacobum aduentare, atque haud procul inde abesse. Quo rumore permoti regulorum ad eum pars magna, suadere Alphonso coeperant, vt priusquam ex copiæ cum Iacobo coniungerentur (quoniam is locus parum tutus esset) castra moueret: neue aut cum pluribus loco iniquo pugnare cogeretur, aut circumfessus commeatu intercluderetur. Quæ omnia cum Alphonsus circumspiceret, etsi dimicare in animo erat, mutato repente consilio, castra mouit, atque in Celanum, & Albanum agrum profectus, totam regionem illam, aduentus sui fama tumultuantem, vna propè excursionem debellauit. Qua re cognita Iacobus insequi non ausus (neque enim Franciscus venerat) diuerso itinere Sulmonem contendit: ac non longè ab oppido castra posuit, arbitratus Sulmonensium discrimine Alphonsum à rerum suarum oppugnatione reuocari posse. Misitque continuò ad Renatum, qui moneret, si bellum citò finire cuperet, vt quas posset, subito contractis viribus ipse ad exercitum proficisceretur. Regium nomen (in bello præsertim quod aduersus regem gereretur) plurimum valere. Aquilanis, qui Alphonso maximè aduersi erant, ad quinque millia peditum, finitimisque commeatus imperauit: à quibus omnia impigre, & obedienter præstita. Renatus approbato eius consilio, coacto extemplo ex urbana iuuentute, quem potuit, equitatu, Sulmonem petiit: eamque urbem oppugnare aggressus, irritò incepto abstinit. Namque & oppidi situ, & rei frumentariæ copia, tum Alphonsi exercitu Sulmonenses freti, haud segniter oppidum tutati sunt. Quod cum Renatus animaduerneret, excursionem per Sulmonensem factam, multis populationibus, & incendijs agros vastauit. Et iam Alphonsus Albano, ac Celano agro subacto ad castrum vetus peruenerat. Id aut situm est in valle, quam Subletiam appellant. Quod vbi Renatus agnouit, copijs fretus, quibus se superiorem Alphonso existimabat, ad eum misit, qui illum ad prælium oblata chirotheca militari prouocaret. Cui Alphonsus chirotheca strenuè accepta pugnam se haud abnuere respondit: Cæterum sciri oportere, vtrum Renati sententia sit singulari certamine cum eo dimicare, & vtriusque congressu bellum finire, an signis collatis, cum toto exercitu, totis viribus decertare: se in vtrunque paratum esse. Ad hæc nuntius, placere, ait, Renato, exercitum cum exercitu congregari, & vniuersi certaminis fortunam subire. Quod cum audisset, Renato renuntiare iussit, misso ad eum nuntio, non renuere se oblatam conditionem: cæterum quoniam eius sit, veteri more, qui prouocetur, diem, ac locum prælij dicere, se cum exercitu inter Acerras, & Nolanum proficisci: qui campus lata planicie vtrisque idoneus ad pugnam esset futurus: ibique eum ad diem octauam præstolaturum. his Renato renuntiatis, continuò de loci optione disceptatio exorta est. Aiebat enim loci & temporis constitutionem ad prouocantem, non ad eum, qui prouocaretur, pertinere. Itaque se locum illum dicere, vbi ipse Alphonsus in præsentia castra haberet: quem iccirco optare videbatur, quoniam is locus nec situ, nec opere munitus esset: Ita re infecta nuntius ad Alphonsum rediit, qui iam in Nolanum, vt dixerat, iter arripuerat: ibi hostium aduentum ad denuntiatam diem expectaturus. At Renatus ne non effecisse, quod dixerat, videretur, in eum locum, vbi Alphonsus castra habebat, exercitum traduxit. Ibi cum Alphonsum non reperisset, conuerso itinere in Pelignos reuertitur: ductoque primùm ad Castrum Vetus exercitu, non id modò castellum, verum etiam totam vallem paruo certamine subegit. Post hæc Aquilam Pelignorum caput: urbem præualidam, sibi que amicam, & fidam profectus, Iacobum Cauldolam



olam in Celanum, atq; Albanum agrum dimisit. Isque intra paucos dies, incolis vltro editionem facientibus, amissa omnia recepit. Alphonsus vt vidit Renatum ad dictum locum non venisse, in vallem Caudinam, quæ è Marino Boffa tenebatur exercitum duxit, donec tempus arbitratus, dum Renatus cum copijs procul abesset, eius vallis inuadendæ. Superatis itaq; angustijs (ibi enim vallis in arcum coit) quas olim angustias, circulas Caudinas appellabant, Romanorum ignominia nobilitatas: ad Arpaïam oppidum castra posuit: naualibus socijs, quod eos in oppugnationibus peritiles sciebat se, à nauibus accitis. Quod cum oppidani animaduernerent, subito armati in muris apparuerunt. Et primum quidem impetum tulere: sed mox compluribus eorum vulneratis, quum remissius pugnarent, scalæ muris admotæ sunt: deiectisq; propugnatoribus irruptio in oppidum facta: Marinoq; comprehenso, oppidani arma ponere coacti sunt. Qui præsidio arcis erant, vt Marinum captum cognouere, continuo arcis deditionem fecerunt. Argentium quoq; oppidum, haud procul inde situm, Marino dedente, absq; ceramine receptum. Nanq; Marinus venia à rege impetrata, confestim in id oppidum Alphonsi præsidium admisit: quo facto magnis post honoribus ab eodem affectus est, illi restitutis, quæ tenebat, finito bello oppidis. Harum rerum successu territus Casertinus regulus, cum accepisset Alphonsum statuisse in eius agrum copias ducere: præmisso nuncio, qui deditionis spem faceret, confestim ad eum profectus, sese in eius fidem dedit. Renatus per id temporis in Pelignis, ac Maris tempus terebat. Itaq; Alphonsus non differendam, quæ se tam læta offerebat, fortunam arbitratus, in Lucaniam inde profectus est, atq; ad Anglum oppidum castra posuit. Tenebat id oppidum Ioannes Zurlus: vbi iam aliquot dies, nunc agendo, nunc sollicitando ipsius Ioannis, & oppidanorum animos, frustra exegisset: ad postremum oppidanos in summam rerum omnium desperationem adduxit. Præsertim cum scirent Renatum Peligna expeditione occupatum, sibi stipulari non posse. Inter hæc Franciscus Ioannis, quem dixi, frater, qui vrbi Nuceriæ præerat: quod rebus fraternis, suisq; consuleret, ad Alphonsum misit, qui deditionem polliceretur, vbi sibi Nuceriæ vrbis imperium relinqueret. Alphonsus quod magni existimabat, urbem tam claram in Lucanis aduersarijs eripi, postulatis eius haud cunctanter annuit: illiq; urbem concessit. Agere deinde Franciscus coepit de re fraterna. Cupiebat enim Alphonsus, ne ibi diutius tempus teri cogeretur, Ioannem ad deditionem adigi, cui iam præter spem obstinatius resisteret: duabus ei conditionibus propositis, videlicet vrbis imperio, & principatu retento, sese in Alphonsi fidem daret, aut vrbis possessione intra certam diem cederet: studio partium repente oppidum destituit: quod oppidanos desperatione correptos à belli consilijs iam abhorreere intelligebat. Eo digressus, porro illico Alphonso patefacta est, præsidiumq; eius intromissum. Nuceria, atq; Anglo inde receptis complura castella circumiecta nulla mora deditionem fecere. His tantis rebus prosperis elatus Alphonsus ad Neapolim ipsam (belli caput) exercitum ducere constituit. Mouebant hæc regem primum quod propè omnis iuuentus Neapolitana, Renatum in Pelignos, & Maris sequuta erat: deinde quod Renatum reditu ad urbem includerebat: tum quod eo tempore magnas copias nauales, ac terrestres habebat: quibus rebus in spem veniebat, sese aut vi aut deditione, ea vrbe potiri posse. Nanq; eo tempore in Alphonsi castris ad quindecim millia hominum erant, & in Neapolitano sinu triremes decem, quæ & commeatus castris subuehebant: & minoribus nauigijs, hostibus reportari quicquam non sinebant. His igitur conuocatis, quorum consilio utebatur, sententiam suam aperuit: cumq; omnes consilium eius approbassent, motis inde castris Neapolim petijt, & ad Magdalanæ templum, quod in littore est situm, ad quingentos abbe passus, Petrum fratrem cum parte copiarum statuit. Ipse paulò supra eum locum cum aliquo exercitu castra posuit: ita vt inter se vtraq; castra paruo admodum interuallo distarent. Quod ea videlicet ratione effecit, vt si qua vis altera castra premeret, qui in alteris erant castris subito adesse, atq; opem ferre laborantibus possent. Neapolitani aduersus factionis, subito & inopinato eius aduentu perculsi postquam se collegerunt, tormenta, & machinas, vbi expedire visum est, adhibuerunt: contabulatisq; mœnibus opportunis quibusq; locis vigiles disposuere. Ingens autem desperatio eorum animis obuersatur, quod Renatus ab vrbe cum copijs procul aberat, & per occasionem aduersarios



aliquid intus miscere posse suspicabantur. Cæterum omnia circumspectantibus, res una maxime salutaris visa est. Quatuor ingentes Genuensium naues, quæ commeatus paulo antè vexerant, fortè nondum è portu excesserant, in quibus sexcenti, aut eò plures erant. Harum ductoribus Neapolitani magnis præmijs persuasere, ut duabus veteribus nauibus incensis, reliquas quoad carinæ paterentur sub mœnia subducerent, socijsque naualibus in terram dimissis urbem defenderent. Castris communis Alphonfus scalas, atque alia machinamenta bellica confestim parare cœpit: quibus breui perfectis cum urbem oppugnare statuisset: uti hostes ab eius partis, quæ ad castra vergebat, defensione auerteret: & pluribus, ac diuersis locis occupatos vehementius perturbaret: ad mille homines è classe in terram, sub arcem regiam, iubet descendere: atque inter arcem Montanam, & urbis mœnia confidere: templaque duo, quæ mœnibus imminebant, nequa à fronte, aut à tergo vis fieret, occupare. Dum hi proficiscuntur, cæteraque ad prælium comparantur, fortuna, quæ in humanis rebus ludere consuevit, & prosperis aduersa confundere, cuncta Alphonfi consilia vno momento euerit. Nam dum fortè Petrus eius frater paulum à castris, speculandi gratia progressus, in littore vagaretur, è Mariæ Carmelitanae templo caput tormento ictus, repente occubuit. Cuius interitu consternato exercitu, oppugnationis consilium omissum est. Gratosus hic apud omnes ordines erat: homo sanè ad rem militarem natus, si animi, si corporis dotes aspicias. Si quidem ad omnia pericula subeunda impavidus: primus in acie, postremus prælio excedebat: animi magnitudini corporis robur respondebat: acer, & manu promptus, hostem semper in acie dimicans victor. Eius mortem Alphonfus etsi grauiter indoluit, non ut homo in castris, sed potius in studijs sapientiæ ab adolescentia versatus, tulit. Ad primum nanque tam atrocis casus nuncium, obortis lacrymis, quas vis humanitatis profudit, cum paulum dolori dedisset: tabernaculo egressus Magdalena templum, quo corpus elatum fuerat, petit: eiusque pedus disloricatis tunicis exosculatus, Frater, inquit, laborum, & gloriae nostræ particeps aeternum vale. Simul his dictis atque eo amplissimis verbis collaudato, equestris ordinis florem eo die extinctum dictitans, milites tanto casu exanimatos, eos præsertim, qui sub fratre militauerant, pluribus verbis consolatus est: ijsque omnia, quæ frater possidebat distribuit: hortatus nequid vnus viri interitu animos remitterent: sed tantum de finiendo bello cogitarent. Deinde fratris corpus loculo pice illito reconditum, in arcem maritimam quam Ovi vocant, transportari iussit: exequijs in aliud tempus dilatis: quò solutis olim belli curis regali pompa funus faceret: quas ego postea exequias vidi, vniuerso regno perdomito, magnificentissimo apparatu, ac sumptu, in vrbe Neapoli persolui. Aliquanto post cum rursus oppugnare Neapolim pararet: ea vis imbrium aliquot diebus fuit, ut nec rem gerere, nec extra tertia prodire miles posset. Quæ res cum in religionem, ac prodigium vulgo versa esset: neque is locus idoneus hybernis putaretur: & iam multi hyemis impatientia domum abiissent, suadentibus regulis, & copiarum ducibus, trigesimo ferè, postquam venerat, die, soluta obsidione Capuam redijt. Vix triduum à destituta obsidione intercesserat, cum quædam non exigua muri pars, quæ tormentorum ictibus quassata substiterat, nulla vi adhibita, cum ingenti fragore corruit: quo tempore si affuissent Alphonfi copiae, fortasse is dies belli finis extitisset. Renatus receptis oppidis, quæ in Pelignis, & Maribus Alphonfus ceperat, quum Neapolim obsideri accepisset, flexo in Apuliam itinere, in Beneuentanum, ut eam Neapolim peteret, venit. Quod postquam Alphonso nuntiatum est, Ioannem Vintimillium cum ijs copijs, quæ sibi reliquæ erant (nam reguli hybernandi gratia cum copijs domum redierant) ei obuiam ad Furculas Caudinas ire iussit: qui aut cum transitu prohiberet, aut si qua occasio rei bene gerendæ se offerret, fortunæ non deesset. Qua re cognita Renatus alio itinere in Nolanum descendit, atque ad hostes celeriter profectus, cum incautos offendisset, aliquot captis, eos intra mœnia compulit: moxque composito agmine Neapolim petijt. Post hæc Alphonfus id tempus, quo res geri cœli immanitate non poterat, ad præparanda in æstatem necessaria, commodum ratus, Caietam sese contulit: constitutisque omnibus, quæ bello opus esse videbantur, Capuam redijt aliquanto celerius, quod ei spes allata fuerat, Caietanum oppidum, militis cuiusdam opera, qui in præsidio erat, occupari posse: præmissoque cum



copijs Ioanne Vintimillio ipse statim subsequutus est. Vbi oppido appropinquatum est, delectos aliquot milites, noctu clam ad eam partem misit, quam miles demonstrauerat: qui scalis muro admotis inscenderent. Ipse haud procul ab oppido cum copijs substitit. Profecti continuò, sentiente nemine, præter militem, quem dixi, moenia transcendunt. vigilesque somno stratos obruncant. Quod ubi rex agnouit, subito cum copijs aduolans, ipso impetu, effracta porta, in oppidum irrupit. Oppidani tanto ac tam repentino casu exanimati correptis armis cum se tueri conarentur, multitudine hostium oppressi: alij abiectis armis supplices ad victoris fidem, alij in arcem confugerunt. Post hæc arx oppugnari coëpta est: sed cum ea ferro expugnari non posse videretur, quod vallo ac fossa munita erat & valido præsidio firmata, ad obsidionem spectare res coëpit. Quapropter Alphonsus confestim, quas potuit, è Campano, & Sueffano copias contraxit. Si quidem hyemem frigoris magnitudo exasperauerat, nec facilè erat eas copias, quæ in longinquis hybernis erant, per id anni tempus cogere: deinde circumvallata arce, ne nocte quidem opere intermisso, adhibitisque tormentis, pulsare muros coëpit. Oppugnabatur quotidie summa vi, magnaque muri pars paucis diebus disiecta est. Procedente verò obsidione res frumentaria deesse obsessis coëpit. Nam pletrique oppidani, vt dixi, in arcem confugerant. Quibus incommodis victi, cum nullam sibi amplius in Renato spem firmam cernerent, quippe qui ad eam diem nullam opem ijs tulisset, salutem pacti, deditionem fecerunt. Alphonsus oppido, atque arce præsidio firmatis, cum exercitu profectus, nulla aëris acerbitate reformidata, Pomilianum petit: idque oppidum ac septem castella circumiecta, Renato per id tempus quiescente, quòd Iacobus Caudola aberat, debellauit. Reuersusque Capuam contractis properè maioribus copijs, mitescere iam coelo, ne quid hostile in agro Campano à tergo relinqueret, ad pontem Coruum proficisci constituit. Cumque iter ingressus, iam ad diui Germani oppidum peruenisset, Renatus Cauianensium quorundam nuntijs persuasus, missis eò confestim equitibus quingentis ex Neapolitana iuuentute, oppidum præter arcem coëpit. Quod simulac ad Alphonsum perlatum est, mutato consilio reuerti statuit, præmissaque suorum manu: ipse maximis itineribus subsequutus est: Cumque iam primum agmen ad amnem Clanium non plus tria millia passuum à Cauiano peruenisset: territi hostes, deserto oppido, quòd se tueri posse diffidebant, abiire: quo recepto, & munito, Alphonsus, simulato ad pontem Coruum reditu, iter ad mare flexit, & sub rupem montis Draconis (ita incolæ vocant id oppidum) relicto exercitu, ipse cum paucis Caietam, breui rediturus, petijt. Interim sacerdos quidam Puteolanus magnis præmijs à Renato persuasus, simulato exilio ad hostes venit. Isque postquam dierum aliquot consuetudine sibi satis fidei haberi intellexit, ad arcem maritimam profectus cum Iacobo, quem cæcarum appellabant, eodem Puteolano, arcis præfecti genero, agere de prodicione arcis coëpit: pretio maximo proposito, si rem ipsam exequeretur. Ille continuò simulare sese eius sermonem libenter accipere: atque in id ipsum operam pollicitus, de modo tradendæ arcis confidaturum se inquit. Cum hac spe regressus sacerdos, Renato, quid egerit remotis arbitris refert. At Iacobus eo digresso statim, vt fidelem hominem decuit, Petro arcis præfecto socero suo rem pandit: & quidnam à se super ea re agi velit percontatur. Ille re prius communicata cum Arnaldo arcis regiæ præfecto, hortatur, vt quam maximè possit, simulet rem sibi cordi esse: simul, quidnam à se agi velit, edocet. Ille cognita soceri voluntate, reuerso ad se postero die sacerdoti, operam ac studium suum impensius pollicetur. Atque vt ei fidem haberet, petit, vt duos nobiles Gallos ei ordiendæ gratia ad Petrum suum socerum per redimendorum captiuorum speciem Renatus mittat, quibus cum captata occasione posthac colloqui de ea re possit: sic rem utius multo, & tectius agi posse. Quæ cum sacerdos Renato retulisset, duobus Gallis id negotij datum: ijque ad arcem accepta fide profecti: cum Petro, vt illis mandatum fuerat, de redimendis captiuis agere coeperunt. Seorsum verò opportunitate data, cum Iacobo de arcis prodicione colloquuti sunt: ingentibus eum promissis, si rem ad exitum erduceret, onerantes: reuersique ad Renatum, quid cum eo egerint referunt. Quod ubi accepit, lætus eosdem postridie ad arcem reuerti imperat, vt qua nocte, quoque tempore ad arcem suos proficisci velit, constituent: venturum & ipsum, quo facilius res a-



gatur. Profecti rursus Galli postquam cum Petro de captiuorum pretio denuò loquuti sunt: data ijs de industria colloquendi occasione, de tempore, atque ordine occupandæ arcis constituerunt. Quibus compositis ad Renatum regressi, quæ egissent, docuere. His cognitis Petrus Arnoldi consilio, atque hortatu per fidum nuntium Alphonso rem significat, ut cum exercitu, si ita ei videretur, propius accederet. Ceterum Alphonso quoddam desperabat, propter viæ longinquitatem, se in tempore adesse posse: ut, quemadmodum ijs videretur, agerent, permisit: dummodo cauerent, ne quid per dolum detrimenti caperetur. Quod postquam ijs renuntiatum est, rem exequi liberiùs parant: quòque minori discrimine res effici posset, Arnaldus ante constitutam diem ad quadraginta lectos ex omni præsidio arcis Regiæ viros per biremem ad Petrum misit: qui per diem inspectantibus hostibus, in longius abeuntium speciem, in mare prouecti: noctu ad arcem reuersi, biremi sub fornice abdita, arcem intrauere. Postero die Renatus ad constitutam noctu horam cum suorum plerisque sub arcem venit: eosque Gallos per quos de prodicione arcis egerat, tribus additis, qui primi omnium ingrederentur, cum duobus tubicinibus præmittit. conuenerat autem cum Iacobo, ut tubicines duo cum Gallis quinque primò introducerentur: ijque, postquam vidissent arcem in Gallorum potestate esse, tuba canerent. Iacobus in statione sua paratus adstabat, Petro socero cum omni præsidio interius abdito, ad quem profecti Galli per portulam admissi sunt. Ceterum singuli, ut primùm in arcem euadebant, à præsidarijs militibus comprehensi in vincula conijciebantur. Sequuti tubicines, ijque correpti tuba signum dare coacti sunt. Quod ubi auditum est, confestim reliqua multitudo rata arcem à suis occupatam, quum temerè ad muros cucurrisset, lapidibus, & omnium missilium genere, compluribus grauiter vulneratis repulsa est. Saluti plerisque fuit, quod ad primum lapidum deiectum arcis muros quàm proximè subierunt: qui primo iactu declinato sese mox ad suos illasi recepere. Quæ ubi Renatus animaduertit, cognito dolo, cum suis in urbem redijt. Paucis diebus interiectis, ut sæpe contingit, ex leui causa ingès detrimentum acceptum est. Nam dum Nicolaus Fregosus, quem Genuenses cum onerarijs quatuor Renato petenti miserant, ut frumentum Neapolim veheret, fortè adhuc in portu esset, mox Brutios petiturus: quidam ex arce regia magni ponderis saxum in eius nauim tormento æneo contorsit: quo ictu, magno cum fragore, malo, & magna puppis parte perfracta, quum saxum in cubiculum, ubi fortè pecuniam numerabat, cum ingenti terrore, ac trepidatione circumstantium incidisset: ira succensus, non abiturum se inde iurauit, priusquam quinquagies saxa in eam arcem balista coniecisset. Simul his dictis, impetrata à Renato venia balistam, quæ ad ædem diui Nicolai pro arce stabat, componit: saxisque immanibus muros arcis pulsare cœpit. Elidebantur pluribus locis arcis tecta: nec minus introrsus omnia infesta erant. Plures enim, & per graues lapides vno iactu emissi, quonam inciderent, incertum faciebant. Nec locus ullus, præter imos fornices, in tota arce tutus videbatur. Quod cum Arnaldus arcis præfectus animaduertiret, Petrum arcis maritimæ præfectum oratum mittit, ut quinque illos Gallos, quos noctu arcem ingressos interceperat, ad se mittat: si fortè ijs balistæ obiectis hostium furor compesci posset: quos haud cunctanter ad se perductos cum balistæ ictibus opposuisset, Zampanias Renati dux, natione Gallus, indignatus suæ gentis homines tam foedè interfici: quid agimus, Nicolae, inquit? cur nostros perditum imus? aut cur non potius cogitamus, quonammodo hostes honestè vlcisci possimus? Oppugnetur turris diui Vincentij: qua capta arcem regiam frumento, atque omni commeatu interclusam, breui tempore in Renati potestatem redigemus. Cumque id se libens facturum Nicolaus respondisset, si se sequi cum copijs vellet: non renuit conditionem Zampanias, eamque rem ad Renatum detulit. Renatus ea re lætus æstimatis eorum nauibus, qui eas temere periculo exponere recusabant: ijsque idonea cautione præstita, quæ necessaria ad ipsius turris oppugnationem videbantur, parari quamprimùm iussit. Quare cognita Arnaldus, cuius custodiæ ea quoque arx demandata ab Alphonso fuerat, milites viginti, florem præsidij arcis Regiæ, in turrim subito traducit: ijsque omnibus (nanque ad triginta erant) Martinum, ac Bernardum fratres præposuit: quibus longa oratione confirmatis, magnaque vi lapidum ac missilium importata, cæterisque omnibus prouisis, quæ



quæ à se tam exiguo temporis spatio prouideri potuerunt, in arcem regiam redijt. Arx diui Vincentij vndique mari alluitur: ab ea parte, quæ ad mare vergit, murum latissimum ed elidendos fluctus habet, à terra nullo munimento clauditur. In extrema parte, quæ propior est arci regie turris sita erat: ab interiori parte muro cincta, paulò supra hominis magnitudinem: cæterum ipsa adeò humilis; vt eius muri fastigium maiorum nauium proræ æquarent. Ad hanc oppugnandam postridie Nicolaus, & Zampanias cum nauibus, & lembis compluribus venerunt. Milites Zampania duce lembis inuecti, sine certamine in extremam molis partem descendērunt: atque hostes laceffere cœperunt. Post ipsæ naues contra ictus tormentorum, & machinarum munitæ vno agmine ad ipsam turrim contendere: è quibus vna inter turrim, & arcem regiam se iniecit: vt à multis simul partibus laceffiti hostes facilius expugnarentur. Primoque appulsu, quæ magnitudine cæteris præstabat, ad turrim adacta prora, pinnam quæ aduersus maiorum nauium vim recto ædificata fuerat, lignis aridis pice circumlitis tigno, qui in prora præfertur, circumpositis, primo impetu accendit: nec extingui incendium potuit: tanta simul ex omnibus nauibus telorum, ac lapidum vis ingerebatur. Zampanias verò pedites in plures acies diuiserat, ijque per vices magno cum impetu, & alacritate exteriorem turris circulum subibant: pilisque, & manubalistis propugnantes summouebant. At qui oppugnabantur, quanquam cremata turris pinna magno erant munimento nudati, fortiter tamen resistebant: multosque audaciùs subeuntes vulnerabant. Cæterum vna res eos aliquanto segniores faciebat: quòd tormentis, ob inopiam pulueris, cuius vi id genus machinæ saxa iacit, ad vim propulsandam, vt nequibant: nec ex arce regia ob eandem causam adiuuari quicquam poterant. Nanque Arnaldus quantum ab obsidione vrbs superfuerat pulueris, duobus modò ictibus consumpserat. Si quidem dum Alphonfus ad Neapolim castra habuit, totum penè quicquid ad vsum tormentorum consumptum est, ex ipsa arce regia deprompserat, huiusmodi casus per id temporis securus. itaque hoc grauior oppugnatio ijs erat. Sed quoniam tormentorum, & pulueris, quo lapis emittitur, mentionem feci: non erit ab re de ijs rebus paucis dicere, posterorum gratia. Nam qui de re militari scripserè, de huiusmodi machinamento nihil literis mandauerunt: ex quo opinio apud omnes excrebruit, antiquos hoc tormenti genere haud vsos esse. Tormentorum alia ex ære fiunt; alia ex ferro. Sed quæ ex ære meliora, ac præstantiora habentur: conficitur autem ex duabus fistulis: quarum anterior latior, atque amplior multo est, eæque longitudine propè pares. conflantur autem aliæ simul, aliæ separatim: Sed quæ seorsum, postea compactæ latiori angustæ inferuntur: ita nequid prorsus inde spiritus, vbi comittuntur, emanet. Deinde truncò quercus cauato (quem cippum appellant) vt altius, ac longius lapidem iaciat, tormentum includitur. Hæc tormenti forma, atque vsus. Vis autem, qua tanto impetu saxum emittit, è puluere imposito proficiscitur, qui è sulphure, nitro, & saligno carbone conficitur: eiusque instrumenti ratio ducta videtur à fulmine: quòd ex humore, atque igne rebus natura contrarijs, generari à Phisicis putatur. Is verò puluis in angustiori fistula infusus, vecte ferreo ad id factò condensatur: quæ vbi ampliori fistulæ committitur, saligno cuneo obturatur. Post hæc saxum rotundum ad amplioris fistulæ altitudinem excisum in ea imponitur. Demum perforamen fabrefactum in angustiore fistula puluis incenditur: atque ita violento igni interius colluctante, atque exitum uerente, in morem fulminis saxa contorquet. Nec est inuentum vllum tormenti genus, quod vehementiori impetu, aut longius lapides iaciat: hoc solidissima mœnia, hoc amplas turres solo æquat. hoc ad duo millia passuum aut eo amplius, saxa proijcit. Sed omnia iactu vicit vnum illud Alphonfi, quod Generale appellabant. Nam ab insula, quæ contra Massiliam sita, in ipsam urbem ingentia saxa iaciebat. Est item aliud huius generis tormentum, quod vulgo Colubrinam (quia tenue sit, & oblongulum) appellant, longè perniciosius superiore, quòd eius relum emissum oculis hominum non pateat. rarius enim hominem extinguit, quàm, quem feriat, scire possis. Eius fistulæ persimiles sunt, aliæ minores. Inferitur tormentum asseri pedum trium, eoque tanquam manubata milites in prælijs vtuntur. Nullum armaturæ genus huic potest resistere: si quidem matum equitem, quamuis graui armaturæ, trajicit: execrabile profectò tormenti



genus. Eius tela è plumbo conſtantur, nuciſ auellanae craſſitudine. Sunt etiam huiuſmo-  
di tormenta, quæ vno iactu quinque, & quæ plures lapides iaciant. Sed de tormentis  
hæc ſatis: nunc ad propoſitum redeo. Oppugnabatur turris vndique cominus, atque  
eminus ſimul è nauibus, ſimul è ſolo inſulæ: nec præ ſagittarum multitudine quiſquam  
extra munimenta prodire, aut apparere poterat: quin continuo in ea corporis parte,  
quam nudaſſet, vulnuſ acciperet. Nec tamen quiſquam (tanta inerat animis virtus) lo-  
cum, in quo conſtiterat, deſerebat: murumque ſubeuntes lapidibus, & pilis ſummoue-  
bant, compluresque vulnerabant. Procedente verò longiùs prælio, cum iam eorum ne-  
mo eſſet ſine vulnere, & ob id aliquanto remiſſiùs pugnare viderentur: hoc Zampaniaſ  
maiori nixo inuadi iubet: aſſeribuſque ſolidiſ muro applicitiſ, ſub quibuſ conſiſtenteſ  
militeſ à ſuperno lapidum iactu proteſti dimicabant magna ex parte veſtibuſ ſubruit.  
Quo caſu territuſ Martinuſ, & qui cum eo erant, deſtituta ſtatione ſe in turrim recepe-  
runt: dumque per ſcalas ad portulam contendunt, nudatiſ ad vulnereſ corporibuſ plu-  
reſ ex iſ ſauciati ſunt: in quibuſ ipſe Martinuſ duobuſ vulneribuſ, altero in dextro fe-  
more, altero in ceruice accepto. Nec tamen eorum quiſquam remiſit arma, vno exce-  
pto, qui crure perfractò ſtare non poterat. Sed omneſ continuo obligatiſ vulneribuſ, ne  
hoſteſ turrim conſcenderet, ſummis viribuſ certabant, maximè verò contendebant, ne  
quiſ ad portulam ſuccederet. quoue ſpem omnè ſalutiſ in vna virtute poſitam ſcirent,  
clauē in mare proiectæ ſunt. Quæ quidem reſ pugnandi neceſſitudine inieſta, eoſ non-  
nihil fortioſeſ ad reſiſtendum effecit. Hoſteſ exteriori turriſ circulo potiſ, atque ipſo  
ſucceſſu acioſeſ facti tigniſ. identidem muro turriſ admotiſ portulam incenderunt:  
turrimque ingreſſi arma poni coegerunt. Pugnatuſ eſt ad horam circiter ſeptimam con-  
tinenter, atque acriter. Poſt pugnam ob virtutem victiſ parſuſ, iſque in urbem perdu-  
cti, & curari iuſſi. Ex hoſtibuſ nonnulli deſiderati, plureſ vulnerati ſunt. Poſt hæc victo-  
reſ lati valido præſidio turre firmata, ac pro tempore reſecta abierunt. Haud multo poſt  
captiuuſ quidaſ homo inſimæ ſortiſ ex arce regia per funem elapſuſ, atque ad Rena-  
tuſ proſectuſ, docuit, per paucorum dierum frumentuſ in arce ſuper'eſſe: ſequè id  
certo ſcire à quibuſdam de præſidio ſocijſ, inter quos de ea re ſermonem conferri au-  
diſſet: breuique præſidiuſ, ſi arx obſideretur, fame ad deditiōem compelli poſſe. E-  
iuſ oratione motuſ Renatuſ, cum in expugnatione turriſ diui Vincentij cognouiſſet, tor-  
mentiſ æneis puluerem in arce deſeciſſe, ipſam arcem obſidere quamprimuſ ſtatuit:  
priuſquam Tarentinuſ reguluſ, cæteriſque, qui ad Alphonſuſ proficiſci ferebantur, ad-  
uentarent. Militibuſ & naualibuſ ſocijſ conuocatiſ, magna ex Auerſa, & aliunde accita  
manu, extra lapidiſ iactuſ ad arcem caſtra poſuit: eaque, occupatiſ Petri Apoſtoli, ac  
Mariæ coronatæ ædibuſ, quæ arcem claudēbant, ne aut impetuſ à tergo, ſi eò Alphon-  
ſuſ accederet, aut ab obſeſſiſ eruptio fieri poſſet, duplici foſſa, ac vallo communiuit. A  
mari autem onerariuſ quinque, ac triremem vnā maiorem, & quo interuallo diſtinctaſ,  
inter arcem diui Vincentij, ac moleſ vrbis in anchoriſ ſtatuit tormentiſ, atque omni ge-  
nere telorum inſtructaſ. Ac nequa omnino vlliſ generiſ nauis cum frumento, aut mi-  
lite per portuſ fauceſ, quæ ſunt inter turrim diui Vincentij, ac moleſ alterā, quam  
Prouincialiū vocant, penetrare ad arcem poſſet, repletuſ ſaxiſ lembuſ, quibuſ omniſ  
ſepiretur ingreſſuſ, in imo fundo deſtituit: hoc maximè modò arx regia omni tormen-  
torum genere terra, marique obſideri cœpta, nullo ſpatio obſeſſiſ ad quietem dato. Ar-  
nalduſ arcis præſectuſ, Alphonſo quamprimuſ ea de re certiore factò, diſpoſitiſ per  
muroſ militibuſ, in omnia intentuſ erat, ne quid hoſteſ aut vi, aut dolo in arcem moli-  
rentur. Alphonſuſ vbi agnouit diui Vincentij turre amiſſa, arcem regiam obſideri cœ-  
ptā, copiaſ vndique conſeſſim accerſit: nec quicquam magiſ aduentuſ eiſ retarda-  
uit, quā Ioanniſ Antonij Vrſini cunctatio, quem cum equitatu expeſtabat. Quo ad ſe  
proſecto in caſtra vetera peruenit, eo conſilio vt circumſeſſæ iam arcem quamprimuſ au-  
xilaretur. Sed cum inde moturuſ eſſet, fortuna aliam moræ cauſam iniecit. Nanque  
Marcuſ Perſicuſ, homo obſcuro genere ortuſ, ſimulato tranſfugio ad eum proſectuſ, ſe  
amici cuiuſdam opera in eiſ poteſtatem tradituruſ Mariæ Carmelitanæ templuſ quod  
adituſ in urbem aperiebat, eſt pollicituſ. Idque multuſ propugnaculiſ in arcis modum e-  
munituſ tormentorum vi impoſita, ingenti cura ab hoſtibuſ cuſtodiebatuſ. Cumque id



impus expectari oportere diceret, quo luna minimè pernox esset, neu templum sub-  
antes procul proderet, in plures dies de industria rem traxit: vanisque ad extremum  
omissis regem elusit. Interea Renatus, quæ inchoata erant, operibus absolutis, omnem  
terra aditum obsessis clausis: arcemque circumuallauit. Simul ut à mari quoque om-  
nis auxilij spes ijs præcideretur è solidis trabibus, inter se colligatis, catenam effecit: qua  
iui Vincentij turrem, ac molem iunxit: ac post eam onerarias disposuit. At Alphon-  
sus intellecta Perfici fraude, properè inde mouit: ac monte, in quo arx montana sita est, cir-  
ummunito, inter ipsam arcem, & hostium castra cum exercitu confedit. Atque ita con-  
git, ut utrique & obsiderent pariter & obsiderentur. Cæterum longè dispar utrorum-  
ue conditio erat. Nanque Renati copijs tutus, ac liber in urbem accessus erat, & ex vr-  
be absque periculo commeatus inferebantur: castraque violari munimenta interiecta  
prohibebant. Pugnabatur quotidie, non tamen ut in vniuersam prælij fortunam deue-  
iretur. Sed nihil erat infensus Alphonfi castris, quàm tormentorum ictus: quæ eò  
artim ex montana arce die, noctuque saxa iactabant: multosque palatos perimebant.  
Perstabat tamen Alphon-  
sus: si quâ perumpere hostium munitiones posset, circumspi-  
ciens. Cum hic esset rerum status, hostes rati tormentum æneum, quod sub imam ar-  
cem positum erat, auelli posse: arcem repentè subire cœperunt, dispositis in mole, quæ  
lud comprehensum pertraherent. Quod cum Arnaldus animaduerneret: tantam con-  
umeliam minimè ferendam ratus: ad centum homines manu promptos ex omni præ-  
idio deligit: eosque per portulam occultam, quæ ad eam partem spectabat, magna vi  
apidum supernè prius deiecta, celeriter emittit, ijsque tanto impetu in hostes inuecti  
sunt, ut non modò eos ab arce repulerint, verum etiam in molem transgressi, funem,  
quo tormentum alligatum erat, gladijs defectum in arcem reportauerint. Ad hæc tres  
hostium naues ex ijs quinque, quas dixi, è stationibus digressæ trans molem concessè-  
ant. Quod cum Petrus arcis maritimæ præfectus animaduerneret, occasionem, ut sibi  
videbatur, opportunam nactus, lembum cum triginta hominibus celeriter ex arce e-  
mittit: qui, ut ab Alphonso iussus fuerat, arcem regiam peteret: isque concitato remo-  
rum pulsu, inter duas naues, quæ reliquæ erant, summa celeritate euectus ad arcem nul-  
lo obistente contendit: cuius audaciam admirati hostes, qui circa arcem in stationibus  
erant, correptis armis repentè obuiam eunt, atque in arcem scandere conantibus obsi-  
tunt. Difficilis admodum erat ascensus: nanque & ad portulam contendere, & cum ho-  
ste pugnare, vno tempore necesse erat: ij tamen desuper à suis adiuti, vno duntaxat ex-  
cepto, sese incolumes in arcem receperunt, & is quoque, licet grauiter faucius, ad mul-  
tam diem, magno certamine receptus in arcem est. Qua re cognita Renatus ad constitu-  
tum locum naues confestim reuerti iussit, ac ne quis omnino lembus ad arcem pene-  
raret accuratius obseruare. Quæ cum in ordinem redissent, iussit Alphon-  
sus tormen-  
tum, quod ad mare sub castris posuerat, in eam, quæ propinquior erat, dirigere, eiusque  
ictu malum effregit. Quo viso tanta consternatio & stupor Renatum & eos qui circun-  
stabant cepit, ut si tum Alphon-  
sus castra hostium adortus esset, in maximum discrimen  
eos fuisset adducturus. Posthæc Arnaldus ratus se posse catcham, quam dixi, perfringe-  
re, præsertim cum hostes nihil minus quàm tale aliquid metuerent, ad Alphonsum mi-  
sit nantem sub aquis hominem, cum literis, cera circumlitis: quibus ei consilium suum  
de catenæ sectione significabat. Quod postquam ab eo approbari cognouit, lintrem,  
quam ad eum usum milites intra arcem cauauerant, extemplò emittit: & in eam duobus  
præstrenuis viris impositis, quid eos facere velit, edocet: ijque antè catenam ferro har-  
pagone deuinxerunt, quàm ab hostibus conspecti sint. Qui cum eam sub aquis trahi  
procul intuerentur, miraculo quidem res fuit: nec prius fraudem cognouerunt, quàm  
funem pertendi ad arcem videre. Quod ubi conspexerunt, certatim in scaphas defilienti-  
es ad excidendum vinculum cum dolabris, & securibus contendere: partimque reti-  
acula cedere, partim funibus iniectis catenam retrahere ad se conabantur. Cumque v-  
trique ex arce simul & è scaphis summo certamine ad se traherent, catenæ ipsius soluta com-  
page (neque enim harpagones rescindi potuerant) bona pars eius, ijs duobus inco-  
mumibus, in arcem pertracta est: nec post eum diem hostibus reficiendæ catenæ potestas  
aut animus fuit. Verum tamen ea res obsessos nihil leuauit: quinetiam ob eam ipsam



causam omnes aditus terra, maiore cura custoditi sunt. grauis erat omni ex parte obsidio. Hinc arci circumfusus hostis premebat: illinc naues mare claudebant. Tormentorum æneorum ob inopiam pulueris, nullus usus erat. Ad hæc, tela, & missilia iam deerant, lapidum modò copia, ac balistæ: qua castra hostium infesta faciebant. Sed grauior, duriorque his omnibus erat famis impendentis metus, sublata commeatuum spe, quòd per paucorum dierum frumentum supererat. In tantis tamen malis Arnaldus, ut forti animo obsidionem ferrent hortabatur: aliquàm haud dubiè viam inuenturum regem, qua eos tanto periculo liberaret: quoque plus laboris & discriminis paterentur, hoc se plus laudis, & gloriæ apud regem adepturos esse. Rursusque ad Alphonsum eundem hominem mittit, quem paulo antè dixi, sub aqua nantem ad illum profectum qui eum de frumenti penuria, & cæteris incommodis doceat. Quo nuntio permotus, ut par erat, spe celeris auxilij, & annonæ facta, quo labantes suorum animos confirmaret, eundem mox remittit: sed neque aperta via: neque dolo poterat iam obsessis opem ferre. Nam neque frumenti quicquam ex arce maritima: quo frumentum ex Caieta conuehi triremibus curauerat, clam, uel propalam, ad arcem summitti poterat: nec hostium munimenta, castris obiecta, penetrari. Itaque omnes eius cogitationes & consilia de auxilio præbendo frustra erant. Postquam ad extrema ventum est, socijs desperato auxilio saluti consulendum clamitantibus, Arnaldus eundem hominem tertio ad Alphonsum mittit, qui significet ob rei frumentariæ inopiam obsidionem diutius ferri non posse. Qua re cognita Alphonsum ad eum rescribit: ut quo ad fieri possit, sine eius, sociorumque perniciæ arcem tueri pergat: id cum minus possit, saluti suæ, præsidijque prospiciat: sibi fraudi non fore, quam conditionem ab hoste acceperit. Simul quòd nec hostes in vniuersum certamen illici posse expertus fuerat, frustra ibi diutius tempus teri, inanis operæ esse intuens, remenso, per quem venerat monte, ad Castrum Maris, eo videlicet consilio, ut inde Salernum peteret, abiit. Cumque eò peruenisset, murato repente consilio, ne quid omnino intentatum relinqueret: antequam arx in hostis potestatem deueniret, cum duabus triremibus ad arcem maritimam noctu regressus, procul à Neapoli sublati velis nauigans experiri statuit: an posset inter hostium naues, si fortè eius discessu aditus indiligentiùs custodiretur, commeatus quicquam in arcem inferre. Cæterum & id frustra fuit. Nanque hostes cognito triremium aduentu ad arcem maritimam longè accuratiùs ad custodiam intendere. Itaque ibi relictis Gulielmo Montecata, ac Raimundo Buillo, præstantibus viris, iisque tradita potestate de arcis deditione cum Renato agendi, ad Castrum maris reuersus, compositoque agmine Salernum profectus, non longè ab oppido castra posuit. Fortè per id temporis Carolus Gallorum rex legatos Neapolim miserat componendæ discordiæ gratia, quæ inter Alphonsum, & Renatum erat: is enim Renato non amicitia modò, verum & consanguinitate iunctus, eum è regno pelli ægrè ferebat. Sed Alphonsum inimicitias suscipere, præsertim cum bello Britannico adhuc implicitus foret, non audebat. Itaque arbitris de ea re datis his legibus conuenit. Petebat autem Renatus in annum inducias. Itaque deditionis conditiones sic dictæ. Si Alphonsum inducias in annum petenti Renato, intra certam diem dederit, arx Alphonsum esto. Sin eas dare recusauerit, arcem liberam in Renati potestatem Alphonsum concedito: interim arx ipsa in Galli regis potestate esto: eiusdem arcis possessionem ipsius regis legatis præsentibus Renatus finito. Præsidium omne Alphonsum inde emitto: ipsumque præsidium cum rebus priuatis, sine fraude abire, quòd velint, Renatus permittito. His compositis Arnaldus tradita arce Gulielmo, ac Raimundo, quos supra nominaui, ipse cum omni præsidio, atque militum rebus in arcem maritimam, atque inde ad Alphonsum abiit. Gulielmus, ac Raimundus traditis clauibus Galli regis legatis, iisque potestate arcis facta, se inde ad Alphonsum contulere. A quibus de conditione deditæ arcis edoctus rex, negauit se cum Renato inducias velle facere, præsertim annuas: satius esse arbitratus arcem amittere, quam pati, ut ille iam, prope belli sumptibus exhaustus respiraret. Posse enim interea nouis amicitijs, & societatibus comparatis eas vires contrahere, quibus ipse postea obistere non posset. Itaque arcem liberam in Renati potestate tradi permisit. Dum hæc agebantur, Alphonsum Salernum ducto exercitu, ipsam urbem, præter arcem cepit: castelloque è regione excitato, quoniam vi capi posse non videbatur, Capatium



um petijt: idque paucis diebus, præda militi concessa, expugnauit: Post id Pucinum profectus, Georgij Alemani, cuius id oppidum erat, vxorē, filio obside accepto, ad deditionem breui compulit. Eo rerum successu conterriti Lucaniæ reguli omnes sese in Alphonfi fidem absque certamine dederunt. Nanque eo tempore Renatus illi equitatu ar non erat: magna item Brutiorum pars metu perculsa vltro deditionem fecit. His rebus gestis in Campaniam copias reducit, veritus ne quæ nouæ copiarum Pelignis, Marsisque ad Renatum accederent. Cumque accepisset in itinere Iacobum Caudolam cum copijs proficisci ad oppidum, quod Sanctam Agatham appellant, atque inde Ducentam id ei castello est nomen) quā transiturum Iacobum audierat, contendit, ne ille prius Vulturnum amnem copias traduceret. Vix eò peruenerat, cum Iacobus præsto aduenit, castraque è regione in aduersa ripa posuit: ijsque in speciem ibi diutius mansuri exercitus communitis, secundo flumine magnam suorum partem noctu ad quatuor millia assuum à castris misit: qui funibus ad vtranque ripam deligatis, asseribusque iniectis, pontem extemplo fabricarent: vt eò traductis copijs loca ad hostium impetum repugnandum a fortuna occuparent. Qua re Alphonfus per speculatores cognita, equitatus partem celeriter ad eum locum citra flumen mittit: ijsque trecentos pedites, qui iam transierant nacti in fugam conijciunt. Atque vsque Morioium, quod castellum ijs proximum erat, insequuntur: reliquos transgredi conantes, disiecto ponte transitu prohibuerunt. Quod ubi Iacobus agnouit, paulo post Beneuentum abiit, eo consilio, vt si posset, eà deceptis saltuum custodibus Neapolim trajiceret. Cuius itinere comperto Alphonfus, notis properè ab Ducenta castris, in Caudinam vallem celeriter aduolat: saltumque quā in vallem est aditus, occupat. Quo cognito Iacobus, siue vt inde regem auereret, siue ne nihil rei gerere videretur, ad collem quod castellum Iacobi Lagonislae erat, copias ducit: castrisque positis oppugnare cœpit: idque non parua muri parte diuita expugnaturus videbatur: cum repente cataracti profluuium correptus, in magno militum suorum luctu defecit. Fuit hic certè præstanti vir ingenio à literarum studijs haud obhorrens: & in primis rei militaris peritus. Is enim sub Bracio stipendia fecerat: atque artibus natura præditus, quæ ad conciliandos militum animos valent. Siquidem fandi, & prudens existimatus: etsi constantia vsus esset, inter illustres sui temporis duces numerandus. Eius decessu, soluta obsidione, Antonius eius filius, qui tum in magna apud paternos milites gratia erat, ducibus copiarum conuocatis, vt in fide permererent, seque ducem sequi vellent, exhortatus: cum annuissent, elato patre confestim in Pelignos abiit, veritus ne quid ejus populi audita patris morte innouarent: præsertim cum sciret Alphonso copias paratas esse. At Alphonfus Iacobi obitu graui aduersario ablato, summam in spem victoriæ adductus: postquam Antonium cum copijs abiisse in Pelignos agnouit: copias in hyberna, quod brumæ tempus instabat, Capuam reducit. Non multo post Acerranus quidam ad eum venit, pollicitusque est, se quorundam popularium suorum opera, Acerras in eius potestatem traditurum, si quamprimùm exercitum mitteret. Sed cum neque sibi, neque cæteris idoneum tempus rei aggrediendæ videretur, ob dimissas iam in hyberna copias, in aliud tempus commodius rem ipsam deferri iusserat. Cumque Caietam profectus esset, nuntius citatissimè ab Acerris venit, nuntiavitque Ioanni Vintimillio præsidij, atque vrbis præfecto, Acerranos, cum longiorem moram pati non possent, à Renato defecisse: oppidumque in eorum potestate esse. Oportere igitur absque cunctatione, ne à Renato opprimerentur, auxilium mitti. Quod ubi accepit, misso confestim ad Alphonsum ea de re nuntio, ad fidem suam peruenire ratus Acerranos de rege optimè meritos, in tanto discrimine non deferere, neque pati, vt tam opportunum ad obsidionem Neapolitanæ vrbis oppidum è manu laberetur, absque mora succurrendum censuit. Itaque inermis, vt erat, è vestigio cum admodum paucis, qui tum circa illum aderant, cæteris sequi iussis Acerras contendit: ingressusque oppidum obsidere arcem aggreditur: in primis, ne quid auxilij ab exteriori oppidi parte hostes obsessis afferre possent, fossam, ac vallū ad teli iactum crebris turribus interiectis ducit: ibique copiarum partem collocat: tormentis deinde adhibitis arcem ipsam acius oppugnare incipit. Renato per id temporis copiarum non erant, quæ subuenire obsessis possent: itaque nec subsidij, nec cōmeatus quicquā accipere poterant. Nanque Antonio Caudola absente



re, in cuius equitatu Renati spes sita erat, in Pelignos profecto, Renatus, quas copias mitteret, non habebat. Tracta verò in aliquot dies obsidione, tormentis quotidie percussis turris, magna ex parte corruerat: ingentemque metum obsessis inferebat. Cui tamen malo suffectis interius munimentis, ut poterant, occurrebant. Alphonfus confectis Caietæ quas voluerat, rebus, confestim Capuam reuersus est: cognitoque rerum Acerranarum statu, eò cum copijs reliquis sese contulit. Eius verò profectio maiorem aliquanto desperationem obsessis attulit. Ut verò præter quotidianam oppugnationem, & muri stragem, etiam fames urgere coepit, quum nullum ad se ad eam diem à Renato auxilium venisset, salutem pacti tertio, postquam obsidio coëpta est, mense, deditione facta, arce excesserunt. Receptis Aceris, ijsque valido præsidio firmatis, Alphonfus copias ad Auerfam ducere statuit, quòd eam urbem maximè opportunam ad Neapolim coarctandam, propter propinquitatem, esse intelligebat. Nulla enim fermè alia vrbs in agro Campano est ad alendos exercitus aptior: siquidem ager frumenti, pabuli, atque omnis generis frugum maximè ferax est. Eius verò urbis potiundæ duplex ei spes offerebatur. Vna, quòd in ea vrbe exiguam frumenti copiam superesse ex Auerfanis quibusdam cognouerat. Idque verisimile videbatur propter diutinum bellum. Nam propter quotidianas hostium procursiones oppidani sementem facere suo tempore non potuerant: & quòd antea magna annonæ vis Neapolim missa eam urbem propè exhausterat. Altera spes erat, quod nonnulli ciues à Renato abalienati, eius urbis imperium ad illum deferri cupiebant. Eò igitur profectus, castris bifariam diuisis: vtraque sub urbem ad mille passus posuit: ad primum eius aduentum trepidari, ac tumultuari intus coëptum. Nec multo post quidam ex his, quibus præsens rerum status inuisus erat, de admittendo eius præsidio agere cum factionis suæ popularibus coepit. Cæterum ubi dies perficiendæ rei aduenit, vigilum metu, qui urbis moenia per noctem lustrabant, quòd instituerat, exequi non est ausus. Et quanquam eiusmodi motus nonnihil suspicionis apud aduersarios concitauerat, tamen magna iam parte ciuitatis ad Alphonsum inclinante, id ille factum impunè tulit: quòd ei paratum auxilium ad portas, remque seditioni proximam videbant. Quin & ipsi aliquanto post, cum ab Renato nullum ijs auxilium ferretur, premente inopia rei frumentariæ obsidionem diutius non tulere. emissisque de deditione ad regem legatis, æquis conditionibus acceptis duodecimo die deditionem fecerunt. arx tamen in Renati fide perstitit. Hæc verò, ut cætera urbis pars, plano, & campestri loco sita, cæterum lata & præalta fossa circumsepta difficilem habebat oppugnationem. Adhæc murorum crassitudo tormentorum ictibus haud obnoxia, præaltum interius solum, turresque crebræ ipsam arcem multo munitiorem faciebant. Præterea annonæ, & præsidij affatim in ea erat. Ad centum enim, & quinquaginta milites inerant: queis præerat Xantus Matelonensis rei militaris peritus Antonio Caudolæ, quòd is sub patre meruerat, peramicus. Quibus de rebus quum obsidenda potius, quam oppugnanda videretur, lenta obsidione id agere instituit: demonstratisque operibus, quibus arcem obsideri, & circumuallari volebat: relictoque Ioanne Vintimillio, ac Raimundo Buillo, qui ijs rebus præessent: ipse Capuam reuersus est. Sed Ioannes modicæ latitudinis fossa sub arcem perducta, mox Capuam repetens, reliquum opus Raimundo perficiendum reliquit. Qui extemplò magna agrestium manu comparata, primum lato aggere extra teli iactum extructo (uti Alphonfus præceperat) fossam circunducit: pedum in latitudinem decem, in altitudinem duodecim: ipsumque aggerem crebris turribus communit. Is verò ab utroque cornu, oppidi murum contingebat: modicoque spatio interiecto vallum iacit, fossamque alteram perducit: pedum in latitudinem circiter triginta, pari in altitudinem numero: ut ij, qui aggerem tuebantur, ab impetu hostium, si fortè ij obsessis auxiliū ferre conarentur, tuti essent. Et in ipso quoque vallo frequentes turres excitat, valido præsidio in ijs imposito. Valli extrema cum aggeris cornibus in lunæ semiplenæ modum iungebantur. Media valli pars longius ab aggere, atque ab oppido recedebat: ipsumque aggerem ab interiore parte militi peruium facit, ut absque militum periculo munimenta circumiri possent. atque hæc ipsa munimenta paulo humiliora, de industria effecit: quòd tormentorum ictibus minus paterent. Intra urbem verò aduersus ipsam arcem, murum ædificat quo muro arx ab vrbe separabatur: cumque stationibus militum complet. His rebus cognitis Renatus vehemèter anxius, rur-



tus ad Antonium Caudolam ad quem prius frequentes nuntios miserat, Auerſaniam ar-  
 cem, amiſſo oppido, circumſeſſam eſſe: eamq; breui, niſi is celeriter cum copijs aduo-  
 et, in hoſtis poteſtatem peruenturam. Itaque Antonius conſtitutis primū domi rebus,  
 in Apuliam contendit. Cumq; tranſitum in Campanum agrum ob paucitatem copia-  
 rum, haud ſatis tutum exiſtimaret, ad Renatum ſcribit, ſatius ſibi videri, dum maiores co-  
 pias pararet, ſe in Apuliam, clam hoſte, proficiſci: quo factō alterum ē duobus euentu-  
 rum: ſcilicet, aut Alphonſum obſidionem ſoluturum: ne quæ in Apulia adeptus erat,  
 amitteret: aut ſi in obſidione perſiſteret, amiſſa à ſe facile recuperari poſſe. Cum his li-  
 teris, ac mandatis Raimundum Anichinium in equitatu primos ordines ducentem mit-  
 tit. Quō ve tutius iter faciat, iubet hunc primō ad Alphonſum proficiſci: ſeq; ob eam  
 cauſam mitti fingere, vt tentet, an poſſit ſua opera inter Alphonſum, ac Renatum pax ali-  
 qua componi. Isq; quamprimum Antonij mandata exequi cupiens, primo ad Raimun-  
 dum Buillum accepta fide proſectus, inde ad Alphonſum ſeſe contulit. Qui cum poſt-  
 quam egit, quæ voluit, conſeſtim ad Renatum proſectus, quodnam ſit Antonij conſilium  
 edocet: Simulq; vt maturet, exhortatur. Cuius conſilio vt pote neceſſario comprobato  
 (ſiquidem ei in adeundis periculis non deerat animus) paucis comitibus, per occultos  
 ſtramites, ad eum in Apuliam contendit. Contractisq; inde maioribus copijs per Apu-  
 liam excurrento, & quæ reſiſtebant oppida ad deditiōem cogendo, multos populos,  
 ac regulos, partim voluntate, partim metu ad ſe retraxit: atque in his agendis complu-  
 res dies conſumpti ſunt. Nec tamen ob hæc Auerſanæ arcis obſidio ab Alphonſo omit-  
 tebatur: quōd intelligebat, Auerſa capta, nihil in agro Campano reſtare, vnde Neapoli-  
 tani commeatus quicquam acciperent. Nanque ex altera parte ab Auerſa, Capua, Sueſ-  
 ſa, Caieta: ex altera ab Acerris, ac Nola, Neapolis clauditur. Poſtquam Renatus ani-  
 maduertit Alphonſum ab obſidione Auerſanæ arcis nullis ſuorum incommodis abſtra-  
 hi poſſe: ſtatuit, priuſquam arx amitteretur, aſſentiente tamen haud ſatis Antonio, in  
 Campaniam cum exercitu deſcendere: ſi forte poſſet, oppugnando ea oppida, quæ  
 ſeſe Alphonſo dederant, arcem obſidione liberare. Nam munimenta aggredi, aut at-  
 tentare propter eorum magnitudinem, ac firmitatem, nequaquam ſani conſilij eſſe vi-  
 debatur. Itaque Beneuentum ruruſ ſe mouere cōepit, vt per Caudinam vallem in Auer-  
 ſanum tranſiret. Qua re cognita Alphonſus relicto, quod ſatis eſſe videbatur, ad ipſius  
 arcis obſidionem, ac munimentorum cuſtodiam, præſidio: ipſe cum reliquis copijs in  
 Caudinam vallem celeriter proſectus, eius vallis fauces quæ in Beneuentanum ferunt,  
 quas Tiſaræ pontem incolæ vocant, cum exercitu occupat. Quem ſaltum vbi Renatus  
 ab hoſte, præter opinionem, inſeſſum reperit, in conſpectu hoſtium caſtra ponit: nocte-  
 que modō quieti data, poſtquam illuxit dies, eductis in aciem copijs tranſgredi conten-  
 dit. Quo viſo Alphonſus, producto & ipſe in aciem exercitu, propius ad fauces ſaltus ac-  
 cedit, totumq; equitatus robur hoſti opponit. Pugnatum eſt diu, atq; acriter, his locum  
 ueri, illis tranſire omni nixu contendentibus. Deniq; multis & illatis, ſimul & acceptis  
 vulneribus, cum Renatus intueretur à ſe ſaltum ſuperari non poſſe, irritō incepto rece-  
 ptui cecinit, motisq; inde caſtris, per montes tranſuerſos, in Nolanum deſcendit. Quem  
 vt Alphonſus digreſſum agnouit, veritus ne breuiore itinere Auerſam præcurreret:  
 quanta maximè celeritate potuit, per ipſam vallem, quā venerat, Auerſam redijt. Rena-  
 tus nihilō ſegnius ab incepto itinere haud abſiſtebat. Cæterum diffidente Antonio ijs vi-  
 ribus auxilium obſeſis ferri poſſe, mutato repente conſilio, omni propè ſpe ſeruandę ar-  
 cis abiecta, Neapolim petijt, vt diuerſo itinere Capuæ agros infeſtaret: ſi fortè eo conſi-  
 lio hoſtes ab arcis obſidione amouere poſſet. Quod poſtquam Alphonſo nuntiatū eſt,  
 Auerſiam, quō iter intenderat, copias reduxit. Poſt hæc Renatus Antonij fidem ſuſpe-  
 ſtam habere cōepit, ne cum Alphonſo occulta agitare conſilia veritus. Itaque accerſitū  
 ad ſe, tuadentibus amicis, comprehendi, & in cuſtodiam tradi iuſſit. Quod quidem ad  
 ſuſtinentem rebus illius exitio fuit: periculum certè adiit, ne eo ipſo die & vrbis poſſeſ-  
 ſione, & omni ſpe regni priuaretur. Caſtra enim ſub urbem poſita erant: ordinumq; prin-  
 cipes ducis captiuitate permoti, re cognita tumultuari & minis repoſcere ducem cōpe-  
 re: qui ſi ſe Alphonſo iunxiſſent, erat is dies haud dubiè finis belli futurus. Quæ cum  
 Renatus animaduertet, placandos potius quàm exaſperandos iratorum militum ani-



mos arbitratus, Antonium incolumem ijs reddidit, pactum se cum copijs in Apuliam quamprimum abiturum. Is verò, vt primùm dimissus est, acceptam contumeliam perini quo animo ferens, castris inde ad quatuor millia passuum motis, de contrahenda cum Alphonso amicitia, clam agere, per fidum nuntium coepit. Locus in sylua quadam, haud procul ab Acerris, colloquio vtriusq; delectus est. Quò cum esset profectus, & Alphon- sus in tempore (simulata venatione) accessit. Qui regem, quiq; Antonium sequuti erant, pari fermè interuallo ab vtroq; distabant. Antonius rege conspecto, cum propè stupefa- ctus magnitudine gloriae, rerumq; ab eo gestarum paulum siluisset, latari se vehemen- ter, inquit, fortunam ita dedisse, vti sibi liceret amicitiam eius, nulla sua infamia, petere, cuius virtutes eximias iam pridem admiratus esset. Renatum post multos labores, & pe- ricula à se adita, eius regni conseruandi, atq; amplificandi gratia, quorum ipse sibi gra- uissimus testis esset: se graui, atq; intolerabili ignominia affecisse: at contra sperare se suam amicitiam illi & honestam, & fructuosam fore. Quem Alphonfus amplissimis ver- bis collaudatum, vti in sententia permaneret, multa, ac magna pollicendo hortatus est. Iam verò Auerfana arx ad extremam rei frumentariae inopiam redacta erat. Itaq; Anto- nius cum cuperet hoc initio contractae amicitiae regem sibi beneficio deuincire, Xan- thum arcis praefectum, quo amico utebatur, ad ipsius arcis deditiorem per literas ex- hortatus est. Ille verò cum rem eò perductam videret, ob frumenti inopiam, vt obsidio- nem diutius ferre nullo modo posset: vt Antonio gratificaretur, haud multo post arcem Alphonso dedit: isq; fuit obsidionis initio mensis septimus.

\*

## BARTHOLOMAEI FACII RERVM GESTA- RVM ALPHONSI PRIMI REGIS NEAPOLI- TANI LIBER SEPTIMVS.



ALPHONSVS recepta Auerfana arce, tantis rerum successibus sublatus, dimissis in hyberna copijs, vt de pecunia in stipendium militi prospice- ret, Caietam profectus est. Posthac Capuam reuersus ineunte Vere co- pijs eò conuenire iussis, Puteolos petere decreuit: si fortè posset terro- re illato oppidanos ad deditiorem compellere. Nullum enim hostile oppidum in Campania, praeter Puteolos, & Turrim, quam Octaui vo- cant, relictum erat. Itaq; vt omne subsidium rei frumentariae, & comaeatum hosti à ter- ra eriperetur, Puteolos primùm ducere instituit, cuius quidem rei agenda commodissi- mum tempus esse existimabat: quòd hostium non erant per id tempus eè copiae, quibus possent eius conatibus obuiam ire. Itaq; eò profectus castra oppido, paululum extra te- li iactum, admouet: & quoniam oppugnatio periculosa, atque irrita propter naturalem situm videbatur, deterrendo oppidanos, magis quàm oppugnando, tempus terebat. Est enim situm id oppidum in rupe excelsa, atq; vndiq; praecipiti: cuius tres fermè partes am- bit: reliquam partem tùm ipsa maris altitudo, tùm murus circumductus inexpugnabi- lem efficit. Vnus modò aditus, & is quidem angustus, per pontem in oppidum erat: nec absq; classe, propter facultatem importandorum mari comaeatum, obsideri poterat: qui cum Genuensium onerarijs eò importari, contemptis hostium triremibus, poterant. Quumq; aliquot dies moratus, oppidanos à deditiōis consilijs abhorre animadu- teret, vt eos populationis metu, à pertinacia reuocaret, vites, atq; arbores, quae circa op- pidum erant, succidit: motisq; inde castris Neapolim transgressus, ad Veseuum mon- tem, haud procul ab oppido Turri, castra ponit: mittitq; ad eum, qui id oppidum praefec- tus obtinebat, Thomam Carassam, in id operam suam pollicentem, propter necessitu- dinem, quae ei cum praefecto erat: quem cum ad deditiorem inducere non posset, Al- phonfus vastato iam agro circumiecto, inde abiit. neque enim tormenta, quibus muros quateret,



quateret, aduexerat. Deinde cum accepisset Antonium Caudolam, haud syncera fide secum agere, per vallem, quam Vitulanam vocant, in Pelignos proficisci statuit. Quum autem proficiscens in febrim incidisset, ad oppidum, quod Sanctam Agatham appellant, valetudinis curandæ causa substitit: ibique aliquot dies commoratus est. Cæterum ubi conualuit, mutato consilio Capuam reuersus est. Nanq; hyemis magnitudo cælum exaltata Carpenonum oppidum occupari posse, Franciscum Pandonium, ac Palermum Centurionem præmittit, qui scalis aditum noctu in oppidum prætentent, ipse prima luce cum copijs reliquis subsequutus, Vulturum amnem longè supra Capuam, quo breuius iter faceret, vado trajicit. Quumq; in aduersa ripa staret quoad omnes copiæ flumen traiecissent, quidam ex equitibus Rodulphi Perusini copiarum ducis, ab impetu fluminis rapto equo, cum ob vestitum aquis grauatum, ex equo lapsus, in conspectu eius periclitaretur, indigna hominis morte permotus suos primum hortatus est, ut morienti opem ferrent, cumq; eiusdem periculi metu nemo accurreret, crudeles, & timidos appellans, continuo subditis equo calcaribus flumen ingreditur. Quod cum ij, qui aderant equites, intuerentur, nonnulli ob verecundiam sequuti semianimem ex amni sustulerunt. Isque ad ignem subito delatus, ac relictus, pedibusq; suspensus, ut quam ebiberat, aquam reieceret, ut primum se collegit, Aragoniam clamitans, primam vocem emisit. isque postea à rege perliberaliter est habitus. Profectus ad Carpenoni muros Palermus cum sua cohorte noctu non sentientibus oppidanis ingressus, oppido præter arcem est potitus. Sed mox cum audisset Antonium adesse, perterritus (nec dum enim apparebant regis copiæ) siue metu, siue auaritia, ne quæ diripuerat amitteret, oppidum repente deseruit. Quod ubi Alphonso iam appropinquanti nunciatum est, diuisis in finitima oppida, hibernandi gratia, copijs, ipse Venafrum se contulit. Indignatusq; Carpenonum sibi è manu esse ereptum, Palermum ad oppidum, quod sanctum Germanum nuncupant, arcis lanulæ præfecto in custodiam misit: quasi annuentibus fati, ut is in eam arcem custodiendus mitteretur, quam esset aliquando sua virtute seruaturus. Per id ferme temporis Gartias Cabanellus, Hispanus eques: vir præter rei militaris scientiam, moderatione insignis, quem ad motem Fusculum cum parte equitatus Alphonso reliquerat, nequid commeatus ex Beneuentano agro ad hostes deferri posset, consilio, atque opera Petri quacquare Beneuentana arce per hunc modum potitus est. Erat eius arcis præfectus Petri, quem dixi, vitricus. isque quod hunc sibi fidelem matris causa futurum arbitrabatur, clam per internuntium agere de arce ipsa regi tradenda coepit. idq; illi magnis præijs persuasit. Re igitur, dieq; constituta in tempore ad arcem affuere, qui à Gartia mittebantur: ijsque per summum silentium à Petro per scalas admissi sunt: oppressisque mox vitrico, & custodibus cæteris, arcem occupauere. Quod ubi Gartias, qui haud procul in insidijs aberat, agnouit, repente cum omnibus copijs profectus sub arcem constitit, mox in urbem, nisi de ditio fieret, per arcem ipsam irrupturus. Quo casu oppidani consternati, cum nullam iam in armis spem reponerent, absq; certamine deditionem fecerunt, præsidiumq; intromisere. Alphonso rei feliciter conficiendæ spe haud mediocriter aucta, cum copijs Beneuentum contendit: finitimisq; castellis, oppidisq; compluribus debellatis, cum nonnulla etiam sua voluntate in deditionem venissent, reliquam yemem in ijs locis egit. Ea nanque vrbs & peropportuna visa est ad belli sedem, siquidem triginta modo millibus à Neapoli distans agro Campano, & Picentibus imminet, colle sita, circumquaq; despectum habet. Ad hæc flumina duo proxima, ut nulla prope hostium vi oppidani ab aquatione prohiberi possint. His rebus cognitis Antonius audola res secundas Alphonso pertimescens, quem sibi ob suspectam fidem infensum habebat, misit ad eum, qui de reconciliatione ageret, filiumq; in id fidei pignus, atq; oblationem offerret. Alphonso simul ut ea sese cura liberaret, simul vsuam clementiam, humanitatemq; testaretur, petenti erroris veniam dedit, eoq; rursus in gratiam recepto, finem ad se missum Ferdinando filio comitem, atq; affectatorem datum, in æquo propè honore haberi voluit: constitueratq; adolescenti maiorem natu filiam vxorem dare, si is proposito, & fide permanisset. Post hæc Alphonso Capuam regressus, ad Calasiam illo iam obfistente, exercitum ducit. Cumque oppidanos aliquot dies obsessos ad de-



ditionem cogere non posset, Antonium Panormitam, accepta fide, ad eos misit, qui ijs persuaderet, ut deditiōem facerent: suamq; potius clementiam, quā vim experirentur. Sed cū illi nihilominus in proposito permanerent, vi agendum ratus, tormento ingenti aneo, per aduersum montem summo labore subuecto, eos ad deditiōem compulit: vrbeq; præsidio firmata Beneuentum redijt: atq; ad Padulam castellum non longe à Beneuento situm, castris positus, paruo negotio id ad deditiōem compulit: inde ad Apicium ducit, terroreq; finitimis latè iniecto, complura castella circumiecta, ad deditiōem adacta, in fidem recepit. His rebus gestis Vrsariam iter intendit (qui locus est in Apulia) eo consilio, ut ijs copijs, quas ab Antonio Caudola expectabat, præsidio esset: veritus ne Franciscus Sfortia, qui equitatu multum poterat, sese obijceret, quo minus ad se proficiscerentur. Nanque Franciscus Renato amicus, Arianum, Troiam, Manfredoniam, Nuceriam, atq; alia nonnulla oppida in Apulia tenebat: quæ pater partim armis occupauerat, partim à Ioanna regina acceperat. Is tum in Piceno agens, quā prouinciam armis occupauerat, ad Victorem Rangonum, præstantem equitem, quem summæ rerū suarum in Apulia præposuerat, partem copiarū, in quibus Cæsarem Martinengum, virum fortem illum magis quā fortunatum, miserat: qui & oppida suatuerentur, & Renatum, quoad tutō possent, adiuuaret. Castris ad Vrsariam positus, Paulus Sangrus vnus ē copiarum ducibus Antonij, vir rei militaris peritissimus cum quingentis equitibus ab Antonio missis ad Alphonsum venit. Aberat autē oppidum Troia ab Vrsaria haud plus quatuor millibus passuum: eō Francisci copiae conuenerant: deinde Alphonfus magnam equitum manum sub Troiam mittit, qui hostes ad pugnam prouocent, quantaq; sint eorum copiae, cognoscant. Quod hostes procul conspicati, correptis armis, magno numero obuiam eunt. Natura loci hæc erat: cliuius est in altitudinem passuum circiter quingentorum, ceterū leni ascensu: ante hunc vasta camporum planicies iacet, paruis quibusdam tumulis interiectis, vberrimo, ac præpingui solo, sed nudo eodem atque arboribus infrequenti. In eius, quem dixi, cliui fastigio sita est Troia, circaq; eam rursum se pandit vasta altera camporum facies. Ipsa vrbs fossa est & moenibus munita. Ad eius, quem dixi, cliui radicem profecti hostes, Alphonsi equitatum adorti sunt: pugnaq; insignis pro numero equitum edita. neutris aliquandiu pedem referentibus, ad postremum, cū diutius resistere non possent, in fugam coniecti sese in urbem recepere. Quo facto, Alphonfus satis cognito, ut sibi videbatur, quantum viribus hostis & virtute posset, receptui cani iussit. Post hanc pugnam quadriduo cessatum, hostibus sese intra murōs continentibus. Deinde cū plerique de Alphonsi equitatu Troiam versus contenderent, ut vrbs situm specularerent, Cæsar confestim eductis copijs primū sub vrbe in cliuo constitit. Quod vbi Alphonfus cognouit, reuocatis properē, qui frumentatum ierant, omnem exercitum in acies nouem diuidit: peditatūq; in medium collocato, læuo cornu Ioannem Vintimillium præficit: ipse dextrum regebat. Principiō antecursores, ac leuis armaturæ homines, qui ad certamen hostes illicerent, præmittit. Erat Victoris, quem supra memorauimus, consilium non decertare omnibus copijs: sed ut in cliuo stantes non paterentur hostem ad urbem succedere. Ceterū Catus, vnus ē ductoribus, & alij quidam dimicandi auidi, consilium immutari coegerunt. Hi enim simul regios propius accedere conspexere ad angustias quasdam cliuo propinquas, illico progressi sunt: ut hos ascensu prohiberēt. quibus repulsis instante atq; adhortante rege cliuum transcenderunt. Nonnulli hostium effuso cursu in medias regionum acies inuecti, redeundi facultate adempta, intercepti sunt. Cumq; Cæsar hostes circunueniri posse arbitraretur, quod eorum cornua angustiora erant: equitatum, quem in læuo cornu statuerat, dextrum Alphonsi cornu, quod eam partem infirmiore existimabat, circumire, & latere ferire iubet: ipse dextrum cornu inuadit, & iam ab ea parte, variante fortuna, regios premere, atque vrgere cœperat. Quod postquam Alphonfus animaduertit, confestim aduersus cliuum cum dextra ala, & peditatus robore contendit, eo videlicet consilio, ut hostes ab vrbe excluderet: quo facto & prælium, quod iam ab ea parte profligari cœperat, restitutum est: & hostes, ut Alphonfus cogitauerat, veriti ne reditu intercluderentur, sensim cedendo, terga verterunt. Fugientes consecrati regij, plerisque captis, sub vrbis moenia præcipites egere. Hic Franciscus Seuerinus vir acer, veritus ne vnā cum ciui-



is, qui armati auxilio suis in pugnam exierant, hostes in urbem irrumperent, cum sua  
 horde tandiu hostium impetum sustinuit, dum oppidani sese in oppidum reciperent.  
 quos ubi urbem ingressos vidit, calcari equo subditis, non modicæ latitudinis fossa  
 tenuo saltu transmissa, in oppidum se recepit. Insequenti hostes Alphonso quidam de  
 quitatu hostium infesto telo sub urbem occurrit: quærentique quisnam esset, nam pa-  
 damento insigni præter ceteros utebatur, quum regem se esse respondisset, perspecta  
 agis fiducia adeo conterritus est, ut telo, quo eum petiturus venerat, abiecto, sese ad e-  
 s pedes proiecerit, atque ei ultro dederit. Multi hostium, quod ( clausis portis ) non  
 cipiebantur metu instantium tergo regionum, non prius finem fugiendi fecere, quam  
 uiceriam peruenierunt. Sunt etiam, qui miraculi loco referat, strenuum quendam equi-  
 m ( nomen obscurum est ) quum hostem in oppidum fugientem insequeretur, per pa-  
 ntē urbis portam cōcitato equo inuectum, per auersam portam stupentibus cunctis  
 columem euasisse. Ad duas horas accerrimè decertatū est. Post hæc Alphonso signo  
 ceptui dato, Vrsariam in castra copias reduxit: Exinde Vicarum mouit. octo millia pas-  
 um is locus abest à Troia: primoque impetu, vallo eruto, fossam transgressi milites,  
 ij muros missilibus oppugnare, alij scalas applicare agressi. Oppidani quanquam repen-  
 no Regis aduentu percussi, nihilo tamen segnius armati, subito in muris apparere, ac  
 ansilire conantes lapidibus repellebant. Cum autē regij acrius instarent, nec à muro  
 pelli possent: complura apud aluearia, quæ fortè paulo antè ex agris, metu hostium  
 tra castellum congefserant, in muros arrepta, in hostes deuoluerunt. Quorum fragore  
 itatæ apes cum circumuolarent, non solum os, atque oculos oppugnatium incessibāt-  
 rum etiam sese armis, & interioribus tunicis inferentes, hos maiore quadam molestia,  
 malo afficiebant. Perturbatis rei nouitate, qui ab ea parte rem gerebant militibus, eo-  
 mque plerisque retro cedentibus, Ludouicus Podius ( quem vulgò Putium appel-  
 lant ) maiore, quam pro corporis statura, animo, ac viribus, vnus è regijs purpuratis,  
 tamuis supernè omni missilium genere peteretur, fortiter tamen substitit, nec quem  
 perat locum deseruit, donec maiore hostium cōcursu in eam partem facto, in fossam  
 ectus est. Nec ob id tamè prælio abstinit: sed rursus, ac sæpius eundem locum, unde  
 lectus fuerat, occupauit. Erat verò is locus adeo procliuus, ut in eo vestigium haud sa-  
 firmari, fistique posset. Itaque ab ijs, qui circumstabant, hastis sese subrigi, ac sustentari  
 lit. Atque ita eorum adminiculo suffultus, nunc hasta, nunc gladio propugnatores pe-  
 bat. Ceterum dum pertinaciter pugnat, vulnus sub dextrum oculum, mucrone ictus,  
 cepit. Ac nec sic quoque saucius pugnare desijt. Interim haud procul inde vestibus  
 brutus murus, cum expectatione omnium celerius cecidisset, nonnullos qui audius  
 oierant, oppressit. Tum per muri stragem irruptione facta, cum tamen & ruinis innixi  
 pidani fortiter resisterent, castellum captum, prædaque militi permissa. Foeminarum  
 cus, regio iussu, pro sua consuetudine, seruatum: dato negotio quibusdam senioribus,  
 veas in sacram ædem compulsas ab iniuria militum defenderent. Vicarensium calami-  
 te cognita, aliquot castella finitima, metu percussa, sua sponte legatos de deditioe ad  
 Alphonsum misit: eaque ab eo perbenignè in fidem recepta. Per idem ferè tempus  
 Rimundus Caudola Antonij patruus, qui & ipse post reconciliatum Alphonso Anto-  
 m, Renati partes deseruerat, ad Alphonsum cum parte equitatus veniebat, & cum  
 e Iosias ac Ricius: quos cum Franciscus Sfortia copias cogere audisset, Ioannem fra-  
 m cum magno equitū numero è Piceno, qui hos distineret, & si qua occasio rei benè  
 endæ se offerret, adoriatur, ijs obuiam misit: eosque sub urbem Thetim incautos,  
 tus, leui certamine fudit, ac fugauit, capto Raimundo, atque alijs compluribus equi-  
 is. Iosias ac Ricius inter tumultum elapsi sibi salutem fuga quæsierunt. Antonius Rai-  
 mudi captiuitate comperta, confestim animo immutari cepit: siue quod Ioannē Sfor-  
 a, qui in propinquo cum copijs aderat, timeret: siue alia ratio subesset. Ac nequid  
 a consilia agitantem retineret, causatus quod mater ægra filij desiderio cōficeretur,  
 Alphonso petere cōtendit, uti filium per aliquot dies reuerti ad suos pateretur. Alp-  
 sus, etsi intelligebat quo animo filium posceret, tamè cogitans Antonij magis inter-  
 s, quam sua amicitiam suam sequi: eius postulatis haudquaquam refragari statuit:  
 que adulescentulū ad illum remitti permisit. Cumque in Pelignos proficisci decre-



uisset, ut labantes populorum animos Ioannis Sfortiæ aduentu, confirmaret: postquàm suam profectiōem grauem, ac suspectam Antonio fore cognouit, ne quid ei occasiōis ad rebellandum daret, conuerso itinere in Campaniam redijt. Deinde certior factus Eugenij pontificis aduersus Franciscum Aquinianum ad Strangulagallum (id est ei oppido nomen est) profectus esse, Renato per id tempus quiescente ob copiarum paucitatem: maximis eò itineribus confestim contendit, ut hominem sibi amicum, cuius fidem & constantiam in omni bello expertus fuerat, periculo leuaret: primoque suo aduentu summotis hostibus obsidionem irritam fecit. Protinus ad Pontem Coruum retro flexit. quod cum populi & loci naturam, & præsidium, absque tormentis expugnare se posse diffideret: motis inde castris, castella quædam finitima expugnauit. Cumque ad castellum quod Rupem Guilielmam vocant, duceret, vicos, qui circa ipsum castrum lumerant, vi cepit: ipsum verò castellum loci natura vi capi prohibebat. Est enim situm in altissimi montis cacumine, vndique abrupto, & ab vna tantum parte peruius: eodemque aditu difficillimo. Cæterum vicorum expugnatio, & famis impendentis metus incolas ad deditionem compulit. Rebus vbique prosperè gestis: Alphonsus quòd in ijs locis nihil aliud geri, per anni tempus, posse intelligebat, Capuam reuersus est. Post hæc animo reputans omnem Campanum agrum, præter Puteolos, in suam potestatem fortunæ benignitate redactum esse, & superos, quocunque iret, cœptis fauere, de Neapoli rursus obsidenda consilium cepit: præsertim cum Renatus exiguum equitatum (ut antè dixi) haberet. Atque inter apparatus rerum, Capreas oppidum in insula eiusdem nominis situm, oppidanorum quibusdam tradentibus cepit. quo capto, reliqua insula, missis eo triremibus, quas tum habebat, absque certamine potitus est. Ad hanc insulam quum fortè rostrata, qua pecunia ex Gallia Renato afferebatur, paulò post appulisset, facti nescia, comprehensa atque direpta est, omnia iam Alphonsi felicitati permittente fortuna. Protinusque Neapolim cum exercitu profectus, ad castra vetera confedit: is enim locus visus est castris maximè idoneus: tum propter pabuli & aquarum copiam, tum quòd in collem assurgens, facillè muniri poterat. Hunc à Septentrione, atque à Meridie eminentem simplici vallo, ac fossa: ab Oriente, quòd ea pars plana, & ob id minus tuta videbatur, duplici fossa ac vallo, crebrisque turribus in castelli modum communiuit, magno tormentorum numero, idoneis quibusque locis imposito his munimentis perfectis, Ferdinando filio, admodum puero, recens cum nauibus ex Hispania ad se profecto, magna iam tum, atque præclara indole, quem omnino Corellæ regendum dederat, cum parte copiarum in castris relicto, ipse Puteolos cum reliquo exercitu profectus est. Prius enim id oppidum sibi expugandum videbatur, ne quid omnino circa urbem Neapolim relinqueretur, quod obsessorum spem aliquo modo aleret: castrisque prope oppidum positas rostratas accersit, quæ mari commeatus importari non sinerent: tormentisque eodem conuectis infestare oppidanos cœpit. Hi vero naturali situ freti, quandiu ijs copia fuit rei frumentariæ obsidionem tulere: nec vllis terroribus iniectis ad deditionem compelli potuerunt. Postquàm verò res frumentaria deesse cœpit, subsidijque desperatio animos subiugauit, missis, qui cum rege de deditione agerent, atque ijs quæ postulabant, impetratis, confestim Alphonso portas aperuerunt. Inde ad oppidum Turrim motis castris, oppidanos perculsos, quòd omnia ad Alphonsum deferri videbant, ad deditionem sine certamine cœgit. Toto agro Neapoli circumiecto in potestatem redacto, Alphonsus Neapolim haud cunctanter ducit: transmissaque montana arce, in monte opposito arci regiæ, ubi inerat modica planities, ad mille passus castra ponit: ipsumque collem occupat, qui maritimæ arci imminebat. His duobus castellis, altero in quo Ferdinandus confederat, altero sub urbem excitatis, valdoque præsidio firmatis, Neapolitanam urbem obsidere arctius cœpit. Renatus præter urbanas copias, quæ exiguæ erant, ad octingentos sagittarios habebat, quos Genuenses duce Arunte Cibonio viro forti ad eum nauibus miserant. Is est Aruns Cibonius cuius forti fidelique operibus bello perfecto, Alphonsus rex victor multis maximisque in rebus postea est usus. Nam cum per belli tempora Andegauensis factionis dux Renato regi egregiâ operam nauasset, præfatus Neapolitanis iussus, ita illos prorex, abstinenter & summa cum integritate iurisdictione



icundo, sibi deuinxit, vt parta victoria Alphonſus, illum Neapolitanorum precibus adductus & in gratiam receperit, & proregem eundem ijs præſſe iuſſerit. His nauibus aduecta & non exigua frumenti vis, famis metum in aliquot dies ſuſtulit. Nam Genuenſes eum regno pelli, imperiumq; ad Alphonſum deferri, egrè ferebāt & ob id illū nixè quoad poterant, adiuuabāt. Aedificarat Renatus aduſus arcē maritimā caſtellū, in cuius collis faſtigio, in quo Alphonſus caſtra fecerat, idq; adhuc in eius poteſtate erat: quæp̄ eui loci munimento diſſiſi, tum annonæ inopia adaſti quarto die deditionem fecerunt. Nam enim Neapoli parua admodū copia frumenti reliqua erat. Poſtridie verò eius diei, quo id caſtellum in deditionem venit, fortè duæ ingentes Genuenſium onerariæ frumento & cætero comineatu onuſtæ Neapolim appulerunt. Quarum aduentu in aliquod tempus recreati Neapolitani aliquanto fortiùs obſidionem pertulerunt. Id verò caſtellum Alphonſus latiori muro, ac ſoſſa continuò circumdatum, valido præſidio firmauit. Leuia deinde quotidie certamina, vt pote ex propinquo, ex vtriuſque caſtris, vario eueniunt, conferebantur. Procedente verò in dies obſidione fames omniū malorum obſeſis grauiffimū (iam enim propè conſumptū erat quicquid frumenti naues conuexerant) argere Neapolitanos cœpit: ingentiq; pretio tritici modius cōparabatur. Neque enim illa pars in eo regno reliſta erat, vnde quicquā ad illos frumenti, aut vllum genus comineatum deportari poſſet, clauſo omni, terra mariq; aditu. Hæc tantum quæ ex Gallia petebantur, & difficulter cum ingentibus Genuenſium onerarijs, & immenſo præterea pretio comparabantur. Qua neceſſitate coacta vrbana multitudo ſæpe vrbe excedebat: pluresq; diſceſſiſſent, ni hos pro hoſtib. haberi, & capi Alphonſus iuſſiſſet: qd' videret ab illo optima ratione eſt factum. Nam quo plures abire contingebat, hoc diutius eliqui obſidionem tolerare poterant. Fuere autem qui in publico conſilio (tantum licentiæ faciebat fames) Renato ſuaderent vt legatos ad Alphonſum mitteret, qui de tolerabili aliqua pace agerent. In hoc rerum ſtatu decreuit Alphonſus Vicum oppidum petere, quod in Mineruæ promontorio ſitum à Renato tenebatur: eoq; cum roſtratis proſectus oppidanos intra paucos dies, ſubſidij ſpe abiecta, ad deditionem compulſit. Deinde Maſſam progreſſus, id oppidum dedentibus ſe oppidanis, cepit. Poſt hæc Surientum adiit: quod cum ad deditionem nullis terroribus, aut minis compelli poſſet, latè populato agro, Puteolos redijt. Haud multo poſt nunciatus eſt Alphonſo, oppidum quod antiquum Germanum vocant, à Ricio occupatum. Erat hic Ricius obſcuris ortus parenbus, homo leuiſſimus & modò harum modò illarum partium. Nam ex milite gregario uictor factus, magna latronum manu comparata, aliquot Romani pontificatus oppidanis oppreſſerat. Is quo facilius Alphonſum falleret, ſe ei amicum per id temporis ſimulabat. Subornatus autem à Romanæ arcis præfecto, quicum affinitatem contraxerat, per dolum id oppidum cepit. Erant in eo oppido complures, qui eius regionis principem ad Eugenium pontificem trahi cupiebant. Oppido tum præerat Arnaldus, qui arcis præfectus fuerat. Hic vt primū Ricium per oppidum iter facere conſtituiſſe accepit, id ilico ad regem ſcribit: ſimul quid ſe agere velit percūtatur. Fecerat quidem ea affinitas, quam dixi, nō nihil ſuſpectum Alphonſo Ricium. Itaque primū Arnaldus mandat, illi tranſeunti, ſi abſque periculo poſſit, manus iniſciat. Mox cū vulgatum eſſet, eum ſe ire cum copijs (ſic enim Ricius regi ſcripſerat) ſimulans velle ſe ſub eo ſtipendia facere, mutato cōſilio iubet, ni Ricius noui quicquā moliatur, vt eum incolumem tranſipatiatur: quòd ſcierit eum ad ſe proſciſci ſtatuſſe: ſed quoad fieri poſſit, operā det, quid ab illo per negligentiam detrimenti capiatur. quibus literis acceptis Arnaldus, per oſq; factionis regiæ ſeorſum alloquutus, in tempore ſecum adeſſe iubet. Nam pediū, quo reſiſti Ricij conatibus poſſet, non habebat. Proſectus in oppidum Ricius cum paucis primū ne ſuſpicionem multitudo pareret, per patentem portam inſeſſus eſt. Tractoq; de induſtria cum portæ cuſtodibus ſermone, ſubſtitit, donec ſe ſequerentur, aſſuere. Quem ſimulatque Arnaldus proſpexit, obuiam cum paucis ad portam progreſſus, illum venientem in forum deducit. Tum aduerſæ factionis viros eius cōſilij conſcij, ad eum frequētes conuenerunt: quorum ſtudio cognito, quendam ex his coniurationis principem conuerſus, & num omnia parata foret per



contatus, ut parata audiuit, illico Arnaldum comprehendi, atque in custodiam tradi iussit. Simul excursionem per oppidum facta, & aduersa factione perterrita, oppido sine certamine potitus est. Inde arcem Ianulam, (sic enim appellant) oppugnandam profectus Arnaldum vinctum eodem perducit: si forte posset, fraternæ mortis terrore iniecto Martinum arcis præfectum ad deditionem adigere. Sed quum ille pertinaciter affirmaret, non passurum se vlla priuata calamitate, in cuiuspiam, præterquam in regis sui potestatem peruenire: oppugnare arcem aggreditur: quæ cum acriter oppugnaretur, aliquot iam de præsidio vulneratis, Palermus ille centurio, quem amisso carpe- nono, in hanc arcem in custodiam traditum, supra demonstrauius, à præfecto ar- cis, uti solueretur & communi periculo succurrere permetteretur, requirit. Quo impe- trato illico murum conscendit: hostesque iam scalas admouere conantes, tanta lapi- dum vi obruit, ut nemo amplius arcem subire auderet: erat enim ut ingenti corpore, ita & ingentibus viribus: quo facto & suam in Alphonsum fidem testatus est, & pri- stinæ virtutis fama recuperata dignus habitus est cui rex & veniam errati dederit, & in am- pliorē ordinē euexerit. Postquam Alphonso renunciatum est, Ricium oppido potitum omnē eius recuperandi spem in vna celeritate positā arbitrat, nihil sibi ad festinationē reliquum fecit: citatoque e quo paucis, qui tum fortē cum eo erant, sequentibus (nam tum fortē venatum ierat) ne nocte quidem intermisso itinere Theanum aduolat. Cæterisque proposito edito, se absque mora sequi iussis, postridie manē plus sexa- ginta millibus confectis, ad oppidum peruenit. ea verò celeritas Ricium in primis con- sternauit. neque enim regem tam cito affuturum crediderat. existimabat illum, prius quàm moueret, cogendis copijs tempus consumpturum, sibi que interea expugnandæ arcis facultatem fore. Castris ante oppidum positis Alphonius, antequam vim ex- periretur, donec copiarum reliquæ conuenirent, ad Ricium misit: qui hortaretur ut ab in- cepto absteret oppidoque cederet: quod si faceret errori se eius parsurum. Qui cum in proposito peritaret: ut primum copijs se satis instructum putauit (namque ad illum interim pedites atque equites, e diuersis locis confluebant) statuit Alphonius oppidum totis viribus oppugnare: ne oppidum tam opportunè situm, & Neapolitani regni fir- missimum claustrum, in inimicorum potestatem deueniret. Cumque naturam regi- onis diligentius intueretur, animaduertit montem, quem Ricus infederat, facile cir- cumiri, ac desuper hostem opportunè peti posse. Itaque Mendociam Hispanum, im- pigrum virum, cum peditibus ducentis, clam hostibus, continuo ire præcepit, & si qui oc- currant, e Ricij peditatu se esse simulare. Id oppidum à montis Casinatis, quem dixi, radices situm est: idque exiguus amnis interluit. Arx ab oppido aliquantum distat e- minenti loco sita: supra arcem ad mille ferme passus, templum est, de quo diximus: opus vetustate, religione, præcipue diui Benedicti corpore, percelebre, castelli cuius- dam instar duplici muro circumdatum. Per cuius templi exteriorem murum (nam & is quoque ab hostibus custodiebatur) Mendocias cum socijs transitum faciens (nam alios expectabat) custodes fefellit. Ricus cognito regis de oppugnatione consilio, ex oppido prodit, ubi se haud satis tutum existimabat, dispositis per muros partim ex suis, partim ex oppidanis, qui resisterent: eosque tumulos, qui regijs castris immine- bant, insidet: quos tamen prius occupatos præsidijs firmauerat. Alphonius interea copias instruxerat: nihilque aliud oppugnationem differebat, quàm eorum qui circum- missi erant aduentus. Iamque ab omni parte Ricus sibi satis prospexisse videbatur, cum illi extemplo supra caput, veluti procella quædam Mendocias apparuit. Namque ij, qui pro templo stabant: opinati hunc esse reliquum Ricij peditatu (ut diximus) atque, eum cum suis ad Ricium descendere. Ricus quoque Mendociam tum esse, quem præstolabatur, suspicatus, parumper substitit. Sed mox fraude cognita aduenien- ti Mendociæ sese obiecit. Quod ut Alphonius animaduertit, omnes suos, quos in ar- mis, (ut diximus) paratos, atque instructos habebat, partim in hostem pugnare, partim oppidum adoriri imperat. At Ricus ancipiti malo circumuentus sese confestim in fu- gam conijcit: viaque per medios hostes ferro facta, amissis pluribus, destitutoque oppi- do, primò in templum mox per deuios saltus in oppida, quæ propinqua erant, euasit. Quo fugato Alphonius confestim oppidum absque certamine recepit. ibique Arnaldi



fratre cum valido præsidio relicto, ipse Capuam reuersus est. Qua in re profectò nescius virtus ne magis, an celeritas eius laudanda sit. Neapolis interea arctissimè obsidebatur: nec re frumentaria modò, verùm etiam aqua reciso extra urbem aquæductu oppidanè laborabant. Quocirca ingens tristitia oppidanorum animos ceperat. Agebantur res adeò immutatas esse, vt qui prius Eugenij pontificis & Iacobi Caudolæ auxilijs instructi sibi pares Alphonfi viribus videbantur, nunc omnibus destituti subsidijs, eum ante portas binis castris positis victorem viderent, quem nauali prælio superatum & captum, nunquam amplius id regnum petere ausurum putarent. Esse in illius ditione Siciliam, còmeatus, ac cætera bello necessaria suppeditantem: esse Sardiniam, Baleares insulas, Barchinonensium atque Aragonensium regna amplissima, vnde illi pecunia, ac milites subministrari possent. Angebantur quoque vehementiùs frumenti ac pecuniæ inopia, non ærario modò, verum etiam priuatorum ciuium facultatibus diuturno bello exhaustis. Duplex modò spes supererat: sed altera quidem minus firma. Nam Genuenses etsi libenti animo adiuuari ab illis sciebant, tamen grauari tantis, ac tam crebris sumptibus existimabant. Altera erat in Francisco Sfortia, & Antonio Caudola. Sed alterius cunstationem videbant, alteri non satis credebant. Omnia tamen tentanda, priusquàm vltima experirentur, vociferabantur. Quorum vocibus permotus, vt par erat, Renatus ad Genuenses & ad Antonium Caudolam, qui cum eo post receptum filium in gratiam redierat, simul & ad Franciscum Sfortiam in Picenum crebrò nuncios dimittebat, qui docerent, quas in angustias res suæ redactæ essent, binis cica urbem castris hostium positis, & vt cum copijs celeriter aduolarent, si se saluum vellent, hortarentur. hæc spes omnes vanæ, atque irritæ euasere. Nam & inter Genuenses, cum iam decreta classis esset, pecuniaque in stipendium imperata, de præfectura inter Ioannem Fregosum, Thomæ fratrem, qui per id temporis Genuensis vrbs principatum obtinebat, & Ioannem Antonium Fliscum nobilitatis principem orta contentio ne classis perficeretur, impedimento fuit: & à Francisco atque Antonio, aut nulla, aut serò auxilia venere. Quum hic esset rerum status, nec speraret Alphonfus Neapolim aliter quàm fame, aut proditione capi posse: aperuit ei fortuna inopinatam quandam ad victoriam viam. Namque Anellus faber quidam cametarius, quæfames Neapoli exire còpulerat, ad eum profectus, docuit urbem haud magno militum periculo, (si rei præmium esset) capi posse atque in id operam suam atque studium est pollicitus. Hunc rex collaudatum, & maioribus, quàm eius fortuna caperet, promissis oneratum, de ratione rei agendæ percontatus (omnibus quibus opus erat celeriter preparatis) ad ducentos viros fortes deligit: qui cum Anello, ac fratre nocte aquæductū ingrediantur, & in ijs Mazzeum Ianuarium ac Diomedem Carassam: & alios quosdam Neapolitanos, qui patria exules multos annos eum sequuti fuerant, quibus vrbs loca nota erant: omnesque paratos in armis esse iubet, causamque suppressit. Sub mediam noctem quum vocati omnes conuenissent, ducibus rem aperit: hortaturque vt intrepido animo rem aggrediantur, quæ sit ijs ingenium vtilitatem & decus allatura. Quòd vno atque eodem tempore & illi moenia occupare, ipse cum copijs adesse possit, mandat vt cum in demonstratum locum ex aquæductu emerferint id sibi per eos, qui reliqui in aquæductu fuerint, significari confestim curent, rem à primis ad nouissimos perferendo. Erat autem ingressus in aquæductum per puteum alterum extra urbem ad lapidis iactum in horto quodam positum: in quæ per funem septè & viginticubitorū dimitti oportebat: datoque vni ex his negotio vt cum sciret primum eos è puteo intra tectum euasisse ad se referret, scalisque & vectibus traditis, eos dimisit. Adiecit præterea vti quarta noctis vigilia, postquàm è puteo emerfissent, facto impetu moenia aggredierentur: oppressisque illico custodibus turrim vicinam occuparent. Cæteris verò vti imperata facerent, ducesque sequerentur vehementer præcepit. Cum his mandatis profecti leuiter armati ducibus Anello atque eius fratre, in puteum, per quem descensus perquàm difficilis erat, sese tacitè per funem demittunt, accensaque funalia præ se ferentes: quum per cæcam testudinem singuli, vnus post alium, progredierentur, ad foramen, per quod aqua in urbem illabebatur, absque magno labore perueniunt. Aggressiq; murum perfodere aliquanto plus in eo excidendo quàm Anellus putauerat, propter eius crassitudinē posuere.



Eoque claustro perfosso, vterius progressi per canalem, qui ab aquæductu in puteum ferebatur: non absque difficultate in ipsum puteum descenderunt. Restabat secundus labor, ut scilicet è puteo in domum euaderent. Anellus igitur & frater primi, subiicientibus humeros socijs, pedibus simul ac manibus per murum niti coeperunt: donec ad foramina quædam per quæ erat in puteum descensus, paulò supra hominis magnitudinem, peruenere: ad quæ statim appulsi ad summum euaserunt. Fortè autem pridie eius diei Neapolitani magnum lapidum aceruum, propter huiusmodi suspicionem, ut in puteum inspicerent, ex operculo deiecerant: nec postea siue obliuione siue negligentia lapides imposuerant. Quod si esset factum, irritò haud dubiè incepto, puteum ingressos ruerti oportebat. Eo igitur operculo faciliè, ac sine strepitu sublato, Anellus, ac frater primi in domum exiliunt: omnibusque exploratis ne quid insidiarum subesset, postquam neminem adesse cognouerunt, per funiculum è puteo delatas secum scalas attrahunt: quibus, qui in puteo erant, scandere coeperunt. Difficilis erat præsertim armato ascensus per nauales scalas: quæ cum ab imo vagæ, atque instabiles essent: nemo erat, qui subsistere auderet: ne aut homines, aut armorum casu periculum afferret. Inter hæc muliercula, cuius ea domus erat: primùm graui odore quem è puteo limus exhalabat: tum lumine inspecto exanimata celeriter accurrit: ijsque visis, qui iam emerferant, continuò exclamat. Fueratque haud dubiè proditura insidias, ni celeriter oppressa, vocem emittere inhibita esset: filia quoque iam adulta matrem orare vehementius coepit, ne fortunæ aduersaretur. Ad hæc terrori immistæ preces, magnæque silentij præmia mulierem inter spem, metumque dubiam placauerunt. Iam sol exortus erat, cum vix quadraginta ex omni numero puteum euaserant, & qui ingressum nunciare regi debuerat: siue negligentia, siue quòd is metu, erumpente luce, à destinato loco discessisset, nihil regi significauerat: qui rei euentum opperiens, paratus cum copijs erat. Cumque accepisset neminem suorum in muro apparere: nihilque tumultus ex vrbe audiri, putauit omnes aut cæcos esse, aut metu exilire non ausos: itaque propius ad urbem profectus ab ea parte, quæ occupanda erat, ad muros succedit. id verò consilium ut primò in discrimen ingressos adduxit, ita victoriæ causa ad postremum fuit. Namque eius aduentu cognito Renatus cum ea manu, quam ad subitos casus parauerat, citato equo ad muros contendit: hostesque procul amouit. Ingens verò pavor & consternatio hos, qui iam è puteo emerferant, coepit. Nec regredi in puteum ne se armorum strepitus propinquis hostibus proderet: nec propter paucitatem erumpere audebant, sed mortem taciti continuò expectabant. Alphonsus ut vidit intus à suis nihil misceri, desperatis rebus signo receptui dato castra versus proficisci coepit. Quod postquam Renatus animaduertit, periculum omne depulsum arbitratus, relictis custodibus, & ipse in regiam redijt. Fortè quidam ad puteum vnde erat in aquæductum ingressus, profectus erat, rei ipsius nescius. Isque re cognita ad Alphonsum nunciatum cucurrit multos è puteo prodisse, atque in domo tacitos ob metum latere. Eo nuncio accepto celeriter conuerso equo urbem repetit: atque ad moenia succedit, quo eorum animos acueret. Inter hæc mulieris quam dixi filius à statione sua domum venit, pulsatisque foribus cum nemo aperiret: insidias illico subesse suspicatus, coepit infestius pulsare & fores perfringere. Mater & qui intus erant exanimati quid agerent, nesciebant. Alij subito patefacta ianua petendum atque interficiendum hominem, Alij ob matris ac sororis beneficium capiendum modò, nec vterius in eum sæuiendum censebant. Quam sententiam quum omnes probarent, referatis paulum forbius, quum niterentur manus iniicere, repente ut hostes vidit, trepidus refugit: hostesque intra urbem vociferans ad Renatum subito peruolat: quæque viderit refert. At qui intus erant ut insidias palàm factas esse perspexere, nec reditus à lateribus locum dari, vno agmine repente è domo profiliunt: primòque impetu moenia propinqua (vno tantum vigilè ibi reperto) turrinque occupant. Nam cæteri custodes tanquam eo die nihil discriminis restaret, in diuersa abierant. Renatus eo nuncio primùm, deinde tumultu excitatus (ut adhuc erat armatus) ad moenia celeriter reuerius, impetum in hostes facit. Quibus visis Alphonsus ad muros cum copijs aduolat: quoque suis animos adderet, scalas admoueri imperat.



Cæterum oppidani eam muri partem faciliè tuebantur, & ne quis per scalas in captam turrim euaderet grauium saxorum deiectu obsistebant: eosque qui turrim occupant, manubalistis incessabant. Dum pugnatur obequitans moenia Alphonsus animaduertit paulò supra eam partem, quæ oppugnabatur, locum quendam neglectum esse (namque eius custodes deserta statione ad propinquum tumultum se contulerant). Itaque scalas celeriter admoueri, eumque locum occupari iubet: sperans eo facto aut urbem inde capi posse, aut certè hostes ab oppugnatione eorum, qui turrim occupauerant, auerti. Is verò locus hoc facilius occupari posse videbatur, quòd veluti in arcum curuatus à Renato, & ijs qui cum eo pugnabant, conspici non poterat. Iam verò ex ijs, qui turrim occupauerant, cum tormentis, atque omni telorum genere peterentur, partim grauius sauciati fuerant, partim ne in hostium potestatem venirent, sese è muro præcipientes dederant. Cumque vnus ex ijs, Ioannes Michael Calarouillus, eques Valentinus, desperata salute in hostes delatus sese aliquandiu defendisset, à Renato confossus mortem honestam, ac gloriosam obiit: eratque Renatus eam turrim recepturus, nisi à tergo subito, atque improvisò cum ingenti clamore, & alacritate hostes inuecti terrorem intulissent. Potissima verò causa trepidationis fuit (quòd plerunque ludente fortuna in bello accidere consuevit) res vtiq; parui momenti. Nam equus quidam fortè captus, & infessus à Petro Martino, vel (ut alijs placet) Sancio Barilio Alphonsi milite, per moenia urbem ingressò, in hostes inuectus opinionem præbuit captæ, & refractæ portæ proximæ. Is verò equus Sarni Brancatij fuerat, præstantis equitis & Renato percari, qui dum fortè per ea loca excurrentes in hostes incidisset (adempta ei ob viæ angustias fugiendi facultate) captus fuerat. At Renatus primùm cohortatus qui aderant, in hostes fortiter inuectus, eorum impetum paululum repressit. Mox verò, ut crescente hostium numero, suos exterritos animaduertit: nec posse diutius impetum sustineri, sensim referre pedem coepit. Alphonsus interea ad Diui Ianuarij portam, quæ erat aliquanto remotior, quibusdam oppidanorum, quos belli fatietas ceperat, suadentibus, contendere partem suorum, & appulsis scalis eam portam effringere imperat. E quibus Lupus Simenes, Raimundus Buillus, atque Eximenus Corella, cuius potissimum opera in ea re vsus Rex fuerat, superatis moenibus primi omnium urbem ingressi, plerisque alijs ut intrarent, animos dedere. Quæ ut Renatus sensit, cui potissimum parti, aut loco succurreret incertus (omni spe defendendæ urbis abiecta) in pælio omnia expertus eam victori concessit. Tum & à Fori Boarij porta, quæ ad Castrum Maris fert, & ab alijs diuersis muri partibus irruptio in urbem facta, omnibus stationes præ metu deferentibus: atque ad prædam discursum: à cædibus tamen temperatum, mox verò ingressò Rege, & prædæ quoque finis factus. Postridie eius diei, duæ ingentes Genuensium onerariæ, quibus commeatus deferiebantur, ignaræ urbis captæ supraportum apparere: propiusque profectæ ut viderunt solitos lætitiæ clamores à ciuibus non edi, illico suspicati res immutatas esse, sub arcem concesserunt, frumentoque exposito, vini & commeatum causa Surrentum (quæ vna ciuitas in Renati fide per manserat) perire, atque octauo fermè die Neapolim reuersæ: quàm proximè potuerunt sub arcem anchoras iecerunt, quæ si pridie ante captam urbem aduentassent: naualesque socios in terram exposuissent, dubiam facere victoriam poterant. Per hunc modum Alphonsus Neapoli vrbe nobilissima, ac vetustissima, anno ab initio belli vno & vigesimo, potitus est. In quo nescias profectò, magis nè eius fortitudinem & constantiam, an clementiam, ceterasque virtutes laudes: an felicitatem admirare. Namque in aggrediendis rebus impiger, nec labore vllò defatigabatur, nec periculo cedebat vlli: tantamque animi fiduciam in his agendis præ se ferebat, ut sæpe eius milites cum pluribus, ipsi pauciores, dimicare non dubitauerint. In bello gerendo adeò constans, ut eum nec calamitas vlla accepta, nec pecuniæ inopia, nec belli diurnitas, nec commeatum penuria, nec hyemis magitudo ab incepto reuocauerit. In victoria adeò clemens, & moderatus, ut de ealaude possit cum quouis antiquorum principum decertare. Clementiæ par facilitas, ac liberalitas erat: ea mis, sitis, frigoris, calorisque inaudita patientia, ad quam per assiduos venandi



labores obduruerat, adiuncta erat. Ad hæc literarum amor, (is enim vnicus doctorum hominum cultor suæ tempestatis fuit) & vini abstinentia accedebat, quod aqua infusum vix quicquam vini simile referret. Has tantas regias virtutes consilij magnitudo, rebus belli, ac pacis pariter perspecta æquabat. Ita porro felix, fortunatusque, vt per rarò vnquam vlla accepta clade ipse vnus omnium regum fortunâ in potestate habuisse videatur. Sed hæc alterius sint loci: nunc ad rê gestam redeo. ingressus urbem Alphonsus præconibus paulo pòst per urbem dimissis, vt populationibus modus statueretur, edixit: ac plerisque ciuibus, qui ad se supplices cõfugerant, bona iam à militibus occupata, cum ædibus liberè restitui iussit. Nec post id temporis hostile quicquâ in tota vrbe perpetrari permisit. Quippe existimauit, & præstanti regis esse uictis ignoscere, & sapientis integræ, quàm eueris ciuitati dominari malle. Quo quidem facto vel inimicorum animos sibi maximè placuit. Vnus supererat expugnandarum arcium labor: hæc autem tres erant, Capuana, Montana, & Regia: in quâ se Renatus amissa vrbe receperat. hæcque omnes tum situ tum valido præsidio munitæ erant. Cæterum rei frumentariæ inopia laborabant, præsertim Montana, et Capuana. Itaque eas obsidere statuit, & in primis Cpuanâ utpote infirmiore, & regiæ iunctam: Vixque quartus ab obsidione intercesserat dies, cum Ioannes Coxa, vnus ex ijs, qui in regiam cum Renato confugerat, à Renato petijt, vt sibi liceret cum Ioanne Caraffa de arcis ipsius deditioe agere. Is enim Capuanæ arcis præfectus, in eam vxorem ac liberos habebat, nec ignorabat arcem ipsam ob comitatus inopiam defendi non posse. Cui Renatus cum iam arci subueniri non posset, vt salutem suorum consuleret, permisit: atque vt paucorum quorundam dierum inducias peteret, iussit: quas cum primò Alphonsus abnueret, ne Renatus ea occasione noui quippiâ in vrbe moliretur: mox mutato consilio, missis Lupo Vreco, ac Raimundo Buillo ad Mariæ Coronatæ templum, quod Coxa conuenerat, inducias concessit. Post hæc Ioannes vxore, ac liberis cum omni præsidio, atque omnibus rebus eductis, haud cunctanter arcem dedidit. Recepta arce Capuana, totaque vrbe in potestatem redacta, Alphonsus vt omnes arma ponerent, edixit. Haud multò post Renatus cum pecuniam non haberet, unde arcem tueretur, & amissam urbem recuperare se hosse diffideret, summaque iam rerum omnium desperatio animo obuersaretur, abeundi consilium cepit: potissimum cum haud sciret, an postea nauium potestate, quibus se tuto mari committeret esset habiturus. Quâ igitur ita statuisset Antonium Caluum à quo grandi pecunia adiutus fuerat, arci præfecit. Montanæ arcis custodia Mazario Gallo permitta. Deinde naue ingressus est. urbem quâ amiserat cum gemitu sæpe respiciens, ac fortunæ iniquitatē incusans, Otino Caraciolo, Georgio Alamano, ac Ioanne Coxa tam moesti discessus comitibus. Isque secunda tempestate usus ad portum Pisanum, inde terrestri itinere Florentiam ad Eugenium pontificem, quo amico vtebatur, profectus est. Post cuius discessum Alphonsus belli reliquias confestim persequi statuit. Itaque cum accepisset Antonium Caudolam cum Ioanne Sfortia Francisci fratre copias contrahere, aduersus eum proficisci instituit: debellatum prorsus existimans, si illos vno modò prælio vicisset: retinebat enim Franciscus complura in Apulia oppida. Vrbe igitur primùm præsidio firmata, atque eius custodiæ relictis Neapolitanis compluribus: quorum præcipuam erga se fidem in eo bello cognouerat: primùm ad Capuam in campos profectus, mox coactis maioribus copijs, postquam se satis firmum atque instructum existimauit: inde ad Populi Fontem mouit, ac postridie Iferniam, quæ adhuc in partibus Antonij erat, petijt. Cuius aduentu conterriti oppidani, admissio eius præsidio, oppugnationem non tulere. Inde Carpenonum belli caput ducit: ibique castra ponit. Quod ubi Antonius accepit, confestim cum copijs proficisci statuit, priusquam Ioannes Sfortia quem Franciscus frater in Picenum reuocabat, copias ab se abduceret. Nanque Franciscus (cognita rerum Neapolitanarum immutatione) de rebus suis sollicitus retinendum fratrem, suaque potius defendenda, quàm aliena oppugnanda censebat. Inter hæc Paulus Sangrus, deserto Antonio, cum equitatus parte ad Alphonsum in castra transgressus, quantæ hostium copiarum essent, docuit. Alphonsus eum collem ante omnia occupandum putauit, per quem Antonium iter facere oportere cognouit. Itaque confestim in eam partem tranfert. trecentisque peditibus Saxanum (quod castellum in propinquo erat) missis, eum collem, per quem ad Carpenonum iter erat, valido pedita



firmavit. Quem ut Antonius ab hostibus captum, & infessum comperit, ad Pesculanum (ita id castellum incolæ vocant) cum copijs substitit, qui locus à Carpenonum multum aberat. Carpenonum oppidum in colle positum, despectum undique ad cliuem habet, ab eo colle exiguo intervallo, alter sese attollit mons pari ferme altitudine, per quem, ut ostendi, ad oppidum iter erat. haud procul inde à dextra situs est mons alius, in quo Alphonfus castra posuerat. Postridie Antonius, ut fiduciam ostendat, copias in aciem educit, quod ut Alphonfus animadvertit, & ipse pro castris acies inruit, multis verò haud dimicandum censentibus, quod maiores essent hostium copię, cum Ioannes Vintimilius rogatus sententiam diceret, si (absente rege) penes se vtrum summa rerum esset, sese intrepidè hostes aggressurum, cæterum non audere se tam quidpiam regi suadere, quòd in eius capitis salute tot populorum salus contineretur. Converterfus ad eum Alphonfus, per me igitur, inquit quo minus fiat tam memorabile factus, steterit: avertant id superi à genere nostro dedecus, ut metu pugnam detrectasse videamur. Simul his dictis galeam capiti induit, aciesque producit. Exiguus amnis inter utraque castra excurrerat. Isque cursus tarditate, intra conuallem pluribus locis stagnabat. Hic Antonius de industria expectabat, si fortè prior rex initium transeundi faceret, quòd is locus aliquantum acclivius trans flumen erat. At Alphonfus paulum è castris cum paucis digressus, ut hostium aciem, & loci situm diligentius specularetur: postquam uncta cognovit, reuerfus, ut vidit hostes citra flumen illici non posse, confestim tres acies trans flumen mittit: quibus Petrus, atque Alphonfus Cardonæ, ac Guilielmus Raimundus Moncata viri fortes præerant, hi que celeriter amne transmissi, magno impetu in hostes inuecti, insignem pugnam ediderunt. Sed cum plures hostium acies his sese circumfudissent: nec viderentur diutius eorum vim sustinere posse, quarta Alphonfi iussu successit acies, quam Raimundus Buillus ducebat: & item quinta, cuius princeps erat Lupus Vireus, vir præter bellicas artes, eximijs naturæ, ac fortunę dotibus præditus. Hos Alphonfus paulò infra eum locum, ubi pugnabatur, circumducere acies, atque hostium latera iubet inuadere: quorum interuentu, eorum qui iam cessuri videbantur confirmatis animis, prælium redintegratum est. Inter hæc pedites, quos ad Saxanum constitisse dixi, impedimenta hostium aggressi prædam agebant. Quòd cum Antonius animadverteret, confestim aciem vnam ijs subsidio mittit. Tum Alphonfus cum reliquis aciebus in hostes fertur, militesque alios exhortando, alios castigando in pugnam accendit. In eo quoque prælij ardore Inici Gheuaræ, viri acris, atque impigritum commilitones animando, tum manu cum hostibus fortiter rem gerendo, virtus spectata, & laudata est. Pugnatum est aliquandiu æquo Marte, nec incruento, cum neuri cederent. Demum hostes terga dant, quos regij consecrati (direptis impedimentis) magnam eorum partem, in quibus Antonium inter primos dimicantem, ceperunt, reliqui copiarum duces (abiectis armis) sibi salutem fuga quæserunt. Castris captis impedimentisque direptis, cum hostes nullum fugiendi finem facerent, Alphonfus receptui iussit. Post hæc cum clementia sua in captiuos uti statuisset, perducto ad se Antonio, veniamque erroris postulanti, non modò ignovit, verum etiam oppida, quæ à patre accepta, hæreditario iure possidebat, reliquit, cæteris captiuis perhumaniter habitis. Nec quicquam ex Antonij supellectile, quæ erat ingens, præter Christallinum calicem cepit. Secundum hoc prælium Alphonfus per Pelignos, ac Marfos, gentem bellicosam victricia arma circumtulit totamque eam regionem breui subegit. Deinde in Apuliam se conuertit, ut belli reliquias conficeret (nondum enim Apuli, qui Francisco Sfortiæ dominatu tenebantur, arma posuerant) castrisque primò ad Manfredoniam oppidum ad mare situm motis eam urbem, præter arcem, oppidanorum quorundam opera statim recepit: in ea Victor Rangonius, quum sese aliquot menses tenuisset, desperato ad extremum auxilio, deditione facta, rebus suis consuluit, Troia interim, & cæteris oppidis Francisci receptis. Dum hæc aguntur, Renatus, quem profectum ad Eugenium dixerant, quum sese arcem regiam tueri posse diffideret (nam Montana, ob frumenti inopiam, iam antè recepta per deditionem fuerat) quòd ipsius regiæ tutela magno sumptu indigebat, nec absque Genuensium nauibus, frumento, ac rebus necessarijs provideri poterat, eius de-



dendæ potestatem Ioanni Coxæ permisit, ipse mari in Galliam redijt. In deditionis verè conditionibus, quum esset postulatam vt Georgio Alemano, Otino Caraciolo, Ioanni q; & cæteris, qui Renatum sequuti essent, ignosceretur, in eos sese facilem & perhumanum Alphonsus exhibuit. Hoc tam graui, & tam diuturno bello confecto, omniq; de mum regno pacato, Alphonsus Beneuentum concessit: ibiq; conuentum agere instituit. Quod postquam vulgatum est, Neapolitani ciues, regniq; optimates honestius arbitrat, conuentum Neapoli agi, quæ vrbs esset regni totius caput, ibiq; regem honorificentius, quàm vsquam alibi excipi posse, legatos ad eum misere oratum, vt apud se malle conuentum agi. Fuit ea legatio Alphonso periucunda: quòd quàm grata sua victoria Neapolitanis esset, ex eo maximè iudicabat: itaque Neapolim conuentum edixit. Post hæc ex Beneuento digressus, Neapolim ad diui Antonij templum sub vrhem, ad quingentos ferme passus, concessit: ibiq; moratus est, donec, quæ ad triumphi magnificentiam pertinebant, parata essent. Quibus compositis, ad eam partem quæ Salernum fert accessit. Neapolitani primùm indignum existimantes tam celebrem tot victorijs regem portam vrbs subire, quandam muri partem, quæ triumphans introiret, nouo Romanorum imperatorum more, disicere. Huc ductus est currus inauratus, quem vestes purpureæ, atq; auro distinctæ longè illustrabant, & in eo sella curulis æquè exornata. Currui alligati erant quatuor eximij candoris equi, quos vnus æquè albus præcedebat: ijq; omnes frenati auro, pictisq; sericis instrati. A dextra, leuæq; currus incedebant bis deni è nobilitate Neapolitana lecti viri, singula manibus hastilia gerentes: quibus illigatum velamen erat auro distinctum, quod supra currum deferabatur. Alphonsus vt regem decuit, antequam in currum tolleretur, habendam rationem hominum de se benemeritorum, quorum opera fideli, ac forti in bello vsus fuerat, arbitratus, hos pro meritis, varijs honoribus, & præmijs affecit: deinde currum inscendit, regali cultu, ornatuq; decorus, ac longè conspicuus. Lauream coronam, triumphantium veterum more, quamuis amici suaderent, renuit. id honoris superis tantum tribuendum iniciens. Circumstabat infinita hominum multitudo eius visendi studio, præsertim triumphi ex longa antiquitate repetiti spectaculo, vel ex longinquis profecta. Moueri deinde agmen coepit: cuius ordo huiusmodi fuit. Primi omnium sacerdotes diuinum carmen canentes, altariaq; & sacra corpora gestantes ibant. Sequebatur è diuersis ordinibus ingens tum ciuium, tum externorum numerus. Proximi ibant complures partim Florentini, partim Hispani Punico habitu: hiq; varia spectacula edentes, alij moralium, alij sacrarum virtutum, cum titulis, atq; insignibus ex quibus dignoscerentur: alij Cæsaris, & aliorum quorundam, qui florere, principum personam referebant: regemq; pro dignitate alloquentes, ac laudibus in coelum certatim extollentes, cum incredibili circumstantium voluptate, hunc pro se quisq; ad virtutum studia, ad gloriæ cupiditatem, ad diuinæ religionis cultum accendebant. Post hos aliquanto interuallo rex procedebat, tum habitus magnificentia, ac nitore admirabilis, tum rerum à se gestarum magnitudine longè admirabilior, atque illustrior. Currum pedibus sequebantur totius regni reguli & optimates. Voluit enim quos vicerat, hos triumphi sui participes efficere, non de his, veteri Romanorum more, triumphare: nulli ante currum captiui ducti, nulla spolia prælata. Nouerat enim regna vt fortitudine cõparari, sic mansuetudine, & humanitate conseruari. Nihil verò à Neapolitanis prætermisum est ad vicorum ornatum, per quos iter facturus esset. Omnia floribus confrata: varia odorum, ac vaporum suauitate fragrabant. Hoc modo lætis salutantium, & congratulantium vocibus, omnes vrbanas sessiones, curru triumphans, præteruectus est. Nanq; omnis Neapolitana nobilitas, quæ longè clarior, & potentior olim fuit, in quinque illustres sessiones, siue confessus appellare quis malit, diuisa est. Erant enim hæ sessiones, tum pulcherrimis aulæisq; pictisq; stragulis ornatae, tum cultissimarum virginum, & nuptarum choris ornatiores. quæ pulsu pedum tibie sonum modulantes, rege conspecto hunc, vt communem patrem, vt decoris, ac pudicitie suæ tutorem veneratae sunt. Demum in arcem Capuanam, die iam in vesperam inclinante, se recepit.



# BARTHOLOMAEI FACII RERVM GESTA

RVM ALPHONSI PRIMI REGIS NEAPOLI-

TANI LIBER OCTAVVS.



OMPOSITO regni statu, incolisque bello fessis quiete reddita, omnes vno ore Alphonsum miris in cœlum laudibus ferebant, se per eum intollerandis laboribus, periculis, miserijs liberatos prædicantes. Qui arua colere consueuerant sese ad agrorum culturâ contulerant. mercatura, quam bellum sustulerat, aduenarum concursu, atq; commercio, in vsum reuocari cœperat. eratque earum rerum iucunda recor-

ratio, quas graues, atque asperas perpeffi fuerant. Regum, ciuitatum, nationum legati ad eum gratulandi gratia frequentes ventitabant. Illa modò curâ regi ferè reliqua erat: Nanque Eugenius pontifex maximus, de quo superioribus libris mentionem fecimus, egrè ferens Renatum regno pulsum, adhuc cum eo inimicitias gerebat. Cuius opes, quamuis rex parum timeret, tamen ne contra Romanam ecclesiam, cuius erat maximè obseruans, bellum gerere videretur, ei reconciliari optabat. quare data occasione, non lestitit, quoad dissensio, ac bellum omne sublatum est. Nanque Eugenius quum videret frustra à se suscepta arma retineri, nec iam amplius Renatum, qui postea regni specie tain Galliam abierat, restitui posse, Ludouicum Cardinalem Aquileiensem appellatum, magno animo, & consilio virum (cui admodum fidebat, cuique rerum suarum summam commiserat) qui cum eo de pace ageret, legatum ad Alphonsum misit. Fuit utem hic annus à natali Christi Domini nostri quadragesimus tertius, & quadringentesimus supra millesimum. Legatus vbi Priuernum peruenit, missis, qui suam profectioem regi significarent, substitit. Quod postquam rex agnouit, Alphonsum Borgiae Episcopum Valentium, nonnullosque alios viros claros, quorum consilio utebatur, qui eum salutarent, continuò ad eum misit. orta verò inter eos controuersia, quòd Ludouicus se pro legato à rege suscipi peteret. & Alphonsus episcopus, ac cæteri regij negarent id æquum esse, ne iam tunc rex sese Eugenij auctoritati, sibi adhuc aduersarij, subiectione videretur: continuò rex vbi id rescivit, eam controuersiam tolli iussit, atque vt cum legatis insignibus ad se ireret, permisit. Multisque principibus viris ad quatuor millia passuum à Terracina obuiam aduentanti præmissis, ipse quoque vbi eum appropinquare cecepit, ad mille passus processit, comiterque, ac benignè accepit. Interim ostendit placere sibi quæ de pace agenda essent, ea nullo interprete per se ipsos agi, nec cū suorum cetera quoquam communicari, sic ea cautiùs, meliusque confici posse. Cuius consilio approbato Legatus, id quoque sibi placere respondit. Eoque ipso die ad eum, ne quid temporis frustra laboretur, quum esset profectus, priusquam de pace colloqueretur, rex pro sua humanitate prius loqui orsus, ostendit sese iuris sui tuendi gratia, quod aliter fieri nò posset, contra Eugenium bellum suscepisse, quem cū à Ioanna regina filium, regni successorem institutum sciret, ac pro statu suo conseruando infinitos labores, ac pericula adiisse, Renato posthabuisset, cui & apertè fauisset, & opitulatus esset. que ideo grauius tulisse, quòd nulla sua iniuria lacescit pontifex, ipsum adeò pertinaciter opugnasset. neque enim meminisse se, à se quidpiam, cuius rei causa is sibi infensus esse debuerit, admissum. non personam, sed causæ æquitatem ab illo spectandam fuisse, qui communis omnium, æquo iure sit parens, nec magis hunc, quàm illum aut amare aut odisse debeat. Multa præterea maiorum suorum exempla retulit, qui pro Ecclesiæ dignitate, & auctoritate conseruanda multa discrimina obire non dubitassent. sui verò regis sacrosanctam Christi Ecclesiam animi Gerbiniam expeditionem, quam pro Christiani generis gloria suscepisset, imprimis testem esse. quapropter quæ egisset non voluntati, sed necessitati attribui oportere. pacem se libenter & accipere, & dare: si modò qua postularentur, concedanturque: hanc suæ voluntatis, atque consilij summam esse. Postquam dicendi finem fecit, Legatus, quibus potuit verbis, bellum à pontifice gestum



excusauit: docens non odio, sed humanitate compulsus, aduersus eum bellum gessisse: neque potuisse Renati à se auxilium implorantis preces auerfari. sed postquam ille regno extrusus esset, remota belli causa pontificem ad pacem mentem conuertisse: seque eius rei auctorem imprimis apud Eugenium fuisse. admiratum iam pridem tum animi, tum consilij, tum rerum ab eo gestarum magnitudinem: summam præterea in bello constantiam, amicitiam illius ultro expetisse: qua quidem per pacem sibi perfrui liceat. Post hæc cum de pace aliquandiu colloquuti essent, ab eo sermone uterque spe plenus discessit. Cepit autem utrinque ex eo sermone mutua virtuti, atque prudentia ingens opinio, atque admiratio: idque ad suos reuersi, alter alterum magnificis, atque amplissimis verbis extulerunt. Postridie autem rex ad legatum profectus, quum non concederentur postulata, ita ab eo discessit, ut omnes intelligerent, spem pacis nullam esse. & iam uterque quasi desperata pace abire se inde velle pronunciauerat. iamque ad discessum parabantur omnia, quum mox legatus frustra à se susceptum iter dolens per interpretem rem componi posse arbitraretur, Alphonsum Protonotarium (ea dignitas apud pontificem haud contemnenda existimatur) cuius fidem erga se norat, peridoneum censuit, per quem inchoata, ac iam desperata pacis mentio reuocaretur. Norat quippe in eo viro haud minus prudentia, quam fidei rebus gerendis inesse: & quod erat genere Hispanus, propter linguæ peritiam, quæ sibi obscura erat, hoc illi magis cum rege conuenturum putauit. Vocato igitur ad se Alphonso mandat, ut regem adeat, eumque facta loquendi potestate, à quibusdam postulatis, quæ minus æqua censebat, auertere conetur. Scripsitque ad regem orans, ne grauaretur secum, de ijs quæ ad pacem pertinerent, rursus agi, Alphonsi fidei quæuis magna, & arcana committi posse. Multa sæpe, quæ inter ipsos rerum autores effici non potuerunt, per internuntios composita, atque confecta esse. Acceptis mandatis Protonotarius è vestigio ad regem profectus, primum nequid rex miraretur, quod quum is genere Hispanus esset, aduersus eum superiore anno arma cepisset, id factum excusauit: deinde edocuit, quantum nomini, gloriaeque eius pontificis pacem, & gratiam conducere existimaret. Nanque ut turpe ad famam videretur tantum regem cum pontifice bellum gerere, etiam si esset fortasse iustum, ita posita contentione, eius auctoritati parere, & aduersus Romanum Pontificem minimè contumacè esse, gloriosum haberi. Post hæc quum rursus de pacis conditione agi coeptum esset, in alias rursus difficultates inciderunt. Atque cum nihilominus pacem effici posse, alia quadam via demonstrasset assensus rex, Alphonsum Episcopum ad legatum misit, qui rogaret, ne eo die discederet, quod pacem componi posse rursus in spem venisset. Quod cum illi placuisset, consilium manendi cepit, posteroque die ad regem profectus, Alphonsum vnà secum sermoni, quem cum rege esset habiturus, interesse voluit. Rex itidem Franciscum Vrsinum (Romæ præfectus perpetuus is erat, qui honor in Italia amplissimus habebatur) ad se vocauit: ijsque multa inter se de pace colloquutis, post longam disceptationem pax ad postremum his verbis dicta, atque conscripta est: Eugenius pontifex Alphonsum Neapolitanorum regem constituat, appelletque de more ipsum regem, & regni iura omnia ei liberis, posterisque libera in perpetuum tradat, quemadmodum prioribus regibus à pontificibus tradi consueuissent. Ferdinando Regis filio, cui rex post mortem regnum destinauerat, succedendi potestatem faciat. Alphonsus contra Eugenij auctoritati se subijciat, atque opituletur ad agrum Picenum, quem Franciscus Sfortia armis occupauerat, vindicandum. Si quando pontifex aduersus Turcas, aut Afros bellum suscipiat, rex cum classe adiuuet. Sacerdotio præditos, sub concilij prætextu Basileam profectos, reuocet, nec patiatur tres è suis qui Cardinales ab Amadeo Sabaudiensi creati fuerant, reuertentes, pro Cardinalibus suscipi, haberi. Si posito eius honoris titulo venire renuant, ipse pontificis edictum cum cura in eos exequatur. Erat hic Amadeus Sabaudiensis dux, sanè inter principes sui temporis existimatione, atque extra hanc immoderatam pontificatus cupiditatem, omninò clarissimus. Is enim sua industria sine armis, ac sine exercitu propè vllò, paternum imperium plurimum auxerat: in tantam porro dignitatem, ac potentiam euectus, ut amplissimorum regum filias liberis desponderit, ipse filias maximis regibus collocauerit. Pontificatus titulum per sacerdotum, ac principum discordiam edeptus, Eugenij auctoritatem penitus contem-



posit. Quo mortuo Nicolao, qui Eugenio successit, facti penitus, posito pontificio nomine, & Cardinalis recepto paruit: pauloq; post cum laude mortem obiit. Postulabat rex præterea, ut Terracina vrbs in confinio regni sita, firmissimum ipsius regni claustrum, itemque Beneuentum vrbs in Sannitibus clara, ac potens, sibi posterisq; traderetur. Legato quidem ea oppida regi tradi placebat, quoad ei vita contingeret, sed in hæredes transferri incõsulto pontifice nolebat. Hac igitur re vna suspensa, quum de cæteris conuenisset, Priuernum Legatus redijt, Alphonso apud regem relicto, qui id ageret, curaretque, ut quæ de pace acta erant, publicis monumentis mandarentur. Qui cum vtriusque gratiam promereri cuperet, ne id vnũ obstarat, quominus pax conficeretur, æquum statuit, si rex ea oppida recepta in hæredes quoque transferri vellet, uti pro ijs ipse Matricem ciuitatem, atque Accumulum, in Marsis oppida Romanæ ditionis faceret. Quæ conditio cum regi placuisset, iubente pontifice, à Legato recepta, atq; comprobata est. Postridie eius diei, quo hæc effecta sunt, Nicolaus Picininus regis vocatu Terracinã venit, triremibus regijs aduectus. Hic est ille Nicolaus, de quo prioribus libris mentionem fecimus, qui Bracij præstantis copiarum ducis artibus, ac præceptis militaribus institutus ipsum etiam Bracium rerum gestarũ magnitudine, gloriaq; postremò superauit. Cum eo de rei militaris principatu qui posset concertare, vnus ex omnibus copiarum ducibus suæ tempestatis inuentus est Franciscus Sfortia, vir in armis plurimum excellens, fecitque dubium vter alteri anteposendus esset. Nam cum scientia rei militaris, atque auctoritate pares putarentur, diuersa tamen vtriusque consilia in bello erant. Nicolaus utiq; dimicare paratior, prælium ex occasione protinus sumere, hostem celeritate præuenire, excursionem fatigare, leuis armaturæ equite, magis quàm pedite uti, fortes modò, atque asperos milites amare, hostium numero non terri. Franciscus verò arte, ac solertia magis nitens, rarò nisi ex destinato configere, sedendo, atque obsidendo hostem frangere: peditatum multifacere, argento, atque auro cultos milites habere, potentiorẽ se hostem non temere aggredi. Denique Nicolaus in milites indulgentior, Franciscus seuior habebatur. Erat inter eos non æmulatio modò, ob rei militaris gloriam, cuius primas partes sibi vterque arrogabat, verum & similtas ingens ob veteres inimicitias, quæ olim inter Bracium, ac Sfortiam fuerant. Quorum alter, ut ostendimus, Francisco pater: alter Nicolaus magister, & dux fuerat. Atque idcirco non tantum ut hostes, sed ut inimici inter se bellum gerebant, nec sub vno eodemq; principe, ut militarent, adduci poterant. De quibus hoc loco hæc effari libuit, quoniam ij duo omnes memoriæ nostræ copiarum duces virtute, ac rebus gestis, consensu omnium, vicerunt. Erat autem Nicolaus Philippi copiarum dux, quibus multos annos cum imperio præfuerat. Cum autem Franciscus præter agrum Picenum, pleraq; Romanæ ditionis oppida occupasset, per finiti stipendij speciem à Philippo dimissum, ac Romam profectum, copijs eum pontifex præfecerat. Is verò, eo tempore, ad Tuscanellam (quod oppidum Francisci præsilio tenebatur) castra habebat. Expectabat rex eius aduentum, ut vnà secum de Picenâ expeditione, quam iam animo instituerat, consultaret. Profecto Terracinam, ingens ad eum, videndi desiderio, concursus fuit. Multi enim virum illum fama cognitum, ob res ab illo gestas videre cupiebant. Triduo de ratione belli aduersus Franciscum gerendi, quantisq; copijs opus foret, consultatum est. Quibus constitutis, inde digressus priuim ad Ciuitatem Veterem (quam Centumcellas quidam olim appellatam putant) atque inde Tuscanellam, in castra redijt. Post hæc Alphonso Caietam se recepit, dimisso à se protonotario cum pacis fœderibus obsignatis, ut ea quoq; à Legato, qui apud Priuernates constiterat, confirmarentur. Qui re quamprimùm absoluta, celeriter ad regem reuersus, ea ritè obsignata tradidit. Per id temporis Simon Guilius ac Gunifors Bergomensis bonarum artium peritia clarus, legati à Philippo ad Alphonsum proacti sunt. Hi que pro amicitia ea, qua Alphonso ac Philippo deuincti erant, regem ratum venire, uti Picenam expeditionem vel sua causa haud grauatè aggrediretur. Facere Philippo Franciscum, qui mutato animo alienas partes sequi videbatur, è Piceno summouere. Dederat ei uxorem Philippus Blancam filiam, quæ illi vnica erat: & tanquam illa haud ex vxore suscepta, at quam vnice amaret. Postquam verò eum à se alienatum cognouit, rursus inter eos graues inimicitia exorta sunt. Maxima verò ab-



alienationis eius causa putabatur : quòd Philippus Nicolaum , quem vniuersis copijs præfecerat , in magno honore habebat. Vique adeo verò illius processit indignatio , vt non ante Nicolai mortem , quamuis rogantibus amicis , Philippo reconciliari potuerit. Rex legatis respondit , se quod ad fidem suam pertinere id sciret , bellum suscepturum : & quoniam id illi quoque placere cognosceret , hoc se impensiore cura persequuturum : id modò se rogare , vt Philippus in proposito permaneret. Turpe enim postea fore inchoatam expeditionem deferere , ne id factum metu , aut minus honesta causa putaretur. Sperare se Dei Optimi Maximi ope , qui sanctissimam Christi religionem impunè violari non sinat , Romani pontificatus opes restitutum iri. Ad ea legati , hanc esse immutabilem Philippi sententiam : pergeret modò , & copias in Picenum mitteret. Quibus compositis Arnaldum Vrgelsenem Episcopum , excellentem virum , Franciscum Vrsinum , Berengarium Harilium legatos ad pontificem misit : qui ei de pace congratulantes , seque eius auctoritati summitentes suo nomine officium præstarent : ijque benignè à pontifice suscepti sunt. Post hæc protonotario ad legatum , atque inde ad pontificem reuerti iussu : qui quæ acta de pace fuerant , comprobari , atque ad se afferri curaret : in bellum Picenum toto iam animo incumbens Neapolim redijt. Cæterum quò magis suam voluntatem & studium erga Romanum pontificem testatum apud omnes faceret ( licet per pacis conditiones haudquaquam teneretur ) ipse in eam expeditionem proficisci statuit : nec per vicarium : sed per se ipsum bellum gerere : cumque vniuersis copijs in Picenum contendere. Atque ita nulla interposita mora in prata Campana , copijs omnibus celeriter coactis , primo quoque tempore per Pelignos , ac Marfos iter faciens , quinque millia passuum ab Aquila castra fecit. Erat ea vrbs armis virisque in primis pollens : præualebātque in illa ea factio , quæ Renati partes in bello sequuta fuerat. Ea Campanisca appellabatur : cuius princeps dignitate atque auctoritate erat Antonutius vir rei militaris , sed iam senior , peritissimus : atque ob id eius fides nonnullis , qui apud regem erant , suspecta habebatur. Cùmque in castris rex esset , non contemnendi quidam aduersæ factionis homines ad eum clam profecti monuerunt , ne urbem intraret : comparatam enim esse ab Antonutio magnam clientium manum : qui eum urbem ingressum obruncarent. Quæ rex tanquam vana aspernatus nihilò secius postero die , vt constituerat , nullo suspicionis signo edito ingressus urbem est. Nec quisquam omnium fuit ( siue eos regis fiducia deterruerit : siue is nuntius , ( quod quidem plures existimarunt ) vanus fuerit , qui non obedientissimè regi officium præstiterit : nullo prorsus honore erga eum ab Antonutio , illiusque factionis hominibus prætermisso. Vrbe transmissa , quina millia passuum inde castra posuit. Inter hæc protonotarius , quem ad pontificem profectum diximus , Senas ( ibi enim per id tēporis Eugenius agebat ) profectus , nonnullos Cardinales partim Italos , partim Gallos omni studio , ne pax rata haberetur , apud pontificē intercedentes reperit. Cæterum vbi protonotarium audiuit , ijs reiectis paci & ipse annuit : quæque legatus egerat , rata habuit , cōprobauitque. Postquàm regij legati ad pontificem profecti mandata exposuere : regem sese subijcere eius auctoritati pronuntiarunt. Quibus benigno responso dato , Eugenius rursus Protonotarium ad regem misit qui & pacis , & confirmati regni diplomata ad eum deferret. Quorum alterum , quo pacis & fœderis comprobatio continebatur , accepit : alterum de regni confirmatione , quòd in eo nonnulla addita erant , quæ sibi haud satis placebant , respuit , quanquam ea superiores reges pontificibus præstare mos esset. Et quoniam regi non nulla suspitio iniecta fuerat pontificis , ac Philippi conspiratione , sibi in Piceno insidias parari , cùm iam Picininus Picenum versus cum exercitu contendisset , aucta est ei nonnihil suspitio , ne non satis syncera fide Eugenius secum ageret , qui ea in eo fœdere comprehendi voluisset , quæ se haudquaquam præstiturum sciret. In primis verò Ioannes Antonius Tarentinus princeps , alijque nonnulli regni procures , quos in eam expeditionem ducebat , ne vltius progrediretur , suadebant : quæ quidem res illum nonnihil consilij incertum reddidit. Tandem omnibus circumspectis , quum sibi redditum turpem fore existimaret , ne vnum Picinum in discrimen misisse videretur , qui iam ad Bisium castra posuerat , nec par co-



pijs Francisco erat, aduersus eum (ita enim fama erat) aduentanti progrediendi consilium cepit, Ioanne Liria, claro equite cum peditibus mille ad eum præmisso, quem virum non fide tantum, morumque elegantia, verum etiam ob graua sæpe adita periculi dignitatis suæ tuendæ causa ualde diligebat. Qui cum Picinino coniunctus per magnum castris momentum accessit. Cumque rex è protonotario suspitiones in quas inciderat, falsas esse cognouisset, constituit fallax potius consilium subire, quam à suscepto semel consilio discedere. Atque ita castris motis, continuato itinere, Nursiam versus profectus est, eo consilio ut Bisium (qui locus à Picinino obsidebatur) peteret. Ibi eum Nicolaus cupide expectabat, propterea quod vulgò increbruerat, ut diximus, Franciscum eò cum omnibus copijs, ut obsessis opem ferret, propediè venturum. Nec dubitabat postquam e cum rege coniunxisset, fore, ut Franciscus consilium mutaret. Cumque ad septem milia passuum à Nursia castra posuisset, venit ad eum Picininus, qui tantisper copijs præesset, in castris relictis. Ad viginti equites magni, & clari in armis viri cum eo accessere. Aberant autem castra regia à Bisio, haud amplius sexdecim millibus passuum. Fuit illius aduentus regi perquam gratus, præsertim quod tam liberè ac paucis comitatus equitibus ad eum venisset, multumque ex ea animi fiducia, quam ille in omni sermone præferebat iam omni suspicione posita, confirmatus est. Neque enim videbatur dubitare Nicolaus, quin ubi vires in vnum contraxissent, hostibus superiores forent. Animaduerebat enim egregiam bello manum cum rege aduentasse. Florem nanque totius regni, præterea Hispanos, Siculos complures, fortes viros, in eam expeditionem rex assumserat, quod sciret sibi cum duce haudquaquam contemnendo, cumque validissimis copijs rem futuram. Postero die motis inde castris, rex vnà cum Nicolao Bisium ire perrexit. Quumque oppido appropinquaret, aduentus eius cognito, oppidani conterriti, pontifici absque certamine deditionem fecere. Eam enim deditionem sibi fieri rex non est passus, uti omnes Picentes populi agnoscerent, sese pro Ecclesiæ dignitate non pro suis commodis gerere bellum, neque vllum postea oppidum aliter dedi permisit. Cæterum quoniam locus castrorum, ob angustias tantorum exercituum minimè capax videbatur relicto ibi Nicolao ipse ad Plebem Taurinam agri Camerinatis progressus, castris pontis, Nicolaum prætolatus est: quò postridie mane Nicolaus profectus, ac per media relictis castra transgressus, ultra eum locum circiter sex millia passuum & ipse posuit castra. Eo die rex quo exercitum recrearet, ibidem substitit, posteroque die digressus Nicolaum cum omnibus copijs in armis reperit. Ibi que coniunctis exercitibus ultra eum locum nem Portam Serrauallis vocant, (angustia quædam sunt difficiles transitu) profectus iuxta ripam Clentis fluminis castra posuit. Quo in loco agnouit Franciscum haud procul à sancto Seuerino oppido abesse, & cum eo Sigismundum Malatestam, qui gener fore in auxilium, cum copijs haud contemnendis, venerat. Erant in hostium exercitu ad octo millia militum. Constituerat autem rex eo die, commeatum inopia, quorum quidem magnam vim parari oportebat, conuiuiscere. Cæterum ut accepit Franciscum vni modo diei iter à se abesse (mutato repente consilio) circiter secundam noctis vigiliam ulterius progredi cœpit, omissoque recto itinere (quod Tolentinum ferebat) ad læuam flexit: ea enim est via rectior ad sanctum Seuerinum contendenti, quò in loco Franciscum castra metatum diximus, quamuis propter locorum asperitatem, equiti aliquantulum incommodior esset. Cumque iam orta luce, rex ad collem Lutij (ita castellum vocant) peruisset, qui locus à sancto Seuerino haud multum aberat, factus est certior, Franciscum cognito eius itinere, motis properè castris Cingulū concessisse. Erat ea regio plusquam montana, et ob id Franciscus hostem maiore periculo ea loca subiturum putarat. Quod postquam in castris auditum est, maximis clamoribus milites à rege postularunt ut castellum, de quo antè diximus, quo militiam haud segnem agerent, à se oppugnari fieret. Quorum studio perspecto rex, quanquam inuitus propter castellanorum ciuitatem, idulantibus concessit. Mouit etiam nonnihil regem commeatum indigentia, quos vndique comparari, quacunque ratione, necesse erat. atque ita partito exercitu, iussit ut ab vna parte Nicolai copiarum, ab altera suæ castellum inuaderent. Quumque iam pugnari cœptum esset, Sanseuerinates, qui Franciscum, tu regis, sese Cingulum recepisse cognouerant, missis ei obuiam legatis ante-



quàm propius accederet, allatis portarum clauibus, deditionem facere constituerunt. Qui cum sese ad pedes eius supplices proiecissent, traditisque clauibus, nulla pontificis mentione facta, deditionem facerent, rex ijs longa oratione ostendit se nulla sui commodi spe, aut dominandi cupiditate, sed pro Romanæ ecclesiæ dignitate, & commode eam expeditionem suscepisse: gratam sibi accidisse, talis erga se animi significationem: ceterum æquum esse, cum pro pontifice bellum gerat, ei quoque (id quod omnino sibi constitutum sit) deditionem fieri. Cuius illi voluntate cognita, pontificis legato deditionem fecerunt, cui & claues ad se allatas rex tradi iussit. Inter hæc quum castellum diutius resistere haud posse videretur: iisdem legati suppliciter à rege petierunt, uti suos à dimicatione reuocaret, nec castellum eueri, atque proponi ad prædam pateretur: facturos haud dubiè Castellanos, quod Sanseuerinates fecissent: itemque omnes populos qui sui iuris ac ditionis essent. Quorum precibus permotus, quanquam victoria iam in manu esset, receptui cani iussit. Post hæc Cingulum versus mouit, quò Franciscum sese recepisse docuimus: tria que modo millia passuum à Castello progressus, haud procul ab amne Potentia castra posuit. Eodemque die, quo fortiori, ac fideliori opera Nicolai Picinini vteretur, simul ut omnis exercitus ad pericula subeunda paratior fieret, eum copijs omnibus præfecit, congeitis in illum maximis laudibus, nullaque re, quæ posita sit in honore verborum, prætermissa: nec quisquam è regijs fuit, qui non maxime consilium eius comprobauerit. Postridie eius diei rex motis castris Potentiam versus ire coepit. Cumque in itinere certior factus esset, Franciscum locorum opportunitate fretum statuuisse in his locis consistere, quanquam multi essent, qui huiusmodi profectum, propter viarum iniquitatem, dissuaderent, nihilominus, ut Nicolaum contrariæ sententiæ esse animaduertit (tantum illi viro in re militari tribuebat) coeptum iterum persequi instituit. Ceterum quòd diei haud multum supererat, & itinera esse diligentius exploranda videbantur, tum quòd fessos continuatis itineribus milites recreari oportebat, eo die Potentiam non est ventum. Franciscus autem, cognito eius itinere, atque consilio, cum varias suorum sententias cerneret, dispositis per oppida quæque præsidij ne cum rege dimicare cogere, è Piceno concedere constituit, missoque Firmum, quod est Picentium caput, Alexandro fratre viro forti: Ioannem Tolentinum cum sexcentis equitibus Auximum: Troilum Esim, Robertum fratris filium cum quibusdam alijs copiarum ductoribus, Roccam Contratam, (ita appellabant id oppidum) præsidij ire iussit. Quo digressio, Petrus Brunaurus vnus è copiarum eius ductoribus, quo multum vti solebat, siue regis pollicitationibus ductus, auctore Inico Ghæuara, vno è purpuratis regi percaro, cum is ad Franciscum colloquia postulantem aliquanto antè missus à rege isset, siue is aliquid grauioris iræ aduersus Franciscum concepisset (ad ostingentos is equites ducebat) mox ad regem cum copijs transit. Qua re cognita Franciscus in grauiore rursus curas incidit. Cogitabat enim, quantum sibi roboris detractum fuisset, tantum hosti accessisse. Rex autem consilij eius nescius, in consultando de ratione traducendi per montes exercitus, mittendisque in diuersa exploratoribus, ut sciret quænam itinera ad hostem expeditiora essent, eum diem consumpsit. Postridie verò itinere comperto, cum iam moturus esset, factus est certior, Franciscum cum reliquis copijs eo animo ut nusquam cum eo congrediretur, ex ijs locis discessisse. Cumque cognouisset eum iam abesse, quantum vno die itineris conficere ipse non posset, ne nequicquam in persequendo hoste tempus tereret (mutato consilio) eo die inter montem Montionem quem appellant, ac Monticulum, copias duxit. Ad cuius primum aduentum oppidani perculsi, præterea Macerateses, ac Tolentinates, quòd Franciscum copijs imparem regi norant, pontificis legato deditionem fecere, quæ Francisco renuntiata eum vehementer sollicitum habuere. Nam nec vlla præsidia, quæ per oppida distribuerat, satis firma posthac fore existimabat, nec dū satis sciebat, quam ratione tantæ exortæ subitè pestati occurreret. Quamuis enim Florentinos, ac Venetos, quorum antè bello dux populus ac gloriâ auxerat, fautores haberet, tamen in tam subito casu, ac tam aduersis suis rebus, præsertim cum adhuc bellum ijs cum Philippo esset, eorum auxilia desperabat. Instabat enim Alphonsus ac protinus cedentem urgebat, ex quo fiebat, ut sese haud satis tutum villarum murorum munimentis putaret, Populorum enim inconstantiam verebatur, quam partim rumorem regis



regiæ potentia, partim religionis metus, vt sese aliquando impia rebellionis nota liberarent, faciebat. Et Florentini quidem, & Veneti cum è Piceno summoueri ægrè ferebant, sed auxilium ferre non poterant. Nec verò existimauerant fieri posse, cum scirent quantas Franciscus copias haberet, quantaque is virtute bello gerendo esset, vt tam facile hostibus cederet, consilio modò, & spe (quod vnum in rebus tam subitis poterant) illum adiuuabant. Is igitur ad artes conuersus quandoquidem nulla alia apparebat resistendi ratio, simulandam cum Philippo censuit reconciliationem, eius consilium Venetis, ac Florentinis approbantibus. Misit igitur è suis, qui Philippo nuntiaret sese in gratiam eius redire cupere, nec amplius eius voluntati refragari decreuisse, quem sibi parentis ac Principis loco vnum esse colendum constituisset, & à quo summis beneficijs sese ornatum esse meminisset, modò is posita animi acerbitate, atque iracundia, præterita animo oblitteraret. Quæ cum audisset Philippus (is enim illum non tam omnino fractum quam debilitatum, & imminutum, quò eo liberius vteretur, velle existimabatur: fit enim natura, vt quæ optemus, ea facilius in sensus nostros irrepant) confestim misit vnum ex ijs, quorum opera vt consueuerat, si quando quempiam citra legati nomen, & dignitatem mittere volebat, qui quæ ille vellet, peteret, & percontaretur. Ad quem Franciscus longa oratione vsus (vt erat homo ad persuadendum nò natura modò, sed etià quadam arte compositus) præterita purgare ostendit, quæ egisset aduersus Philippi voluntatem, ea sibi molesta esse, et quando ea infecta fieri non possent, sese illa perpetuo obsequio emendaturum. Quæ tamen non ipsius odio, sed magis inimicorum iniurijs, & contumelijs impulsus stimulatusque effecisset. Quorum semper in id vnum studium vehemens fuisset, vt ipsius Philippi animum per calumnias à se auerterent, quibus tam facile credi, haud par fuisse: Philippum debuisset existimare neminem sibi fideliorum, aut dignitatis amplitudinisque suæ cupidiorum, quam se esse, quem sibi generum ex tam multis claris principibus delegisset, cuique post mortem tantas opes, tantum imperium esset relicturus. Miratum verò se magis fuisse, quoniam modò adduci potuisset, vt aduersus se copias mitteret, nisi eum, qui missus est (designabat autem Picinum) propter veteres inimicitias tam cupidè contra se profectum intelligeret. Hæc, atque alia huiusmodi cum dixisset, & purgasse præteritam contumaciam sibi satis visus esset, quæ à focero vellet, adiecit. Idque in primis vt à rege postularet, vt è Piceno exercitum reduceret. Scire se regem pro ea amicitia, quæ illi summa cum Philippo esset, eius voluntati facile obsecuturum. Quo nuntio pacatus Philippus, illi in gratiam recepto, postulata concessit, atque hæc clam rege omnia. Nec mora Ioannem Baldicionum ad regem misit, qui ijs de rebus eum certiorum factum oraret vt omissa expeditione, cum exercitu è Piceno discederet. Francisci incolumitatem sibi, vt generi, ac filij, curæ esse. Nec tamen, quænam essent pacis inter se conditiones, atque an ijs rex ipse nominatus esset, quicquam nunciandum curauit. Hæc regi nuntiata non nihil eum conturbauerunt: potissimum cum iam vsque adeo progressus esset, vt referre pedem, absque dignitatis ac nominis sui iactura aliqua non posse videretur. Nam cum pontifici fidem dedisset, non quieturum, donec Picentes Francisci dominatu liberatos in illius potestatem redegisset, hanc à se deferri causam honestè nò posse existimabat. nec verò deerant, qui Philippum tam facile illum in pristinam gratiam reuocasse opinarentur: quòd esset veritus, postquam rex Franciscum è Piceno summouisset, (erat enim, natura in suspensionem pronus) ne res suas, vbi aliqua dissensio exorta esset, cum vellet, perturbaret: præsertim cum ab eo, vna propè excursionem, maximam agri Piceni partem Francisco ademptam cognouisset. Quapropter coeptam expeditionem, ac magna iam ex parte confectam persequi instituit, Baldiciono edocto, cur sibi non liceret susceptam semel pro pontifice causam destituere: quam, vt toto studio persequeretur, pontificis legatus instaret. Post hæc oppidis, quæ ad Eugenij imperium redierant, præsidio firmatis, ad Cornicis saltum, haud procul à Cingulo castra fecit. Cuius consilio atque itinere comperto, Franciscus properè inde mouit, ne aut in oppido obsideretur, aut cum rege necessario decertare cogeretur. Itaque oppidani cum sese destitutos eius auxilio animaduertent, & ad obsidionem res spectare videretur: missis ad regem oratoribus, triduo post deditio-nem fecerunt. Inde ad Castrum Planum profectus, cum oppidani deditio-nem detre-



starent, ac propter opinionem resisterent, id continuo ad motus copijs cepit. Et quo cetera oppidaminus recusarent in ius ac potestatem Romani pontificis redire, oppidanorum bona legati iussu militi in prædam permisit. Dum hæc aguntur, Philippus Francisci gratia rursus ad Alphonsum literas per tabellarium in eandem sententiam misit, sed prioribus aliquantò urgentiores: orans, atque obsecrans ut omittis Piceni rebus, exercitum in regnum reduceret. Erant autem conscriptæ eæ literæ apud Franciscum, ab eo quem Philippus ad se miserat, quibus verbis Franciscus ipse dictauerat: Cumque his literis alteras idem tabellarius attulit à Simone Guilino, qui pro Philippo foedus apud Terracinam renouarat: in quibus scriptum erat, reminisci Alphonsum debere foederis ipsius legibus contineri, simulatque is intellexisset Philippo placere, esse exercitum in regnum reducturum. Quibus rebus Alphonsus grauiter commotus, præsertim cum ea expeditio Philippi potissimum hortatu à se suscepta esset: nec vera essent, quæ Guilinus scripserat: mittere quempiam è suis ad Philippum constituit, qui cum illo his de rebus exposculetur. Itaque vocatum ad se Matthæum Maleferitum virum, & iuris scientia, & consilio clarum, cuius erga se fidem, ac diligentiam antea alijs in legationibus expertus fuerat, ad iter comparari iussit, atque quò tutiore, & commodiore via proficisceretur: expectandū illi ait Sigismundum Malatestam, qui ad se quàmprimum venturus esset, per eius agrum breuius iter fore. Erat quidem Sigismundus ex nobili Malatestarum genere: ex quo multi illustres viri belli & pacis artibus orti sunt. Hic eum sua ipsius gratia, cum Francisci, cuius gener erat, fauore sublatus inter copiarum duces clarus habebatur. Qui cum furentis procellæ venientem in se impetum sustinere se posse diffideret, regis amicitiam à se expeti simulauit: eam vnam rerum suarum salutem arbitratus: & quò tutò iret, fidem à rege petierat, impetraueratque. Cæterum cum per exploratores certior factus esset, regem procul à se iter facere instituisse, eius ad eundem consilium immutauit. Quem frustra expectatum, ut rex ad se non ire animaduertit: ratus (id quod erat) illum aliquid noui consilij cepisse, cum ab eo iter iam desistere cœpisset: haud amplius differendum ratus, Matthæum ad Philippum abire iussit, & vnà cum eo Ioannem Nucceum: quod is rerum in Insucribus, vnde erat oriundus, ac præterea Philippi morum peritus putabatur. Qui statim Vrbinum versus arrepto itinere, per Piceni montana in Flaminiam primū, atque inde in Insucrias profecti, Mediolanum peruenerunt. Quorum aduentu cognito Philippus qui eos in urbem deducerent, summos viros obuiam misit: atque ijs diuersorium & lautia data. Eo die ad Philippum salutandi gratia in arcem ierunt: à quo benignè, comiterque excepti sunt. Hinc facta modò salutatione, constituit Philippus tres viros, quibus cum agerent, quæ agenda essent: hi fuere Vgutio Contrarius, Nicolaus Guerrierius, ac Franciscus Castillioneus: quibus constitutis rebus domum reducti sunt. Postridie eius diei, tres viri à Philippo his audiendis delegati ad eos venerunt, quidnam à rege pertulissent cognituri. Ad quos Matthæus post primos congressus silentio facto, hunc in modum locutus est: Miratur vehementer Alphonsus rex cum Picenam expeditionem, Philippi potissimum hortatu, atque impulsu aduersus Franciscum Sfortiam susceperit: ac Picenum ingressus, intra paucos dies multa illi oppida ademerit, atque in extremos iam Piceni fines compulerit, venisse ad se à Philippo Ioannem Baldicionem cum mandatis in quibus erat se Franciscum Sfortiam omni posita contentione, in pristinam gratiam recepisse: ac proinde magnopere orare, uti ea omissa expeditione, illum oppugnare absistat, id sibi per gratum fore, quandoquidem illi fidem dederit, sese cum tanta belli mole leuaturum: in eoque Philippum hoc se faciliorem præbuisse, quod nisi Franciscum tantis rerum angustijs obluentem, sibi reconciliari passus esset, eius amicitia, atque operam in omne tempus perdidisset: quoniam is se perpetuo foedere Florentinis, ac Venetis iuncturus esset, ne fortunis omnibus euerteretur. Ad hæc venisse paucis post diebus tabellariū quendam cū binis ad se literis, alteris à Simone Guilino scriptis, eodē propè argumento, nisi quod hæc aliquantò duriores videbantur, quas quidem literas regi constaret, apud Franciscum, quibus ei placuerat verbis, per Philippi scribam fuisse conscriptas. Guilini autem literas paulo insolentiores iudicatas esse, quibus regem monebat, uti eorum reminisceretur, quæ apud Terracinā foedere comprehensa essent: nō debere igitur eū fugere, se promississe, simulac Philippo libuisset,



et, se ab ea expeditione discessurum: ac proin vellet id foedus ratum esse. Hæc autem atque alia eiusmodi sunt, inquit, quæ regem in summam admirationem adduxerunt. Primum verò omnium quòd Philippus tam facillè sibi persuaderi passus sit, Franciscum syncera secum fide in gratiam redire, quandoquidem per Petrum Brunaurum exploratum habet, qui omnium Francisci consiliorum est conscius, eam reconciliationem Venetorum ac Florentinorum consilio à Francisco confectam esse, quod brevi rei exitus est indicaturus. Quæ quidem omnia rex ipse ex Troilo altero è copiarum Francisci ductoribus, qui hæc ad illum scripsit, vera esse comperit. Miratur autem rex haud minus quòd de conditionibus renouati cum Francisco foederis nihil à se cognosci voluerit, præsertim ijs de rebus, quæ pontificis, & sua quoque interfint, cum adhuc nonnulla oppida Franciscus in Neapolitano regno occupata detineat. Nam in ipso foedere disertè comprehensum est, si quando Philippo, mutata sententia, placuisset, regem à suscepta expeditione abstinere, præstare Philippum debere, ut Franciscus ex omnibus primùm regni oppidis præsidia educat, quod quidem à Philippo perinde neglectum est, ac si nihil omnino ad regem pertineat quicquam de Francisco cognoscere. Quibus profectò de rebus grauius questurus fuisset, si cum alio illi quàm cum Philippo res esset, quicum statuit sibi firmam, atque incorruptam amicitiam futuram. Quod autem ad causæ honestatem pertinet, considerandum Philippo etiam atque etiam est, cum id bellum rex pontificis maximi iussu cuius Neapolitani regni iura sunt, eoque ipso maximè & autore, & impulsore suscepit gesseritque, non licere regi ab armis discedere, ne iusta de se querimoniæ causa pontifici exhibeatur. Præterea (quod ad dignitatem suam attinere rex putat) multò sibi turpius existimaret, si repente medijs gerendis rebus, præsertim in tam prospero victoriæ cursu, quàm si nondum inchoata expeditione, hoste tantùm irritato, exercitum reduceret. Iam enim nequid ignoretur, in pontificis potestatem supra quinque & viginti oppida, præter castella plurima, redegit operatque breui fore, ut eiectis Francisci præsidijs, reliquum Picenum in pontificis potestatem vindicet. Quod ut perficiat quotidie à pontifice per literas, ac nuntios rogatur. Nec verò rex inficiatur, respondisse se Simoni Guilino reditum se inde exercitum, simul ac certior factus esset, Franciscum cum Philippo in gratiam redisse. Sed ea lege ubi pontifici primùm satisfactum esset, ac sibi Ciuitella, Theanum ac reliqua regni oppida restituerentur. Quòd si Philippus rerum suarum securitatem respiciat, certè illi opprandum est, Francisco Picenum adimi, ut eo tot oppidis priuato, faciliore uti possit, quem tantæ opes aduersus eum contumaciorem fecerunt. Tandem verò si Philippus in eo persistit, ut velit regem ab armis discedere, perficiat ipse (quod illius fides postulat) ut absque pontificis querela sibi facere id liceat, hoc certè præstare Philippus debet, cuius voluntati obtemperare, ob accepta ab illo beneficia, rex in primis cupit. Cum hæc dixisset, nullo ei responso dato, hæc se ad Philippum allaturos, ac de illius sententia responsuros, dixerunt. Hæc multo post Philippus ijs in arcem vocatis magis mirari se ait, quòd Alphonsus (ut taceret de pontifice maximo, qui maiore eo in terris esset, ut nihil de Nicolao Picinino diceret, quem virum probum, & sibi fidelem cognouisset) aliorum quorundam impulsu non esset ei in re Francisci obsecutus, quodque alijs magis, quàm sibi credere de ipsius animo, ac voluntate perseverasset, ijs præcipuè, qui ubi vltus postularet, pro regno eius tutando, quantum ipse paratus esset, effundere non sustinerent: debuisset certè Alphonsus plus sibi in ea re fidei habere, quàm cæteris omnibus, qui illum sibi in generum, filiumque adoptasset. Se quidem, si casus conigisset, ei facillè obsequuturum in eiusmodi re fuisse. Satis sibi constare Franciscum syncero animo eam reconciliationem quæsisse: ac proin illum à se in pristinam benouolentiã receptum esse: Cupereque admodum præstare posse (quod quidem pepigisset) uti à rege illius vexandi finis fieret: hoc vno, quod apud regem posset, sese iudicaturum. Post hæc ad Matthæum conuersus, Te, inquit, Matthæe apello, qui reginatione es propior, et multis annis) quātū ex sermone tuo iudicare possū) in Italia versatus es. Nō es, ut opinor, nescius et quā ego Francisco, et quātū mihi is debet sed doleo me toties, ac tā multis precibus frustra regem cōtendisse, uti à suscepta expeditione abstineret: præsertim cū sciat quā eius amplius mihi, gloriæque faueat. Ad hæc Matthæus, haud dubiū se Philippus etiā arbitrari Alphonsi



sum nō minus sua ipsius, quā pontificis voluntate aduersus Franciscum bellum suscepisse: quōd illum contumaciorem in se factum & cum hostibus suis consentientem videret: quōd Veneto bello, præsertim postquā is à se digressus Picenum occupasset manifestò apparuisset. Neque enim tam faciliè regem in Picenum profecturum fuisse quō exercitum à se mitti satis erat, nisi eum Philippus tantopere rogasset, quo etiam grauius regē tulisse, tanta à se cura Philippū postulasse vti omīssa expeditione in regnū exercitū reduceret: præsertim cū sibi per Petrum Brunaurū, ac Troilum constaret, eam reconciliationem simulatam esse: ideo, vt tantam à se vim tempestatis auerteret, quā aliter in re tam subita declinare non posset. idque omne Venetorum, sociorumque consilio factum esse, breui palam fore: quādoquidem ab ijs ad Franciscum auxilia sub finiti stipendij specie (ita enim fama erat) propediem ventura essent. Nec verò Venetos id facturos fuisse, nisi hæc ficta reconciliatio de eorum consensu facta esset. Cui enim verisimile videri, si inimico animo in Franciscum essent, eos illi opem laturos. Plura dicere volentem Philippus interruptit. Subsecutum inde silentium, dataque venia, oratores oratores domum reducti sunt. aliquot postea diebus de eadem re actum: cū tamen in eo Philippus perstaret, vt vellet regem ab armis discedere. Qua propter legati vt videre tempus ibi nequicquā teri, abeundi consilium ceperunt. Quibus facta discedendi potestate, Philippus regi renunciari iussit, se illū sibi patris loco constituisse, proin in quibus vellet sua opera liberè vteretur. Ad hæc si quā ipsi proficiscētes audirēt, quæ eorū animos offenderent, bono ea consilio à se facta esse. Quæ tunc haud satis intellecta, mox de pace, quam cum Venetis ac socijs clam rege fecerat, dicta esse cognouerūt. Nam quod die ipsi Florentia egressi sunt regnum repetētes, siue id fortuna ceciderit, siue dedita opera à Florentinis factum sit, ijs audientibus Florentiæ promulgata est. Inter hæc rex Esi cum exercitu ire perrexit, cui oppido copiarum ducem, quem antè nominauimus, Franciscus præfecerat. huic etenim viro maximè fidebat. Nā præterquā quōd sub eo multos annos in equitatu primos ordines duxerat, sororem ei vxorem dederat opinione ad ductus quam de illius viri virtute haud mediocrem conceperat. Sed erat is quidem præferoci (qua quidem re multos sibi infensos fecerat) ingenio. Hic (quæcunque tandem ea causa fuerit) siue quōd & Francisco quoque propter acerbitatem morum se inuisum sciret, siue quōd maiora præmia à rege speraret, siue quōd simulato transfugio aliquid noui cogitaret, quo Francisci res afflictas, ac perditas restitueret, aliquanto antè pepigerat per Inicum Gheuarā eis qui clam ad se missi fuerant, tradita vrbe, ipse ad regē transiret. Itaque Esi petenti regi obuiam profectus, haud cunctanter urbem tradidit. Fuit eius transitio Alphonso perquam grata, quoniam præter receptam urbem tam validam intelligebat hostem magna virium parte per eius viri discessum nudatum esse, qui & magnas copias in exercitu eius ducere, & magnæ existimationis & nominis haberetur, tū propter rei militaris scientiam tū, propter eam, quæ illi cum Francisco erat, affinitatem. Cogitabat duos præstantes ductores, quorum vtriusque consilio, atque opera forti, in prælijs vtī consueuerat, & in quibus bonam spei partem reposuerat, vno prope tempore illi ereptos esse, quibus auxilijs destitutus nec æquo campo dimicare, nec reliqua oppida satis tueri se posse confideret, præsertim cū ab ijs elusus, quibus maximè fidebat, cæteris ductoribus parum fidei esset habiturus. Rex inde recepta Esi, ac legato tradita, continuato itinere aduersus Franciscum rectā ducendum censebat. Nec prius consistendum, quā illum è toto Piceno pepulisset. Cæterum Nicolaus spe sibi allata Rocca Contrata potiundi, vt consilium immutaret, effecit, docens, in eius vrbs præsidio, esse qui sibi clandestinum aditum polliceretur. Qua spe adductus Rex cum exercitu eō profectus, castra vrbi quā maximè potuit, admouit. Quæ quidem res satis causæ fuit, ne Sigismundus Malatesta ad eum accesserit, arbitratus sibi satis temporis dari ad munienda oppida, dum Rex in eius vrbs obsessione occupatus foret, quōd eam situ atque mœnibus, validoque insuper præsidio munitam, obsidionem diu laturam non dubitabat. Alphonsus ea vrbe obsessa, tentauit sapius (derivationibus pluribus locis factis) si quā posset aquæ vsum, quæ proxima vrbi erat, oppidanis auferre, quo eos aquandi cōmoditate sublata, ad deditiōis faciendæ necessitatem arctius compelleret. Erant in eo oppido complures equites, quorum dux erat



erat Robertus Nequus, è sancti Seuerini proceribus, qui cum equitatu, atque oppidanis, hostibus sese obijciēs, omnes eorum conatus frustrabatur. adhibita intus diligentia nequi noui motus concitarentur. Itaque ea res sapius attentata, cum nō succederet, motis inde castris Barbaram (id ei loco est nomen) atque inde ad Metaurum amnem supra Fortunæ Fanum quò se Franciscus cum reliquo equitatu receperat, cotinuato itinere copias duxit. Quod postquam Franciscus animauertit, suos intra urbem continuit. Leuia tamen prælia quotidie mittebantur, quibus sapius Francisci equitatus intra mœnia repulsus est. Per eos dies Ioannes Balbus ac Petrus Cotta legati à Philippo ad Alphonsum profecti sunt, quo tempore regij legati quos suprâ memorauimus, Mediolanum petebant. Hique eadem, quæ priores à Philippo regem oratum venerant. Etenim tam crebræ literæ à Francisco ad Philippum mittebantur, vt semper in itinere nuncios ad regem Philippum habere necesse esset. His igitur respondit, missos à se ad Philippum qui illum de toto animo, atque consilio suo certiore facerent, ex ijs satis cogniturum Philippum, quæ vellet, quæque sua sententia esset. Post hæc paucis rerum summâ, quas legati ad Philippum pertulissent, edocuit. Fortè autem cum apud Alphonsum essent, tubicen quidam à Francisco in castra regia profectus est, impetrataque à rege pro eius ordinis more atque instituto liberius loquendi licentia multa nefaria in Nicolaum præsentem ipsius Francisci nomine probra congeffit, proditorem, ac perfidum appellans, ac proin regem admonens, ne quid illi fidem haberet, nihilo fideliorum eum sibi, quàm cætreis principibus, quorum exercitus dux erat, quàmque ipsi Francisco, fore, cui fidem dedisset, quo tempore apud Martinengum pax facta est, communi consilio aduersus regem bellum suscepturum. Nec verò illum ausurum fuisse suis modò armis, suisque copijs in Picenum, sed regis viribus confisum, descendere. Postremò cum ad certamen Francisci verbis prouocauit, in quo & duces pariter & milites de gloria, ac dignitate certarent. Apparituram quidem vno prælio eorum simul, & militum virtutē, eundemque diem eternam aut gloriam, aut ignominiam eorum alteri allaturum. Cum hæc dixisset, Nicolaus iam inde ab initio orationis suæ commotus, multis haud lenioribus conuiitijs in Franciscum absentem coniecit, fidem suam exemplis multis cōprobans, atque illum perfidiæ arguens, respondit, Sibi pergrauē esse, quòd non esset ea valetudine, qua ante acceptum in ceruice vulnus extitisset, Ostensurum se fuisse singulari certamine, vter eorum proditoris infamia notandus esset. Sed quando fortuna hanc sibi facultatem debilitato iam corpore abstulisset, oblatam conditionē lato se animo, cum bona regis venia, accipere: posteroque die cum omnibus copijs, sub ipsam urbem Fanum, patenti campo processurum. Quod cum à se postulare Nicolaum decoris tuendi causa rex animaduerneret, vtriusque partis securitati sese consulturum recepit. Quibus constitutis, nuncius in urbem reversus, quæ egisset, quæ vè esset Picinini mens, Francisco renunciauit. Quæ cum audisset lætitiā vultu prætendens, parari suos ad tantæ gloriæ certamen in posterum diem iussit. At in regijs castris ingens clamor, atque alacritas animorum fuit. eaque quæ vna intercedebat nox, alijs pugnandi, alijs spectandi desiderio affectis, nunquam finem habere videbatur. Adeo omnes duorum præstantissimorum totius Italiæ ducum, duorumque exercituum ac fortissimorum totius Italiæ equitum pugnam spectare cupiebant. Atque nimis iam sibi representabant pulcherrimū illud spectaculum, in quo de gloria ac præstantia rei militaris ageretur: vter vè melior dux esset, quod diu antea dubium fuerat, eū diem testaturū. Postridie Nicolaus hora constituta, in campum cum suis processit. Rex verò procul inde ad mille passus cum exercitu cōsedit: liberū vti cōuenerat, vtrique parati campum præstaturus. Mansit in armis Picininus vltra horam tempusque præstitutū, Francisci cum suis egressum præstolatus. Cæterum id frustra fuit. Nanque Franciscus (quæ tandem illum ratio aut causa mouerit, siue partam gloriam iu discrimen, de qua eo die laud dubiè iactabatur alea, adducere dubitarit, siue quid aliud pertimuerit) intra urbem non continuit. Quo viso Nicolaus tanquam victor mœnibus insultans, vsque ad pertas occurrit, hostem voce compellans, increpitans, in eumque conuitia iactans. Cumque nemo obuiam exiret, exultantibus atque triumphantibus suis in castra se recepit. Post hæc Alphonsum quum in his locis tempus nequicquam teri cerneret, nec propter naturalem situm obsideri eam urbem posse, quoniam mari allueretur, qua commea-



tus commodè importari possent: & Francisci præsentia eam obsidionem laboriosiore faceret: dimissis à se legatis retro ducere exercitum instituit: diuisisque copijs Nicolaus Montem Aureum, ipse montem Arbotum (ita appellantur ea oppida) contendit. Ex quo quidem contigit, Franciscum inter duo hostium castra medium esse. Rex deinde continuato itinere, Esim, atque inde Auximum, quæ oppida in pontificis ditionem sua voluntate redierant, atque inde Firmum duxit. Cunque iam ad alteram oppidi partem quæ ad portam vergit, castrametaretur, Alexander Francisci frater, vir acer, qui eius urbis, ut ostendimus, custodiæ præerat, subita eruptione facta (habebat enim ad sexcentos equites) postremum agnien, quod Ioannes Vintimilius ducebat, à tergo aggressus terrorem intulit. Quod ubi rex per clamores à tergo exauditos agnouit, rapta cōfestim signa in hostem conuertit, castrorum opere intermisso: hostesque iam pugna implicitos faciliè in fugam versos, intra urbem repulit. Insigne prælium ante portam fuit: rgeij superiores, antemurali, quod pro vallo stabat, vi capto, usque ad portam pugnando progressi sunt. inde ad munienda castra continuè reditum. Erat ea urbs magna atque opulenta, totius Piceni longè munitissima. in ea eminebat rupes quædam tantæ altitudinis ut ex ea perinde atque è specula quadam excelsa, omnis propè Piceni ger despectaretur. in eius rupis cacumine planities modica inerat: quæ muro cincta crebris turribus interpositis arcem inexpugnabilem fecerat. Eam verò arcem quod in orbis propè formam, natura circumcisa rupes fuerat, Gironem vulgò appellabant. Quam qui tenebat, vniuersam Picentiam tumultu ac terrore quatiebat. Itaque Alphonsus prospecto urbis situ, quam quidè nō ut obsideret eò venerat, sed ut experiretur, an suo aduētū motus aliqui in urbe fierēt: cum nōnullos ciues esse accepisset, qui pulso Francisci præsidio Romano pontifici dedi cuperēt, paucis post diebus motis inde castris ad Turrim Palmarum composito agmine profectus est, eo videlicet consilio ut tentata prius Asculo urbe exercitum in regnum hybenandi gratia reduceret. Quo ego tempore à Genuensibus missus, quibus cum rege tum bellum erat, ut de inducijs agerem, pridie quàm moueret, ad quoddam castellum, haud procul à Firmo perueni. Cumque postridie manè ad eum iturus essem, ex statiuorum incendijs castra inde mota agnouī. subsecutusque confestim citatis equis, non sine discrimine, propter hostes, quibus mos digredintium à tergo agmen insequi, haud prius affecutus sum quàm Marranum, quo in loco castra fecerat, peruenit. Et quoniam nox iam suberat (nunciato ei tantūmodo per Lupum Vireum, qui tum castrorum præfetus, omnibus purpuratis longè præstabat aduentu meo) nihil propterea eo die egi. Eodem verò die pauloante quàm in castra peruenissem, Petrus Brumaurus, ac Troilus, de quibus supra mentionē fecimus, de prodicione suspecti comprehensi sunt, armis & equis, atque omni rerum supellectile direpta. Nec ita temperari militum furor potuit, propter rei atrocitatem, quin & omnis eorum equitatus eandem subierit calamitatem. Quod tamen iniussu regis effectum est. Suspicionem de his præter cætera, fecerat epistola quædam à Francisco, ut videbatur, scripta & cum nuncio intercepta: quæ rogabatur, ut cogitata maturaret, nec amplius differrent. Quos postea Neapolim perductos, in Hispaniam missos rex in arce Satabiæ urbis Valentini agri, custodiri imperauit. Postridie cum rex inde mouisset, in itinere eum salutavi, literasque ad eum scriptas tradidi. Quibus lectis cognita aduentus mei causa, se se castris positus quæ attulissem auditurum inquit. Cæterum eo die nihil ea de re, quoniam serò castra posita essent, agi potuit. Postridie eo iter pesequente ventum est Asculum urbē in Picentibus validam, situque nobilem, quam ab altera parte mons sublimis, in quo sita est arx, ab altera Truentus amnis ripis præaltis munit. Urbs ipsa plano ac patenti campo posita atque ædificijs perfrequens. Eius oppidi aliquot ciues, patria per seditionem pulsi, cū ad Alphonsum profecti essent, eique spem fecissent intestinorum motuum ubi cum exercitu appropinquaret propter clientelas quas in urbe haberent, ne tantæ occasionī deesset, magno præsidio Franciscum nudatum iri arbitratus, si ei tanta urbs tamque opportunè in ipso Piceni agri introitu sita adimeretur, facilioresque fore postea pontifici aduersus Franciscū belli reliquias eò confestim duxit, ac sub urbem ad mille passus castra fecit. Erat ei urbi præsidio Ioānes Francisci frater cum valida equitum peditumque manu ipseque impiger. Qui ubi regem aduentasse conspiciatus est, defensoribus per mētia, tur-



resque dispositis, ipse per urbem, ne qui clandestini ciuium conuentus fieri possent, ar-  
 natorum caterua constipatus, incessanter ibat. Rex verò vt primùm castra posita sunt,  
 vt urbis situm propius specularetur, trans fluuen, qua arx sita erat, cum paucis equitibus  
 nullo obsistente se contulit. Inde reuersus in castra reliquum diei ac noctis tempus, quie-  
 re dedit. Postridie quæ vellem, dicendi, sine arbitris potestate facta, hunc in modum ver-  
 ba feci: Si rectè animaduertes rex, quæ Genuensibus amicitia cum Neapolitanis regi-  
 bus, multis iam ab hinc seculis fuerit, profectò bellum hoc, quod tecum gessimus, non  
 odio, aut inuidia, sed officio, & quodam amicitia iure susceptum à nobis ac gestum esse  
 iudicabis. Neque enim absque ingratitude, atque impietatis nota, eos reges, quorum  
 regnum mercatoribus nostris æquè, ac Neapolitanis ciuibus semper paruit, ex quo fru-  
 mentum, atque omne genus commeatuum exportare nobis integrum fuit (vt illud ciui-  
 atis nostræ horreum rectè à nobis appellari possit) in quorum denique ciuitatibus res,  
 fortunasque ciuium nostrorum implicatas cum eorum ditionis hominibus habemus,  
 bello oppressos atque à nobis auxilium postulantes deferere potuissimus. Neque enim  
 quicquam ad nos pertinere videbatur ea disceptatio, videlicet vtri vestrum regnum  
 ipsum iure deberetur. contendentibus vobis de principatu ad humanitatem, & officium  
 nostrum pertinere duximus ei opitulari, quem & Neapolim regni caput tenentè, & Ne-  
 apolitanorum vocatu in regnum profectum sciremus. Nec verò id alia ratione à nobis  
 factum existimare debes, qui non ignoras quo semper cultu quaque obseruantia Hi-  
 spanos reges, vnde genus ducis, profecti fuerimus. Postquam autem Renatus tibi vi-  
 ctori cessit, satisfactum officio, & amicitia arbitrati, nihil vltra aduersus te conati sumus.  
 Quin potius amicitiam tuam quemadmodum priorum Neapolitanorum regum, nobis  
 vtrò expetendam putauimus, certandumque posthac non armis, sed beneficijs, non o-  
 dio, sed amore & sedulitate statuimus. Nec verò tibi Genuensium amicitia, vt opinor,  
 aspernanda est. quippe ijs amicis, nulla in Italia reliqua gens fuerit, cuius ope, inimici  
 tui regnum tuum labefactare possint. habes posthac regnum ipsum quietum, ac stabile  
 idque longo iam quassatum bello, liberis aduenarum commercijs, breui in pristinam  
 fortunam haud dubè redactum videbis, quod vnum profectò rex omnium à te maximè  
 optari debet, si quid te gloriæ amor tangit, cuius ab ineunte ætate cupidissimus iudicatus  
 es. Ea enim vera, stabilisque principum, ac regum gloria est, ciuium, ac populorum  
 quieti, ac vtilitati consulere, vt quas calamitates bello acceperunt, refarcire per pacem  
 queant. Hanc ipsam quoque pacem Philippo Mediolanensium principi, haud mole-  
 tam fore (quo respicere videbaris) ex literis eius satis nosse potuisti. Fuere verò, qui  
 Genuæ renuntiarint, te quoque à pacis consilijs non adhorrere. Quod quia facilè cre-  
 ditum est, Legatos scito iam designatos esse, qui Neapolim ad te de pace acturi profici-  
 cantur. Ego verò ideo ad te præmissus sum, vt inducias in aliquod tempus petam, quò  
 interim suspensis armis, liberiore iam animo, pax ipsa (postquam legati aduentarint) tra-  
 ctari possit. in idque fidem publicam obstringam, vbi inducias concesseris. Ad hæc Rex  
 Non sum vsque adeò gloriæ audius, vt non multo pacis, & publicæ tranquillitatis aui-  
 lior sim. Neque verò aut naturæ, aut consuetudinis nostræ est, petentibus pacem nega-  
 re. idque semper inhumanum, atque impium duxi. Quis enim tam demens est, qui si pos-  
 sit pace frui, malit bello contendere? Equidem bellum hoc non bellandi gratia, sed vt  
 regno potitus, bello finem imponerem, suscepì gessi que. Nec me præterit, quanta sem-  
 per amicitia Genuensibus cum maioribus nostris extiterit, ob eamque causam in amici-  
 tia perseverare potius quàm bellum gerere semper optaui. Verùm enim uerò ita tulerunt  
 que fata quædam, siue tempora, vt consilia mutare necesse fuerit. Philippo, aduersus  
 cuius voluntatem in ea re nihil agerem, pacem ipsam probari gaudeo. Legatos de pace,  
 vbi venerint, libens audiam. nec per me stabit, quominus pax cõponatur, si quæ æquum  
 erit præstare Genuenses non grauentur, de inducijs autem (quando quidem per eas pa-  
 cem quietius tractari posse intelligo) quominus per te agatur, non recuso. Ab eo ser-  
 mone digressus, cum ijs quos ipse delegit, de induciarum conditionibus agere cœpi.  
 si fuere Lupus Ximenes, Baptista Platamonius, ac Ioannes Alzina. longa mihi cum  
 is disceptatio, & controuersia extitit. Quinam ipsis inducijs comprehendendi essent,  
 cum ij pro rege vellent & alios Genuenses comprehendendi, qui ab Adurnijs per id



tempus Genuensem remp. gubernantibus, vrbe pulsi, ad amicitiam regis confugerant. Denique cum viderem inducias aliter claudi non posse, nisi ijs comprehensis, nec mihi id ipsum facere liceret, petita à rege discedendi venia, biduo tamen post in castris permansi. Nam propter Asculanos milites, qui passim populabundi vagabantur, non poteram absque periculo inde euadere. Obseruabat autem rex, an aliqui motus à propinquis proscriptorum concitarentur, vti ab initio sperauerat. Cumque neminem praesidij metu, arma sumere audere animaduerneret, ipse flumen cum exercitu transgressus suae fidei & Pontifici satisfactum arbitratus, cum Franciscum hostem è Piceno summo- uisset, instanti iam bruma, Adriam profectus est. Priusquam Asculo discederet, Theramitani, qui ad eam diem in Francisci fide permanserant, potentiam regis veriti, ad eum misere, qui urbem, praeter arcem, in sua potestate esse, ac paratos deditionem face- re, significarent. quos benigne susceptos, & collaudatos domum remisit, missis interim qui vrbi praesidio futuri essent. Post hæc Ioannem Antonium Ursinum Taliacotium, Pau- lum Sangrum, Iacobum Monthagatham, cum nonnullis alijs copiarum ductoribus (ad duo millia equitum erant) ad Nicolaum, quem apud Montem Aureum cum exercitu constitisse diximus, proficisci iussit: qui quæ pontifici oppida receperat, vnà cum illo tuerentur: & qui restabant in Francisci fide populis bellum inferrent. Cum autem essent in itinere, audierunt Nicolaum, plerique suorum captis, ab hoste fuscum, fugatumque esse. Nanque Nicolaus cum sensisset Franciscum aduersus se cum copijs, quas raptim post discessum regis contraxerat, aduentare, aliquot cohortes è suis per aduersum mon- tem circummiserat, quæ pugnae implicitum à tergo adorirentur: ratus (id quod rei mili- taris ratio postulabat) illum in medio circumuentum euadere non posse. Cæterum & qui missi fuerant tardius iter fecerant: & ijs qui in castris remanserant, tanta celeritate, atque impetu superuenit hostis, vt ad induenda arma spatium vix fuerit. Pauci, qui praesidij causa in armis erant, eorum impetum exceperunt. Quod cum Nicolaus animaduerneret, pro tempore exhortari milites cepit: vti correptis armis, hosti obuiam prodirent: nec tantam sibi contumeliam in castris inferri paterentur. Cæterum & subitus ho- stis aduentus, & eorum absentia, quos circummissos diximus, quorum nullus appare- bat, nullus sentiebatur clamor, tantum ijs terroris incussit, vt magis de fuga, quam de pugna cogitantes pudori salutem anteponerent. Cuius, in quo castra posita erant, & oppidum proximum dissipatos fuga seruauit. Nicolaus quoque cum rem desperatam, ac profligatam cerneret, tentatis omnibus, quæ ad bello clarum ducem præstare æquum erat, saluti & ipse consuluit. Hi verò, quos à tergo missos diximus, cum per explorato- res, quos præmiserant, acceperant, suos iam fuscos & in fugam verfos, nec iam prælium instaurari posse: antequam in hostis conspectum venissent, quæ venerant, ad Nicolaum re- uerterunt. Non destiterunt tamen, qui à rege mittebantur: coeptumque iter persecuti, sese cum Nicolao coniunxerunt. Quibus copijs auctus, qui adhuc Francisco parebant, populos vexare rursus cepit. Dum hæc in Piceno aguntur, rex Adriam, atque inde ad Ciuitatem Apenninam profectus, Theramitanæ arcis cura non abiecta, Raimundum Bu- illum præstantem virum, cum ijs, quibus præerat copijs, ad eam arcem obsidendam ire iussit. Cæterisque copijs in hyberna, in loca circumiecta dimissis, ipse Neapolim redijt. Raimundus Theramum, vti iussus erat, profectus, atque ab oppidanis in urbem haud cunctanter receptus, ante omnia, quò omnem auxilij spem obsessis adimeret, arcem ipsam circumuallauit, non ab interiori modò, verum ab exteriori quoque vrbs parte haud modicæ latitudinis fossa perducta, praesidiaque circa eam, vbicunque opus esse vi- debatur, disposuit, quæ neque egredi quenquam, ingrediue, neque vllum commeatu- um genus inferri paterentur, tentatis interim frustra cæteris artibus, si quæ expugnari ip- sa arx posset. Sed erat & naturali situ, & opere permunita, atque ideo nec vi, nec operi- bus expugnabilis. Per hunc modum supra duos menses circumfessi, ad extremum cogen- te famis metu, cum auxilium desperarent, quòd à se tam diu nequicquam expectatum viderant, Raimundo arcem dederunt, salutem suam, ac fortunarum pacti. Qua rece- pta, praesidioque valido firmata, Raimundus Adriam copias reduxit, atque ibi hyemis reliquum quieuit. Vt autem ad rem Genuensem redeam: rege Truentum amnem trans- gressò, per Apennini iuga, quæ iter est Nursiam, primò in Heturiam, atque inde Ge- nuam



nuam peruasi, prius Raphaële Adurnio, qui tum princeps Genuensem remp. obtinebat, ijs de rebus, quas egeram, literis certiore facto. Quibus ille cognitis Ioannem Federicum, qui se regis amicum profitebatur (quanquam multis amicorum dissuadentibus) Neapolim confestim ad regem misit. Cui cum mandata exposuisset, ei uti legatos Genuam mitteret, persuasit. Satisfacturos ei reliqua Genuenses maximè Raphaëlis ducis opera, qui pacem amicitiamque eius vehementer expeteret. In id à rege delecti Carafellus Caraffa, ac Ioannes Tudiscus cum mandatis Genuam profecti sunt. Cumque de pace agere cœpissent, atque in id potissimum instarent, ut regis dignitati atque honori in primis consuleretur, multa proposuerunt, & illud ante omnia, ut Genuenses in eius turris fastigio, quæ prætoriarum domui cohærebat, signa regia, uti antea, diebus festis tollerent. Quod cum non reciperetur à Genuensibus, cogitandam aliam quampiam regis placandi rationem duxerunt. Quod cum Neapoli, ubi rex esset melius fieri posse visum esset, Baptista Goanus Iurisconsultus, ac Baptista Lomelinus vir integritatis ac prudentiæ laude clarus, legati ad regem iam multò ante designati, ut diximus, vnà cum regijs legatis longis nauibus inuecti, prospera nauigatione Puteolos peruenerunt. Quibus ipse comes datus sum ut essem, qui pro rep. nostra, quæ de pace essent conficienda literis proderem. Erat tum fortè rex haud procul venandi studio profectus, qui ut audiuit legatos aduentasse, latus eo nuntio, manere eos Puteolis iussit, donec Neapolim reuerteretur, præmissis interim, qui illis domum & lautia præpararent. Quæ postquam parata esse cognouit (ipse enim alia via præierat) Legati Neapolim accersiti sunt, profectique in arcem regiam comiter, ac benignè à rege suscepti sunt, eoque duntaxat salutato, ac magnificis verbis ornato, nihil aliud eo die egerunt. Post de pace agi cœptum, in quo aliquandiu de conditionibus disceptatum est in eo maximè, quod ad refarciendum regium decus pertinebat, contentio vehemens. multa siquidem in id à rege postulata sunt. Quæ cum legati recusarent, pax haudquaquam futura videbatur. Ad postremum postulatum est, uti Genuenses pateram auream (ubi regis pacem vellent) quotannis dono darent, de conditionibus cæteris faciliè conuenturum. Quod cum legati reuerent, dicerentque, se iniussu ciuitatis, id pacisci non posse (re suspensa) missus est ab ijs cum mandatis qui, quidnam fieri Genuensibus placeret, sciscitaretur. Ea verò res magnas rursus ciuitati curas iniecit, ex altera parte pacis commoda, ex altera gloriæ iacturam æstimanti. Demum frequenti senatu coacto, publicæ quieti consulentes, eam conditionem (quum quidem pax haud aliter impetrari posset) recipiendam esse censuerunt. Quod postquam legatis renuntiatum est (abiectis cæteris disceptationibus) pax in hæc verba conuenit: Pax, atque amicitia cum Alphonsi rege Genuensibus firma, perpetuaque posthac esto, bello ablata repetendi nemini partium ius competit, nec regis hostes Genuensis populi, nec rex Genuensium hostes recipito, vllò ve commeatu adiuuato. Si quando fato aliquo, bellum rursus inter eos exoriri contigerit, vtriusque conditionis homines, qui in alterius oppidis negotientur, agant ve, eorum bona tuta, liberaque finito, eorumque exportandorum potestas esto. Ad hæc neque rex Genuensibus, neque regi Genuenses, etiam si iusti belli causa intercesserit, nisi primum denuntiatione facta, bellum inferunto. Iura, ac priuilegia vltro, citroque concessa vtraque pars religiosissimè seruant: Genuenses videlicet, quæ regis ciuitatibus, ante Philippi dominatum: rex, quæ Genuensibus Neapolitani reges, ad Ladislai supremum diem concessissent, cœmendandi, atque exportandi frumenti, cæterarumque frugum ex alternis oppidis quæ in alterius partis potestatem deuenissent, facultatem vtraque pars permittito. In ijs oppidis, quæ in alterius partis potestatem deuenissent, in quibus pars altera iuris aliquid habere prætenderet, vtraque pars ius suum teneto. Nec tamen, si qua eorum oppidorum oppidani ipsi voluntate dederent, ea recipi fas esto. Postremò Genuenses regi quotannis, dum viuat, honoris gratia pateram auream dono danto, ac Neapolim mittunto. Hæc, ita (ut conscripta erant) in regis conspectu recitata sunt: qui tum ex graui morbo conualescere cœperat. Quibus peractis, cum & rex ipse, & legati in ea verba iuassent, continuò inde discessum est: constitutoque tempore, quo pax ipsa promulganda esset, legati, cum bona regis venia, Genuam reuersi sunt: atque, ut quæ egissent, à Senatu Genuensi rata haberetur, perfecerunt. Ea verò ætate, quæ secuta est, Alphonsus ad Populi



fontem haud procul à Theano profectus est: eo quidem consilio, ut conuocatis eò quam primum copijs, in Picenum reuerteretur, pontificis maximi rogatu: qui Franciscum Sfortiam ex ea prouincia prorsus pelli, ut sibi libera, & quieta possessio relinqueretur, optabat. Intelligebat enim fore, ut Franciscus quæ sibi erepta fuerant, oppida breui recepturus foret: nisi eius conatibus confestim obuiam iretur. Nanque Franciscus tum regis discessu, tum Nicolai clade elatus, iam utique copijs superior prædabundus per Picenum liberè vagabatur: multosque metu populos ad deditionem compellebat. Ad hunc fontem, quem diximus, cuncti regni proceres, qui regem cum copijs sequi decreuissent, conuenire iussi sunt. In quibus venit Antonius, paterna stirpe Centilia, materna Vintimilius, cum equitibus trecentis: de quo ut aliquid differam, me in præsentia locus admonet. Nanque hic eo ipso tempore, quo rex Neapolitano bello occupatus erat, Calabris Brutijsque quos nunc vno nomine Calabros appellant, conflata ex priuatis facultatibus latæ grandi pecunia, vniuersam eam prouinciā debellandam recepit, breuique maiore eius parte in ditionem regis redacta, multam laudem promeruit. Ac demum Cōsentinos, atque alios plerosque finitimos populos regis imperio parere ac præsidia admittere in oppida coëgit. Is verò paucis post diebus, quā ad regē est profectus, cum clam accusatus esset, in cuiusdam ex aula principibus necem, qui erat regi carissimus, conspirasse, monitus, ut regis iræ cederet (rem palam esse) noctu cum paucis suorum, ne multitudo consilium proderet, neque nocte itinere intermisso, Catantianum ditionis suæ oppidum serecepit. Quod ubi in castris manē compertum est, admiratus rex illius factum peragrè tulit. Idque haud ferendum ratus, Neapolim quamprimum reueri statuit, ac Lupum Vireum, Vrsinum, Gartiam, Cabanellum, præstantes viros cum copijs in Picenā expeditionem mittere, qui cum Raimundo Buillo (qui ad flumen Humanum ultra Adriam progressus, copias coegerat, regis aduentum opperiens) se coniungerent ac pro pontifice, vno consensu bellum gererent. Quibus digressis, ipse Neapolim cum reliquis copijs, paucis post diebus reuersus est, eo consilio, ut si Antonius Centilia de quo diximus ad se non accederet, & contumax esse pergeret, ipse aduersus eum copias duceret. Lupus, Vrsinus, & Gartias simul atque ad Raimundum peruenerunt, sese vnā cum eo itineri commiserunt. Cumque iam in Picenum transgressuri essent, Raimundus per exploratores, quos in diuersa loca miserat, certior factus est, Franciscum Picinimum ad montem Vlmum ab hostibus superatum, captumque esse. Quo nuntio, ut par erat, omnes perturbati, haud longius progredi deliberarunt, quod hostem præter eas copias, quibus haud dubiè tum superior erat, etiam ob recentem victoriam nihil non ferociorem factum (id quod verisimile erat) existimabant. Quorum aduentu cognito Franciscus confestim post fusos hostes ad Truentum amnem instructo agmine aduentauit, eo consilio, ut vel transeuntes arceret, vel iam transgressos inuaderet, vel si nulli apparerent hostes, in propinquos regni fines populabundus exercitum trajiceret. Cæterum nullis repertis hostibus, cum insuper loca Piceno opposita validis præsidijs firmata circumspiceret, procedere ulterius destitit, quaque venerat via, redijt. Qua re cognita ductoribus regis retrocedendum arbitrati, in loca circūiecta diuerterunt. Inter hæc Alphonsus Neapolim reuersus, de industria expectabat (ne quid per iram facere videretur) ut Antonius omissis cæteris consilijs, ad se purgandum accederet. Verum siue indignatione quadam animi succensus, siue qua alia causa ad regem proficisci recusauit. Quin etiam ditionis suæ oppida, que partim dotalia erant, partim à rege acceperat, rapit munire, frumenta conuehere, præsidia imponere, arma, ac milites comparare coepit, nec quicquam omnino prætermittebat, quod ad ea tuenda pertineret. Quibus quam magnopere rex offendebatur, nulloque modo committendum censebat, ut illius exemplo (ubi tantum scelus impunè ferret) idem cæteri auderent, quorum essent ingenia leuiora & ad res nouandas propensa, vehementius tamē offensus est literis quibusdam ad se, ac Ferdinandum filium, paulò acerbius (ut ferebatur) scriptis. Quibus literis constitui se videbatur, quæ sua ipsius pecunia, suisque multis laboribus, ac periculis adeptus esset, quæ ve teneret armis tueri, nec ea, se viuo, sibi à quoquam eripi passurum. Ferebatur quoque finitimos regni proceres sollicitare. Quo factum est, ut rex haud per vicarium eam expeditionem sibi suscipiendam statuerit. Itaque admodum



parua peditum manu, atque equitum celeriter comparata, in Brutios iter arripuit. Quod postquam vulgatum est eos qui Antonio clam fauebant, metus ingens cepit, atque à proposito abscedere coëgit. Alphonfus in Brutios profectus primò Luceronum oppidum, quod ab Antonio tenebatur, petijt, castrisque positis, oppidanos metu consternatos, antequam oppugnare coëpisset (neque enim vim eius experiri sustinuerunt) ad deditionem compulit. Deinde ad Roccam Bernardam (quam vocant) continuò itum est, in quo castello expugnando aliquantum laboris fuit, castellanis, atque ijs, quos præsidio miserat, ob naturalem situm, audacius repugnantibus. Cumque obsidionem paucis aliquot diebus tolerassent, ad postremum desperato auxilio, ad eum diem frustra expectato, & ipsi deditionem fecerunt. Rex inde continuato itinere Bellicastrum mouit: idque nullo resistente, statim cepit. A Bellicastro Crotonem duxit, vt ipsam belli arcem oppugnaret. Qua vrbe Antonio adempta, reliquum bellum facile futurum intelligebat. Hæc vrbs Croto, aliquanto procul ab arce sita est: quæ olim in Calabris florentissima, duodecim millia passuum in circuitu habuisse traditur: parua nunc quidem, nec cultoribus admodum frequens. Sed quoniam mari vicina erat, vnde à Venetis commodè Antonio summitti auxilium poterat: hoc maior aliquanto eius vrbs expugnandæ curâ regem inceserat. Atqui huc Antonius militum suorum robur miserat: vrbsque ipsius custodiam quibusdam ex ijs quos sibi fideliores existimabat, demandauerat. Ipse Catantianum (quod oppidum longè situ munitius erat) atque opulentius, cum vxore, ac liberis, omniq̃ pretiosa supellectile se receperat. Qui vt audiuit regem tot iam oppidis sibi propè vna excursionem ereptis, Crotonem petisse, nec finitimorum quenquam pro se arma sumere, ex ijs, quos sibi adfuturos putarat, conturbari vehementer coëpit, atque, quòd huiusmodi consilium cepisset in primis dolere & angi. Perstitit nihilominus in proposito, venia (vt videbatur) desperata. Quod autem vnum poterat, Crotoniatis occultè per literas, ac nuntios, item præfidiarios milites hortabatur, vt forti animo obsidionem ferrent. Id verò (quantum coniectari potuit) eum sefellit, de resistendo ab initio, cogitantem quòd regem, per vicarium aduersus se bellum gesturum, putauerat. Cui quidem (quisquis is esset futurus) resistere se posse confidebat: quoniam multi in regio exercitu futuri essent, qui haud illum fortunis euersum vellent: fore etiam aliquos è finitimis sperarat, qui absente rege arma corripere auderent: quos præsentis metus, ac maiestas deterreret. Ad Crotonem rex sub urbem castra posuit. Quo viso oppidani, subito in muris armati apparuerunt, atque in stationes distributi alias partes alij tuebantur: leuia dehinc prælia quotidie ferè sunt fieri coëpta. Cum autem res ad obsidionem spectare videretur (erat enim oppidum situ, ac moenibus permunitum, & oppidani præterea ad obsistendum parati) rex quòd eos maiore metu incusso, ad deditionem cogeret, tormenta ænea Neapolim missis triremibus aduehi imperauit. Interim colloquendi cum hostibus occasione data, tentare clam coëpit, si qua arte, aut consilio vrbe ipsa potiri posset. Erat in ea Bartolus Ceresarius patria Surrentinus: cæterum per vxorem, quam ibi ceperat, ciuis Crotonias factus, quem Antonius, illi fidens vrbi præfecerat: qui cum se, ob id meritum, grandem à rege gratiam promereri sciret: communicato cum paucis suorum consilio, regios noctu scalis clam in urbem accepit. Quod simul ac oppidani, & externi milites sensere, cum primum arma corripuissent, ad regis aduentum, animis fractis, errati veniam armis positæ petentes, atque in Antonium culpam conferentes, regi portas confestim aperuerunt quibus pro sua clementia facile ignouit. Atque ita vrbs præter arcem recepta est. post hæc arx tentari atque oppugnari coëpta. Verum enimvero tormenta, sine quibus parum profici poterat (ob naturalem situm, præsidiumque, quod intus erat, validum) nondum conuecta fuerant: quæ quidem longo maris, terrarumque flexu agi oportebat. Quibus aduectis, atque arci oppositis in maiorem sollicitudinem, metumque hostes inciderunt. Dum autem aliquanto acrius pugnaretur, Petrus Carbo, quem multis beneficijs sibi obstrictum Antonius arci præposuerat, sagitta ictus est. Cumque ob id medicum è regijs castris requireret, rogatus rex ad eum ire permisit Saluatorem medicum, qui vulnus curaret: simul qui pollicitando eum ad arcis deditionem alliceret. Cui cum tandem id persuassisset, nullo propè tormentorum usu arx recepta est. Quod postquam Antonio renunciatum est, omnem prorsus spem rerum suarum



abiecit. Nam si quid opis sperare supero mari poterat, eam sibi viam penitus obstruam videbat. Quod vnum reliquum erat, Catantianum, quā minus erat natura tutum, munimenti operibus supplebat. Est verò id oppidum in monte situm, vndique accliu, atque arduo: præterquam ab vna parte, quā facilior aditus erat: quo in loco arx de industria extructa fuerat. At verò Alphonsus Crotonienſi arce in potestatem reducta, eaque valido præſidio firmata, Catantianum copias duxit: situque oppidi perſpecto sub montem caſtris poſitis, tormentisquæ ad eam partem, quam infirmioreſtendimus obiectis obſidere oppidum cœpit. Antoniani per aduerſum montem primò occuſantes tumultuoſius deſicere regioſ conati ſunt. cæterum eorum conatus fruſtra fuerunt. Crebra tamen prælia, quanquam leuia, per ſingulos dies conſerebantur. Sed in dies minus ſpei obſeſſi habebant, cum regem ipſum præſentem intuerentur, qui niſi expugnato oppido haud diſceſſurus inde videretur: ſe verò, etiam ſi aliquandiu obſiſterent, obſidionemquæ protraherent, omni tamen propinqui & externi auxilij ſpe deſtitutos, quòd neque Venetos, neque alioſ principes, vicinoſ ve populoſ ad eam diem precibuſ mouere potuiſſent, in regis potestate neceſſariò peruenturoſ eſſe. Quæ cum animo reputaret Antoniuſ, quam priuſ ſpem in armis reſpoſuerat, eam totam in regis humanitatem, ac miſericordiam contulit, maximè cum oppidanoſ, & militeſ, quos mercede conduxerat, timidioſe factoſ videret. Mouebat quoque eum vehementiùſ ſuorum periculum, in quos verebatur, ne rex per iram, capto oppido, grauiuſ animaduertetet. Angebatur etiam amiſſione fortunarum, quaoſ omneſ in eum locum, vt diximuſ, congeſſerat. Simul cogitabat oppidum ipſum, vt maximè ab aperta vitutuſ eſſet, at certè à longa obſidione, ac fame aduerſuſ regem tutuſ eſſe non poſſe, ſibi verò tum ſpem nullam veniæ apud regem iratuſ fore. Hæc inquam animo reputante mittere ſtatuit, qui regi ſignificaret, cupere ſe cum eo, ſi ita placeret, fide accepta, colloqui. Qui profeſtuſ in caſtra, protinuſ à rege repulſuſ eſt, affirmante non paſſurum Antoniuſ ad ſe ire, niſi ſe ille ſuaque omnia ſuo arbitrio, ac poteſtati permitteret. Ex quo ruriùſ Antoniuſ in grauioſe curaoſ incidit. Poſthac vno è regijſ ſacerdotibuſ ad eum proficiſci permiſſo, quorundam precibuſ, quooſ eiſ calamitateſ mouerat cum ex eo cognouiſſet, fruſtra à ſe tentari cætera conſilia, regis immutabileſ ſententiã eſſe, adire regem, ſequæ eiſ voluntati, arbitrioque permittere, & quò magiſ illum ad miſericordiam flecteret, vxorem vnã ſecum (quòd muliebris ſexuſ ad mouendoſ animoſ efficacior eſt) ducere, nec vltimuſ caſum expectare conſtituit. Profeſtuſ igitur cum vxore, in caſtra ad regis tabernaculuſ (cunctiſ rei euentuſ expectantibuſ) vt ad regem venit, ſupplex veniam orant, ad pedeoſ eiſ procubuit. Vxor quoque genibuſ aduoluta, effuſiſ lacrymiſ, pro viri ſalute orare vehementiùſ cœpit. Qua calamitateſ ſpecie rex commotuoſ illi vitam conceſſit. Catantiano ac Trupia, quæ oppida in illiſ poteſtate adhuc erant, cedere imperauit: ſupelleſtileque omni, quam Catantiani haberent, exportari permiſſa, eum cum vxore, atque omni familia Neapolim abire iuſſit. Quæ cum obedienter feciſſet, Antoniuſ, miſſiſ, qui Trupiam regi traderent, cum ſuiſ Neapolim profeſtuſ eſt. Cæterum Alphoſuſ recepto oppido, arceque præſidio firmata, Conſentiam cum copijſ ſeſe contulit eo conſilio, vt Ioannem Nuſceum; cuiuſ maximè ſuaſu Antoniuſ aduerſuſ eum contumax fuerat, qui & ipſe regis imperiuſ pertinaciter detrectauerat, cum ab eo ſæpiuſ in caſtra accerſituſ eſſet, in eadem adhuc contumacia perſeuerantem opprimeret. Iſ verò Rendam oppidum, ac tria præterea caſtella, quæ à rege dono acceperat, tenebat. Cumque Conſentiam perueniſſet, Americuſ Capacij comitem, Rendam, qui locus haud procul quatuor millibuſ paſſuum inde aberat, cum parte equitatuſ primuſ miſit. Iſque ad mille paſſuſ à Rendacaſtra fecit. Ea nocte, quæ inſecuta eſt, nonnulli oppidani Ioanni ob acceptaſ iniuriãſ inſenſi, noctu clam ad regem profeſti renuntiare oppidanoſ partim officio, ac regiæ maiſtatiſ reuerentia, partim ob acceptaſ à Ioanne iniuriãſ, paratoſ eſſe, ſi maioſe copiaoſ eò mitteret, oppidum dedere. Quapropter rex Franciſcuſ Siſcarum, cuiuſ viri virtuteſ egregiam prioribuſ bellis agnouerat, poſtridie cum peditibuſ mille eodem iuſſit contendere. Quæ cum Ioanne animaduertetet, priuſquam vim experiretur, hortantibuſ amicuſ, quanquam ægrè, relicta arce, ad eundem regis conſiliuſ cepit



am cepit, sese eius arbitrio, ac potestati submissurus. Qui cum vitæ diffidens, atque  
 anxius perduceretur ad regem, qui receptæ arcis adhuc ignarus, cum reliquis copiis  
 Rendam uersus iter ingredi cœperat, Franciscum Barbauariam, Philippi legatum ui-  
 rum ornatissimum, per eos dies ad regem profectum, fortè obuium habuit, qui homi-  
 nis fortunam miseratus, quod erat gentis suæ, illi à rege uitam impetrauit. Cæterum  
 mulctatus omnibus, quæ tenebat, oppidis: toto præterea regno excedere iussus est. Qui  
 post mortem Philippi, ad quem se receperat, Franciscum Sfortiam, qui postea Me-  
 dionalense imperium sibi armis uindicauit, secutus, cum Alexandriam urbem fidei  
 suæ commissam Ludouico Sabaudia duci proderet, ad postremum in laqueum, quem  
 per Alphonsi clementiam effugerat, incidit. Ea uerò expeditio quarto postquam  
 cœpta fuerat mense, finita est. Post hæc Iosias unus è regni proceribus, qui ali-  
 quot oppida in ipso regni aditu tenebat, cum Adriam urbem, quæ maiorum suorum  
 olim fuerat, per prodicionem recipere tentasset, nec res sibi ex sententia successisset,  
 isque postea Francisci Sfortiæ copijs adiutus Adriam subito, atque improviso petiisset,  
 ea quoque oppugnatione frustra tentata, in propinqua suæ ditionis oppida se recepit.  
 Hæc autem per hyemen ab eo tentata, quo anni tempore regiæ copię in hyberna con-  
 cesserant, nec cogi facile poterant. Est enim omnis ea regio, propter Apennini iu-  
 ga, perpetuis niuibus, sed præcipuè ijs temporibus, immersa, quæ in illam sæuiunt,  
 frigoribus, coeliq̃ue intemperie, vix incolis, atque assuetis tolerabilis. Itaque inc-  
 unte Vere, Vrsinus, quem supra memorauimus, copijs omnibus ex hybernis euocatis  
 quibus eum rex præfecerat, Bozam Iosia castellum petijt, idque oppugnare (castris  
 haud procul inde positis) aggressus est. Quod ubi Iosias agnouit coactis raptim Fran-  
 cisci equitibus, & quos potuit, è popularibus suis, castra improviso adortus regiones  
 fudit, fugauitque. Qua re audita Alphonsus, rem haudquaquam negligendam ar-  
 bitratus, ne Iosias maiores Francisci copias in regni fines illiceret, simul ut Ciui-  
 tellam, quod oppidum haud procul à Truento amne situm adhuc Francisco pare-  
 bat, natura quidem, & opere munitum, in potestatem redigeret, eò cum copijs pro-  
 ficisci statuit. Comparatisque celeriter, quibus opus erat, ad urbem Thetim con-  
 stitit. Cuius aduentu cognito, Iosias conterritus, maximè quod à Francisco per id  
 temporis non multum iuari poterat, propter pontificis maximi, ac Philippi copias  
 Picenum agrum vexantes, regi conciliari per amicos curauit. Cum autem reconci-  
 liatione facta) equites ij quos Franciscus ad eum miserat, Truentum amnem pete-  
 rent, inde in Picenum transgressuri, in regium equitatum ignari inciderunt, à quo  
 profligati, magna que ex parte capti sunt. Rex subinde ab Aterno amne motis ca-  
 stris, aduersus Truentum flumen profectus est, eo consilio ut Ciuitellæ bellum infer-  
 ret. Quod ubi patriarchæ nuntiatum est, qui pro pontifice adhuc aduersus Franciscum  
 bellum gerebat, confestim ad eum profectus, orauit, ut copiarum partem in Pice-  
 num mitteret, ad belli reliquias persequendas. Cui cum assensus esset, Ioannem  
 Vintimillium, cuius opera fideli ac forti superioribus bellis vsus fuerat (quem in Acar-  
 nianiam prouinciam profectum, ut Carolo genero Acarnaniae principi, per id tem-  
 poris à Turcis obfesso, opitaretur, suscepta expeditione, reuocarat) patriarcha di-  
 scesso proficisci iussit. Post cuius discessionem, cum ipse in ijs locis permaneret: Ci-  
 uitella, deditibus oppidanis, præter arcem, recepta est. Quæ quidem ex omnibus  
 regni oppidis nouissima fuit, quæ in regis potestatem peruenerit. Subinde Alphonsus,  
 arcis obsidione (erat enim munitissima & situ, & opere: diuque obsidionem latur-  
 ra videbatur) Raimundo Buillo delegata: missoque Berengario Harilio cum parte equi-  
 tatus ad Ioannem Vintimillium, ipse Neapolim redijt. Raimundus ante omnia (arcis  
 oppugnatione tentata) cum nihil proficeret, tantum ne quis ingredi, egredie aut  
 commeatus quicquam importare posset, attentissima cura prouidebat. Cuius rei tæ-  
 dio affecti, qui arcem tuebantur, præsertim expectato nequicquam à Francisco tot  
 diebus auxilio, deditionem fecerunt. Qua recepta, ac præsidio firmata, Raimundus A-  
 driam copias reduxit. Et iam Patriarcha post profectum ad se Ioannem Vintimillium, Au-  
 ridum oppidum, quod ab eo obsidebatur, percussis maiore metu oppidanis propter au-  
 tas hostiū vires, in deditione acceperat. Quoque viri eius opera fortiori uteretur, cū pō-



tificis iussu, copijs omnibus præfecit. Post id Ioannes patriarchæ consensu motis castris, ad Ripam Transentam (id est nomen oppido) nullo hostium obuiam facto duxit. Atque inde digressus inter Rotilium, ac Solitem oppida castra fecit, composito usque agmine iter faciens, quasi hostis in conspectu foret. Eò autem eo consilio profectus est, ut experiretur, an posset eluso hoste, ad Philippi copias, quæ præerat Italianus Furlanus, aut ipse Italianus ad se transire, uti coniunctis copijs Franciscum aggredere-  
tur, cui singuli pares esse non possent. Quam rem Franciscus coniectura suspicatus, me-  
dia protinus loca de industria occupabat: eorumque conatus quocunque mouebant,  
frustrabatur. Sextis castris cum sub Montem Eripetum confedisset Sancti Victoris op-  
pidum, cum castellis plerisque finitimis, pontificis maximi nomine in deditionem ab-  
que certamine recepit. Cæterum cum intueretur, frustra à se tentari ad altera castra a-  
ditum propter Francisci vigilantiam, conuerso itinere, ad Ripam Transentam retroce-  
dere cum exercitu (id consilium patriarcha approbante) constituit, eo animo, ut per  
montana, procul ab hoste, ad Italianum euaderet. Cumque ibi castrametatus esset, Cam-  
pefelonites, ac Tedonates, qui Romani pontificis imperium pertinacius detrectabant,  
expugnauit, ac diripuit, quominus finitimi, iniecto metu, resisterent. Cunque ei nuntia-  
tum esset, Franciscum cum omnibus copijs eò dimicandi animo contendere, castra di-  
ligenter munijs (dimissis paulo longius à castris speculatoribus per quos eius aduentum  
certò cognosceret) ne imparatos offenderet. Cæterum vanus is rumor fuit. Itaque in-  
de mouit, octauisque castris Aufidum reuersus est: indeque postmodum ad Truentum am-  
nem mouit: castrisque in fluminis ripa positis, substitit. Franciscus autem, ut hostes re-  
trocessisse agnouit, nihilominus tamen in suscepto consilio permansit, ut scilicet inter  
bina castra medius federet, neutram partem insequens, sed tantum id agens ut neutri al-  
teri coniungi possent. Re ad consilium perlata, cum quidem, quamam via cum copijs ad  
Italianum tutius perueniri posset, consultaretur, variabant ductorum sententiæ. Alij nan-  
que peditatus, & equitatus florem, triremibus regijs, quæ inde haud longè aberant  
(inutiliore turba, atque impedimentis relictis) traducendum censebant: quoniam par-  
uo maris tractu ab Italiano distarent: atque ita absque periculo iungi posse. Alijs sub  
urbem Firmum ipsum equitatus, ac peditatus robur, instructo agmine agi placebat. Ve-  
rùm hoc consilium haudquaquam tutum videbatur. Primum quòd Alexander Franci-  
sci frater, eorum per exploratores itinere cognito qui d e c c. equitibus præerat, facile  
vexare agmen à tergo poterat: atque eousque pugnando, laceffendòque distinere ho-  
stem, quoad Franciscus cum reliquis copijs accurrens medios opprimeret, terrorem no-  
cte augente, à fronte, simul & à tergo circumuentos: præsertim cum hostibus copiarum  
numero longè impares futuri essent. Quibus, quando fortunæ etiam benignitate id  
contigisset, ut absque detrimento, (nullo reperto hoste) coniungerentur: quemnam  
equitum usum fore præsertim cum hostibus copiarum numero longè superioribus sine  
tentorijs, sine ministris, sine sarcinis. Ioannis verò consilium fuit, ut itinere longiore, cæ-  
terum eodem tutiore, per Apennini montana exercitus duceretur. Posse enim eà cum  
impedimentis, atque omni exercitu, (inuitis hostibus) tuto euadi. Cuius consilium cum  
plures approbassent, Asculum versus perrexit, atque inde per Apenninum colle trans-  
misso (quem Sibyllæ accolæ appellant) in campis Nursiæ, latæ parenti planitiæ, confe-  
dit, atque inde continuato itinere, in Fulginatam contendit, cuius protectionem cum  
haud amplius à se impediri posse Franciscus agnosceret, qui hostes abeundi consilio  
retrocessisse existimarat, consilij poenitens, quòd prælij fortunam non tentasset, è Pi-  
ceno excedere, priusquam tantæ copię coniungerentur, decreuit, ne sibi postea, cum  
vellet, discedere integrum non esset, ne ve aut obsidionem pati (quod sibi turpe ad fa-  
mam hominum ducebat) aut certè necessario depugnare cogeretur. At Ioannes Mate-  
licam versus arrepto itinere in Cinguli fines, quibus in locis Italianus cum copijs erat,  
profectus est, earumque etiam copiarum quæ Philippi erant dux factus, castra cum  
castris iunxit. Deinde ad Vicos, sub urbem Cingulum, perducto exercitu, eos una  
excurfione cepit ac diripuit. Inde ad Melonem ductis copijs aliquot dies in eius op-  
pidi obsidione consumpsit. Ad postremum oppidani (cum nulla spes auxilij esset) salu-  
tem suam, & fortunarum pacti in pontificis potestatem venerunt. Missa deinde copiarum



parte ad Sanctum Angelum, cum oppidani præter spem resisterent, admotis undique copijs, oppidum vi captum, atque in prædam militibus datum est. Posthæc Ioannes cum animaduerneret Franciscum à Piceno in Vrbinate concessisse, & ea, quæ reliqua erant in eius ditione Picentium oppida, propter naturales locorum situs, validaque præsidia ijs imposita, obsidione magis quam oppugnatione tentanda esse, instaretque vis hyemis, reuerti statuit, atque exercitum in regnum in hybernia reducere. Relictis igitur pontificis, ac Philippi copijs, aduersus urbem Firmum, non amplius per montana, ut venerat, sed per plana iter cepit, ac non procul à Monte Sancto, eo die constitit. Cuius inopinato aduentu oppidani conterriti, ante quam vim experirentur emissis confestim ad eum oratoribus, qui significarent, se pontificis maximi imperata protinus facere paratos esse, deditionem fecerunt. Aliquot præterea castella circumiecta absque certamine, recepta sunt. Inde ad Montem Altum profectus, ibi aliquot dies mansit. Interim Firmani, coniuratione facta, spe propinqui auxilij à Francisco defecterunt, (Alexandro fratre in arcem repulso) quò & magna equitatus pars vnà cum eo se recepit. Quod ubi Ioanni nuntiatum est, subito cum omnibus copijs ad ferendum oppidanis auxilium aduolauit. Idem fecere pontificis, ac Philippi copiae, quæ in propinquo erant, ut ostendimus. Cum autem arx eiusmodi foret (quod superius demonstratum est) ut nec vi, nec machinis ullis, sed diutina obsidione tantum esset expugnabilis, præmunitis ijs urbis partibus, quæ ex arce in urbem descensus erat, ijsque ab exteriori parte institutis, quæ obsidioni necessaria videbantur, ipse cum reliquis copijs, ut eas in hyberna dimitteret, in regni fines concessit. Vix anno post Eugenius pontifex certior factus, Franciscum Sfortiam suas, atque auxiliares copias cogere, ac Tudertum petere constituisse (quod oppidum sexaginta millibus passuum Roma abest) de illius aduentu valde sollicitus, accersenda à socijs auxilia censuit. Nam quòd partem Tuderinorum sciebat Francisco in primis fauere, in quos ille indulgentior fuerat dum ea urbe potiretur, & propterea Franciscum haud temerè id consilij cepisse suspicabatur (is enim præter Picenum, etiam in agro Romano oppida quædam occupauerat) misit Ludouicum patriarcham legatum ad regem. Isque Neapolim profectus, ac magnificè pro dignitate susceptus, simul ac rei aduentus causam exposuit, auxilium ab eo haud difficulter impetrauit. Nec mora Ioannes Antonius Vrsinus Taliacotius cum duobus millibus equitum ad pontificem ire, seque cum illius copijs coniungere iussus est. Interea Franciscus coactis copijs, in agrum Tuderinum contendit, quo vno ferme tempore & pontificis, & regis copiae conuenerunt. Quo cognito Eugenius Nicolaum Cardinalem Caupuanum (erat is in urbe gratiosus, ac potens) quòd eius fides nonnihil suspecta esset, propter amicitiam, quæ illi cum Francisco erat) Roma amouendum curauit. Franciscus autem, ut per exploratores agnouit, pontificis copias opinione sua ampliores esse, frustra se, nec sine periculo, quod constituerat iter persequi posse, mutato repente consilio, antequam in hostium conspectum veniret, in agrum Vrbinate redijt. Quo digressio pontificis, ac regis copiae in Picenum proficisci perrexerunt: ut ea oppida, quæ in Francisci fide persisterant, armis ad deditionem cogerent. Sed Eugenius Francisci potentiam veritus, cum magnas ab eo copias duci nuntiatum esset, Thomam, tunc Episcopum Bononiensem (qui illi in pontificatu successit) hominem propter multarum rerum scientiam, atque eximias virtutes illi acceptissimum, legatum ad Alphonsum miserat, qui maiora auxilia postularet. Isque ad regem profectus: Cognoscis, inquit rex ex Ludouico legato satis, ut arbitror, pontificis res, quo statu sint, quantoque in discrimine versentur: expectat in Tuderino Franciscus Sfortia hostis magnis viribus contractis, quibus Eugenij copiae haud possint obsistere. Sustulerunt animos aduersarij ipso rumore aduersus illi is, ac fama. Nam, quo tempore Tuderinam urbem tenebat multos sibi ciues quò ceteros ferire cogeret, beneficijs obligarat. Hi rerum nouarum cupidi eius aduentum auidè præstabant: ut Eugenio non minus de ciuium fide, quàm de hostium vi laborandum sit. Misisti tu quidem Ioannem Antonium Vrsinum ad pontificem cum copijs: ceterum quanquam is est in armis præstans, & copias habet non aspernandas: tamen ad tantam vim hostis arandam, haud satis videtur. Est nobis res, ut scis, cum hoste rei militaris peritissimo ac vigilantissimo, ut haud temerè eum eo congregiendum sit. Nam si quid sinistri (quod Deus auertat



pontifici contingeret, non solum Tudertinus, sed etiam Picenus ager, qui tuis laboribus ac periculis pontifici restitutus est, rursus in hostilem potestatem recideret. Petit igitur à te Eugenius, oratque ut præter eas quas adhuc misisti copias, alias mittas, ne quæ nunc sunt, in grauius discrimen incidant. quod ut facias, tua virtus, ac fides postulat. Maiorem gloriam, aut stabiliorem consequi non potes, quam si pontificis maximi dignitatem maiestatemque perpetuo conseruaris, atque auxeris. Ad ea rex, Id quod ad hunc diem fecisti post reditum nostrum in gratiam, quoad mihi vita suppetet, nec re, nec opera, nec auxilio tuendæ pontificis auctoritati sum defuturus, nec pro oppugnandis eius aduersariis vlla vnquam pericula recusabo: neque committam, ut pontifex merito de fide mea queri possit. Equidem eo sum animo, ut non hoc regnum modo, quod tantis laboribus, ac periculis meis sum adeptus, sed & cætera regna, quæ mihi pater hæreditaria reliquit, ruerere potius atque euertere, quam sacrosanctæ potestatis iura labefactari permittam. Misi ad pontificem Ioannem Antonium Vrsinum, arbitratus id auxilij in præsentia fatis esse, præsertim cum nulla externa auxilia ad Franciscum profecta accepissem. Qui certè nisi maiores copias habeat, non est adeo pontifici formidandus. Expertus sum Piceno bello, quantum audeat. sed non ob id tamen hæc à me dicuntur ut eum contemni velim. Nihil enim tutò in hoste contemnitur: nec is quidem eiusmodi hostis est, ut sit contemnendus (multo enim & consilio valet & rei militaris scientia) sed forti animo contra eundem, atque audendum censeo. Quæ petit auxilia pontifex mittam. quinetiam, si aduentu meo opus fore cognouero, mihi ipse non parcam. Ab hoc sermone digressus, Raimundum Buillum cum mille equitibus, ac pari peditum numero ad patriarcham in Picenum ire per Aprutinos, quibus in locis copias habebat, imperauit. Qui Truentio amne traiecto, in Picenum quamprimum profectus, ad urbem Auximum cum Iacobo Cauiano, vno è copiarum ductoribus qui pontifici merebant, se coniunxit. Franciscus interea in Vrbinate transgressus Fossombrinum diuertit, ibique constitit, eo videlicet consilio, ut transitum impediret metumque transire cogitantibus inferret, quominus vterque exercitus iungi posset. Nanque Raimundus, ac Iacobus per loca mari propinquiora, agmen ducebant, patriarcha vero vnius diei iter, aut eò amplius, procul ab eis, cum reliquis copijs, per loca superiora iter faciebat. Cumque ei renuntiatum esset Franciscum ad Fossombrinum sustitisse, nec longo spatio à se abesse Raimundum, paulum remorari iter, sensimque progredi, donec coire in vnum possent, mandauit, uti ope mutua imminens periculum declinarent. Quare cognita Franciscus, ne suos temere periculo obijceret, se continuit. Raimundus vero, ac Iacobus temperato itinere, vna cum patriarcha inter Fossombrinum, ac Fanum, eodem die peruenerunt. Postridie mane Legati iussu conuocatis omnibus copiarum ductoribus, ut quid agendum esset consultaretur, Georgius Nurius Philippi legatus, iam multò antè in castra profectus, liberius loquendi quæ vellet, petita venia, detulit Italianum Philippo de proditione suspectum esse, seque eam rem compertam habere: proin placere sibi, ac velle, uti is vincitus in custodiam detur. Cumque mirantibus omnibus, Legatus quæsisset, cur tam diu in castra à Philippo profectus, eam rem silentio suppressisset, respondit, Philippum mandasse nequam eius rei mentionem faceret, donec Raimundus cum regijs copijs in castra peruenisset, veritus ne qui in castris essent, qui illius voluntati aduersarentur. Vbi hæc dixit, repugnante nemine, Italianus comprehensus, ac Dominico Malatesta in custodiam traditus est, triduoque post tormentis, criminis confessione expressa, apud Rocam Contratam securi percussus est. Posthæc Legatus motis inde castris Montem Fabrum (id ei nomen est oppido) quod ab hoste tenebatur, contendit, idque ad motis vndique copijs, primo aduentu cepit, plerisque aliquot castellis, atque oppidis circuniecitis, quæ Federico Vrbinate Principi parebant, partim expugnatis, partim in deditionem acceptis. At Franciscus, cum sese copiarum numero, hostibus imparem sciret, per montana exercitum ducebat aliquantò procul ab hostibus de industria obseruans, si qua bene gerendæ rei occasio sese offerret. Legatus contra copijs fretus, per plana ductabat, & nusquam resistente aut obuiò hoste Vrbinate agrum populabundus vastabat. Cæterum appropinquante hyeme, pontificis copiarum paulatim dilabi cœperunt, præsertim accedente, exhaustis iam agris, pabuli



pabuli, ac rerum necessariarum inopia. Interim à Florentinis ac Venetis ad duo millia equitum ad Franciscum auxilium postulantem venerunt. Quibus copijs auctus non amplius per montana, vt prius, sed per patentes campos exercitum ducere, pugnandi que potestatem hostibus facere cœpit. Cum hic esset rerum status, Alphonsus Hispanus, quo interprete erat Legatus vsus pace cum rege facienda, in castris relictus, cum copijs trans Pisaurum amnē profectus est. Quod vbi Franciscus agnouit, motis properè castris eò contendit, & à contraria fluminis parte castra fecit. Aquandi potestas, propter fluminis opportunitatem, vtrisque erat. Sed cùm triduo post Alphonsum motis castris Tauletum Sigismundi castellum, mille inde passibus in colle situm, duxisse animaduertet, & ipse ad alterum castellum, in eodem colle ex aduerso situm, haud cunctatè contendit. Nec plus mille passus castra à castris aberant. Erat autem id castellum Vrbinae principis. Indeque missis, militari more, prouocationis signo hostes in posterum diem ad pugnam prouocauit. Cæterum Legato absente qui ad Montem Florem secesserat, responsum est ab Alphonso, legati iniussu prælium committi non licere, eius absentis voluntatem sciri opus esse, qua cognita, postridie mane se illi responsurum, nec tamen prouocationis signum hosti remisit. Quod cùm Legato non placuisset, ne tanta pontificis regisque copias fortunæ cōmitteret, mittereturque postridie qui id Francisco renuntiaret, animaduersum est è castris hostem mouere cœpisse. Quapropter sumptis properè armis ad angustias saltus, qui medius inter vtraque castra intererat, ne transgressus hostis castra inuaderet haud segniter processere. Vixque ad saltus ingressum erat peruentum, cùm ibidem hostis affuit. Cumque eo loco ob angustias, haud facile vniuersus exercitus sese explicare posset, hostibus conatu magno perrumpere adnitentibus ingens in eò certamen fuit. Cumque aliquantum pugnatum esset, ac frustra sese niti Franciscus animaduertet, receptui cani iussit. Quo viso, & pontificis copiarum eo saltu præsidio infesso, sese in castra receperunt. Triduo post Franciscus motis inde castris Montem Aureum, Sigismundi castellum petijt, idque, alterumque ei proximum, haud multo militum labore expugnauit. Subinde Gradariam contendit, (& hoc quoque Sigismundi oppidum erat) idque quoniam præter naturalem situm, præsidio imposito, vi capi non poterat, obsidere cœpit, magnamque hyemis partem in ea obsidione consumpsit. Per id temporis Philippi exercitus ad Casalem iuxta flumē Padum, duce Micheletto Cottiniola, à Venetis prælio fusus, castrisque exutus est, magno numero equitum, peditumque capto. Cuius cladis causa, copias è Piceno reuocare, atque insuper auxilia postulare Philippo necesse fuit. Sed tùm primū eas dūtaxat copias, quæ sub Italiano Furlano stipendia fecerant, poposcit. Qua re cognita Legatus, de pontificis voluntate, confestim eas Georgio Nuriō Mediolanum, vt perduceret, concessit. Ac nequid incommodi in itinere acciperet præsertim à Fauentini Principis fratre, qui sub Florentinis merebat, ad Bagnacauallum, in Flaminia oppidum vniuersum exercitum ipsis copijs præsidio ire iussit. Quo reuerso, cùm præter ipsum equitatum ad Philippum profectum, Rubertus Montarboteus, atque alij plerique copiarum ductores abessent à castris: legatus, quò tutiore loco esset, in Sigismundi agrum haud procul à Gradaria, quod ad huc à Francisco obsidebatur, imbelli multitudine prius in circumiecta oppida dimissa, quo maior ijs necessariarum rerum copia suppeteret, se recepit: ibique castris positus, inuitante propinquitate, penè per singulos dies prælia inuicem gerebantur: non tamen vt in vniuersum certamen veniretur. In hoc rerum statu Venetis Abdum amnem transgressis, cùm Philippus curis anxius auxilium à pontifice, atque à rege vehementer postularet: ea que res Legato demandata esset, statuit vt Sigismundus Malatesta, Cæsar Martinengus, ac Raimudus Buillus in Insubres ad eum profiscerentur. Ad duo millia et quingentos equites iuxerunt. Inter hæc Rodericus Murius, peditum ductor genere Hispanus, cum peditis mille à rege missus ac Rubertus Montarboteus cum equitatus parte ad Legatum à castra peruenerunt. Quibuscū assumpto Iacobo Cauiano, cæteris copiarum ductoribus relictis, ipse in Picenum redijt. Paucisque diebus interiectis Iacobum prodicionis suspectum apud Roccam Contratam, vbi & Italianum paulo antè, capitali supplicio affecit. Interim Franciscus ad Raimundum Buillum, qui nondum abiit, in castra misit, qui rogaret, vt ad se Palermum peditum ductorem mittere, qui ab eo



ab eo ad se mandata perferret: esse aliqua quæ secum communicare cuperet. Facta potestate, cum Palermus ad eum profectus esset, ait se, nisi esset in castris Legatus Florentinus, venturum cum Raimundo in colloquium fuisse. Cæterum missurum, quo Raimundus vellet, Vrbinatum Principem, & cum eo alium quempiam ex his quos fideles haberet, qui suam sententiam ad illum perferrent. Cumque Raimundus respondisset, nolle se in colloquium cum hoste venire, nisi eidem aliquis à Legato pontificis interesset, ne quid suspicionis ea res amicis afferret, non reuinit quò minus Antonius Ridius copiarum dux, cum eo una proficisceretur, & ipse, quæ dicerentur, auditurus. Qua re constituta, Vrbinatum Principe, & altero ex Francisci domesticis, ad Montem Aureum (ubi erat constitutum) profectis, Raimundus quoque, & Antonius eodem accesserunt. Ibi tum primum de fœdere inter pontificem, regem, Philippum, ac Franciscum agi coeptum: Omnis nanque eorum oratio in id tendere visa est, ut ostenderent Franciscum maximè cupere cum pontifice, ac socijs pacem, fœdusque ferire, nec ulterius cum is bello contendere. Dum hæc aguntur, Franciscus siue hyemis tædio, siue quòd Gradariam à se nequicquam tentari animaduertisset, motis inde castris, Pisaurum, Alexandri fratris oppidum, se recepit, ibique reliquum hyemis quieuit.

## BARTHOLOMAEI FACII RERVM GESTARVM ALPHONSI PRIMI REGIS NEAPOLITANI LIBER NONVS.



HAUD dubium ab re, ut opinor, fuerit, Florentini belli causam, atque originem explicare. Philippus Maria, de quo superioribus libris sæpius mentionem fecimus, per eam pacem, quam cum Venetis, ac Florentinis apud Martinengum fecit, Blancam filiam Francisci Sfortiæ, de qua quidem re diu ambiguus consilia pro temporum conditione variarat, uxorem dedit, sexaginta milibus Philippiis illi dotis nomine promissis. Cumque eam pecuniæ summam, propter ærarij exinanitionem repræsentare non posset Cremonam, urbem opulentam, ei tantisper pignus dedit, præsidio inde educto. Cuius pecuniæ soluendæ, ut primum illi potestas fuit, ad generum misit, qui pecuniam efferret, Cremonam repeteret. Cumque is tergiuersaretur, diem iam multo præterisse dictitans, qui persoluendæ pecuniæ constitutus esset, misit Philippus Italianum Borromeum, locupletem virum ad Venetos, tanquam Francisci amicos, & pactionis huiusmodi autores, qui de iniuria expostularet: simul qui oblata pecunia, Cremonam reposceret. Sed nihilo magis per Venetos consequi id potuit. Quippe qui urbem tam validam, prope in visceribus imperij Mediolanensis sitam, in Philippi potestatem redire ægrè ferebant. Itaque, cum legationibus tempus terendo, nihil se proficere animaduertisset, bellum aperte inferre statuit, armis, quod sibi iniuste negabatur, vindicaturus. Coactisque ut primum potuit, copijs Franciscum Picinum, quem paternæ virtutis gratia exercitus ducem designauerat, in Cremonensem agrum proficisci iussit. Cumque haud multo post profectionem eius, accepisset, Venetos ac socios copias parare, nec passuros eam urbem ab illo expugnari, Episcopum Nouariensem ad Alphonsum opem oratum misit, satis sibi fore significans si statim vel cum exiguis copijs extra regni fines prodiret. Sperare enim simulatque Florentini audissent eum cum exercitu in Etruriam contendere, ijs (id quod necesse esset futurum) domestico bello implicitis, se Venetis viribus parem, Cremonam recepturum. Eugenius quoque pontifex maximus Venetis, ac socijs per id temporis multis de causis infensus, & ob id Philippo amicus factus, ne Philippo deesset regem precabatur. Quibus rebus motus Alphonsus paratis copijs, extra regni fines progredi statuit. Cumque interim cognouisset Philippi exercitum à Micheleto Cottiniola Venetorum duce castris exutum, profligatumque esse, conturbatus amici casu, auxiliū implorantis, Raimundum Buillum, cum nonnullis alijs copiarum ducibus, iam iter meditantem, maturare in

Insubres



Insubres ad Philippum iussit. Ipse verò, quamuis per hyemis tempus, ire perrexit, profectusq; per Latinos, Tibur peruenit. aduenienti portas Tiburtes Pontificis iussu aperuere. Et quoniam Florentini, cognito eius consilio, sæpius significauerant, velle se copias ex Insubribus reuocare, spemq; fecerant, & Venetos idem facturos esse, progredi vltius destitit. verum enim uero ea expectatio frustra fuit. Namque Veneti victoriam persecuti omnē Pilippi ad amnem Abduam agrum, vna propè excursionē ceperant, multis oppidis vi captis, multis etiam in deditionem receptis. Fuit autem adeò repentina eius procella vis, vt omnem de rebus suis spem reliquam Philippus abiecerit. Reputabat animo, sibi neque ducem belli superesse vllum, cuius virtuti satis consideret, & dissipati exercitus reliquias nec sine grandi pecunia cogi reficiq; nec sine egregij ducis opera recipere pristinum animi vigorem posse. Vna illi salus eis in tam aduersis suis rebus videbatur: Francisci videlicet reconciliatio, quem ceteris omnibus copiarum ducibus belli scientia ac felicitate præstare, mortuo Picinino, cõstans apud omnes increbuerat opinio. Eum igitur sibi per amicos reconciliatum, cum ducem exercitus designasset: ad Alphonsum misit, qui id eiunciaret, peteretq; insuper, quoniam Francisco ad equites armandos pecunia opus esset (qui aliter neque cogi, neque duci possent) vt positis cum Francisco inimicijs, illi septuaginta numum aureorum milia mutuo daret, se postea bello liberatum eam summam cum fide repræsentaturum. Quod cum Alphonsus, beneficiorum eius in se nō immemor, facere constituisset, exemplò Arnaldum Fenoledam, virum constantem ac grauem, omnium consiliorum & arcanorum eius participem, Neapolim misit, qui eam pecuniæ summam ex arario depromptam, cuius custodiam ei demandauerat, ad eum deferret. quam delatam Alexandro Francisci fratri, consensu pontificis ad illum profecto, tradi imperauit. Qua accepta, Franciscus quamprimum cogere copias coepit, vt inde in Insubres cõtenderet, fortuna ita moliēte (quæ plerunq; ludere in rebus humanis solet) vt ipse sibi ex inimica pecunia Mediolanensē imperium strueret. Cum autem iter ingredi coepisset, aut iam ingressurum fama esset, Philippus in suspicionem venit, illius potentiam veritus, ne is sibi imperium, dominandi cupiditate, eripere cogitaret. Itaque misit plures ad Alphonsum nuncios oratum, ne in Insubres proficisci graueretur, velle se Mediolanum, & quicquid belli fortuna ei reliquisset, præter Ticinum urbem, quam vnā sibi vitæ solatium reseruaret, vbi procul à belli curis, ac negotijs ageret, in eius potestatem tradere. Ceterum Alphonsus indignum ratus, vt qui tam longè lateq; imperitasset, sese tanto dominatu priuaret, per literas consolabatur ægrum, bonoq; animo iubeat esse. Reiectisq; cõtinuò quæ ille offerebat, hortabatur eum, ne aut Venetorum metu, aut ulla de Francisco suspitione ea meditaretur, quæ tantæ existimationis principi indecora uiderētur: se neque laboribus, neque periculis, pro tuendo eius regno, parsurum. Quoq; illi de Francisco orta suspitio magis meditaretur, se cum primum is progredi coepisset, cum exercitu subsecuturum, ac ne quid ei nocere posset prouisurum. Inter hæc Eugenius pontifex, diuturno morbo affectus, è vita excessit. cuius mors Philippo, ac regiæ expeditioni (erat id momentum ingens in rebus gerendis) in incommoda accessit. Cumq; Alphonsus accepisset Romanorum principes, conuocatis ijs, ad quos noui Pontificis creatio pertinebat, tumultuari, ac per diuersas factiones niti, vt pro suorum studijs pontifex crearetur, egregium facinus arbitratus, talium virorum conatibus obstare, nec pati vt ij impedirentur, quo minus pontificis comitia proetere more, atque instituto, ritè haberentur, Marinum Caraciolum, Ioānem Antonium Rsinum, Gartiam Capanellum, & Caraffellum Caraffam ad Cardinalium collegium legatos misit, qui & Eugenij mortem sibi grauem fuisse ostenderent, & hortarentur in creando nouo pontifice, vno & consentienti animo essent: nec vererentur libere suffragium ferre: paratum se esse, si qui fortasse intercederent, quo minus comitia ritè haberētur, qui illorum conatibus obuiam iret, ac Sacrosanctæ potestatis libertatem dignitatēque defenderet. Cum autem ex eo quæreretur, quem nam illi potissimum ex omni Cardinalium numero Pontificem legi placeret: respōdit, eum qui vna totius collegij vocē, que consensu legeretur. Deinde procures Romanos (quorum nonnulli motus nuntiabantur) fauere paratos, prout in suos quisque affectus erat, ne quid intercederent, quo minus comitia ipsa ritè fierēt, per literas monuit. Quibus partim metu, partim vere-



cundia deterritis, missis insuper à rege, qui collegio adessent, fauerentque, Thomas episcopus Bononiensis, quem Nicolaum Quintum appellauere, Pontifex Maximus factus est. De quo ut aliquid dicam, hic me locus admonet. Fuit enim eius viri nō virtus modò, sed etiā fortuna nostro seculo admirabilis. Sergiani enim natus patre medico, honesto ac probo viro, cum sacrarum literarum studia prae ceteris adamasset, Bononiam, ac Senas se contulit: breuique tempore tum ingenij bonitate, tum diligentia Philosophus ac Theologus clarus euasit: pluribusque annis utrobique publicè literas profitendo floruit. Ad doctrinam eius emendati mores, ac vitæ integritas accedebant. Quibus de rebus Nicolai episcopi, ac cardinalis Bononiensis, viri sanctissimi, amicitiam sibi conciliauit: eiusque rebus summa cum fide administratis, id est consecutus, ut illo mortuo, ipse episcopus Bononiensis, orante vniuerso populo, ab Eugenio factus sit. Paucisque post mensibus legatus ab eodem ad Hunnos missus, cum res ex illius sententia gessisset, adueniens, Cardinalis insignibus ultro ad eum in itinere delatis, inter Cardinales cooptatus est, ac paulo post mortuo Eugenio miro quodam totius collegij consensu, Pontifex Maximus, ut diximus, factus est: atque hictantum honorum cursus (quod magis mirandum sit) ferè intra anni spacium illi contigit. Ut autem ad rem redeam, postquam regi renunciatum est, illū pontificem factum esse, festum diem quo ille pontificatus insignia acciperet à se condecorari, equum existimans, Honoratum Caietanum Gulielmū & Raimundum Moncatā, Carolū Campobassum, ac Marinū Caraciolum, qui suo nomine interessent, legatos Romā misit, ac mox alios per quos sese illius auctoritati subiecit. Haud multo post, cum à Venetis legati Romam venissent, ut publico nomine & ipsi partum pontificatum Nicolao gratularentur, postquam officio functi sunt, cum apud Pontificem in belli mentionem incidissent, docuere, nō placere Venetis bellum aduersus Philippum diutius continuari: ijsque pergratum fore, si pontifex legatum quempiam Ferrariam mitteret, quò cunctarum partium legati commodè conuenturi essent, ut ibi de cōmuni Italiæ pace ageretur. Omnibus ita palam fore, per Venetos non stare quo minus fida firmaque pax in Italia fieret. Quod cum Pontifici vehementer placuisset, cupienti Italiam diu bellis agitaram aliquando quiescere, missurum se breui Ferrariam legatum recepit. Iisdem propè verbis, legati Tibur profecti, apud Alphonsum vsi sunt. Quibus benignè auditis, nihil se prætermisurum respondit, quod ad pacem conficiendam pertineret. Nihil enim hoc uno sibi maiori curæ esse, Italiæ pacem cunctis principibus, populisque, quibus bene viuendi cura esset, maximè omnium optandam esse. Per eosdem dies & à Florentinis legati ad pontificem eadem de causa profecti, postquam pontifici debitum officium exoluerunt, Tibur, ut iussi erant, salutandi gratia ad regem accedere, remotisque arbitris, multa cum eo de pace collocuti sunt, quibus itidem, ut Venetis, responsum datum, comunem Italiæ pacem atque ocium magnopere à se expeti, seque eis neque consilio, neque opera, neque re vllā de fore, atque ita spe plenos à se dimisit. Post hæc, cum de legatis, pacis causa, Ferrariam mittendis cum pontifice egisset, misissetque pontifex Ioannem Cardinalem Morinensem, natione Gallum, virum preter iuris scientiam, ad quæuis magna natum, & in omni negotio consultissimum, cuius etiam operapōtifex in maximis & grauissimis quibuscunque rebus utebatur, ipse Caraffellum Caraffam, ac Matthæum Malferitum Ferrariam misit, siue pacem, siue inducias facere Venetis mallent. Quò profectis omnium principum ac ciuitatum legatis, cum de pace ageretur coram pōtificis legato, ac Leonello Ferrariensium principe cœptum esset, Matthæus Victorius, ac Paschalis Maripetrus Venetorum legati, quò bellū à ciuibis suis gestum excusarent, ante omnia dixere, vrbs suæ conditores, Attilæ olim terribili tyrāni arma fugientes in humilibus paruisque insulis, perpetuisque adedò æstuarijs, in quibus vrbs illorum sita est, vrbs suæ fundamenta iecisse, nec maiores suos vnquam voluisse, neque ex se ortos posteros alios populos sui causa eas ærumnas perpeti, quas ipsi Aquileia, Patauio, Altino, nobilissimisque alijs ciuitatibus Italiæ profugi, aut ab Attila, aut à Barbaris alijs postea passi essent. Quin potius eam urbem patria expulsis perfugium vnicum ac domicilium fuisse, perque hæc præclara maiorum instituta eorum remp. in eam magnitudinem creuisse. Se itaque tum natura, tum consuetudine maiorum atque instituto, ita cōparatos esse, ut nō nisi laceffiti, ac tuè de reipu. causa bella susciperēt atque persequerētur.

Si vero



iverò cōtingeret Philippum decedere, qui & mortalis esset, & planè iam grandis natu, & Mediolanenſes pacem eorum non aspernarentur, sese pro ijs quæ Philippo per bellum ademissent, tantum agri ijs collaturos, vt nemini amplius ambiguum esset, Venetos in Italia bellorum haudquaquam auctores extitisse. Post hæc cum de pace mentio cœpta esset fieri, adiecere, quoniam bellum à Philippo iniuste motum esset, debere Philippum, iure violati fœderis, quantum ipsi argenti in belli sumptum effudissent, repræsentare. Et quoniam Philippo, fortasse diuturnis bellorum impensis exhausto, non esset inde id in præsentia dissolueret, petere se certum pignus, donec ei soluendi potestas esset. Ad ea legati regij Venetos Philippo præstare idem debere, si ipsi bellum aduersus Philippum iniuste suscepisse conuincerentur. Eam autem controuersiam apud pontificem maximum Romæ faciliè cognosci, dirimi que posse. Cæterum Veneti eius rei disceptationem quam pro comperta habere se dicerent, ad pontificem referri noluerunt. Atque ita disceptando ille consumptus est dies. Multis verò iam diebus antè Philippus, Venetorum exercitu Abduam flumen transgresso, curis anxius, ac diffidens suis rebus, ad Alphonsum miserat oratum, vti quempiam è suis, qui cum intima consilia sua cōmunicare tutò posset, ad se mitteret. Quod cum Alphonſus à se haud temerè requiri, sibi persuaderet, Ludouicum Podium, cui vehementer fidebat, ad eum misit. Quo Mediolanum profecto, vt agnouit Philippus ex literis, regia manu præscriptis, hunc esse, quem ad se mitti rogauerat, postquam de rege, quæ voluit, percunctatus audiuit, vocatū à se inquit, in eum regio nomine omne ius potestatemque imperij sui transferret. Velle se quiti consulere, atque à tantis belli fluctibus sese quàm maximè abstrahere: proinde rogare, atque hortari vti is rerum suarum possessionem acciperet: quam si repudiaret, cui sua traderet non defuturum, eaquæ fortasse in huiusmodi virum peruentura, vt eam respuisse regem, postea serò, ac nequicquā pœniteret. Nam cum quotidie magis magisque ab hostibus premeretur, Mediolanū vique cum exercitu progressis, subierat animū eius desperatio quædam, omnia impendētia pericula circūspectantis. Ludouicus verò cum mandatū à rege nullū haberet, quo sibi de his transigere liceret, veritus nequid regē offenderet, reuic: cōtinuoque ad regē, ita iubente Philippo, magnis itineribus redijt, ab illo, si ita placeat, totius rei potestatem accepturos. Quibus cognitis Alphonſus, ne Philippi imperiū inimicorū potestatem perueniret, Ludouico eius rei potestatem fecit. Cæterum eius deliberatio in alterutrā variatis sententiis, ne id auaricia imperij effecisse videretur, paulò serior fuit. Interim Philippus primū ob aduersā valetudinē oculis captus, dein ex ipsa arce, ostilium armorum fragore audito, vehementer commotus, vitæ tædio simul & languore, mortem obiit. Quod cum Ludouicus Parmæ cognouisset, regemque præterea ab eo heredem institutum: cæterum Mediolanenses libertatis cupiditate incensos Reip. administrationē arripuisse, ignarus quo nā illorū cœpta euaderent, retrò conuerso itinere Reip. Lepidi venit. Quæ postquam Alphonſo renunciata sunt: veritus, ne Venetorū opes plus nimio crescerent, Mediolanensibus oppressis, Carafellū Caraffam, ac Matthæū Maleveritum, qui adhuc Ferrarię erāt, confestim Regium proficisci iussit, atque vnā cum Ludouico legatos ad Mediolanenses proficisci: qui quæ nam esset eorum mens, diligenter scrutarētur, simulque hortarentur, vt cōstanti animo aduersus hostes gererent bellum, sese ijs haud quaquam defuturum. Quibus ita constitutis, vltius progrediendum arbitrat, vt hostibus terrore iniecto Mediolanenses tanto belli onere leuaret, Tiburi digressus, adhuc incertus in Insubres ne iret, an Hetruriam peteret, pro rerū opportunitate cōsiliū in itinere capturus in Sabinos abiit. Ac primum Farfam ad nouem millia passuum Roma profectus, cōstitit: reliquū equitatum, qui ad se venturus esset, & item Eximinum Corellam, Matthæum Puiadem, ac Ioānem Olzinam opperiens, quos Ferdinando filio doloscenti ad regni gubernacula consiliarios ac rectores reliquerat, ad se idcirco accersitos, vt de rebus, quas se absente, gerendi causa belli agi vellet, mandata ijs traderet. Quibus ad se profectis, & quæ opus erant, edoctis inde mouit, atque in Sabinos perrexit. Quibus in locis aliquot dies ab eo consumpti, dum ex Insuſtribus certiora scire expectat: ibi & pro ea amicitia, quæ illi cum Philippo fuerat, & pro officio, quod ab illo hæc testamento nuncupatus esset, magnificentissimo funere ei iusta perfoluit. Indeque digressus, Nare flumine ponte iuncto, exercitum traiecit. Progressusque haud procul ab



Orta oppido substitit. Ibi duplex se pandebat iter: alterum per Tudertinos in Galliam Cisalpinam, alterum in Heturiam. Itaque aliquandiu dubius stetit, vtrum potius ingrederetur. Nam ex altera quidem parte verebatur, ne Mediolanenses, quorum salus sibi ingenti curæ erat, à Venetis opprimerentur, qui maiores copias habebant: ex altera verò cogitabat, si Florentinis bellum inferret, fore, vti rerum domesticarum metu à Venetis copias disiungerent. Quibus in Heturiam abstractis, bellum Mediolanensibus haud erat dubius, leuius fore. Denique cùm Heturiam petere constituisset, partim potestate, partim vado Tyberim amnem sub Ortam copias traduxit. Interim Simonetus copiarum dux, qui paulo antè à Florentinis finito stipendio discesserat, à Rege conductus est. Ad mille is equites ducebat. Appropinquantì agro Florentino regi, cum equitatu, & alio quanto peditatu obuiam venit, copiasque cū illo coniunxit. His copiis auctus rex, agro Florentinum ingredi (haud hostiliter tamen) coepit: sperans fore, vti Florentini metu nunc bellum in sese transferretur, copias ex Insucribus reuocarent: ipseque per Heturiā pacatam, & amicam ad opem Mediolanensibus ferendam proficisci posset. Cùm autem ad Montem Politanum peruenisset, legati ad eum à Senensibus oratum venere, ne quid incommodi ditionis suæ populis, qui finitimi Florentinis essent, à suis inferri pateretur. Quibus responsum à rege est, venisse se in Heturiam eo animo, atque consilio, vt neminem iniura afficeret: comunem à se totius Italiæ pacem, & tranquillitatem optari. Statuisse ideo Florentinis bellum inferre, quò illorum animos à belli consilijs ad pacem retraheret. Si ex Insucribus copias reuocent, nullum sibi cum ijs bellum aut inimicitias fore. Per eosdem dies Ianotius Pitius, ac Bernardus Medices legati à Florentinis ad regem venerunt. Hi que facta loquendi potestate, in hunc ferè modum locuti sunt: Audieramus, Rex, iam antequàm Tiburi discederes, instituisse te Heturiam petere, ad bellum ciuitati nostræ inferendum. Et quamuis eius nuncij autores haud tamen leues essent, tamen id nobis persuaderi nullo modo poterat, animo voluentibus pacem, atque amicitiam, que nobis cum Aragonum regibus, maioribusque tuis, multis iam sæculis, atque adeò tecum, singularis fuit. Repetebamus memoria multa ac magna beneficia vltro citroque data acceptaque. Veniebant in mentem mutuatorum, ac nostrorum ciuium commercia, atque hospitia, quæ cum nulla alia gente in omni orbe terrarum, aut maiora, aut frequentiora nobis extiterunt. Cogitabamus, postquàm regno Neapolitano potitus es, nihil nos molitos esse, quod status tui quieti incommodaret. Considerabamus præterea naturam tuam: non solere te bella iniusta suscipere, eaque res vna potissimum nos in hac sententia confirmabat. Te enim, cum sis inter nostri temporis reges opibus potentissimus, auctoritate amplissimus, ætate, rerumque militarium vsu grauissimus, nihil aliud præter decus & gloriam, præterque pacem & ocium (qui finis bella gerentibus proponi solet) querere existimabamus. Atque hæc quidem rationes & causæ suberant, cur non satis crederemus ijs, qui nobis bellum abs te futurum prædicebant. Verum postquam comperimus te agri nostri fines iam ingressum, hostili animo aduentare (quanquàm nondum gladium nudaueris) id maximè admirati, venimus oratum pro veteri amicitia nostra, vt quam aduersus nos concepisti, ira posita, à nostrorum iniurijs, ac populationibus milites tuos arceas, simulque nobis exponas, quæ nam huius tuæ indignationis causa fuerit, vt ea ciuibus nostris renunciata, aut re aut verbis tibi satisfacere queamus. Ad ea rex in hunc ferè modum: Haudquaquam vobis ignotum esse, Florentini, arbitror, (id quod res ipsa docuit) consilia mea, postquam regni Neapolitani compos factus sum, semper cum pace totius Italiæ fuisse coniuncta, semperque id vnū me spectasse. Quippe qui hanc vnā rem mihi maximè omnium gloriosam existimabam, si (quantum in me esset) defessæ iam tandem tot malis & calamitatibus Italiæ requiem darem. Neque vos præterit, cum adhuc Philippus viueret, Eugenium pontificem maximum, meo potissimum hortatu, legatum Italicæ pacis componendæ gratia Ferrariam misisse, quò etiam ego & Philippus, legatos nostros, vos item, ac socij vestros misistis. Cæterum cum ea de re agi coeptum esset, Philippi immatura mors pacis mentionem sustulit. Quo mortuo, Veneti, quos rebamur omnes bellandi tædio iam tandem affectos, bello finem imposituros, Philippi imperiū occupare conati sunt. Quorū legatis cum per eosdē legatos nostros obiectum hoc esset, nō respondere iisdem verbis, quib. paulo ante Philippi mortē

vsi essent



si essent (dixerant enim inter cetera (vt eorum verbis vtar) in ea disceptatione cum de pacis legibus tractari coeptum esset, Philippum omnis belli causam ac fomitem fuisse, qui ex bellis bella ferens, requiescere non posset) sed consilia pro re ac tempore capi loquere responderunt. Tunc vero palam factum est (id quod multis adhuc ambiguum erat) eos scilicet, non Philippum tantorum bellorum causam extitisse. Nam qui mortuo Philippo contra Mediolanenses adhuc irati arma retineant, cum pacem tranquillam habere possint, ijs planè belli factores ac fomites esse, manifestò conuincuntur: quin etiam huic dominandi libidini non vulgarem quandam verborum crudelitatem adiecerunt. Nò modo enim nò excusarunt immoderatam bellandi cupiditatē, sed senatū ita quoque decreuisse dixerunt, vt quæ Philippo reliqua erant (si quando in eorum potestatem peruenirēt) militi ad prædā proponerētur: qua voce an vlla ferocior, aut immanior sit, haud scio. Nò rat ijs satis, quòd Philippū perpetuo atque immortalī bello laceffissent, nisi & Mediolanenses, quibus nulla gens in Italia pacatior est, libertatem tueri conantes, accerbissimū seruitutis iugum subire cogerēt, idque copijs vestris adiuti (quod mihi grauius est) quibus illi aucti, ac freti Mediolanensem agrū longa pace, omni frugum ac rerum copia reuertū, crudeliter vexant, ac diripiunt. Cum ad me equo iure spectet, vt scitis, Mediolanense imperium, atque adeò omnia quæ Philippus tenebat, quem ille moriens heredem instituerit, & copiarum vestrarum adiumento, quas ex Insucribus reuocare nolulistis, hæc incommoda nostris inferantur, ob eam causam arma sumere compulsus, veni, vt hanc à me (si possim) iniuriam propellam, vimque, vt aiunt (quod per leges licet) vi arceam. Atque ideo tardius iter feci, postquam Tiburi discessi, vt vobis spacijs satis daretur, ad res vestras, necum, si ea mens vobis fuisset, componendas. Quod postquam negligentia vestra ne quicquam expectari animaduerti, propositam expeditionem persequi constitui. Vos itaque rebus vestris, vt videtur consulite, postquam sapius moniti audire nolulistis. Hæc vbi legati audiēre, nullo responso dato, vehemēter à rege petierūt, vt bello abstineret, donec ijs Senatui renunciatis, quid is censeret, retulissent. Quod cum primò abnueret, tandem precibus victus, quinque dierum inducias Florentinis concessit: atque vt is interim belli suspensionem magis adimeret, inter Florentinū, ac Senensem agrum exercitū ductato, ad sex millia passuum à Senis consedit. Post quintū diem cum Florentini nihil responderent, castra mouit. Ac primò inter Rincium quod erat Florentinorum castellum, ac Senas duxit. Cumque ibi castrametatus esset, Senenses suspicati, eum per actionum capita eniti, ac struere vt eorum vrbe potiretur, confestim armatos intra vrbem, & ad portas disposuerunt: ob eamque suspensionē fiebat, vt parum commeatuum in castra deferretur. Quod vbi agnouit, extemplo ad eos legatum misit Franciscum Marinellum, quo viro tunc in magnis quibusque rebus utebatur, qui eiusmodi suspensionē anam esse demonstraret. Quorū amicitiam non tam optabat, quod vllum ab ijs in bello auxilium expectabat (quanquam multa ac magna polliciti fuissent) quàm vt inde sibi copia commeatuum esset, quos aliunde contrahere laboriosum, ac sumptuosum esset. Qui audito Martinello, ea suspensione non nihil leuati, comeatus aliquāto largius in castra deportari permisserunt. A Rincio inde, continuò inter Senensem & Florentinum agrum, aud hostiliter itum: donec Pomarantium peruentum est. Quod castellum, primum omnium à rege hostiliter petiit, eo ipso quo venerat die, copijs circumfusus captumque direptum est. Ad Castrum Nouum, inde in Volaterranum mouit: cuius incolæ auita Pomarantij clade, confestim absque certamine in deditionem venerunt. Idem fecere aliquot castella circumiecta, ne per vim idem agere cogerentur. Post hæc Mōtem Castellum petijt in colle situm, natura atque opere munitum. Quod quoniam haud expugnabile videbatur, castris haud inde procul positus, obsidere aggressus est. Inter hæc Senenses siue Florentinorum metu, siue eius suspensionis causa (quam diximus) cuius fortasse aliqua adhuc vestigia animo residerent, commeatus perparcè summittere, eosque non paruo precio venditare. Quod cum Alphonsus animaduerneret, rursus illos misit, qui de ea re (vt par erat) quereretur. Verum enimverò ea legatio vel nil, vel parum illos mouit. Nihilo enim vberius commeatus in castra deferri siuerunt. Quod autem deferrebant, inter eos diuidebatur, quibus commeatus petendi à circumiectis castellis, facultas nò erat. Nā quibus potestas erat, ij necessitati suæ cōsulebāt. Idque



prouisum à rege fuerat, quo com meatuū penuria in castris subleuaretur. Cæterum dū castellum obsidetur, aliud malum, præter famem, vexare milites cœpit. Namq; ea imbrum magnitudo, eaq; vis ventorum fuit, vt neque extra tentoria, neq; intra magis quiescere quisquam posset multis eorū discerptis, multis per aërem raptatis. Castellani interrim situ freti, nullam de deditione mentionē facere. Itaq; cum rex animaduerneret ( præter ea, quæ cōmemorauimus incommoda) frustra ibi tempus teri, quòd absq; operibus castellū expugnari non posset, quæ eò comportati immensi operis fuisset, motis inde castris, Campiliā perrexit, atq; ibi castra fecit. Ea enim via in agrū Pisanū ferebat, quò intēdebat iter. Sed quoniā Florentini, cognito eius itinere, illud & præsidio, & annona, prius firmauerāt, diebus aliquot cōmoratus, ad castella sex finitima in Gerardisca (id ei regionis est nomen) Facij comitis, qui à Florētini olim pulsus regem diu secutus fuerat, recepit, receptaq; ei restituit. Interea Florētini agrestes, ac populares suos ex minus firmis in tutiora loca traducere, copijs præposito Federico Vrbinatū Principe, rei militaris perito. Rex verò, antequam in Hetruriam ingrederetur, Sigismundum Malatestam cum equitibus *m c c c.* ac peditibus *d c.* conduxerat, eiusque aduentum indies cupidius expectabat. Ceterum is accepto regis stipendio, Florentinorū pollicitationibus captus, ad eos se contulit: quæ res consilium immutare de itinere regem compulit. Itaque cū cerneret com meatus à Senensibus exiguè subministrari, pabulaque & stramenta in ijs locis, propter anni tempus, defecisse (iam enim media hyems sæuebat) loca mari propinquiora, cœlique mitioris petere instituit, confestimque soluta obsidione, ad portum Baratum, quina inde milia passuum, cum exercitu profectus est, ea vel maximè ratione, quòd è regno Neapolitano frumenta, atque omnē com meatuum genus, mari ad se deportari facultas esset, propter portus opportunitatem. Imminebat portui collis, in quo olim sita fuerat vetustissima vrbs Populonia, cuius adhuc nonnulla exstant vestigia: circa hunc collem castra fecit. Distat autem collis à Plumbino, quod quidam Populonium appellandum putant (nomen à Populonia ductum) non plus ferè tribus millibus passuum. Erat nobile oppidum, ac per opportunè situm ad bellum Hetruriæ inferendum. Tenebatur autem à Rainaldo Vrsino, qui antequam rex in ea loca com meatet, Florentinis inimicus esse, quòd eorum vicinitatem suspectam haberet, putabatur: ceterum is ipse, vbi rex est profectus, nec eum ipsum, nec quenquam suorum in oppidum, nec com meatus, qui mari deferebantur, recipere sustinuit. Dispositisque quā primū per moenia ac portas armatis, aduentanti portas clausit, nec nisi admodum paucos è regijs militibus oppidum intrare patiebatur. In hoc rerum statu, cū quidam Florentinorum milites mercede conducti, quos Castilionum præsidio miserant, deditionem oppidi pollicerentur, præmisso Simoneto cum equitatu, oppido, excepta arce, est potitus. Quo cognito, motis properè castris, eò cōtendit, omniq; aditu terra mariq; occupato, arcem obsidere aggressus est. Quod postquam Florentinis renunciatum est, ingens sollicitudo urbem peruasit, quòd præterquā, quòd eò facilè è Neapolitano regno ad vsum belli necessaria comportari possent, is locus belli sedes hostibus esset futurus. Quibus tantū sub diuo, atque in tentorijs agendi antea potestas erat. Putabant enim, vbi nullum oppidum in eorum agro rex haberet, in quo quidem posset consistere, fore vt hyemis tædio in regnum cum exercitu reuerteretur. Quapropter copias repente cogi, & Sigismundū properare iusserunt. Interim qui in arce obsidebantur, cū se vndique circumfessos intuerentur, operibus territi, quæ regem ex Neapoli conuehi iussisse fama erat, deditionē pacti sunt, nisi intra decimum diem Florentini opem ferrent. Cumque nulla auxilia venirent, deditione facta, arce excefferunt. Haud multo post arce atque oppido præsidio firmatis, Aquam Viuam, sub vernum tempus, cum exercitu petijt, quòd ibi aliquanto maior pabuli copia foret. Cumq; ibi castra fecisset, legati ad eum à Mediolanensibus, amicitia, atq; opem postulatum venēre. Nanque Veneti post ingentem cladem acceptā, Francisco Sfortia Mediolanensis exercitus duce, cū viderent nullam reliquam spem salutis sibi amplius superesse, ipsum Franciscum à Mediolanensibus magnis pollicitationibus distractū eorum copijs præposuerunt. Qui in Mediolanensem agrū cum exercitu subito profectus (neq; enim erant Mediolanensibus, ab illo repente destitutis, copiarū vllæ reliquæ, quibus æquo campo congredi auderēt) in graues curas Mediolanensium populū

(vt par-



(vt par erat) coniecit. Qui cum nullam aliam tuendi status sui rationem animaduertent, ad regis amicitiam societatemque confugere decreuerunt. Quorum legati ad regem missi, cum mandata exposuissent, re ad consilium relata, omnes illis subueniendum esse censuerunt, ne vel Franciscus Sfortia, vel Veneti Mediolano, vrbe tam opulenta, tamque opportunè sita, potirentur, quorum utriusque inimico animo in regem essent. Periculum enim fore, si quo fato Veneti eam Italiae partem imperio suo subiecissent, ne breui tempore reliqua Italia potirentur. Itaque Mediolanenses à rege in amicitiam ac societatem recepti sunt. Atque in eo Alphonsus apertè ostendit, quamuis ex Philippi testamento Mediolanense imperium sibi deberetur, se non tam id expetere, quam totius Italiae pacem atque tranquillitatem. Quæ res Mediolanum perlata, ciuium animos ad communis libertatis defensionem magnopere confirmauit. Florentini verò ea re cognita, legatos ad Alphonsum miserunt, qui eum placare conarentur, ac de componendis rebus agerent. Rex item legatos ad illos misit, Baptistam Platamonum, ac Ludouicum Podium, qui ijs suaderent, uti à Venetorum societate discederent, si pacem suam amarent. Ceterum ea pacis metio frustra habita est. Florentinis in eo persistentibus, ne à Venetis, & Francisco Sfortia diuiderentur. Aliquanto post Alphonsus medio iam uere, quo maior pabuli copia suppetere, ad Abbatiam, quam Fangi vocant, cum omnibus copijs profectus est. Cumque Mediolanenses legati instarent, uti bellum Venetis indicerent, sperantes regis nominis terrore retrouersuros hostes, ac de ea re consultari regi placuisset (cæteris indicendum bellum censentibus) vnus ex ijs qui aderant aliter sentire se ait, quod periculum esset, ne confestim, ubi id Veneti rescissent, omnes regios ciues, qui Venetijs, & cæteris in locis quæ illorum imperio parerent, negociarentur agerent ue, bonis spoliatis, in carcerem conijcerent, tum vel maximè, quod cum illis essent triremes complures paratæ, atque instructæ, quæ onerarijs præsidio ituræ ferebantur, facile poterant regia castra maritimis commeatibus intercludere, ac Florentinorum exercitui, qui à tergo esset, animos addere. Sed in eorum sententiam itum est, qui officio fungendum, ac salutem rogantium amicorum consulendum suadebant. Itaque bellum aduersus Venetos extemplo decernitur, atque in castris promulgatur. Interea Florentini de suorum fide valde solliciti, præsidij oppida firmare, ignari quoniam rex contenderet. Alphonsus verò media iam æstate Campiliam rursus petijt, animo meditans Plumbinum aggredi: si fieri posset ut aut oppidum expugnaret, aut Rainaldum in sententiâ pertraheret. Cumque ibi castris positis, aliquot diebus mansisset, Petrum Cardonam cum equitatus parte præmisit, qui excursionem sub oppidum facta quot oppidanos nactus esset, comprehenderet. Ceterum Rainaldus vir bellicis artibus instructus, cum ob eiusmodi suspicionem suos in oppido contineret, pauci capti sunt. Postero die rex motis inde castris, sub ipsum oppidum castra posuit. Quod cum Rainaldus animaduertent, à Florentinis auxilium petijt, à quibus continenter aduersus regem sollicitabatur. Hi igitur duabus triremibus onerarijs celeriter instructis, frumenta, milites, arma, tela, imposuerunt. Quæ Pisus in altum euectæ, adiuuante vento, subitoque Plumbinum profectæ, commeatus ac milites in oppidum, nullo resistantè, exposuere. Neque enim tunc regi naues erant (nam triremes aliò ierant) quibus illarum cursum impedire posset. Quo auxilio fretus Rainaldus, diuisis per stationes oppidanis, militibusque intra muros semper paratis, resistere audacius coepit. Quapropter Alphonsus cum oppidum terra marique obsidere statuisset: naues cogi, & cum ijs tormenta ænea cæteraque id genus machinamenta deferri, frumenta, ordeæque, & cæteros commeatus à Neapoli ad se mitti imperauit. Interea equorum plerique, cum quicquid herbidum circa erat, mandissent, nudumque solum nullam iam amplius stramentorum, aut pabuli copiam subministraret, neque hæc vicinis hostibus longius peti possent: harundinumque & quercuum folijs, rubisque, & arborum corticibus sustentari cogerentur (iam enim finis autumnus erat) macie atque inedia confecti extabuerunt. In hominum quoque corpora vulgatus morbus: quod omnis illa ora propter pestilentem auram, ex palustribus locis efflaret, exitiabilis atque infamis est, complures aut extinxit, aut longa valetudine affixit. Florentini verò cognita Plumbini obsidione, quod spem obsessis darent, Federicum ac Sigismundum qui iam aduentarant (coactis omnibus copijs, præter eas, quæ oppidis præsidio essent, delectibusque raptim comparatis) Campiliam confestim miserant. Quoque tutior



ac facilius com meatuum copia castris suppeditaretur, ad Vadę portum Campilię ad octo milia passuum propinquum, naues com meatibus onustas, ę Pisano portu dimittebant, atq; inde in castra modico pręsidio deportabāt. Nam terra iumentis, aut vehiculis cōuehere, tum laboriosū, tum haud tutū erat. Itaq; cūm triremes quatuor onerarias cum com meatibus eō misissēt, rex de earum aduentu certior factus, triremes sex, quas apud Portū Baratū paratas habebat, quę oram maritimam hostium quotidie excurrentes, infestabant, cūm tribus onerarijs nauibus haud magnis, quę ex Neapoli cōmeatus aduexerant: nauales socios cogere, & cum ijs Garcerarium Rechesentium cum imperio Vadam petere pręcipit. Quę cūm ab hostibus, qui in speculis locati erant, procul prospectę essent: continuō triremium pręfecti sublati anchoris, pulsibūsq; solido fune cōpactis, ne qua hostilis naus sese in mediū cōijceret, ę portu egredi, arma corripere, remis velisque fugiendi animo in altum tendere, ac remulco agi. Sed tanta est exorta in mari malacia, propē penitus cadente vento, vt nihil, aut perparum opis in velis esset. Adnitebantur autem, quantum arte poterant, longē vt in mari proucherentur, ac regiam classem infra se à terra relinquerent: quō ijs & inuadendi & euadendi, cūm vellent, potestas foret. At verō regię onerarię actę à triremibus in hostium naues remulco ferebantur, omnibus ad pręlium instructis intentisq;e. Quas propinquiores factas crebrioribus primo flexibus, aliquantum hostes ludificatę sunt. Ceterū triremium beneficio appulsis ad hostium naues onerarijs regijs, consistere ac depugnare coactę sunt. Sed primo impetu vnam à regijs onerarijs comprehenderunt. Quod cūm regijs animaduertirent, qui cum duabus reliquis onerarijs pugnabant, pudore simul & ira concitati, in hostes ferocius irruunt: omniq; telorum genere desuper vrgentes, in eorum naues se cōsternunt, sternuntque obuios. A lateribus quoque, & à pupibus, triremibus circumfusi, longē infestabantur: nec de victoria adhuc certiores erant. Pugnatum est supra horam acriter, nec incruenta victoria pręlium nox diremit. Duę Florentinorum triremes capte: reliquę discreptis retinaculis, interuentu noctis, ac venti exortu in altū euectę, regionum manus effugerunt, multis victarum propugnatoribus, priusquam dissoluerentur in eas transgressis, oneraria regia, quam primo congressu captam diximus, recepta. Res memorabilis eo pręlio accidit. Cūm essent pugna implicite naues, Franciscus Centilia, vir apprimē nobilis, ę Populonię colle, vnā cum rege formam pugnę contemplatus, quę procul ad octo milia passuū cōmittebatur, regi pugnę euentū anxie expectanti affirmasse fertur, regios vicisse. Postquam naues hostium captę, perductę regi sunt, duplex latiticia in castris fuit, quōd hostibus, pręter ademptas naues, importandorum mari in castra cōmeatum, facultatem ereptam videbant. Posthęc sępius tentatum, an posset Rainaldus pluribus atque ijs honestis cōditionibus ei propositis, à belli cōsilio reuocari, antequam ad vltimum certamen veniretur. Quod cūm nequaquam succederet, totis viribus oppidum adoriri constituit. Inter hęc Federicus, ac Sigismundus sępius minitari, sese cum copijs decertandi animo mox affore. Cūmque misissent, qui postridie se affuturos, potestatemq;e pugnandi facturos, denunciarent, rex insequenti die, postquam illuxit, copijs omnibus in aciem eductis, ad confirmandos suorum animos ita locutus est: Ego vestra virtute fretus, quā sępius in Italia, Africa, Hispania, hostes viceram, ac demum regnum Neapolitanum magnum atque opulentum, vestris maximis laboribus ac periculis adeptus fueram, Hetruscā hanc expeditionem suscepi: mihi persuadens, vos eādam operam ac fidem, quam superioribus bellis: mihi æquē strenuē pręstaturus. Quippe quos sępius pluris facere dignitatem gloriamq;e meā, quā salutē vestram, quā vitam, quemadmodum viros fortes decet, animaduerti. Itaque quam animi fortitudinē, quāq; cōstantiam antehac ostendistis, eandem hodie repręsentetis opus est, quō par tam armis gloriam, cuius iactura generosis animis omni incōmodo & calamitate debet esse grauior, tueri valeatis. Nec verō vos in periculum mitto, ipse adsum, sed comes eo, omnis euentus vestri particeps futurus. Res nostra, vt videtis, eo loco sita est, vt nobis aut viriliter pugnandum, aut turpiter cedendum, deferendaq;e obsidio sit, quandoquidem hostes sese hodie cōfligendi consilio ad castra nostra profecturos denunciarūt. Itaque vt paucis agam, si pristinā animi virtutē, si robur, si uestrū illud in me ingens studiū retinetis, nihil est profectō quod de victoria (Deo bene iuuante) dubitē. Nāq; vt ignauos viros for-



viros fortuna reijcit, ita fortibus præstò est. Hæc cum esset elocutus, cuncti operam lætis animis impigrè polliciti sunt. Ceterum hostes siue metu deterriti, siue quòd Florentini reipub. in vltimum discrimen adducere veriti consilium mutarint, sese in castris còtinuerunt. Quapropter cum Alphonsus ad multam diem in armis permanisset, nec vlli apparerent hostes, cum copijs in castra se recepit. Aliquanto pòst cum oppidum vndique oppugnare statuisset, tormenta aenea quæ miræ magnitudinis ex Neapoli aduecta ante oppidum constituerat, quibusque turrim quandam cum parte moenium disiecerat, parari aduersum arcem, quæ à terra sita est, & magis ad Orientè vergit, confestim iubet, eamque partem Petro Cardone oppugnandam attribuit, ab occidente Inicum Gheuarum cum lecta virorum manu, à Septentrione, quæ porta oppidi erat, externorum militum robur, à mari Berengarium Barilium classis ducem cum nauibus locat. Quibus còstitutis, postridie mane exorto sole, pugnam committi imperat. Oppidani, qui ex præparationibus pridie factis consilium regis intellexerant, eam & ipsi sese ad resistendum comparauerant, murosque viris, lapidibus, tormentis ac missilibus compleuerat. Signo dato, regij à terra magno impetu in fossas ruere, & ad moenia contendere, à mari autem onerariæ quò propius tutò potuerunt, pontibus in puppibus excitatis quos in muros transmitterent, haud procul ab arce maritima magna vi subire, expositis è triremibus socijs naualibus, & ipsi ad muros succedere coeperunt, oppidanis variè terrorem intentantes. Pugnabatur acriter vndiq; multisq; sepius à muro repulsis, eodè, postquàm se collegerant còtendebant atq; eò acrius rem gerebant, quòd in còspectu regis dimicabatur. Qui continuè pugnantes, obiens nunc hos, nunc illos in prælium acuebat, ac si qui pugnando fessi, aut vlnribus confecti videbantur, ijs è pugna reuocatis, alios recentes summittebat. Prouidebat quoq; ne quid à tergo hostilis exercitus turbare pugnantes posset. Qui ab Oriente rem gerebant, qua parte tormenta posita diximus, grauius læsi. Paries enim transuersus pignantibus oppositus erat. Ex quo sagittarij & qui tormentis minoribus utebantur proreçti, subeuntes ad moenia regios in latera feriebant, pluresque occidebant: grandiu insuper lapidum deiectu multos humi sternere. Ab ea parte Ioanes Antonius Foxanus, ac Ioanes Antonius Caudola adolescèntior ad muros peruadere, fortiterq; còtra oppidanos pugnare inter ceteros animaduersi sunt: at ab Occidente, qua Inicus Gheuara certabat, quòd ea pars ab arce remota erat, aliquàto magis oppidani laborant multisq; vt diximus, in fossam ruentibus, Martinus Nutius ad moenia progressus diu vim hostiu fortiter sustinuit. Bernardus Sterlicius, ibidem depugnado hostili telo confossus, exanimis repètè cecidit. Franciscus Dauid, dum muru audacius subit, præceps in fossam datus, vulnereque ad postremum detardatus ab hostibus captus est. Galeatius Baldafinus ter, aut saepius apprehenso muri fastigio, quàm prius tormèta disiecerat, conatus est in oppidum irruere. Ceteru feruentis aque viueq; calcis (quæ inter arma ingesta vbi ad corpus penetrauerat, perurebat artus) vi deterritus, grauisq; saxi ictu cū reuulsa aggeris parte, quàm manu apprehenderat, deturbatus est. In ea nanq; parte Rainaldus ob id lectos viros de industria collocarat, pro muro diruto, aggere intus suffecto. Et quoniam de Galeatio facta est mentio, nò est silentio prætereunda eius viri virtus. statura fuit quæ mediocrè longè excederet, robustis ac teretibus membris. Corporis magnitudini vires respondebant iueta, iactu, saltu hominu nulli cessit. Membroru robori par animus erat. equo ac pede iuxta bellator acerrimus. graui armatura armatus galeatusq; humi stans, sinistra sellam, dextra hastam equestrem tenens strenuo saltu grandis stature equum insilibat. Singulari certamine quater præliatus, bis in Italia, semel in Gallia, item in Burgundia, quæ Belgica dicitur, totiens victor euasit. A tribus hostium equitibus hoc ipso bello aliquando petitus, vnum ex ijs gladij capulo seminecem equo excussit: alium citato equo mediū amplexus, è sella extractu humi strauit: tertium cubito grauius percussu in fugam vertit. tanta porro modestia, vt nunquàm ipse de sese vel rogantibus amicis diceret: vitæ cultu, norumque elegantia omnibus præterea gratus, charusque habitus. Vt autem ad rem festam redeamus, qui è classe dimicabant, cum propter vada propius subeundi, pontesque in muros exponendi facultas nò esset, cominus pugnabat. Aduersus quos oppidani intenti illos tormentis, atque omnifariam telis petebant, qui verò è triremibus in terram egressi fuerant, circa muros aditum moliebantur: denique nusquam cessabatur ar-



morum interim strepitus, ac pugnantium clamor, cœlum compleuerat, tormenta ænea, partim antea, partim eo ipso die, inciticia, ut putant, artificis propè omnia confecta sunt, cum quidem oppidani tormentis minoribus, quæ Colubrinæ vulgò appellari diximus, ipsi intra muros abditi, multos regionum perimerent. Nanque è cubitalibus in muro cauiis, multos letho dabant. Dum sic pugnatur, renunciatur regi, qui prælians equo circumibatur, Florentinorum copias adesse. Miserat enim procul à castris in diuersa speculatores, ac partem copiarum procul à castris consistere iusserat, qui si hostes aduenterent, eorum impetum tantisper sustinerent. Itaque eo nuncio accepto, confestim milites à pugna reuocat, missisq; qui de hostibus explorarent, ipse copias ex templò instruit. Ceterum qui missi sunt, cum retulissent, paucos quosdam hostium vagos à se visos esse, haud amplius oppugnandum oppidum arbitratus (missis ad naues qui iuberent, ut qui à mari adhuc pugnabant, huius tumultus nescij, prælio desisterent) cum omnibus copiis in castra se recepit, atque posthac suorum labori ac discrimini parcere statuit: cumque cogitaret comatus ad se, per id anni tempus, mari ægrè ferri propter continuatam plures dies aduersam tempestatem, ex qua interdum fiebat, ut summa comeatuum inopia in castris esset, nec quicquam præterea superesse, consumptis arborum folijs, & si quid erat, quo equorum fames sustentari posset, bello in aliud tempus dilato, Neapolim reuerti cum exercitu instituit, biduoque post pugnam soluta obsidione, composito agmine iter faciens Castilionum cum copiis profectus est, atque inde in Senesem agrum, Lacidoniam perges, ad Ciuitatem Veterem abiit, nouemque triremibus eodem profectis, cum sese mari commisisset Neapolim petiturus, exercitu terra dimisso, subito exorta maris procella naues dispulit, ventoque per varia iactante, quatuor earum, in quibus rex erat ipse, Caietam totidem ad Pontiam Insulam, una reliqua ad Ciuitatem Veterem, unde soluerat, reiecta est. Inde Neapolim terrestri itinere profectus, miro ciuium desiderio exceptus est, nulla re omissa, quæ ad concelebrandum eius reditum excogitari posset. Sed mirabilis ante omnes honores illi decretos extitit: nocturnorum luminum multitudo. Namque ciues incensa funalia singuli manibus gestantes, postquam totam urbem equis lustrauere, sub primam noctis vigiliam gratulabundi in regiam conuenerunt. Post hæc ad arcem ædificandam conuersus, cuius ex ædificatio, belli causa, nihil non intermissa fuerat, eam breui tum opere mirabilem in expugnabilemque, tum sumptu magnificentissimam effecit, quinque turribus orbiculari forma, quatuor angularibus, quinta interiecta è lapide quadrato, mirifica structura, atque artificio, murique crassitudine inaudita excitatis. Inter turrim mediam & angularem ad occasum vergentes, portam cum ingenti arcui triumphali ex marmore candidissimo, constituit, turribus ipsis ad Arce solū plenis, quas nulla prorsus machinamentorum vis possit euertere. Interiectarum ædium pariete nouo lapide vtrinque cotabulato, ingentisque præterea latitudinis, itidem è saxo quadrato, fossa à labris circumducta. Cumque contra arcem ad sagittæ iactum breue solū esset, mari circumfusus, in quo parua quædam turris antea sita fuerat, ne aliquando hostes occupato solo turriq; ibidem edificata, arcem ipsam mari obsideret, disiectis veteribus fundamentis aliam in medio solo, æquè admirabilis artificij, tantæ verò altitudinis quam nullius nauius malus æquaret, extruxit. Eo tempore, cum Veneti aduersus Mediolanenses bellum continerent, hortatibus orantibusque eorum legatis, ut ijs mari bellum inferret, quo tanta belli mole subleuaretur (urgebat enim ceruici instans Franciscus Sfortia, qui Mediolanum obsidebat) ingentem onerariam nauim armavit, eique Inicum Daualum præstatem virum, præposuit, qui mox alia naue, haud multo minore, quam non longè ab oppido Tunete cepit, illi addita, in Ionium mare profectus, hostium naues Alexandria redeuntes obseruabat. Quare Veneti certiores facti, confestim naues sex onerarias, ac triremes quindecim, inter quas erant onerariæ maiores tres, egregiè instructas, aduersus regias miserunt, quas in Ionio mari cum nocte essent, ad Siciliæ usque fretum insecutæ, noctis interuentu sequestratæ regiarum Siracusanum portum continuato cursu petierunt, suadentibus ijs, quorum consilio Inicus plurimum utebatur. Quo cognito, Veneti cum classe eodem profecti, portumque ingressi post longum atque atrox certamen, in quo multi vtrinque desiderati sunt, cum naues ad terram alligatas inde reuellere nullis artibus posset, defendentibus summa vi regijs, appulsa naui incensa, illas cremauerunt, nec vlla humana ope inhiberi restingui ut incendiū potuit.



Qua clade cognita Alphonsus, triremibus decem confestim coactis, Bernardum Villamarinum, virum acrem, rerumque maritimarum peritum, in Adriaticum misit. Venetis, per id temporis, triremes duodecim erant partæ instructæque, quarum præfectus de regiarum aduentu certior factus, ad eas inquirendas proficiscebatur. Cum autem longè in altum prouectus tranquillo mari nauigaret, ob aduersam tempestatem classe diffecta, triremes quinque in Epirum quod regiæ se contulerant, fortè delatæ sunt: cūq; supra eum portum quem Coturnicū appellāt, terrā petentes irent, quo in portu regia classis stabat, Bernardus cum classe, subito è portu eruptione facta, ad illarum curiū iter dirigit. Quod ubi Veneti animaduenerunt, hostes vt erant, rati, sese extemplò in fugam conijciunt. Quos cū regij enixius insequerentur, duæ ex his conuersis ad terram probris litus inuadunt, seque certatim præcipientes dantes, eas vacuas hosti reliquerunt. Vna earū plena capta est, reliquæ duæ, quòd velociores erant, effugerunt, deinde Bernardus ijs insulis quas Veneti in Aegeo mari tenebant, hostiliter petitis, plerisque nauibus captis, multa eis & magna detrimenta intulit, quoad inde Neapolim per pacem à regē reuocatus est. Post hæc Alphonsus inualecentibus Turcarum opibus, Bernardum, sumpto commeatu, atque ijsdem triremibus vna adiecta, cuius ductor erat Thomas Caraffa, eques clarus, qui in ea expeditione febris correptus mortē obiit, in Aegeum mare reuerti iussit, atque inde in Cilicum oram, quam nunc Satalaneum nuncupant, contra Rhodō sitam proficiscentem, exiguam quandam insulam, cultoribus vacuam, cum classe occupare, atque arcem in ea sitam reficere, de qua arce hæc accepimus. In ea insula Turcæ olim, cū à Rhodijs nauibus vehementer infestarentur, (neque enim multum inde abest Rhodus insula) arcem quandam, Castrum Rubrum appellatam, exedificarunt, præsidioque firmatam multos annos summa cura custodierant, prædatorijsq; nauibus Rhodon frequentius petebant: mortuo autem Amurate, Turcarum principe, cū de regno inter proceres certamen esset, Rhodiæ religionis principes occasionem castelli recipiendi (vt sibi videbatur) nacti, comparata classe, insulam petierunt, expositisq; in terrā nilitibus, arcem obsederunt: nec prius inde discessere, quā illam fame domitam in potestatem redegerunt. Valido deinde præsidio firmatam diutenuere. Ad postremum Turcæ (quod quidem hac ætate nostra contigit) sopitis domi discordijs, languescentijsque iam Rhodij ordinis viribus, cū magna classe parata Rhodon petissent, multisque cladibus affecta insula, oppidum aliquandiu frustra obsedissent, desperataque victoria abscederent, ad insulam, quam suprà memorauimus, cum classe profecti, urbem Rhodon à se vi captam atque euersam mentiri, ijs qui castello præsidio erant tantum terroris ac metus iniecerunt, vt confestim salutem pacti arce excesserint: quos omnes Turcæ, violata fide, comprehensos foedè cæciderunt, castellumque solo æquarunt: nec ante Bernardi cum regia classe aduentum, resectum est: quanquam aliquanto procul à veteribus fundamentis tutiore loco suffectum. Quo instaurato, Bernardus cum eiusdem expeditionis socijs oras illas præterlegēs, multas Barbarorū naues mercibus onustas cepit, magnaq; ex vicinis agris præda abacta, illos ingenti dāno & clade plus biennio affecit. De nū à regē reuocatus, arce valido præsidio firmata, Neapolim reuersus est. Quo tēpore cāderbeccus nobilis in Epiro regulus, ac magnæ & spectatæ virtutis, aduersus Turcas à quib. obsidebatur, ad Alphōsum legatos auxiliū oratū misit. Quoq; ab eo prōptius, atq; nixius adiuuaretur, sese in eius fidē ac tutelā dedit. Quo facto, rex confestim quā brevior per Adriaticum mare traiectus erat, primū peditatum, ac frumentum, nec multo post Gilibertum Ortafanum, impigrum virum, cum alia manu militum ad eum emisit. Quo auxilio simul & regij nominis autoritate frētus, Scanderbeccus à Turcarum vi non plūm sua tutatus est, sed aliquot insuper hostilia oppida nō ignobilia in potestatē suam edegit. Post hæc Alphonsus cū Ioanem Antonium Vrsinum Taliacotij Comitem vlscei statuisset: qui quo tempore Plumbini aduersus Rainaldum eius fratrem bellum gerbat, Rainaldo fauerat, cum copijs in Pelignos, vt inde Taliacotium peteret, profectus est. Quod cum ille cognouisset, ad Nicolaum pontificem maximum cōfugit, cuius interuentu, sese graui bello pecunia liberauit. Cumque adhuc rex in castris, apud Pelignos Tet, Florentini pacis auidi, quòd non modò in eius regna commeandi, vnde mīximos uetus percipere solebant, sed etiam in cetera regna, atque prouincias maritimas traij-



ciendi, vehendarumque inde mercium facultatem sibi ereptam videbatur quæ res tum publice tum priuatim eorum ciuitati labem atque perniciem essent allaturæ: cogitarentque in super, si modò cum parua copiarum manu rex bellum traheret, illi ad postremum resisti non posse: Ianotium Pandulfinum, ac Francum Sachetum eloquentem virum, legato ad eum de pace mittere constituerunt. Quibus accepta fide in castra profectis, postquam mandata exposuerunt, bellumque excusarunt, Antonij cardinalis Ilerdensis opera qui id negotij de pontificis voluntate susceperat, paucis post diebus Florentinis pacem dedit Castilione, ceterisque oppidis quæ in eorum agro per bellum capisset, ac insula Gilio retentis, quanquam pro his Florentini grandem pecuniæ summam offerrent. Quam cum quidam è suis potius accipiendam diceret: Reges, respondit, pecunia non egeret, sed gloria. Nec multo post mortuo Rainaldo Ursino, cum Catharina Apiana vxore eius, vereretur ne Alphonsus Plumbinum rursus cum exercitu peteret, neque esset conquieturus, illi per amicos reconciliari curauit. Cumque illius pacem aliter impetrare non posset (quod rex dignitati suæ consuli volebat) nisi illi tributum penderet aureum poculum, quod esset quingentorum aureorum pondo, quotannis dum viueret, ei se tributum recepit. Paulo post eum & ipsa missa poculo mortem obiisset, Emanuel Apianus cognatus, & successor eius, quò sibi eo principatu tranquillo frui liceret, & ipse se regis stipendiarium sua voluntate effecit. Hic multos annos in militia versatus, longè à spe dominandi, tandem vxorem Troia, inter Apulos, cepit. Ibi que tenuiter vitam egit, donec mortua Catharina, in ius successionis à Plumbinensibus publice vocatus est. In quo illi rex non modò non aduersatus est, sed etiam plurimum fauit. Veneti verò ea re cognita, conuersis ad pacem studiis primùm per Leonellum Ferrariensem principem ea de re agere coeperunt, factumque est, illius viri suasu, ut Rex Ludouicum Podium legatum Ferrariam miserit. Quò cum venisset legatus Venetus, pacis mentio inchoata est. Cumque postea ad regem Leonellus misisset, quò incidissent aliqua quæ eius auctoritate egeret, misit rex cum mandatis Ferrariam Iacobum Constantium Iurisconsultum, qui vnà cum Ludouico ista tractaret atque cõficeret. Quibus diu multum ageratis, disceptationibusque omnibus è medio sublatis, pax tandem inita est. Nec multo post capta à Francisco Sfortia vrbe Mediolano, quæ in re longè fefellit Venetos eorum opinio: cum ita existimarent, in se esse ubi vellent & datas habenas premere, & Mediolanenses conantem opprimere, sua auctoritate prohibere. Profecto ad regem legato, Victore Maripetro, eisdem in amicitiam & societatem recepit. Cumque æquum esse duceret, mittere ad Venetos qui ijs suo nomine de pace ac societate cõgratulerentur, Ludouicum Podium, atque Antonium Panormitam legatos ad illos misit. Quibus benignè exceptis, & in senatum introductis, Antonius ac oratione usus est: Gaudemus, ac vehementer lætamur, Patres, Princepsque sapientissime, hoc legationis munus nobis ab Alphonso rege nostro demandatum esset, ut ijs simus qui vobis de pace & societate constituta gratulemur. Nihil enim est (quantum existimamus) quod aut nobis dictu, aut vobis auditu iucundius accidere poterit. Periucundum quippe nobis est, ad eam ciuitatem nos oratores missos esse, quæ ob virtutem, ac res amplissimas gestas opibus floreat & gloria. Nec verò minus iucunda auditu vobis putamus fore, quæ de pace ac foedere (renouata nuper inter regem nostrum, vestramque remp. amicitia) commemoraturi sumus. Nihil enim est aut omnino acceptius, aut auribus suauius, quàm de pace & benevolentia verba facere. Irreperit enim, nescio quomodo, sensus nostros, ac vehementer retinet, totosque penè artus permouet. Est enim insitus natura mortalibus pacis & ocij amor, sed aut mala consuetudine, aut nimia cupiditate nonnunquam ex animis nostris elabatur. Quæ postea, si quando renouatur, multo fit profectò dulcior, atque iucundior necesse est. Quod quidem vt regi nostro contigit, ita & vobis contigisse existimamus, qui pacem ipsam non modò abnuistis, sed vltro etià magis Italiæ ocio quàm vestris commodis consulentes expetistis. Rex quidem vt antea dolebat bellum quodam aduerso fato exortum esse, ita nunc lætatur, pacem positis armis reuocatam esse, redintegratamque amicitiam illam, quam & ipse, & maiores eius Aragonum reges, cum vestra rep. sanctam atque inuiolatam ante hæc fatalia tempora religiose seruauerant. Nam quæ intercesserunt inimicitia, non voluntati, sed cuidam fato tribuendæ sunt. Vtraque enim pars inuita arma suscepit. Sed ita tulit temporum cõditio,



ita sociorum ratio postulauit, vt ipse aduersus vos bellū gereret, vos item aduersus eū. Sed tamen illa acerbitas animorum, quæ plerunque inter hostes esse consuevit, in eo bello abfuit, vt satis appareret, vtrique pacis magis quàm belli consilia probari. idque etiam euentus docuit. Simul ac enim vos à pacis consilijs non abhorreere ostendistis, nunquam rex neque pacis mentionem aspernari, neque nūcios atque oratores de pace mittere destitit, quoad pax effecta est. Quod quidem satis videtur declarare, quantū rex ipse cuperet vobiscum in gratiam redire. Et vos quoque id ipsum non obscure testati estis. Pace enim haud satis contenti, ipsi paci societatem, ac foedus adijci voluistis. Ita fit, vt bellum fatalis quædam necessitas induxerit, pacem voluntas reuocarit. Nec verò dubitamus, quin quo consensu pax ipsa facta est, in eodem perseueret ac duret. Pax enim non modò ipsa dulcis est, sed etiam ipsius nomen blandum ac suauē: tum res ipsa, vt sapientes dicere audio, salutaris. Hac enim agri, hac vrbes, hac res priuatæ, hac resp. hac denique regna constituuntur, & conseruātur. Mihi quidem ita semper visum est, qui pacem negligerent, hos summam hominum felicitatē haud satis cognoscere. Totius enim felicitatis fructus est pax. Quid enim proderat disperfos homines eloquentia cōciliaſse nisi conciliatos pax ipsa in societate & caritate contineret? quæ quidem pax cum vniciue ciuitati amabilis esse debet, tum vestræ tamē imprimis, vt quam à maioribus vestris dignitatem accepistis, ac vobis ipsi vestra virtute perperistis, tueri valeatis. Etenim vestra ciuitas est, quæ omni genere virtutis, cum quauis non modò earum, quæ hac tempestate præclare habentur, sed etiam possit cum omni antiquitate contendere. Quales enim viros (vt omittam admirabilem vrbis situm) quales inquam viros, qua prudentia, qua grauitate, quo consilio, qua deniq; semper autoritate habuit hæc vestra gloriosa ciuitas? quæ respub. sapientius gubernata, atq; administrata vnquam fuit? Quam legimus ciuitatem sanctioribus, inquam, institutis, aut legibus vsam esse? Nec verò pacis modò, sed belli artibus hæc vestra ciuitas valuit, & valet. Semper enim gloriæ auidi fuistis: nec maritimis tantum, sed & terrestribus quoq; bellis præclara fortitudinis documenta edidistis. Pro gloria verò tuenda, quos labores, quos sumptus, quæ discrimina subieritis, testantur multa bella à vobis magno animo suscepta, & feliciter confecta: quibus imperij vestri fines eousque extendistis, vt qui ante hos sexaginta annos nullum propè oppidum in cōtinēti ne nunc aucta maiorum gloria, omnem propè Galliam Cisalpinam, quæ cis Padum, ac Abduam flumen est, ditionis vestræ feceritis. Hæc tametsi magna sunt, cum nonnullis tamē, præsertim ex antiquioribus sunt vobis cōmunia. Ceterum illa vna, summa & vestra tota laus est, qua omnes orbis terrarū gentes, & Romanos ipsos anteistis: quòd quo gerē de Reip. ordine ab initio, vt cœpistis, eundem iam supra millesimum annum constanter tenere perrexistis: cum cæteræ omnes Italiæ ciuitates aliam, atque aliam reipub. administrandæ formam, ob intestinas seditiones, vsurpauerint. Quæ vt vobis prima ac perpetua sint, pax ita efficiet, & societas, atque amicitia cum Alphonso rege (Nullus enim aut vobis, aus ipsi (Deo bene iuuante) metuendus est hostis, donec in societate permāseritis) Cuius quidem conseruandæ non minori voluptate nos ipsos quàm regem affici, nobis ita persuasum habemus, vt vestri vel confirmandi, vel hortandi gratia verba facere iam superuacuum arbitremur. Nos igitur vt orationi modū statuamus, hoc vobis de Alphōsi regis nostri animo, ac volūtate pollicemur, vt nō modò quæ ex pacis ac foederis formula ab eo præstari oporteat, verū etiā ab eo amicitie iure requiri possint, in vos vestraq; emp. libenter atq; impigrè collaturus sit. Quæ autē secretiore colloquio videntur indigere, in aliud tēpus differendū putamus. Facto dicendi sine, Senatus princeps de laudibus regis multa elocutus, pacē ipsam, ac societatem sibi cunctisq; patribus ingenti curæ esse, ac fore respōdit, oratoribusq; vehemēter collaudatis gratias egit, ijs quæ secretiore colloquio egebant, in alterum diem dilatis. Haud multo tēpore interiecto, Alphonsus Heleonoram sororis filiam, venustate ac modestia equè insignem, Federico Romanorū Imperatori, qui tertius fuit hoc nomine, ab Alphonso Lusitanorū rege, eodemq; Heleonoræ frater, qui Edoardo fratri successit, locandam curauit, quò & illam in altissimo dignitatis gradu constitueret, & opes suas illius affinitate firmaret. Cumque bieninio fere post, Federicus in Italiam proficisci decreuisset, vt coronā imperij more maiorū, acciperet, primò in Foroiulienſem agrū cū egregio, sed modico comitatu, ac deinde per Ve



netos Ferrariam Bononiamq; deinceps Florentiam ac Senas peruenit, hospitij ei in omni itinere datis publicè. Senis aliquantum moratus, donec pontificis maximi & Cardinalium, qui in nonnullam de eo suspensionem venerant, in se animum exploraret. Interim Heleonora Alphonfi vocatu mari in Italiam profecta, Pisas primùm, atque inde Senas ed eum venit, à Florentinis, à Senensibus honorificè suscepta. Post cuius profectiōē, cōpositis cum pontifice maximo, quæ opus erant, Federicus vnà cum illa Romā sui coronandi causa petijt. Aduentantibus omnis propè ciuitas, magnaq; Cardinalium pars honoris gratia sese obuiam effudit. Et quoniam, vt diximus, suspicio pontificem & cardinales ceperat, ne eo animo aduenteret, vt eorum statum atque opes imminueret, de qua quidem re ingens rumor ob stulta quorundam vaticinia vulgò increbuerat, pōtifex accitis in urbem copijs, & opportunis quibusque locis p̄sidio firmatis, inter militū equitūque stationes ad se proficiscentem, & ipsum cum armatis equitibus ad gradus templi Apostolorū principis, vbi eum p̄stolabatur, comiter excepit, coronamque auream pro vetere cerimonā atq; instituto capiti eius imposuit, & in Palatij parte hospitio admisit. Post paucos inde dies, Federicus Alphonsum inuisere constituit, nec eo insalutato, ex Italia discedere. Quod cū Alphonso nunciatum esset, qui iam ad eum priusquam Senis decederet, Iacobum Constantium miserat, etsi erāt dies religiosi atque obseruandi (erant enim ij dies, quibus Christus summus ac verus Deus noster, pro salute humani generis crucis suppliciū perpeti voluit) confestim quæ temporis breuitas passa est, pro eius aduentu decorādo parari iussit, ac mox Nicolaum Piscitellum Archiepiscopum Neapolitanum, Marinum Martianum Ruslanensem principē, Franciscum Bauciū Adrienfiū ducem, Leonellum Acortianurum Celanium comitem, ac Antonium Panormitam legatos ad eum misit, qui illi suaderent (si fortè adhuc Romæ esset) vti proximos dies sacros Romæ potius, quam in itinere ageret. Idque illi suadebat, quò sibi spaciū esset ad ea cōuenientiori tempore paranda, quæ in animo haberet, aut si iam fortè discessisset, eum affectarentur, hospitia, postquā regni fines ingressus esset, illi, qui que in comitatu eius erant, omnibus dari curarent. Postremò Ferdinandum filium cum magno procerum, ac nobilium virorum numero illi obuiam ire iussit. Cæterum Federicus, vt qui cupiebat admodum regem quamprimū videre, idque non minus ab Heleonora optari sciebat iam iter inuaserat, Ladislalo Vngarię rege appellato quem secum duxerat, adulescentulo Romæ tantisper relicto. Qui vbi regis voluntatem agnouit, renunciari iussit, venire se ad eum, non vt Imperatorem Romanum ad regem, sed vt amantissimum filium ad exoptatum patrem. Proinde missa faceret, quæ tāta cūra ab illo p̄parari sciret. Rex etsi humanitatem eius satis laudauit, nihilo minus tamen quæ instituerat, perfici mandauit, atque arcem Capuanam ei pro diuersorio cum omnis generis rerum necessariorum copia attribui hospitia comitibus, atque obsonia vbertim parari. Accedebant verò cū Federico, Albertus frater eius, ac multi p̄terea clari proceres illustresq; principes subselliorū quoq; duodecim ordines, in modum theatri, ad dimensionē aræ Mariæ coronatę, vnde ludi equestres, ceteraq; id genus spectarentur, p̄properè extrui iussit. Legati, quos diximus, cū eum Roma iam digressum apud Pipernum nacti essent (facta modò salutatione) Teracinam aduentantem comitati sunt. Qua primū in vrbe Ferdinandus eū natus salutauit, & Antonius de regis congratulatione, atque Federici laudibus, cōcedētib; collegis luculentam orationem habuit. Digressus inde fundos peruenit, quo in oppido ab Honorato Caietano Fundorum principe (ita iubente rege) summo honore affectus est. Heleonora verò cū magno comitatu, aliquanto intervallo sequebatur, quoniam hospitia tantę multitudini (erant enim supra quina hominū millia) haud quaquā sufficiebant, à Terracina Capuam perpetuo itinere (eorū causā qui pedibus iter faciebant) mensæ cum obsonijs, frequentibusq; poculis strata. Cū Capuę Federicus appropinquaret, Alphonso ad tria milia passuum vltra eam urbem obuiam profectus, ipsum amicissimè excepit. Eoq; Capuā deducto, ad ordinanda quæ opus erant, Neapolim quāprimū redijt. Quo facto postridie cum innumerabili propè ciuium ac procerum multitudine rursus obuiam profectus, sub auratis stragulis Federicum collocauit. Cumq; ipse ponē equo sequi honoris causa vellet, nō est passus Federicus, sed continuo manu eius apprehēsa, sub stragula, vt pariter incederet, illū aliquantū reluctante ad se traxit. Eo modo



per totam urbem, perque quinque illas celebres nobilitatis Neapolitanæ sessiones, matronarum ac virorum frequentia cultissimas, perambulans, demum in arcem Capuanam deductus est. Comitibus confestim hospitia cum abundantissimo obsonio præbita. Altero die cum Heleonora Capuam venisset, & ei quoque rex in magna virorum ac matronarum frequentia obuiam processit: quæ ut vidit, magnitudine pietatis illachrymatus, atque complexus, eodém quo Federicum virum eius, honore prosecutus est. Plerosque civium in honorem eius, ac Federici, ingressus Neapolim equestris dignitate decoravit. Nonnullis etiam id postulantis, à Federico eam dignitatem dari æquo animo tulit. Multis præerea eorum rogatu ampla munera contulit, quibusdam etiam delictorum gratiam fecit. Ludos imprimis Christianos magno apparatu (quibus sacra mysteria obitus ac resurrectionis Christi Dei nostri referebantur, in quibus ceremonijs sese semper magnificentissimum præbuit) in Claræ templo augustissimo, ac maximo, iisdem spectantibus, per noctem edidit, tanta hominum frequentia, ut nonnulli inter turbam propè enecti fuerint. ac mox inuitatum ad prandium Federicum, atque aurea sella collocatum, regali apparatu, ac luxu accepit, adductoque in penitiorem edium partem, vineas, ac gemas (quas multas ac varij generis atque immensi precij habebat in thesauris, quæ magnificentia cunctos sui temporis reges antecessit) sigillatim ostendit: reliqua diei parte varijs sermonibus cum eo consumpta, ludos deinde equestres celebres edidit: quibus Ferdinandus etiam, multique insignes adolescentes ac viri certauerunt. Tantus autem concursus fuit hæc spectacula ex omnibus vnicuique regni partibus, ut vix subsellia quæ pro tempore extructa diximus, atque adeo urbis tecta & loca, è quibus spectari possent, eam multitudinem caperent. Postremò incredibili magnificentia venationem exhibuit. Locus est Neapoli ad quatuor millia passuum proximus, quem vulgò Lustrones vocant, nos vñ Phlegræis campis ab ardore nuncupandum putamus: in eo loco planities est admodum profunda, atque in orbem sita, duo ferè millia passuum ambiens: & ibidem modicum stagnum ac scatantes passim sulphure aquæ ægris salutare. Est autem hic campus non ac perpetuo monte excelso circumseptus, circa quem atrum nemus, ac denique est apte natura talis, ut ne in reliqua quidem Italia ullus venatibus æquè aptus locus existatur. Nemus ipsum aprorum, ferarumque pastionibus ferax est. hic vel sponte ingresse vel agitando impulsæ in fessis circumquaque collibus feræ euadere non possunt. Cæteræ autem totius motus superciliū quæ se latius pandit, ad sex milia passuum. Agrestes in id unus imperati, supra quina milia, cum venabulis biduo ante venationem affuerunt: quique vñ cum venatoribus regijs, quorum ingens erat numerus, compulsis, atque eidem nemori circumiectis, permultis varij generis feris statim supercilia motus infederunt, ne quæ de fera elaboretur, intenti. Quæ postquæ parata esse Alphonsus agnouit, postridie matè cum Federico, & Heleonora, principibus civitatis utriusque, sexus, sequentibus, eò se contulit: ac paulò citra eum locum fixis tentorijs, in quibus vnum illud longè conspicuū erat, cum triclinijs, & cubiculis secretioribus, in cuius medio abacus sublimis extabat, argenteis atque aureis poculis, vasisque omnis generis late refulgēs, Federico, atque Heleonoræ sessum, atque adeo omnibus qui affuerunt, ex omnium rerum copia quæ pro tempore parari potuerunt, abundantissimum epulum præbuit. Ante hoc tentorium, manufactus fons abbat ad voluptatē & copiam triplici suavissimi vini genere diffluens, quod se turba omnis satietatem prolebat. Remotis mensis, in montem itum, unde in eum campum, quem proximus, despectus erat. Ibi, Federicus, & Heleonora seorsum consederunt. Rex deinde eò alacri inuectus, per viam quæ unica in campum patebat, cum Ferdinando, atque ijs quos voluit, è purpuratis incessit, atque eos in tres turmas diuisit. Venatores regij imas partem montis, agrestes superiores tenebant: civium, atque externorum turba omnis reliqua, per montem diffusa. Feræ deinde agitari coeptæ sunt vndique, nec quisquam à destinatis stationibus ad alienas discurrebat. Hinc apri cæteraque feræ tum canum latratu, tum hominum clamore excitati, postquam in campum præcipientes se deiecerant, à velocioribus canibus retenti, venabulis confgebantur, aliquot tamen (quod quidem cernere pulchrum erat) toto campo rapidissimo cursu fugitantes elapsæ sunt. Supra vigintivarij generis, spectantibus omnibus, rex ipse sua manu occidit. Sub vespere Neapoli reditum est. Post hæc Heleonoram quæ adhuc intacta erat, antequam à se discederēt, Federico copulari voluit.



Demum abire volentem (nanque is terrestri itinere Romam reuersus est) datis ei atque Heleonoræ amplissimis muneribus, aliquantum extra urbem profectus est. Nec multo post Heleonoram, cum lacrymis à se dimissam, Manfredoniam, iussu viri, atque inde Venetias cum triremibus misit: quod & ipse Federicus, qua venerat via, regressus, inuitantibus Venetis, quibus tum cum rege, vt diximus, societas erat, profectus, vnaque ei illa amplissimis honoribus affectus, inde in Germaniam redijt.

## BARTHOLOMAEI FACII RERVM GESTA

RVM ALPHONSI PRIMI, REGIS NEAPOLITANI, LIBER DECIMVS.



ECVTVM est paulo post alterum bellum Florentinum, Venetis socijs atque amicis postulantibus, quod Florentini Francisco Sfortiæ post subactos ab eo Mediolanenses, aduersus se haud dubiè bellum molienti, (quippe qui omnes apud Abduam amnem pontes atque arces quod ea Mediolanensis agri ditionisque esse diceret, sibi reddi poscebat) fauere, ac pecunia iuuare eundem intelligebantur, quodque ante ipsius Federici imperatoris aduentum, nec à Ludouico Podio, & Antonio Panormita Regijs legatis, & Matthæo Victurio Venetorum legato, cum Venetias peterent, moniti ab inceptis destiterant. Quinentiam societatem palàm cum Francisco iunxerant, nec postea Alphonsus Luspanus Archiepiscopus, ac Nicolaus Filiacus, Regij legati, & Triadamus Gritus Venetorum orator, pontificis maximi horatu Romam profecti, quod cunctorum principum oratores conuenerant, vt de pace agerent, quicquam illos mouerant, ac deinde Zachariâ Triuisanum Venetum legatum, nò receperant, qui cum Persium cū Cicco Antonio iuriconsulto legato regio, cōuenisset, & ad Florētinis misissent qui peteret, vt fide publica Florentiam proficisci liceret, regio tantum modo legato potestate adeundi facta, Venetum contemptui habuerant. Demum Florentini ac Franciscus ea quotidie struere, atque agitare audiebantur, quibus manifestè appareret, illos, post habitis pacis cōsilijs, de bello cogitare. Quibus de rebus commoti rex ac Veneti, cum omnia ab se tentata sciret, quibus pax conciliari posset, ad postremum apertè bellum suscipere rex aduersus Florentinos, Veneti aduersus Franciscum decreuerunt. Itaque vtrique extemplò veteres copias contrahere, nouos exercitus ac duces scribere, & quæ bello forent vsui, parare. Et quo magis Florentinos terreret, statuit Alphonsus per Ferdinandum filium, florentis ætatis iuuenem, id bellum gerere, quod id sibi maius videbatur, quàm quod per alium quempià agendum esset. De quo, quoniā locus exigit, antequam ad res gestas veniam, pauca mihi quædam dicenda existimaui. Ingenio fuit eximio, & ad cūctas optimas artes docili, liberalibus disciplinis institutus, iuri quoque Ciuili operam dedit, vt vnà arma cum legibus iungeret, quæ duo ad resp. gubernandas aptissima putantur. Armorum quoque tractandorum scientiam didicit, equitandi peritissimus, lucta, saltu, iactu, equestriq; certamine, vel cum veteranis contendere, facilitate ac modestia cum omnibus certare, gloriæ cupidus, calorem, frigus, inedia laborēq; facillè pati. Cumq; æquales gloria & dignitate superaret, ab omnibus tamen (quod rarū est) valdè diligi, atque obseruari. Cæterum Alphonsus cum tantū bellum minimè neglegendum existimaret, præsertim quod filium in eam expeditionem missurus esset, ad sex milia equitū, & duo milia peditū, partim ex popularibus suis, partim ex externis scripsit, Federico Vrbiniatium Principe, Auerfo, ac Neapolione Vrsinis (externi hi erant) egregijs copiarum ducibus mercede conductis. Ex popularibus autem regniq; incolis duces habuit, Antonium Caudolam, Leonellum Acontiamurum, Gartiam Cabanellum, ac Vrsium Vrsinum. Et quò maturius duces ipsi cum copijs conuenirent, in prata Campana (vti Neapolitanorum mos est, expeditionem parantium) cum Ferdinādo concessit. Quò cum multi aduentassent, Ferdinandus discessum haud amplius differendum ratus, cuius profectiōem Veneti per legatos continuè exposcebant, eum ab se dimissurus, huiusmodi oratione alloquutus est: Cōpulsus tandem Florentinorum

iniurijs



iniurijs, quas nobis ac Venetis socijs, & amicis nostris quotidie inferre pergunt, constitui animo, te (quo nihil habeo in vita carius) aduersus eos cum hoc exercitu mittere: sperans Dei ope, qui iusticię fauet, & tua atque horum militum virtute, fore ut acceptas iniurias vlciscamur: simul ut cognoscant iniuste se fecisse, qui cum hostibus nostris foedus atque amicitiam iunxerint, seque in eo errasse, neque satis recte reip. consuluisse. Et quod id alacriore animo suscipias, agasque, hosce veteranos commilitones meos, mihi charissimos, quos tibi magnę glorię, si eorum uti consilio noueris, futuros reor, trado tuęque fidei comendo: quorū virtus ac fides multis magnis laboribus ac periculis, superioribus bellis mihi nota & spectata est. Quorū opera omnes ad hūc diē victorias, & Neapolitanum hoc regnū triumphumque adeptus sum: quibus denique adiutoribus, bellatoribusque magnam Italię partem maiorū nostrorū imperio, & glorię adiecimus. Hos velim ut imprimis ames, carosque habeas, putesque nihil, ne vitā quidem ipsam, à me tibi commendari posse diligentius. Quod cum feceris, meam à te gloriam amari & expetiri tum denique existimabo. hos vide, ne temerē in discrimē mittas. nec verò multum à te cohortandi, aut oratione incitandi erunt. Si quid periculi subeundiū fuerit, magis à te reprimendus moderandusque, quam verbis accendendus animus erit. Tales tibi viros ad necessarios casus reserues facito: in quibus scilicet de dignitate tua agatur, aut fama. nec verò apud me dubiū relinquitur, cum eos ita habiturus sis, quin Imperatorē eundē habere se sentiant. Id autem te ante omnia monitum velim, ne tantū tuę aut horum militum fortitudini fidas, ut arbitreris absque diuina ope à te hostes superandos. Victoria etenim, non ex hominum consilijs, sed ex summi Dei voluntate ac potestate proficiscitur. Tum denique tibi militares artes profuturas scito, cum Deū tibi pietate, ac iustis factis propitiū reddideris. Eum igitur, si vincere expetis, pura mente colito: spemque omnem victorię in eo reponito. Et si quando (quod solet in bello contingere) tibi quicquam aduersi acciderit: quo existimare possis, ipsum Deum tibi subiratum esse: vide ne ab eo per impatiētiam, atque animi perturbationem discedas, sed potius satisfaciendo, ei reconciliari stude. Solet enim Deus quos diligit interdum malis afficere: & quos cōstantes in aduersis videt, rursus in meliorem fortunam restituere. Existimationis tuę diligentissima tibi ratio habenda erit, putandūque nihil ea re in humanis rebus pluris esse, aut fieri debere. Quippe cum victoriā nonnunquam magis existimatione & fama, quam militum robore ac virtute comparetur. Et victoriā quidem sæpe cladibus mutatur, at fama si cum probitate ac fide cōiuncta fuerit, & permanet, & cum omni æuo perdurat. Honestati itaque à te incumbendū erit, qua detracta, nec principi illi Deo placere, neque apud mortales auctoritatē vllam stabilem, aut gloriam consequi possumus. Venetorum verò amicorum ac sociorū nostrorum rempub. nostrā esse existimato, eamque nō minore studio, ac diligētia, quam regnum nostrum defendito, pro qua quidem cōseruanda, & amplificanda nec umptui, nec militum labori parcas, iubeo. Cum ijs eo animo societatem iunxi, ut quamliu nobis vita contigerit, omnia eorū prospera & aduersa mihi cōmunia habiturus sim. nec te ab hoc proposito deterreat aut pecunię, aut alius cuiuspiam rei indigentia. Nāque omnia quę bello vsui fuerint, tibi à nobis abundē suppeditabuntur. Et ut vno verbo aliquid non magis tibi quam mihi ipse defuturus sum, ut scias, (si modò tibi ipse ne defueris) nihil tibi per nos defore. Illud postremò obseruato, ac mandato memorię in quo tua aus & gloria elucescet, si qui ex hostibus antequā oppugnētur, in deditionē veniāt, eos benignē in fidē tuam recipias. Ac si qui fortasse obstinatoribus animis diuturnam obiditionē pertulerint, cum in potestatem tuam venerint, clemētiā tuam prius, quam illorum pertinaciam respicias, magisque quid te ac gente nostra, quę semper crudelitatem odio habuit, quā quid illis dignum fuerit, cogites. Quę si obseruaueris, & nobis lätitiam, & tibi gloriam paries. Postquā hæc elocutus est, militibus ac ducibus illius dicto parere iussis, eum cōplexus atque exoscultus, cum magna omniū spe à se dimisit. Qui cū exercitu digressus, ac per Pelignos ac Marfos (ita enim rex mādauerat) iter ingressus, ab Aquilanis ceterisque eiusdē provincię populis honorificentissimē susceptus est, omniaque officia impigre, atque obedienter præstata. Ad regni deinde fines profecto, Ioannes Nicolaus, Nicolai pontificis maximi legatus, obuiam processit, ei que commeatus in exercitū itineris duces, & cum ijs qui aspera & difficilia equiti loca cōplanarent, dedit. Eo iter



persequēte, cū iam eō peruenisset Federicus Vrbinatium princeps, de quo paulo ante mentionem fecimus, quem Alphonsus exercitus ducem sub ipso Ferdinando designauerat, cum paucis aliquot comitibus ad eum venit, ut cū illo ijs de rebus ageret, quas huius expeditionis causa fieri oporteret. Vir hic clarus in re militari fuit, castris et disciplinis ab ineunte ætate institutus: si quidē illi nec in administrandis rebus bellicis cōfiliū, nec in capeffendis periculis animus deerat. Nec verō factis, quā fide clarior, quē quidem vel maximē patuit, cū bello Piceno Franciscum Sfortiam, qui ad eum se receperat, constantissimē adiuuit ac fouit. Ob quas quidem virtutes primū Philippo Maria magno illi atque inclyto principi (qui de eo adhuc admodum adoloscēte magnam spem conceperat) ac postea Alphonso regi carus fuit, & ipsius quoq; Ferdinandi gratia promeruit. Hunc Ferdinandus benignē ac comiter susceptū, postquā inter se de itinere ac tota belli ratione collocti sunt, uti ad cogendū perducendūque equitatū, quā reliquerat, domū contenderet, hortatus est, atque ut primū posset, in castra reuerrere: sese interea cis Tyberim amnem permanfurū, monet, atque ibi copias, quæ ad se e regno venturæ erant præstolaturum. Digressio Federico, eodem ad illum venit Auerfusus Vrsinus, vnus ē copiarū ducibus, quos suprā memorauimus, cū lectissimo equitatu. Multi etiā per eos dies ex Neapolitano regno pedites ac duces conuenēre. Quibus copiis auctus Ferdinandus, in Perusinum agrū (nam ea trajcere in agrum Florentinum constituerat) profectus est. Ac primō quidem Perusini commeatus negare: causati, sibi cum Florentinis foedus esse, per quod nō liceat eorū hostes commeatu, aut re vlla adiuuare. Sed cū à pontifice iussi essent commeatus exhibere, ita demū commeatus præbere decreuerūt, ut regij milites, quē sibi opus essent in oppidis mercatum irent. Deinde cū scirent commotum ijs de rebus, ut par erat, Ferdinandum, legatos ad eum mittunt cum muneribus, qui factum excusent, & illius iram oratione mitigent. Qui ad Ferdinandum introducti, hac breui oratione vsi sunt: Perusinos à primo regis in Italiam aduentu regijs rebus fauisse, Bracium primō, postea Nicolaum Picinimum, ciues suos regia stipendia summa fide fecisse, equites præterea egregios propē innumerabiles eiusdem ciuitatis, non alios esse ceterorum Perusinorum animos, quā illorum qui sub rege meruerunt, non licere sibi, propter societatem cum Florentinis initam, talem animi sui affectum in ipsum atque in regios milites demonstrare. idq; ijs molestū esse, optare illos factis, quæ dicerent, comprobare: sed tempus non pati, ne socijs iustam querimoniæ causam traderent. Ferdinandus his humaniter pro tempore pauca respondit. Hortatusq; ut tantū commeatū potestatem facerent, eos à se dimisit. Deinde Federico in castra cum parte copiarū reuerso (nam reliquas Sigismundi Malatestæ metu, qui cum capitali odio diffidebat, præsidio domi reliquerat) Ferdinandus Cortonam iter rapit, & haud procul ab vrbe castra ponit. Quæ cū ob ipsius loci naturam (est enim in edito monte sita) aditu vndique difficili atque aspero, ac valido insuper præsidio firmata, expugnari non posse, nisi fame atque obsidione videretur (præsertim sine tormentis, sine operibus) populato circa agro, vltèrius progredi statuit. Difficilis erat transitus. Nam etsi omnis ea regio ad læuam plana est, tamen quia plurimū aquosa & palustris est, sub ipsum montem transiri oportebat. Nec dubium (si hostes viri fuissent) quin magna aliqua clades in ipso transitu accepta esset. Nam & loco superiores erant, & à Castelliono Aretino (quod oppidū haud plus quatuor millibus passuum inde aberat) ea militum manus, quæ à Florentinis missa erat, eō conuenerat. Ferdinandus præmissa equitum parte, impedimentis in medium agmen coniectis, spectantibus hostibus, quā procul à monte per paludes licuit, vniuersum exercitum sine detrimento traduxit. Castellionumq; transgressus, quina milia passuum ab Aretio nobili atque antiquo Hetruriæ oppido, castris positis, ipso aduentu, ad sex castella circumiecta capit, ac diripuit. Erant in castris, qui suaderent in vallem Aretinam ducendum extemplō exercitum, ibi multa castella cum magna præda occupari posse. Alij cōmeatum penuriam veriti, Folianū potius petendum censebant. Quod cōsiliū cum magis Ferdinando placuisset, eō duxit. Missiq; ab eo ad Senenses qui commeatum copiam sibi fieri peterēt, ij viginti dierū modo (metuebant enim Florēti- nos) commeatus cōcesserunt. Sed mox adnente ea factione, quæ regi amica erat, ac Ioanne Mauro Venetorum legato, per quem societatem cum Venetis iunxerat, commeatus

(quan-



(quanquam exigue parceq;) præbuiti sunt, atque ad Lucinianū oppidū, Foliano proximū, missi. Eo die quo Folianū itū est, Simonetus, qui à Florentinis conductus fuerat, Aretiū concessit: seq̃ue cum Hestore Fauentino principe, qui & ipse Florentinorum stipendia faciebat, coniunxit: ibiq; permāsere. Post hæc Folianum oppugnari atque obsideri cœptum: multiq̃ue de exercitu audius sub muros in fossam progressi, ab oppidanis vulnerati sunt: qui se periculis offerentes, ac per mœnia dispositi, nullo telorum ac machinamentorum genere, quo se defendi posse arbitrarentur, abstinebant. Quod cum Ferdinandus animaduerneret, turres ligneas erigi iussit tāta altitudine, vt oppidi muros equarent: ex quibus oppidani sagittis petiti, multa vulnera ac detrimenta accipiebant. Inter hæc Ferdinando nunciatur Hestorem Fauentinum per Vallianæ paludis pontem cum quingentis aut eo amplius, equitibus in Montis Politiani agrum transgressum, eo consilio, vt frumentatores regios inuaderet. Nanque eò ferè quotidie regij frumentandi & pabulandi causa proficisciebantur. Quo cognito, Ferdinandus delectam properè equitum manū clam eò mittit: iubetq̃ue in proximis syluis occuli, atque vbi hostes in frumētatores sese effundant, continuo è syluis egressos in eos impetum facere. Quibus profectis, postridie cū regij frumentatores pro consuetudine frumentandi causa palati essent, Hestor confestim ex insidijs prodit, atque eos inuadit. Regiorum primò pauci, in speciē præsidij illis sese opponere: quos cū illi cupidius insequeretur, in insidias tracti sunt. Tum regij improuiso è syluis prouolant, & in eos impetum faciunt. Illi primū pauco rati, audacius resistere: mox vbi plures quàm pro præsidio esse cognouerunt, insidias suspicati, terga dant. Quos regij persecuti, nonnullis eorum cæsis, omnes propè, & in his plerosq̃ue agrestes qui se pro instituta consuetudine magna pecunia redemerunt, cōprehendunt. Centum ferè equites leuati in ea pugna capti sunt. Hestor paucorum quorundam suorum ope, cū equus vulneratus esset, vix regiorum manus euasit. Hac clade nunciata, adeò terri fractiq̃ue sunt hostium animi, vt post eum diem nusquam cum regijs prælio congredi ausi sint. Ac nisi Sigisfrundus Malatesta, quē Florentini Reipub. copijs præfecerant, aduenisset, vix sub Aretij moenibus se tutos existimassent. Qui cum cæteris copijs Aretij coniunctus, magno insuper agrestium delectu à Florentinis habito (ad tredecim milia hominum esse ferebantur) minitari quotidie, sese Folianensibus auxilio venturum. Quod cū Ferdinando renunciatum esset, complanari, loca omnia iubet, & ad pugnam comparari. Ceterū siue simulatio illa fuerit, siue illum metus consilium mutare compulerit, sese in castris apud Aretium cōtinuit. Interim cū magna muri pars tormentis æneis quassata esset, oppidani metu perculsi, præsidij incolumitatem atque octo dierum inducias petunt: intra quos, nisi auxilium à Florentinis mittatur, dedituros sese oppidumq; pollicentur. Quod cum frustra ad eam diē expectassēt, nō ausis hostibus fortunam prælij subire, apertis portis regios intromiserunt. Post hæc Ferdinā dus relicto in eo oppido quadringentorum equitum, ac totidem peditum præsidio (erat enim peropportune situm ad excursions in agrum Florentinū ac Aretinum faciūdas) Recinium cum reliquis copijs petit. Quo cognito, Sigismundus cum omnibus copijs ab Aretio digressus, per Vallem Nubiam ad montem Imperialem (sic enim vocant) millia passuum octo à Recinio proficiscitur: castraq̃ue (quanquam in monte sita) vallo communit. Ferdinandus verò tormentis æneis adhibitis, muriq̃ue parte disiecta, quiescentibus hostibus, septimo die Recinium in potestatem suam redegit. Quo præsidio firmato, cum omnibus copijs Castellinam (id ei castello est nomen, abest autem à Florentia non plus decem & octo milibus passuum) profectus est. Ibiq̃ue castris positus, ad sex castella circuniec̃ta cepit ac diripuit: in queis viginti dierum frumentum repertum, magno vsui exercitui fuit. Ea oppidi natura erat (est enim in edito monte situm) vt absque tormentis æneis, atque operibus expugnari non posse videretur, quæ ex Castellionovehi mandauerat. Itaque tantisper ob oppugnatione abstinebat, ne milites temerè periculo objiceret. Inter hæc hostes excursionem facta, haud procul à regijs, castris quasi ea inuasuri, bis aduentitarunt: ceterū vt primū regij in illos conuersi sunt, arrepta fuga impetū non tulerunt. Tormento æneo ex Castelliono aduecto, murus oppidi pulsari cepit. Sed primo iactu effractū, animos oppidanis addidit. Quæ quidē res causa fuit, ne locus ipse capi potuerit. Dum castellū obsidetur, cū accepisset Ferdinā dus, Florentinos agre-



stes haud procul ab vrbe in agris circuniec̃tis, cum armētis & pecoribus temerē vagari, quōd sibi in tuto esse viderentur, Diomedem Caraffam impigrum virum, de quo prioribus libris mentionem fecimus, cum trecentis equitibus, ac peditibus quingentis non sentientibus hostibus, eō confestim mittit. Qui ad pontem Agremium, septem milia à Florentia profecti, pagos quatuor improviso adorti, eos vna excursionē populati sunt, boum ac pecorum capita ad tria millia, cum cætera præda inde abacta, agrestiu clamor exortus, cum ad hostes peruenisset, Simonetus cū equitibus sexcentis, quō clamor vocabat, diuerso itinere ab eo quo præda agebatur subito auxilio, sed nequicquam accurrit. Nanque per hostilem agrū præda omnis incolumis in regia castra cum captiuis acta est. Ea verò clades cognita, agreste adeò cōterrui, vt qui circa urbē incolēbāt, desertis agris in urbem sese trepidi receperint. Tormento æneo, vt diximus, perfractō, mādauerat Ferdinandus vt aliud adueheretur, & quanuis hostes numero superiores essent, commeatumque penuria exercitus fatigaretur, & equis præterea pabulum, ac stramenta iam ita defecissent, vt illos arborum folijs sustentari oporteret, statuerat tamen in tantis incommodis ab obsidione non discedere. Cæterum hyberno rigore concretus aër, cum terram niuib⁹ altè operuisset, omniaq; circum castra etsi quid herbidum erat, obruta iacerēt, nec lignatum calones mitti possent, quia longè à castris ligna propter regionis asperitatem, petenda erant, & per altas niues agrē iumenta ingrediebantur, nec iā quicquam præter cœlum ac niues oculis occurreret, consilium immutare coactus est, præsertim inopia commeatum urgente. Soluta igitur obsidione, motisque inde castris, Ricinium redijt. ibiq; triduo moratus, dum defatigatos inopia equos ac milites aliquantū reficeret, cum nec in eo loco, propter niues, & rei frumentariæ, cæterarūq; rerū inopiā, hybernandi potestas esset, in loca mari propinqua, vbi commeatum & maximè pabuli copia erat, ac mitius cœlum, cum exercitu secessit. Nanque in ijs locis (ea est aëris temperies) quouis anni tempore alta gramina terram conuestiunt, vernaque perpetuò humus florida, cum interea in mediterraneis omnia gelu ac pruinis exuruntur, & squallēt, & hanc ob causam in ea loca, per hyemis tempus, pecus atque armentum omne ab incolis traducitur, manetque donec pulso frigore, verna amœnitas redeat. Eius itinere cōperto, hostes quoque ex eo mōte, in quo castra habebant, digressi, & ipsi in hyberna cōcesserant, & Hektor quidem cum copijs in Pisanum, Simonetus in Aretinum, Sigismundus verò in Flaminiam profecti sunt. Locus erat haud procul à maris confinio (quem Abbatiam Galgani vocant) percomodè situs ad commeatus terra, marique importandos. Ibi castra Ferdinandus fecit. Expectabat enim regias triremes, quæ Vadam Florētinum portum petituræ erant, vt ijs profectis, si opus esset, ipse cum copijs celeriter occurreret. Quo duodecimo die Antonius Olcina, vir fortis atque impiger, à rege cum trimibus septem missus, in quibus pedites octingenti inerant, profectus, turrim que portū tuebatur vi cepit antequam terra ab hostibus sentiri aut ei occurrī potuerit, ipsamque cū eo peditatu tenuit, & ampliore fossa terra cōmuniuit. Quod vbi Ferdinando nūciatum est, cum intelligeret profectiōne sua haud amplius opus esse, quō maior copia necessariorum exercitui atque adeò equis esset, Aquam Viuam (id ei loco est nomen) cum omnibus copijs concessit. At Florentini vbi cognouerunt Vadam captam esse, in grauiores curas inciderunt. Nam quōd inde, in Pisanum maximè agrum, facilè excursions a regijs fieri poterant (neque enim à Pisis multum abest)angebantur eum locum in hostium potestatem peruenisse. Itaque repentē coacta copiarum parte, Hectorem, ac Simonetum duces, ad Vadam ipsam oppugnandam misere. Qua recognita, Ferdinandus, haud mora, suis ad iter parari, ac sequenti die cum ijs, qui parati erant, ceteris sequi iussis, itineri se committit. Quo die, cum sub Gauarranum cum magna copiarum parte peruenisset, & postridie mane continuare iter statuisset, ante lucem per exploratores, quos præmiserat, factus est certior, hostes audito eius aduentu, castris properē motis, sub vesperam Vada abiisse. Quo cognito, vltius progredi destitit. Manens autem biduo, veritus ne ea simulatio magis hostiū, quàm discessus esset, tertio deinde die, vbi eos certō abiisse per exploratores cognouit, Aquā Viuā, vnde discesserat, in hyberna redijt. Inter hæc equites fermè centū, ex ijs quos Foliani præsidio relictos diximus, quotidie hostilē agrū infestabāt, trāsituq; p palustria loca cratibus factō, qua minimè transire posse putabatur



bantur (nam transeuntes equos altera super alteram cōgestæ crates alleuabant) cū im-  
prouiso hostibus apparuissent, magnā agrestium simul, & pecorum prædam reportarūt.  
Hæc per hyemem gesta. Ineunte autem uere, Ferdinandus, ut copias cogeret, seque ad  
bellum in ætate præpararet, Castellionū cōcessit. Dum ij duces ac milites qui permissu  
eius in regnum per hyemem cōcesserant, tardius ad sese redeunt ( multis enim potesta-  
tem abeūdi domum fecerat, vere primo reuersuris ) Florentini captato tempore, Simo-  
nerum, ac Ioānem Franciscum Miletensem cum copijs Folianum mittunt: ijque vastatis  
circā agris, haud procul inde castra ponunt. Quod postquam Ferdinando nunciatum  
est, confestim cum ijs copijs, quas tunc habebat, iter eō arripit, ut obsessis opem ferat.  
Cumque iam ad Tumutum ( id rei regionis est nomen ) peruenisset, fit certior, hostes ab  
obsidione Foliani, cognita ipsius profectura, discessisse. Quo cognito conuocatis quas  
potuit vndique copijs, ad sex millia militum coëgit. Per eōdem fermē dies Alphonsus,  
cū accepisset naues quasdam Maurorum, quibus cum sibi religionis causa bellū erat,  
Tuneta oppidum ex Alexandria profecturas, naues duas onerarias celeriter armatas,  
Africam versus misit, ut eas in cursu, si fieri posset, comprehenderent. Fortē autem eue-  
nit, dum maria Africæ exposita obirent, ut naus quædam Genuensium, cuius ductor  
erat Vbertus Squarciaficus, ex orientali ora Genuam repetens, ijs obuia in cursu fieret.  
Ad quam cū Præfectus cursum direxisset, ut sciret cuius esset: postquā appropinquare  
cœpit, per lembum id exploratum mittit. Hisque ductoris ac gentis nomen non eden-  
tibus, cū contentio ( ut fit ) & mox altercatio orta esset, quod alij alios prius nomen  
edere debere ( veterum nauigantium consuetudine ) dicerent, Ioannes Iulius regius  
Præfectus, nauim ipsam, correptis armis, inuadit. Illi simul ac regias in se venientes ani-  
maduertunt, & ipsi magnitudine nauis cōfisi, pro tempore celeriter arma capiunt. Tor-  
mentisq; & balistis eminus prælium committunt. Postquam verò inter se appropinqua-  
uerunt, regiæ Genuensem circumstant: vnāque earum in ipsius latus proram infert: ac  
propugnatores è media naui lapidibus telisq; summouet. Ad extremū Genuenses ( ne-  
que enim ad bellum instructa naus erat ) multis vtrinque saucijs ac cæsis cedunt, seque  
positis armis victoris fidei permittunt. Postprælium cædibus, & iniuria temperatum est.  
Inter hæc nihil contumeliæ mulieribus ( nā in ea naui præclaræ genere quædā ex Chio  
vehēbatur ) illatum est. Deinde præfectus impositis in eam nautis ac militibus, omisso  
priori consilio, cum ipsa naui Neapolim redijt. Ea res Genuam nunciata, patres simul  
ac plebem vehementer commouit. Nauis enim ipsius iactura multorum ciuium fortu-  
nas euertebat. Itaque extemplo Baptistam Guanum, Iurisconsultum, ac Nicolaum Gri-  
maldū, qui nauim ac merces sibi restitui postulēt, legatos ad Alphonsum mittunt. Horū  
oratio querimoniam primū, deinde misericordiam plena fuit. Non licuisse regi, per pa-  
cis fœdera nauim suam, nihil à suis hostile metuentē capere, nulla denunciatione belli  
prius facta. Multorū priuatorū ciuium fortunas illa naui amissa funditus eueri. Genuē-  
sium amicitiam nauī vnā, quāuis preciosissimarum mercium referta esset, illi antiquiorē  
esse debere, regi præsertim opulentissimo & maximo gloriam, non aurum quærendū  
esse. Adhæc Genuenses captiuos qui triremibus regijs detinerentur, æquo iure dimitti  
oportere, damnis quoque per omne pacis tempus, Genuensibus mari illatis satisfaciū-  
dum esse. De quibus quidem damnis præstandis, Andreas Benegasius iuriscōsultus, &  
Angelus Ioānes Lomellinus prius, ac deinde Ioānes Iustinianus, ac Brancaleo Lerca-  
rius Genuensiu legati apud illū egissent. Ad postremū orare se uti, mallet Genuenses si-  
bi beneficio obligare, quā nauī ipsam tenentē, illorū animos à maiestatis suæ obseruā-  
tia auertere. Rex primū excusare, & dicere, nauim iniussu suo captā esse Genuensium  
culpa, atq; insolentia classis suæ duci, cuius nauis esset, respondere indignatiū, ac vexillū  
pugnæ signū proferentium, primo iurgiū, mox præliū cōmissum esse. Ceterū illos pro-  
pter auream pateram, quam sibi ex fœdere deberent, biennio non redditam, in pœnam  
incidisse. Multa præterea detrimenta priuatim popularibus suis illata, nauim deniq; suā  
non parui precij prius à Genuensibus captam esse. Non recusare tamen se ( si Genuēses  
velint ) quominus omnes eorum, per pontificem maximum controuersiæ, aut per altos  
quosuis communes iudices, Romæ agnoscantur, componanturque, atque ob eam rem  
paratum se esse mittere qui Romæ apud mensarium caueant, de ea summa quæ peti-



tur, si idem & ipsi faciant, hanc suam sententiam esse. Res deinde multis vltro citroque verbis disputata atque acta est. Ad postremum legati re infecta, discesserunt. Ductor navis & qui in ea vecti erant, ut primum Neapolim appulerunt, omnes à rege liberi dimissi. Gemmarum quoque, & vñionum, quicquid ad illum ex præda relatum erat, mulieribus quæ illa amiserant, gratiam fecit. Paucis diebus interiectis, postquam ea navis capta est, Alphosus certior factus, Senenses Florentinorum iniurijs irritatos fremere, ac facile fore, ut in belli societatem aduersus Florentinos coirent, Matthæum Malferitum legatum ad eos mittit, fretus eius viri opera, de societate conuenturum. Qui Senas profectus, atque in senatum introductus, cur id eis expediret, multis rationibus disseruit. Inter hæc Florentini coactis veteribus copijs, nouisque insuper ducibus, Sigismundo Malatesta, & Alexandro Sfortia, Francisci fratre (ad dena milia equitum erant, præter peditatum) primo Recinium petunt. Quo cognito, confestim Ferdinandus etsi numero militum impar erat, tamen ut spem obsessis daret, Senas cum exercitu proficisci statuerat. Ceterum cum audisset eam ciuium partem, quæ in Florentinos pronior erat, id egeret, ne quam seditionem in ciuitate amici eiusmodi profectio excitaret, consilium omisit. Itaque hostes (cum succurrere non posset) Recinium interim capiunt, eoque præsidio firmato, recta Folianum pergunt, obsidentque. Postquam verò Ferdinandus copijs auctus est, vltius progressus, Soranum petit. Verum enimvero tanta mox in castris lues consecuta est, ut prælaguentium numero non modo ad rem gerendam, sed vix ad mouenda castra satis essent. Inter hæc dum Folianum obsidetur, Gerardus Gambacurta Florentinorum dominatum ægre ferens, castella quatuor, quæ pater à Florentinis acceperat, intra Apenninum sita, per Ludouicum Podium, Montefix ordinis Antistitem, in regis potestatem tradere se velle pollicetur. Mittuntur ob eam rem in propinqua loca pedites atque equites, qui rem conficiant. Ceterum cum Gerardus promissum exequi vellet (profectis clam ad se qui Balneum castellum, in quo & familiam, & opes suas habebat, reciperent) proditus à nepote, qui turrem arcis cum socijs ceperat, ut Florentinorum gratiam promereret, non potuit destinata perficere. Mature enim à Florentinis auxilium affuit, castellumque, quod ab illo tenebatur (regijs qui pauciores erant, in fines Urbis natis principis, qui proximus erat, digressis) cum multa præda Florentinis seruauit. Perstabant hostes in obsidione Foliani, oppidumque tormentis quotidie quatiebatur, & nihilominus præsidij duces illorum conatus cõtemnebat. Quantum enim muri per diem tormenta diruebant, tantum per noctem ex materia terraque congesta sufficiebant. Ceterum oppidanorum perfidia (qui, cum de prodendo præsidio clam cum hostibus egissent, armis aduersus eos sumptis, hostes intromiserant) oppidum ipsum cum omni præsidio in hostium potestatem redactum est. Quod tamen scelus haud multum diu impune tulere. Nam etsi mox victorum præsidia affuere, oppidum incensum, ac solo æquatum est. Per eodem ferme dies, Ferdinandus Turrim, quam Valiani vocant, haud procul à Monte Politiano peropportunè sita, per prodicionem recepit. Ea nanque iter quod vnus ad oppidum per paludes est, claudit: oppidum ipsum magnū atque opulentū, & cultoribus frequēs, magni profectò res momenti futura ad bellum Florentinis inferendum. In eam turrim Cotium Nigrum Capuanum imposuit, vnum ex equitum ordine, cui maxime fidebat. Fortè autem contigit, ut Florentini per eos dies copias in Pisanum agrum mitterent, quæ Vadam oppugnarent. Nam quod ex eo loco Pisanus ager, si copiarum eò maiores conuenissent, percomodè vexari, infestarique poterat, eum è regia potestate arripere affectabant, priusquam ad recipiendos milites amplior ac munitior fieret. Calce enim nauibus comportata, Antonius latiore muro, ac fossa turrim circumdederat. et exinde finitimos agros infestos faciebat. Itaque cum hostes ex itinere accepissent (neque enim longo interuallo à Monte Politiano iter faciebant) ipsam Valiani Turrim captam esse, confestim itinere intermisso, eò aduolant, turrimque circumsistunt. Intelligebant enim (id quod erat) per turrim illam oppidum facile obsideri & capi posse. At Cotius & fidei simul & officij oblitus, illam confestim absque vi, in Alexandri Sfortie potestate tradidit. Qua præsidio firmata, inceptum iter Vadam persecuti sunt. Dū hæc in Hetruria geruntur, Veneti Lacunissa exercitus duce, celeriter coactis copijs, Romanegum oppidum in Cremonensi, quod à Fracisco tenebatur, haud procul ab Olio amne situm, aggrediuntur, idque expugnant.

Eoque



Eoque præsidio firmato, Soncinum petunt, & ipsum super amnis ripa situm Romanen-  
 go amplius, atque opulentiùs: idq; tormentis adhibitis summa vi oppugnât. Cuius po-  
 tiundi cupiditas hoc maior Venetis inceslerat: quòd in eo oppido flumè ponte iungeba-  
 tur, per quem in Brixianum agrum traiectus erat. Quibus rebus cognitis, Franciscus cõ-  
 uocatis repenti, quas habebat, copijs, Laudum vetus, cuius vrbis reliquie à Laudo par-  
 uo admodum interuallo distant, sese confert, militibus, qui citra Padum in hybernis e-  
 rant, eò conuenire iussis. Interim cum ei nunciaretur, Soncinum, & cætera Cremonen-  
 sis agri oppida in periculo summo esse, oppugnariq; ab hostibus, haud amplius diffe-  
 rendum ratus: cum ijs quæ conuenerant copijs inde properè mouit. Et quanquam iter  
 per Laudensem agrum breuius aliquanto ac rectius erat, tamen quia per Cremam potes-  
 ac nobile oppidum, quod trans Abduam amnè situm, haud multum à Laudo nouo ab-  
 est (qua in vrbe egregium Venetorum præsidium inerat) eà tutò proficisci non poterat:  
 iuxta Abduam secundo amne duodeuiginti milia passuum profectus, Picileonũ, admi-  
 rabilis munimentum, atque operis oppidum quod Philippus Maria ingenti sumptu extru-  
 xerat, adit: pontemq; transgressus, quo Abdua flumè iungitur, continuato itinere Cre-  
 monam contendit. Interim Soncinum & per vim sæpe, & per prodicionem à Venetis tẽ-  
 tarum est. Post hæc accitis hybernis omnibus copijs quæ in Placentino & Parmensi, & itẽ  
 in Cremonensi erant: inde digressus Canetũ in ripa Olij fluminis sitũ, in quo pons erat,  
 quo flumen iungitur, cum toto exercitu proficiscitur: eo videlicet consilio, vt in Bri-  
 xianum transeat, atque vt hostes ab infestatione Cremonensis agri trans Olum auertat.  
 Tenebatur verò id oppidum à Ludouico Gonzaga, Mantuano principe, qui illi fœ-  
 dere iunctus erat. Cuius copijs auctus, mox vnà cum eo Pontem Vicum, in Brixienfi op-  
 pidum petit, idq; vi capit. Constituerat autem & reliqua castella, atque oppida, Brixien-  
 sis ac Bergomensis agri, quo super Olio flumine pòs esset, sigillatim expugnare, quòd  
 Venetorum exercitum inter Abduam atque Olum clauderet. Ceterum Veneti, vt Pon-  
 tem Vicum ab eo captum cognouerunt, veriti ne, aut Brixienfis ager ab eo vastaretur,  
 aut ipsi reditu (amissis oppidis ex quibus in Brixiensem trajicièbatur) prohiberẽtus cõ-  
 sistim transeũdis fluminis consiliũ capiunt. Transgressiq; illius cõatibus, citra tamen prælij  
 nam, quoad tutò possent, obuiam eunt: eiusq; impetus reprimunt. Aliquot tamen ca-  
 tella, atque oppida, studio partium Venetis infensa, sine vi ad illum defecere: nonnul-  
 la etiam ab eo debellata. Eo anno nihil aliud memorabile in Gallia Cisalpina geri cõ-  
 igit. Sequenti verò anno cum Gentili, quem Veneti dextritus ducem diximus, idoneũ  
 tempus visum esset ad ea oppida recipienda, quæ superiori anno Veneti amiserant: nò-  
 lum satis exacta hyeme, etsi sciebat magnum hostilium copiarum numerum in hyber-  
 na, in ea loca profectum esse, præter imposita præsidia, conuocatis copijs Manerbiũ  
 petit, atque haud procul inde castra ponit. Ceterum dum oppidum expugnare aggredi-  
 ur, sagitta humerum ictus, in castra se recepit, ac paulo pòst ex eo vulnere moritur. Quo  
 casu commoti Veneti, quòd exercitus sine duce erat (motis inde castris) quieuerunt. In-  
 ter hæc cum inter Gentilem Gattamelatæ nepotem, qui ante Gentilem Venetos exer-  
 citus rexerat, viri in re militari celebrati nominis, ac Tibertum Brandolinum eiusdem  
 Gattamelatæ generum, de honore & principatu certatum esset: nec pateretur Tibertus  
 Gentilem sibi dignitate præferri, quòd illum se inferiorem in armis, & ductando exerci-  
 ti existimaret: ira haud dissimulata, à Venetis discessit: ac per Francisci fines traiecto Pa-  
 do, Mirandulam (id eius oppidi est nomen) se recepit, ibiq; aliquandiu cum Venetis  
 conciliatione simulata, tandem ad Franciscum illius stipendia facturum, se contulit. E-  
 rat autẽ inter primos Veneti exercitus ductores, Iacobus Picininus, Nicolai filius, præ-  
 ter paterni nominis gloriam in armis latè clarus, florente ætate iuuenis. Is cũ tribus mili-  
 bus equitũ fortissimorum Bracianę factionis, ac paternę disciplinę priore anno sub Vẽ-  
 tis stipendia fecerat: multis præclaris facinoribus editis, neque labores, neq; pericula  
 etrectando. Demum finito stipendio, Venetis ostendit oportere sibi mercedẽ augeri, si  
 a modò opera vti vellent, quòd multos secum haberet quorum opera fideli ac forti vñ  
 essent, quibus stipendia augere sibi necesse esset. In quo cũ Veneti propter etatis infirmĩ-  
 tẽ duriores se præberent, nec ille alioquin permãsurus videretur, Frãnciscus, ac Floren-  
 ti arbitrati illũ faciliẽ, dũ animus in dubio esset à Venetis distrahi posse, propositis ei per  
 inter-



internuncios, honestioribus tum mercedis tum dignitatis atque imperij conditionibus, quibus non modò iuuenis gloriæ ac potentiæ auidus, verum etiam vir matura etate, & ab ambitione liberior, capi posset, (quandoquidem per finitum stipendiū licebat ei absque vlla infamiae nota discedere) tentauere illius animum. Ipse verò cum famam cunctis rebus antiquiorem duceret, quam nullo vnquam tempore volebat in dubium adduci, statuerat Bracianam factionem, cuius ipse erat dignitate princeps, tueri. Itaque viginti aureorum millibus annuæ mercedi additis, in Gentilis locum exercitus dux susceptus, apud Venetos manere perseverauit. Atque ineunte vere hortari Venetos cœpit, darent operam, ut copias ad bellum in æstatem pararent, antequam Franciscus, copijs conuocatis, in castra exiret, magno id vsui Venetis fore, si priores ipsi copias educerent: posse antequam hostes cœant, ea oppida recipi, quæ priore anno amiserant. Interim dum ab utraque parte necessaria ad bellum magna diligentia paratur, Veneti persuasi à Carolo Gonzaga, Mantuani principis fratre, qui cum capitales inimicitias gerebat, uti bellum ab ea parte, quæ Veronensem agrum contingit, se duce aduersus illum gererent. Cui putabatur propter popularium in se beneuolentiam obesse plurimum posse, statuerunt ab ea parte bellum inferre. Cumque suaderet Carolus, ut confestim Iacobum cum copijs in ea loca mitterent, fore enim faciliorem victoriam, Venetos docuit Iacobus id consilium haud tutum esse, quòd si copiarum eò traducerentur, omnis Brixienfis, ac Bergamensis ager prædæ hosti relinqueretur, quem mox simul ac discessisset, affuturum crederent alieni inuadendi insidendi que occasionem natum. Pellenda potius è Brixienfi Franciscus præsidia, atque in Cremonensem agrum deducendas copias, & in eius finibus bellum trahendum censebat, quo magis de suis defendendis, quam de alienis oppugnandis intentus esset: & quoniam Venetos Mantuano principi inensos, in eam partem proniores sciebat, posse diuisis copijs, partem Carolo ducendam in eam expeditionem tradi: reliquos in hostium fines agi, etsi satius esse existimabat omnes simul copias vno loco cōrineri, quoniam disiunctæ haud pares esse Francisco possent. Itaque exiguam partem copiarum, (neque enim in eorum exercitu plus quindecim milibus equitum, & octo milibus peditum erant) Carolo tradunt. Cum aduersus fratrem profectus gerere bellum cœpit, primò quidem satis prosperè illi res cedere, aliquot castellis fratri ereptis. At frater grauiora metuens ad Franciscum auxilium postulatum mittit. Cuius periculo cognito Franciscus, Tibertum Brandolinum cum mille & quingentis equitibus, multoque peditatu ire ad illum iubet. Inter hæc Iacobus Picininus exhortatus diu Venetos, ut stipendia militi exoluerent, quò maturius (comparatis omnibus) copias in expeditionem educerent, cum diutius pati non posset tempus ad res gerendas idoneum frustra teri, cum ijs quæ paratas habebat, copijs, ex Leonato Brixienfi agri oppido, in quo hyemauerat, legati castrensibus negotio dato, ut reliquas copias quamprimum ad se mittant, mense Maio digressus, Quincianum Brixiense oppidum, quod superiore anno Franciscus ceperat, vtili lidoque præsidio ac fideli imposito egregiè cōmunierat, petere statuit. Ceterum ea vis imbrum, ac tempestatis fuit ut ipso die (quo die alioquin facile peruenisset) nō potuerit eò copias ducere. Quæ mora, hostibus qui in propinquis locis erant, itinere eius cōperito, facultatem præbuit in oppidum, proxima nocte, quos vellent mittendi. Quæ quidem res difficiliorem aliquanto oppugnationem reddidit. Postridie verò, quamuis cōtinuatibus imbribus, Quintianum peruenit, ibique castra fecit. Quo quidem in loco non plus quatuor milia equitum secum habuit. Ac licet in ea obsidione non absque discrimine, præsertim tanta paucitate militum, persistere videretur, cum præter oppidi munimenta validaque præsidia, octo milia hostilium copiarum, aut eo amplius in circumiectis locis essent nihilominus hoc initio expeditionis eius, plurimum referre existimationis suæ arbitrat, præclarum aliquod à se facinus agi, quò maiorem de se expectationem concitaret, ad motus propius castris, tormentisque aneis adhibitis, cætera expugnationi necessaria cum cura præparauit. Post hæc mœnibus biduo percussis, ne nocte quidem ac quietem intermissa, cum tamen interea cōplures equites ad se in castra accessissent, oppidum ipsum totis viribus oppugnare adortus est: plerisque hostium, qui è proximis locis conuenerant eminus spectantibus. Demum muro eruto, per vim oppido potitus est: eoque mox præsidio firmato, nulla quiete militi data, Pontem Vicum, quem super Olia

flumine



flumine situm diximus, quò se hostes post Quintianum captum ex itinere receperant, petit. Illi autem veriti ne inclusi obsessique ob rerum necessarium inopiam obsidionem diu ferre non possent: ne in hostium potestate deuenirent, relictis qui presidio ac defensionem oppidi sufficere viderentur, Senigam quina inde millia passuum à Ponteuico, se cōferunt. Post hæc Iacobus castris positus, quo hostibus facultas omnis præcidatur mittere dorum è Cremonensi auxiliorum obsessis, propter pontis commoditatem, simul ut maior ei copia stramenti ac pabuli ex hostili agro suppeteret: tum etiam ut hostem grauius læderet: pontem vectilem, continuo adhibitis fabris effecit: atque eum supra Pontemuicum, ad mille passus iacit. Quo facto, exposita ultra Olum amnem parte copiarum, omnem prope superiorem Cremonensis agri partem, ad Alpes spectantem vna propè excursionem in ditionem redegit: nec minore cura interim tormentis æneis muros oppidi quatuebat. Cæterum tanta vis pluuiæ erat, ut non posset in armis miles consistere. Sed cum vel paruam temporis iacturam sibi perincommodam ac periculosam existimaret: ne fortè interim valentior hostis accederet, contra suorum prope omnium sententiam, an oppidum expugnare posset, experiri constituit. Admotis itaque copiis, summa vi oppidanos aggressus, multis vtrinque cæsis ac saucijs, septimo obsidionis die oppido potitus est. Nec mora, Senigam petit: quò se recepisse equites diximus, qui Pontemuicum deferuerant: sperans se oppido & inclusis in eo equitibus vno tempore potiri posse, aut certè eos per insidias extra oppidum illectos comprehendere. Inter hæc Franciscus certior factus Quintianum à Iacobo captum esse, quod putabat nullis, quamuis magnis, hostium opibus vno mense capi posse, & ad Pontemuicum castra posita, multa etiam Cremonensis agri ab eodem in ditionem Venetorum redacta esse, coactis repente, quas potuit, è circumiectis locis copijs, Cremonam contendit, equitatuque, qui in Cremonensi erat, ad se celeriter accito, fretus etiam ea manu quæ apud Senigam erat, Cremona mouens citato agmine Pontemuicum petit, ratus id oppidum adhuc in suorum potestate esse, speransque oppidanos non solum obsidione liberare posse, sed etiam traiecto flumine, subito atque improviso aduentu hostes opprimere. Cumque citatim contendens in itinere, præter suam opinionem accepisset Pontemuicum captum esse, primò credidit (quoniam is locus haud facillè expugnari posse videbatur) suorum dolo amissum. Ast ubi vi captum cognouit, mutato repente consilio, Senigam profectus est, idque optima ratione prouidit, arbitratus Picininum post captum Pontemuicum, Olij amnis oppida sibi eripere conantem (ut copiarum quas in Brixienfi haberet trans Olum clauderet, neque enim aliter subueniri posse) Senigam, id quod euenit, confestim ducturum. Ac fortè cecidit, ut eodè tempore ipse à citeriori, ille ab vltiori parte oppidi, ac fluminis quæ Brixiam respicit, Senigam peruenerint. Cæterum Iacobus, postquàm Franciscum aduentum animaduertit, neque habere se eas copias quibus tutò posset, ad Senigam castra facere, nec faciendi pontis, quò oppidanos vehementius premeret, sibi facultatè esse, hostibus in aduersa ripa adstantibus leui prælio cum ijs, qui intus erant, edito, ijsque intra portas reiectis, iter retrò ad Pontemuicum, unde venerat, conuertit. Ibi magnà vterque, Franciscus Senigæ, & Iacobus apud Pontemuicū, æstatis partem consumpserunt. Leuibus quibusdam prælijs interim commissis. Præterea Iacobus, quæ ceperat, in Cremonensi oppida tutatus, magnà inde rei frumentariæ vim cōuexit, quæ magno Brixie vsui fuit, crebrisque excursionibus agrum Cremonensem infestum faciebat. Inter hæc Carolus Gonzaga, qui initio aduersus fratrem aliquando erat aduersam fortunam expertus, tandem stauit totis copijs decertare. Ac mox cum fratre, ac Tiberto collatis signis congressus, ineluciter pugnavit. Et quanuis equitum, quos eo prælio amiserat, numerus haud magnus esset, nihilominus quia copiarum duces, ac primores equitum penè omnes capti fuerant, maior re ipsa, quam videretur, ea clades fuit. Ex eo sequutum, ut & Veneti & de Veronē agro solliciti: & Ludouicus à fratre metuens inducias in certā diē inter se fecerint, qui us cauebatur, uti Veronensis ac Mantuanus ager trans Mincium amnē à belli cladibus liber esset. Post hæc Franciscus dissimulato consilio, cum ad se Ludouicū ac Tibertū cum copijs è Mātuanō accerferet (quod ab ea parte bellū, propter inducias sublatū erat) illos Gaudium oppidū ex itinere petere iubet, locū quidē, præter nemus circumiectū, triplici munimento firmissimū, cum quidē per Mantuanū, & Cremonensem agrū commodius ad eū



iter esset. Est autem situm in apertis campis, haud procul à Monte Claro, & Brixia non plus duodecim millia passuum remotum. Iiq; profecti subito atque improviso aduentu exterius munimentum ingenti fossa atque aggere circumdatū cōtinuò occupant. Quod ubi Francisco nunciatum est, haud mora, cum omnibus copijs præter eas quas præsidio reliquit, quanta maxima celeritate potuit, eò cōtendit. Cuius discessionis causa cognita, Picininus confestim alio itinere & ipse cum copijs mouens, eòdem aduolat. Tantaque fuit illius velocitas, ut Francisci celeritatem præuenerit, magna spe fretus se non solum posse Gaudiensibus obsessis opem ferre, sed etiā Ludouicum, ac Tibertū, aut intra munimenta comprehendere, aut si egressi obuia irent, fundere, ac fugare. Caterum id cōfiliū cum legatis castrensibus periculosum videretur, ne pugna implicitos superueniēs Frāsciscus turbaret, remq; in discriminē adduceret, essetq; ambiguū, an adhuc Gaudiēs in fide permanerēt, omissum est. Ac mox profectus ex altera parte Franciscus munimentum ingressus, obsidere oppidū perrexit. Postquam verò Picininus animaduertit frustra ibi tempus teri, nec posse vlla vi oppidanis succurri, Portianum, quatuor inde millia passuum auxilij spem obsessis ostentans concessit, ibiq; permansit. Franciscus autem continuata obsidione oppidū cepit. Et quoniam is locus, ut diximus, ad infestandum Brixienum agrum peropportunos videbatur, nihilominus Iacobus apud Portianū manere perseuerauit, hostiū conatibus crebrò sese opponens. In hoc rerum statu omnis æstas, atq; autumnus cōsumptus est. Lenia tamē aliquot prælia, ac propè æquo Marte cōmissa. Sed accepta apud castrum Leonem clades, calamitatem per Carolum Gonzagam prius acceptā Venetis renouauit. Quod oppidū cum Iacobus, exclusis oppidanis, qui ad agros colendos (fide accepta) exierant, ppter eius opportunitatē (est enim sitū inter Abduam atq; Oliū, amnes) occupare tentasset, quo Franciscū ē Brixienī agro extraheret, & oppidani iam oppidū dedituri viderentur, Venetorū verò equites securi magna ex parte armati posuissent, profecta interim à Francisco auxilia, castra improviso inuadunt, eosq; omnes, antequā arma capere, aut gladios stringere potuerint, capiunt. Quingenti pp̄ homines capti, castra direpta sunt. Inter hæc Frāsciscus, ac Florentini de bello anxij, quod regē ac Venetos pecunia plus posse quā se intelligebāt, et si diutius bellum traheretur à Venetis, veriti ne sumptus ferre nō possent, belli moras præcidere quauis ratione cogitāt. Et quia Florētini vetere maiorū amicitia optimē erga Renatū affecti erāt, putabātq; illū Alphōsi statū in Neapolitano regno perturbare posse, approbātē consiliū Frāscisco, illū p̄ legatos cū duobus milibus equitū, præter sagittarios in Italiā accersunt, dena auri milia in singulos mēses decreta. Adiectumq; foederi, ut Renato, cum vellet, libera facultas ex Italia decedendi, & Frāscisco ac Florentinis eius itē dimittendi potestas esset, dummodò tribus antē mensibus, ea illi missio denunciaretur. Is in Galliā Cisalpinā transgressus, Gulielmo, montis Ferrati principis fratri, qui à rege, ac Venetis mercede cōductus, aduersus Franciscū bellū gerens, agrumq; Alexandrinū ac Nouariēsem infestans, bonā partē equitatus Frāscisci in se cōuerterat, ut arma poneret, persuasit. Acceptisq; illius copijs, ijsq; Bonifacio eius fratri cōmissis, multisq; Alexandrinorū adiectis, ad Franciscum se cōtulit, castraq; cū castris iūxit, eo videlicet cōsilio, ut Venetis Brixienī agro expulsis, quod ea estate putabant fieri posse, inde Florentiā peteret, ab ea parte aduersus Alphōsum bellū gesturus. Eius aduentus Francisci res haud dubiē cōfirmauit. Nā & Gulielmū grauē hostem illi placauit, & præter equitatū ac sagittarios quos in Italiā trāsuexit, ipsius Gulielmi copias sibi cōciliauit, & Bartholomæum Coleonem, ac nōnullos alios ductores cum tribus milibus equitum: qui bello contra Gulielmū occupati erant, in castra perduxit. Venēre item à Florentinis p̄ id tempus, ad Franciscū in castra Michael Chortinio la, & Alexander eius frater, existimantibus tātis viribus cōiunctis, ea estate Brixia Venetis eripi posse. Cum quibus copijs Franciscus simul & Renatus mox profecti, Mōte Vico primum vi capto, multisq; alijs circa oppidis (in quibus expugnandis magna crudelitas præter Italiæ consuetudinē, à Gallis patrata est) omnem Bergomēsem, ac Brixienū agrū, & quicquid inter Olium atq; Abduam amnes interiacet, tanto tumultu ac terrore inuoluit: ut propè omnia, alia metu, alia Venetorum odio, sese eius fidei ac potestati permiserint. Tanta autem eius procellæ vis fuit, ut Veneti nusquam amplius castra cum hostium castris conferre iam possent. Nec tamen Picininus, in quo Venetorum conferuandi sta-



uandi status spes reliqua erat, adduci potuit, vt aut Brixia: moenibus se includeret, aut Athesim flumen, quod Veronam influit, cum copijs transiret. Sed iuxta Benacum, qui lacus est in Brixienfi nobilis, vnde & Mintius amnis Mantuam præterfluens exoritur, castra habens, indeque crebras excursions faciens, hostiles agros infestos reddebat. Ad hæc Manfredus ac Gibertus Corregiensium princeps, qui à rege conducti aduersus Frânciscum, & Ludouicum Mantuanum regulum, bellum gerentes, in Mantuano, ac Parmensi agro castella quædam ceperant, multaque egregia facinora ediderant, pluribus excursionibus prope portas Parmæ factis, quibus in locis, propter factiones & clientelas magna eorum autoritas erat, quod eorum maiores olim Parmam imperio tenuerant: missa à Frâncisco aduersus eos maiore suorum manu, & ipsi cedere coacti sunt. Quibus difficultatibus ac periculis Veneti circumuenti, cum reipub. salutem in vno rege positam animaduertent, Ioannem Maurum, qui Senis ab initio belli fuerat, foedusque cum Senensibus composuerat, paulo antè Venetias reuersum, legatum ad eum mittunt, oratum, si eorum statum saluum esse cupiat, auctis copijs ipse in Hetruriam contendat: quod Florentini iniecto domi metu, copias ex Insulribus in Hetruriâ reuocent. Multa siquidem in illo fuerunt ornamenta: ingenium ad omnes tum pacis, tum belli artes, imprimis habile, magnitudo animi, modestiæ ac decoris studiû, cõstantia, probitas, facundia egregia, qua reos in iudicio, orando causas veteris more, graui periculo liberauit. Ob quas quidem virtutes, reipub. Venetorum maximis & honestissimis legationibus eius opera sæpenumero vsa est. Is ad regem profectus, huiusmodi orationem habuit: Et si pax tua, atque societas (rex inclite) nostræ reip. semper optabilis fuit, quod eam nobis honestissimam ducimus: tamen vel ea maxime causa illam expetiuius, atque cõtraximus, vt Italiam pacatam tandem aliquando videremus, quæ ab vltima memoria nostra bello vexata, nunquam potuit conuiescere. At verò cum hoc propositum, atque cõsiliu nostrum à Francisco Sfortia & Florentinis perturbatum esset: causas belli querentibus, necesse fuit, & tibi æquè & nobis, vel inuitis arma suscipere. Verumenimverò hoc bellum longe aliter processit atque ipsi opinabamur, & ratio dictabat. Neque enim verisimile cuiquam videri poterat, Franciscum, ac Florentinos tuæ ac Venetorum potentiæ pares esse posse. Quod quidem, si rectè cogitamus, & maiestati tuæ simul, & nostræ reip. decori haud dubiè cedit: sed Alphonsi maiestati, cuius est maior etiam autoritas (pace tua loquar) magis: quoniam in Hetruriam non misisti eum copiarum numerum, qui ad tantum bellum gerendum satis esset: quique tanto rege tam opulento, tam glorioso dignus videretur. Præsertim cum scires Florentinos eas parasse copias, quibus exercituum tuum cedere necesse fuerit. Ideoque magis famæ tuæ & existimationi officere arbitror, quod Ferdinandum filium huius expeditionis ducem effecisti: cui quidem cedere arpius sit, quàm priuato cuius copiarum duci. Quem quidem, sat scio, si pro egregia illius virtute, par aut certè non multo inferior copijs, hostibus fuisset, hodie in eorum finibus cum magna tua gloria bellum gerentem videremus. sed cum parua manu maioribus copijs resistere, aut obsessis opem ferre non poterat. Quibus quidem rebus à te rex, consuli oportuit, tum ob foedus quod tecum sanximus, tum vel imprimis gloriæ tuæ causa, quam vt tueare, omni à te ratione curandum est: ne quando vspiam apud rerum scriptores extet, tuum exercitum Florentinorum exercitui cedere coactum. Multum etenim tibi rex, nō solūm quid præsentis de te sentiant, sed etiam magis quid posterius de te existimaturi sint, cogitandum est, quorum hoc liberiora fuerint de te iudicia, quod ab omni metu ac spe remotiores fuerint. erunt igitur qui hoc aliter, ac se habeat, interpretentur. Putabunt enim alij te non tantum opibus ac potentia valuisse: alij id tibi negligentiae ascribent, eamque vt in tantis rebus fugiendam improbabunt. nonnulli etiam portasse tuam erga socios atque amicos fidem, atque officiū desiderabunt. Hæc autem omnia iudicia effugies si (quod nostræ reip. salutare in tantis malis videtur) maioribus equestribus ac pedestribus copijs quamprimū comparatis, ipse in Hetruriam proficiscare. erit enim tua profectio magno hostibus terrori. Neque enim solūm eorum impetū, ac ferociam cohibebis propter eam opinionem, quæ de tua virtute apud illos increbuit, cuius signia experimenta Neapolitano bello edidisti: sed etiam ijs depressis & fractis Venetorum sociorum, & amicorum statum, quæ tuum existimare debes, vehementer subleuabis.







nibus receptus futurus sit: non posse eum salua fide & dignitate iter differre: præsertim cum Veneti Renati bellum illius causa tollerent, qui multas sibi & magnas condiciones proponat: quandoquidem omnes reiecerint, vt qui eius societatem, & amicitiam, vsq; ad vltimum discrimen tueri decreuerint. Quibus rationibus motus rex statuerat postri die amnem transire. Cæterum proxima nocte, quasi palam inhihente Deo transitu, quæ & vates quidam illi exitiabilem futurum monuerat, repentinus quidam dolor crus eius dextrum inuasit, cuius vis tanta fuit, vt inde moueri non posset. Quinto abinde die, continuato dolore, nihilominus deliberauerat lectica delatus iter ingredi, atq; amnem trajcere. Cæterum cum ad vehementem cruris dolorem etiam febris accessisset, consilium mutare suadentibus medicis, coactus, Fontanam castellum ijs locis proximum, lectica se deportari curauit. Ibi cum pharmacum sumpisset curandæ valetudinis causa, ex subita humorum commotione, inter suorum manus collapsus, creditus est à vita discessisse. Quæ res continuo in vulgus edita, popularium animos mirum in modum perculit: medicorum deinde fomentis ad se reuersus, dum se propediem conualiturum sperat, equitatum ne mitteret, aliquot apud se diebus adhuc continuat. Sed præter opinionem omnium, ingrauescente indies morbo, postulante Ferdinando, partem equitatus confestim ad se mitti, quod diceret se confidere propter Alexandri Sfortiæ discessum, quem ad Franciscum fratrem, cum Michaële Cottiniola profectum diximus, posse, ereptis tormētis æneis hostes, qui adhuc Vadam obsiderent, castris exuere, Inicum Gheuaram cum mille equitibus eò proficisci quamprimum iussit. Cæterum antequam in castra peruenire potuerit, Vada turre ac munimentis euerfis (iam enim Antonius Olcina iussu regis abierat) capta & in hostium potestatem redacta est. nec tamen è regijs quisquam est captus. Nam postquam disiecto muro, locum se tueri non posse animaduertuerunt, conscensis nauibus quæ in portu erant, saluti consuluerunt. Cum autem regi vlcus inuri oporteret, nec aliter medicis sanari posse videretur, essentque qui suaderent, ei propter doloris impatientiam cohibendas manus, vetuit, perperurum se omnia affirmans, quæ medici iuberent. Atque ita interritus, vrentem spectare sustinuit. Inter hæc per Italiæ Principum legatos de communi pace (pro qua quidem re Marinus Caraciolus, & Michaël Ricius à rege missi erant) apud summum pontificem Romæ actum. Et in eo quidem Alphonsus, quò res conficeretur, non nihil de iure suo, hortantibus Venetis, detrahi patiebatur. Verum enimvero ea pacis mentio frustra fuit. Rex deinde percurato vlcere, in magna salutantium & congratulantium turba, Neapolim redijt. Quò paulo post Matthæus Malferitus Senensium rogatu, ad eum reuersus, societatem de qua diu actum fuerat (eodæto rege, cur id expediret) confecit. Postquā Ioannes Maurus rebus (vt diximus) infectis, legatos de pace Roma discessisse accepit, cum iam planè omnis de bello cura esset, regi persuasit, vt stipendium in militem conferret. Nouem millia equitum, quatuor peditum, partim iam in castris erant, partim nuper mercede erant conducta. Cumq; iam nonnullis ex ducibus stipendium traditum esset, allatum est (præter omnium opinionem) pacem inter Venetos, Franciscum, ac Florentinos ad Laudum oppidum factam esse. Quod ubi Alphonsus rescivit, valde quidem primò (vt par erat, quoniam se inconsulto facta fuerat, atque nescijs Ludouico Podio, & Antonio Pisarenſi eius legatis, qui ab initio belli Venetias profecti res communes tractauerant) commotus est. Nec quam indignationem animo conceperat, apud legatum dissimulanter tulit, quiduis aliud potius se auditurum credidisse, propalam dicere quam se in re tanta, quæq; sua tantopere interesset à socijs, neglectum esse, pro quorum statu conseruando tot tulisset labores, tot sumptus fecisset, atque in Heruriam trajcere parasset. Quorum deniq; rogatu multam iam pecuniam in militum stipendium effudisset, non potuisse saluo foedere, absq; suo consensu pacem fieri. At legatus placare regis animum magis magisque niti: causari, id à ciuibus suis necessitate factum, nec aliter existimandum esse. In ipsa tamen pace honestam de eo mentionem non omisſam, Licet illi in ea comprehendi, si velit, salua dignitate, trium mensium spacium ei ad deliberandum dari, Paratos esse Venetos præstare omnia, quæ eius honori & existimationi conculant. His, atque huiusmodi verbis aliquantum mitigatus, post aliquot dies, cum eius voluntas de pace exquireretur, pacem quidem non abnuere se dixit, at pacis ipsius conditiones (quippe cum nesciret quanam aut cuiusmodi essent, neq; enim ab ijs qui pacem



fecerant aut per legatos, aut per nuncios, vt par erat, delatę ad eum fuerant) non admittēte. Si quis pacem ā se petat, se non tam inhumanū esse, vt eum ā se reiiciat aut aspernetur. Si quis pacem ā se petat, se non tam inhuanū esse, vt eum ā se reiiciat aut aspernetur. Si quis pacem ā se petat, se non tam inhuanū esse, vt eum ā se reiiciat aut aspernetur. Si quis pacem ā se petat, se non tam inhuanū esse, vt eum ā se reiiciat aut aspernetur.

DE GESTIS ALPHONSI

fecerant aut per legatos, aut per nuncios, vt par erat, delatę ad eum fuerant) non admittēte. Si quis pacem ā se petat, se non tam inhuanū esse, vt eum ā se reiiciat aut aspernetur. Si quis pacem ā se petat, se non tam inhuanū esse, vt eum ā se reiiciat aut aspernetur. Si quis pacem ā se petat, se non tam inhuanū esse, vt eum ā se reiiciat aut aspernetur. Si quis pacem ā se petat, se non tam inhuanū esse, vt eum ā se reiiciat aut aspernetur.



se destinata consequi. Quas dum expectat (lentè enim ac segniter ea res Genuæ agebatur) complures dies cōsumpti sunt. Inter hæc muniendi portus ac perficiendorū operū spacium regi datum. Lapidum cumulis ad summam aquam perductis, spacium quod intermissum erat, immensū profectō operis, expletum est. Pari diligentia lignea catena, & item altera ferea absolutæ, ac naues quæ moli adligatæ erant, in portum interiorem minoris altitudinis, præter illas duas ingentes & Squarciaficam traductæ sunt: hæque corio crudo ab interiori parte, vt earum quoq; mali, contra vim ignium circumtectæ. Atque hæc opera diutina quædam atque inaudita maris tranquillitas, quò maturius efficeretur adiuuit. Paucis post diebus Ioannes Philippus serum triremium ad se aduentum demiratus, soluta classe Pontiam versus contendit: siue vt aduenientibus aduersus ire: siue quodd aquandi cōmodè in illis locis, rostratis regijs prohibentibus, potestas nō esset: ex Pontia deinde Plumbinum nauigat, dimissis Genuam nauibus, quas è Chio profectas diximus, prædæ magis, quàm bello aptis. Quò aliquanto post onerariæ tres ad bellum instructæ ad eum Genua missæ sunt. Nam quodd rex onerarias sex magnas, inter quas duas illas inauditæ magnitudinis habebat, & haud tutum Genuensibus videbatur (sex nauibus classi detractis) cum cætera classe Neapolim adire, portumq; inuadere: naues illis submiserunt: eò quoque triremes illæ decem, quas segnius propter ordinū discordiam, parari diximus, duce Masino Fregoso, Petri fratre, qui tum Princeps Genuensem rempub. tenebat conuenere. Eodem & Siretos Vultabius (is opinatus eam discordiā componi posse, ex Neapoli Genuam se cōtulerat) vnā cum Angelo Ioanne Lomellino cui componendæ controuersiæ cum Ioanne Philippo ac Masino potestas data erat, profectus, & cum eo de tota Senatus sententiā collocutus: relictis haud procul à Plumbino nauibus, monitisq; ne intra regni fines accederent, terrestri itinere ad regem venit: speque facta, rem componi posse, regem primò seorsum affatus, deinde in Senatū introductus, quæ Genuenses vellent, exposuit. At cum eiusmodi postulata haud quaquam equa visa essent, ea irrita rex habuit: maximè quodd fama erat, totam classē aduentare. Turpe enim regio nomini existimabant, regem cum armato aduersario intra regni sui fines pacisci, ne videretur id metu compulsus effecisse. Quod cum ille animaduerneret, dari sibi nauim rogauit, qua confestim classē adiret: ne intra regni fines appropinquaret. Sed dum accepta bireme nauigat, Masinum cum triremibus nauem ad Pontiam insulam iam profectum reperit, non expectatis onerarijs. Nam is quidem Ioanni Philippo, penes quem summa imperij erat (vsque ad eò ea tempestate inter nobilitatem ac plebem vetus certamen & perniciofa contentio exarserat) haud satis audiens erat. Hūc Siretus docuit, quatuordecim naueis longas armis, virisque egregiè instructas regi esse: tot enim parauarat vbi cognouit decem à Genuensibus armari, non esse ijs locis immorandum absque onerariarum præsidio: proinde quamprimū ad onerarias se recipere ne cūctaretur: putare se illas subito affuturas: at ille tum studio visendę insulæ, tum quodd rē ad consiliū delata, alijs occasum solis expectandum, alij lunæ exortum (quodd aēr anceps videretur) dicerent, perstitit. Alphonfus verò opinatus aut casu, aut iudicio fieri posse, vt Genuensium triremes seorsum ac procul ab onerarijs accederent, Bernardum Villamarinum cum ijs quatuordecim rostratis, quas habebat, impositis in eas præter nauales turmas, compluribus lectis viris, sub vesperam eò iubet contendere. Isque ad Aenariam insulam primū delatus, per noctem inde soluens, Pontiam petit, præmissis triremibus septē, in prædę spem, si fortè ibi Genuenses essent. Cæterū ea fuit Genuensium incuria atque imprudentia in disponendis speculatoribus, vt parum abfuerit, quin omnes in ipso portu capti fuerint. Itaque vt regias triremes iam appropinquantes viderunt, tū demum damnatis eorū consilijs, omnia tumultuose ac trepidè agere, socij remigum, remiges sociorum officia turbare. Vna denique salus in tanto discrimine visa est, in celeri fuga posita, antequam propius congressis regijs, portus exitu prohiberentur. Itaque cōfestim remo veloq; summo certamine obnixa, fugam arripiunt. Quod vt Bernardus animaduertit, exhortatus suos ad res gerēdas insequi fugientes cœpit. Ceterū plus valuit Genuensium timor, quàm regionum studium, quanuis regiarum triremium duæ celeriores, Genuenses terra includere conantes, eas haud multo interuallo cōsequerentur. Cum autē Circeo iam monte transmissis, supra quinq; & viginti millia



passuum à Pontia fugiendo emensi sese premi, nec euadere posse animaduenterent, sex earum, quæ propiores periculo videbantur, in quæis erat Masimus, conuersis puppibus proras in littus tanto impetu, adiuuante velo, adigunt, ut tota penè trirremium ipsarum corpora illisa, atque confRACTA in terram penetrauerint. Tantaque fuit trepidatio, ac paor instantibus tergo regijs, ut omnes salutis tantummodo memores cætera neglexerint. Itaque desertis trirremibus, passim in terram dilapsi, pars semiermes, alij inermes procul à littore diffugiunt. Armorum signorum ac tormentorum magnus numerus cum cætera præda à regijs captus. Tres verò reliquæ quæ paulò longius aberant, continuata fuga, cum in altum magis euectæ essent, vim hostium euaserunt. Triduo post cum Anichinus Corsus è Genuensi ora rediens, ignarus acceptæ calamitatis, qui cum sua naui longa (quæ erat vna ex decem) sub Genuensibus merebat, Pontiam peteret, ubi Genuensium reliquas trirremes putabat esse, Bernardus qui ad eam insulam, post fugatos aduersarios, cum classe se contulerat, nouè modò trirremibus emissis, signisque hostium quæ ceperant, in classis Genuensis specie prælatis, propius aduentantè illexit. Qui tandè dolo cognito, cum frustra fugam à se tentari intueretur, in scapham delapsus, & ad eum profectus, illius se fidei ac potestati permisit. Posthac à regijs tentatum, si qua inde vi Genuensium trirremes reuelli possent. Sed vna tantum ex omnibus extracta est, cæteris adeò confRACTIS, & arena ac terra immerfis, ut nulli prorsus vsui futuræ videretur. Itaque cum laborem inanem sumi non placeret, ijs crematis abierunt. Eius calamitatis nuncio accepto, Ioannes Philippus Pontiam usque cum onerarijs profectus (quod nihil absque trirremibus perfici poterat) retrò conuersus abire statuit. Cumque Genuam versus contenderet, iuxta insulam Corsicam (terribilissima tempestate exorta) ita disiecta est omnis classis, ut desperata salute, alia effracto malo naui, alia amissis antennis, alia velo discisso, alia sine malo, nulla integra (preter Prætoriam) in diuersa delatæ sint. Per eosdem dies atrox ac procellosus turbo apud Neapolim noctu repente excitatus, regiarum nauium, & Squarciaficæ malos vi sua adimum perfregit ac deiecit. Quorum casus propter grauitatem ac pondus, ipsarum nauium corpora adeò labefactauit atque concussit, proras præsertim, ut nihil esset aspectu foedi, atque ea res pro miraculo apud omnes haberetur. Itaque quod salutare contra incendia inuentum fuerat, in illo casu aduersum, atque incommodum fuit. Taurinis namque pellibus obuoluti mali, cum venti vim in se reciperent, ipsi turbini faciliè cessere. Ad hæc rudètes propter ignium metum in alterum nauis latus coacti infirmiores malos faciebant. Maris quoque tempestas, quæ postea in multos dies continuata est, proiecta ante mole pro munimento saxa disturbauit, catenamque ligneam dissoluit ac disiecit. Sedata tempestate, Bernardus cum classe Neapolim reuersus, adductis Genuensium trirremibus captis vnà cum socijs eius expeditionis (ij erant aliquot summi viri) lætissimè à rege acceptus est. Eique ob versos in fugam aduersarios datū, ut equo per urbem inter principes viros (veterum more) inuectus, magnaque ciuium caterua stipatus incederet. Per eosdem ferme dies Franciscus Sfortia, ac Florentini quò magis res suas confirmarent, legatos ad Venetos mittunt, qui suadeant uti pro communi Italiæ quiete, confectæ paci societatem adijciant. Quam quidem rem Venetis confestim nunciari regi placuit. Et quo magis lenirent illius animum, honestas eius rei causas afferebat: atque ut eius societatis particeps fieri vellet, orabant. At cum multa eam rem agitando in dies occurrerent, quæ partium animos distraherent, tantum valuit Ioannis Mauri legati prudentia, nunc regem, nunc Venetos hortando, monendo, orando, ut pristinam inter regem ac Venetos amicitiam redintegrarent. Persuasit Venetis, ut in ipso fœdere cauerent regij honoris causa, ut legati à Francisco, ac Florentinis vnà cum suis ad regem oratum mitterentur, uti communem pacem, ac societatem, honestis conditionibus datis, acceptisque ne recusaret. Missi in id à Venetis Hieronymus Barbadicus ac Zacarias Triuifanus: à Francisco Bartholomæus Vicecomes Nouariensis Episcopus, & Alberico Mallectus: à Florentinis Bernardus Medices, & Dietefaluius Nero, viri in agendis rebus latè cogniti. Et quoniam Ioannes Maurus longo vsu sensum, atque animum regis callebat: placuit Venetis & ipsum quoque pari honore ac potestate cum ijs quos nominauit, communes res agere. Per id etiā temporis, Nicolaus pontifex maximus, missis ad omnes Christianos populos ac principes legatis, ut imminenti Barbarorum periculo occurrerent (iam enim finitimi Græci populi



Turcis parère cogebantur: & erat ingens metus, propter ingentes illorum apparatus nunciatos, ne Italiam terra mariq; inuaderent) Alphonsum, ac Frânciscū ad pacem, item Florentinos ac Venetos magnopere hortabatur: ac pro ea re iam prius ad regē miserat qui rem Genuensem componeret Dominicū Capranicēsem, Cardinalē Firmanū, quī pro ea re postea ad Genuenses se contulerat. Qui quoniā dux & autor Italiæ pacis ac societatis inter principes fuit, ac pro ea conficiunda vnus omniū maximè laborauit, aliquid mihi hoc loco de eo dicendū putauī. Vita fuit imprimis emendata, & quæ honestate ac probitate omnibus exemplo esset: frugalitate eximia, neglecto supellestilis luxu, quem cæteri adamarent: pietate, fide, atque innocentia singulari, doctrina ac iuris Pontificij scientia, imprimis excellens: de quibuscunque posset, benemereri studebat. Is suscepta prouincia componendæ inter principes pacis ac societatis, postquam legati quos suprà memorauimus, Romam conuenerunt, vnâ cum ijs iter ingressus, rege prius de omnibus certiore facto, Caietam venit. Rex venandi studio Traiectum oppidum petierat, quod à Caieta decem millibus passuum abest, cognitoq; legatorum aduentu, Caietam versus proficiscitur. Qui cum illi obuiam, honoris gratia, plus duo millia passuum extra urbem processissent, ijs perhumaniter susceptis, Caietam adiit, vbi omnibus hospitia p. ciuitatis copia, parari iusserat. Hic enim mos regis semper fuit omnibus legatis, quicunque ad se proficisceretur, diuersoria, & quotidiana cibaria nō minore elegantia quàm copia, & lauticia præbere. Eo die nihil de cōmunibus negocijs tractatum. Postridie cum omnes oratores ad pontificis legatum conuenissent, ad regem profecti sunt. Remotis arbitris, cum omnes illi primas dicendi partes, æquo iure concessissent, ipse p. omnibus hunc in modum disseruit: Rem sanè facilem, & tibi vtrò expetendam (vt pro omnibus his legatis verba faciam) ad te, rex, oratum venimus, pacem scilicet, ac societatem tuam, quorum vtrunq; & dare & accipere tuæ bonitatis est, præsertim hoc miserrimo tēpore, quo vniuerso Christiano generi ac religioni nostræ sanctissimæ periculū ab exteris nationibus impendet. Quæ causa imprimis hosce populos ac principes mouit, vt armis positis cōmuni quieti cōsulerēt. Nec verò putes te ab hisce in agenda pace cōtemptū esse, aut neglectui habitum, quòd eam, te inconsulto, fecerint. Ita enim fieri necesse fuit, quòd facilius conficeretur, quæ fortasse aliquanto plus difficultatis alioquin fuisset habitura. In ea enim haud præterita est honesta de tua dignitate mentio, sed & tibi relictus & concessus eius ineundæ locus, ne tu id in regni tui detrimentū aut dedecus vllum factū arbitrere. Quòd si te nō alia ratio moueret, quàm Italiæ quies, quæ puincia diutissimè exagitata atq; intestinis bellis vexata est, ita vt qui vicit, similior victo videatur esse, tamē & equitatis & humanitatis tuæ esse, cōmunem hanc pacē, & societate amplexi, vt tandē aliquando, quantū in te esset, requiesceret, atque vt hanc ex ea pacata laudem gloriamq; tuarum laudū cumulo adijceres. Vt cum in præsentia nō de ea pacanda, sed potius de tutanda & conseruanda agatur, multo magis debes communi huic foederi, & consentienti cæterorum populorū ac principū voluntati acquiescere. Imminet enim nobis bellū & graue & periculōsum, quale multis iam seculis in Italia nō est auditum. Agitur salus Italiæ: agitur salus totius Christianæ reipub. agitur salus totius religionis nostræ. Mahometus atrocissimus Christiani nominis hostis, nō cōtentus capta Constantinopoli, quæ vrbs à Constantino potissimū aduersus Barbarorū impetus condita est, in cuius expugnatione quas cædes, quas incendia, quas rapinas, quos incestus, quas templorum violationes, quas sacrorum profanationes, quæ Christi Dei nostri, quæ virginis sanctissimæ ludibria commiserit, non es nescius: nō contentus, inquam, Grecia oppressa, quæ aut iam omnis paret, aut metu eius contremiscit: non contentus denique finitimarum gentium obsequio, emergere iam è Græciæ claustris, atque in Italiam erumpere, Romamque caput, ac sedē religionis nostræ petere se velle minitatur, nec solum nullā adhuc accepit pro tantis sceleribus suis poenā. sed tertium iam annū Thraciæ Græciæq; dominatur, omni interim, post captam Constantinopolim tempore ad comparandos exercitus, contrahendasq; vires ex quibuscunque gentibus, collato. Persuasit sibi hostis callidissimus, si dissentientem Italiam inuenerit, ea se facile potiri posse. hac autem subacta, cæteros Christianos populos, ac principes imperata facturos. properat hostis immanissimus, quo nos bello contententes improuiso opprimat. nullū tempus



pestiferis consilijs eius exequendis aptius existimans. Nec fallent eum profecto cogitationes sue, si ociosi illius conatus spectabimus, si non occurrerimus eius furori. Tanta est eius potentia, tanta auri atque argenti vis: tanta classium moliendarum opportunitas, tanta denique hominum in bellum multitudo. Clausum est iam Aegeum mare nauibus nostris, nec amplius nisi plures simul onerariae, eaque magnae Aegei maris insulas, & Orientales oras quibus in locis Christianis negotiatoribus vberimus questus solebat esse, adire iam possunt. Clausum est nobis mare Ponticum, & ipsum nostris hominibus fructuosum, castellis transitum impediens, in ipso Bosforo Thracio ab utroque littore excitatis. Habet praeterea in id bellum consentientes Scythas, genus hominum, & multitudinem, & corporum robore, & bellandi usu formidabile, qui Christianorum oppida quae in Ponto sunt, aut breui oppriment aut certe quiescere non sinent. Dimisit iam in omnes partes Barbarorum, & exterarum nationum oratores, ad eos maxime, quos mari viciniore expeditioni suae prodesse posse intelligat, ut illorum auxilijs atque opibus suffultus, incorruptissimam nostram religionem funditus evertat, ac sacrilegi illius Mahometi (quod Deus auertat) nefandis legibus subiciat. Nec dubium est, quin & Syros, & Afros, & Mauros reges, & ceteros etiam e mari remotiores aduersus Christianos in belli societate trahat. Mira est enim vis religionis, quae etiam si mala ac detestabilis sit, tamen animis semel insita, ac penitus impressa inflammare homines, & concitare ad sui timorem solet: omnes enim quam ipsi colunt religionem potiorrem ac sanctiorem aliena putant. Haec tot mala atque pericula Italiae impendentia sola pax atque consensus vel tollere vel subleuare potest. Tantum enim est Italiae in armis nomen, ut vel solo rumore confecta pacis ac publici foederis possit insolentissimum hostem a perniciosis conatibus suis deterrere. Sed ne hoc quoque satis est. Duce enim & auctore opus est, praesertim bello maritimo, in quo maxime victoria reposita videatur. Qui enim plus classe potuerit, facile profecto terrestris belli victoriam ceteris reliquerit. Nam quamdiu mare tutum ac liberum illi fuerit, nec comestu, nec milite, propter vicinitatem terrae Asiae ac paterni regni, prohiberi poterit. Quo commercio atque opportunitate sublata, aut fame, aut ferro vincatur necesse est. Te autem vno neminem aptiorem ad tantum imperium gerendum arbitrantur. Omnes ad te, summo consensu hanc praefecturam deferunt. Vident in te omnia abunde esse, quibus eiusmodi imperatoris praeditum esse oporteat. Summam scilicet belli scientiam, egregiam virtutem, amplissimam auctoritatem, maximam felicitatem. Quarum omnium rerum mirifica exempla ijs quae gessisti bellis demonstrasti, Neapolitano, Massiliensi, Hispaniensi, Africano. Vident etiam (id quod maxime huiusmodi bello requiritur) te maritimis copijs ac nauibus plurimum posse, tantumque maiestati tuae tribui, ut nulla Italiae ciuitas, nulla classis futura sit, quae tua signa non libens sequatur, quaeque mandatis tuis parendum sibi non existimet: quae res maxime in hac expeditione necessaria existimatur. Ceteris enim aequalitas ipsa inuidiam excitat, nec alios alijs praesse patitur. tibi omnes promptissime & absque inuidia obtemperaturi sunt. Nec verò (etsi magna antehac & praecleara facinora gessisti) superiora bella tua, cum hoc vno bello, gloria comparanda sunt. Illa enim habent fortasse aliquid quod non omnes equè probent: quoniam non sine Christianorum sanguine confecta sint: hoc autem veram & solidam & constantem omnium opinione gloriam in se habet, quod contra Barbaras gentes, contra religionis nostrae hostes atrocissimos suscipitur ac geritur: in quo qui interficitur, magnum pietatis locum sibi apud Deum immortalem vendicat. Hoc tuum factum omnes vno ore laudabunt, & consentienti fauore prosequuntur: Nec erit ullus tam iniquus rerum aestimator, qui non illud omnibus rebus ac aetate nostra ab omnibus regibus gestis, merito anteponendum iudicet. Hanc igitur prouinciam quo possis suscipere, communem hanc Italiae pacem, ac foedus in eas oportet. Nam absque hoc nec Italiae vires componi neque magnum aliquid mari geri potest: praesertim contra hostem potentissimum. Qui postquam Constantinopoli potitus est, nihil omnino praetermisit temporis ad aedificandas classes: cuius rei magnam ei commoditatem praebet & loci situs, & materiae copia, quae in ea regione permagna est. Hoc ut agas, a te petit vehementer Nicolaus pontifex maximus: a quo ego ad te legatus venio. Qui imminentibus periculis, tantis vniuersae Christianae reipublicae obuiam iri quamprimum expetit. Hoc te orant hi legati, clarissimi viri, hoc te vniuersus Christianus orbis, ut te duce maritimi belli, in communibus periculis uti queas



queat. Noli, obsecro, Italię deesse: rempub. Christianā, religionē hanc sanctissimā (quā-  
tum in te est) tuere ac serua. Noli pati ea ruere quibus omniū nostrū salus consistit:  
occurre impendenti malo. Noli, inquam, expectare, dum immanissimę gentes Chri-  
stiano nomini inimicissimę, ad tantū bellū coeant, quod sustinere tota Europa nō valeat.  
Nam quora pars orbis terrarū Europa est? Cuius etiam magnā partē Scythę tenent. Tā-  
tos autē possunt hę gentes exercitus cōficere, vt illorū modō aspectū Christiani homi-  
nes ferre vix possint. At si maturabimus, omnia nobis secūda erunt. Recepta enim maris  
possessione, cum in Græciā Thraciāque exercitus nostri trāsmiserint, & Mahometi furor  
cohibebitur, & ceterę gentes rei euentū tacitē spectabunt. Caue rex prætermittas hanc  
sempiternā ac verę glorię occasionē, quę tibi à Deo immortalī permissa & etiā parata est.  
Cogita eorū principū gloria quanta sit qui, p Christiano nomine vel amplificando, vel  
cōseruando aduersus hostes religionis nostrę bella gesserunt. Carolus ille Gallorū rex,  
qui Aquitaniā, & Galliā togatā in Italia & Saxones, & alias quasdā gentes, ē manu Bar-  
barorū ereptas ad religionē nostrā redegit, & Magni appellationē meruit, & quādiu or-  
bis terrarū stabit, ab omnibus mortalib. pleno ore laudabitur. Gotthofredi nomē, qui  
Hierosolymas, & Christi Dei nostri sacratissimū monumentū (eiectis Syris) aliquando re-  
cepit (qui postea locus rursus in eorū potestātē nostra negligentia recidit) in omnibus  
gentib. p quā illustre est. Sigismūdi imperatoris gloriā, qui cōtra hosce eosdē Turcas se-  
pius pspere pugnavit, nulla vnquā ętas cōticescet. Ioānis Vaiuodę, qui toties sua virtute  
atq; consilio huius Mahometi patrē prælio fudit, ac vicit, multis Turcarū milibus cæsis,  
quāta sit fama apud omnes vides. Sed nil te magis cōmouere debet, quā religionis no-  
strę sanctissimę discriminē: in qua animorū nostrorū felicitas sempiterna continetur. Pro  
hac decertandū, pro hac effundendę vires, pro hac deniq; vita ipsa exponenda est. Si  
pacē hanc & foedus Italicū aspernabere, reliqua Italia obtorpescet, ac de bello intesti-  
no sollicita erit. Qua cessante, aut de maritimis apparatib. nihil cogitāte, ceteri Christia-  
ni principes, qui sibi esse remotiores ab hoc incēdio vidētur, & ipsi quoq; omissis belli  
curis, domi se continebunt. Quappter amplectere, obsecro, hanc cōmunē pacē ac socie-  
tatē, quę cōmunis nō solū Italiae salutis, sed & totius Christianę gētis atq; ordinis cau-  
sa instituta est, tēq; ad benemerendū de tota repub. Christiana, de Italia præsertim, quæ  
te tanquā ducē & Imperatorē suū respicit, natū esse ostende. Pro qua quidē re cōponē-  
da, in ijs quę æqua & honesta postulaueris, hosce legatos, & eorū ciuitates ac principes  
eā ob rem ad te profectos, faciles reperies. Ea legati multis verbis cōfirmauēre. Ad quę  
Alphōsus: Nunquā mihi adeo secūdę res aut domi, aut foris fuēre, quin si cū bello pacē  
cōmutare licuerit, bello pacē prætulerim. Nec verò nisi aut laceffit, aut, p focijs ad hūc  
diē arma suscepī, ac gessi bellū: nec me tā ratio vlla mouit imperij aut regni augēdi (quod  
Dei munere satis est amplū, atq; opulentū) quā meæ ac populorū quietis atq; tranquil-  
latis qui nostro imperio parent. Isq; semper finis consiliorū meorū fuit, vt absq; iniuria  
in pace viuerē. In bello pacē, nō in pace bellū quærere soleo. Et si quādo à nobis hostis  
pacē petijt, nunquā eū aspernatus sum, nunquā reieci, sed honestis cōditionibus, petitus  
pacē dedi, proq; amico postea habitū passus sum regnorū meorū cōmertio perfui. Hoc  
posterius bellū Florentinū, iam neminē nescire arbitror, Venetorū sociorū, & amicorū  
causa, nō vlla cupiditate mea, à me susceptū esse. Quos cum vrgeri premi q; ab hostibus  
cernerē, nō fuit equitatis meæ in tāto status discrimine eos destituere. Ita si à me esset pe-  
rita pax, vt à Venetis, nō fuisset profectò durior in ea cōcedēda, quā ipsi Veneti, quorū  
gratia bellū susceperā. Nec debuit certē (vt Venetorū pace loquar) res tanta, præsertim  
quæ mea tāto opere referret, me incio atq; incōsulto agi. Sed quæ acta sunt, redargui ma-  
gis, quā emēdari queunt. Ego per me stare nolim, quin, hęc pax atq; societas cōmunis  
iat. Nolo cōsentienti Italię deesse, potissimū, cum hanc ipsā societātē ac pacē, quem-  
admodum ipsi disseruistis, ad totius Christianę reip. salutē & cōseruationē pertine-  
re agnoscam. Video enim quorū tendāt Mahometi huius insolentissimi conatus: vi-  
deo quid struat ac moliatur, tantarum classium atq; exercituum apparatibus: video quò  
pectet illius audacia, quo uē sit pertinacia & cupiditas eius eruptura. si fuisset bello  
vacuus, omnes profectò iā vires in eius perniciē cōuertissē, nec essem passus (quātū in  
ne fuisset) eius furorē euagari latius, sed bellū cōsilia mea pturbauit, quo nūc liberatus



(Deo volente) propositū meū persequi potero. Ego enim labenti reip. Christianę deesse nec volo nec possum, & vel dux, vel comes huius gloriosissimę expeditionis ire nō recuso. Tantūq; abest, vt eam deferere in animo habeam, vt omnes copias ac facultates meas in eam rem collaturus sim, ne vitę quidem parsurus: statui enim pro illius religionē defendenda vitam exponere, qui pro hominū genere conseruando, vitam exponere nō dubitauit. Sic maiores mei, sic ego ab adolofcentia institutus sum, vt sanctissimā religionē omnibus rebus anteponā. Sed si honesta concedentur ac postulabuntur, nec pontificis maximi, cuius auctoritatē (vt debeo) plurimi facio, nec studijs populorū, nec principū voluntati refragabor, atq; huic necessarię expeditioni seruiam. Post hęc cū his de rebus agi incoeptū esset, & quādā rex postularet quę consultatione ciuitatū, ac principum egere videbantur, Legati tempus ad respondēdū petierunt. At cū videret, non posse tantā multitudinem (magnum enim legati comitatum secum adduxerant, & regem plurimi secuti fuerāt) in ea vrbe cōmodē diuertere, egręq; quę equis necessaria erant, eō comportari, redeundi Neapolim consiliū cepit. Itaq; premisissis, qui hospitia pararent, legatos Neapolim ire iussit, vbi & honorificentissimē excepti, & pro amplitudine ciuitatis, ac rerū abundantia lautius habiti sunt. Rex aliquot diebus Traiecti cōmoratus, deinde Puteolos petit, vbi dum moram facit, nauim vnā ē duabus maximis fortē amissit. Nam cū iam refectis ijs partibus quas venti procella conuassauerat, & eam quę magnitudine secunda erat, ac pulchritudinis prima habebatur extrinsecus (vt fit) nautę amburerent, vt eā denuō pice circumlinerent per foramina, ē quib. aqua egeritur (clam omnib.) ingressus scintillans ignis, tormentorū puluere correpto, qua materia pleni cōplures cadi erāt, nautarū negligētia, vno momēto excussa maximo cū fragore loco mouit. Atq; ijs qui in superiore parte erāt repētino in mare saltu seruatis, paucis, quibusdā infimę fortis hominib. qui interius erant, quibusq; crassa caligo p̄spectū ad superiora auferēbat, extinctis, nauis cōflagrauit. Ita q̄ nauim regis diligētia ab aduersariorū vi cōseruauerat, perdidit casus. Alphōso deinde Neapolim reuerso, de pace ac societate agi per seueratū, atq; in multos dies agitatio p̄tracta est: cōtendente rege p̄ officio, vt Gilberto Corregio, Nicolao Guerrerio, Gherardo Gambacurtę, ac ceteris qui suas partes in bello secuti, eorū oppida amiserāt, ablata restituerēt. Atq; in eo vehemēter pugnatū est, Frācisco ac Florētinis, in quorū potestate ea puenerant, reddere recusantib. Dū hęc agitur, Genuēsēs à pōtifice maximo persuasi, & itē literis ijs cōmotis quas rex post fugatas eorum triremes Genuā atq; in omneis partes scripserat, quibus nihilominus pacem se nō abnuere significabat, Gottardū Donatū, facundū virū Romā misere, qui vnā cū pontificis legato quē suprā memorauimus, de cōponēdis cōtrouersijs ageret: qui Romā profectus nō reperto amplius legato pōtificis: cū id Genuēsēs docuisset, iussus est, suadēte pōtifice, Neapolim ire, vt cōmunib. rebus tractādis interesset. Isq; ad regē profectus, de pace orationē habuit. Inter hęc pōtificis legatus omni diligentia instare, vt cōmunis pax ac societas cōficeretur. Rē quoq; Genuensē, simul ac Gottardus accessit, tractare aggressus. sed cetera prius cōponenda erant. Demū tantū valuit huius viri prudētia atq; autoritas cunctarū partiū legatis summis precib. id orantibus, vt pax ea, quę apud Laudū oppidū à Venetis socijs cū Frācisco, ac Florētinis, eorūq; foederatis facta fuerat, paucis quibusdā in ea moderatis, à rege cōprobata sit. Simul ac societas cōmunis ab eodem est cōfirmata quā Veneti cū Frācisco & Florētinis sanxerāt: quibusdā etiā correctis atq; immutatis quę regi nō satis placebant, in hęc fermē verba: Amicitia, foedus ac societas, Venetis, Francisco Sfortię, ac Florentinis eorūmq; foederatis cū Alphonso rege, p̄ cōmuni Italię quiete & salute, potissimū, p̄ reprimēdis Turcarū conatib., à quib. graue bellū Christianę genti imminet, his legibus inuiolabilis in años quinq; & viginti esto, & eō amplius quoad cunctis socijs placuerit. Alphonsus Venetorū, Frācischi, & Florentinorū ac foederatorū statū aduersus eos qui bellū inferāt aut laceffant, siue Italicus, siue exter nus hostis fuerit, tāquā iuris sui res sit, defendito. Rebus quietis, mutę opes opis causa, si qua fortē repētina vis ingruat, Alphōsus, Veneti, ac Frācischi singuli octo milia equitum peditū quatuor millia, Florētini quina milia equitū, duo peditū in armis parata habento, singuliq; militibus & copijs suis stipendia persoluant. Si bellū alicūde oriri cōtingat, nulli partium, nisi de communi omniū consensu, pacem componere liceto. Nec regi nec



regi nec socijs cum vlla Italica natione societatem, aut foedus facere absque communi consensu fas esto. Premente bello, singuli dimidiâ saltem equitatus partē & peditatus, auxilio ad eum, quē laceſſi cōtinget, impigrē mittunto, nec illud donec paratū sit bellū, inde reuocanto. Si contingat auxilia ad aliquē è socijs mitti belli causa, qui auxilium acceperit, auxiliarijs copijs loca in queis diuertant, assignato, annonamq; & cætera necessaria, eodē precio, quo popularibus suis, venundato. Si quis foederatorū bellū intulerit, foedus ex eo violatū quod cæteros pertineat, nō esto, sed integrum atq; incorruptū habento, cæteri q; laceſſito auxiliū præbento non minore studio, quàm si is, qui laceſſat in pſo foedere cōprehensus non esset. Si cui sociorū bellū inferatur, nulli reliquorū per eorū fines transitū concedere aut cōmeatus præbere fas esto, sed omni vi laceſſentis conatib. obſtando. Hęc sic Venetijs inter Venetos, Frācis cū ac Florētinos acta fuerāt. Quę ab Alphōso hūcin modū correcta sunt. Quoniam dubitari posset oriēte bello, inter aliquos ex foederatis, quisnā laceſſeret, aut laceſſitus esset, optimū esse statuit ad tollendā omnē iniurię causam ceterorū foederatorū iussu arma deponi, cōtrouersijsq; eorū cogniſis, p. iniuriā ablata ijs quib. erepta sint, restitui, & cognitionē causę intra triginta dies finiſſi, eamq; cognitionē haberi, vbi pōtifice maximū esse cōtigerit. Si quis sociorū qui arma acceperit sentētię latæ per reliquas partes parere recuſarit, eo casu delectis ad eā rē statueri liceat, qui auxiliariū copiarū numerus, aduersus cōtumacē, à cæteris socijs mittēdus sit, nec tamē ijs liceat maiorū militū summā iniungere quā quilibet sociorū ex foedere, pacis tempore, tenere debeat. Idem ipsi delecti decernant & iudicent, quo nā modo caueri ac satisfacere armis laceſſito debeatur. Qui absq; reliquorū omnium sociorū cōsensu pacē aut inducias fecisset, quę triginta dierū terminū excederent, is foedus violasse iudicetur. Si quis è socijs aut foederatis bello petitus sit, siue is qui laceſſerit ex sociorū, & foederatorū numero vnus fuerit, siue sit externus, & alienigena, intelligatur laceſſito auxiliū præstandū esse. Rex non minorē equitū ac peditū numerū per pacis, ac belli tēpus, quàm Veneti ac Franciscus in armis habeat. Nec Veneti regi, nec rex Venetis auxiliū maritimū (si quā maritima vis ingruat) præstare teneatur. Neq; huius foederis iurib. quæ rex aduersus ducē, & ciuitatē Genuensīū habere prætendat, neq; item ijs iurib. quæ cōtra Sigismundū Malatestā, atq; Hestorē Manfredū copiarū duces, p. pecunia ijs credita, habere se asserit, præiudiciū vllum esto. His cōditionibus pax atq; societas cōposita est. Omnibus Italię ciuitatibus ac regulis præter Genuēses in ea cōprehensis. Quibus tamē prius incundē locus in certā diem reseruatus est. Vnum illud opus restabat, vt scilicet res Genuēsis cōponeretur, quod omnis Italia sopitis, sublatijsq; discordijs, tādē requiesceret ac maritimæ expeditioni deferuiretur. Nanq; inter Italiæ ciuitates, quę mari pollerent, Genua nō in postremis habebatur. Itaq; & pontificis, & Venetorū, Florentinorū, ac Sapauidiensis principis legati qui tum aderant, cæteris iam curis soluti, in eam rem incumbentes nunc sigillatim, nunc vnā omnes cū oratore Genuensi orare regē pergunt, vt Genuensīū postulatis aliquo modo cōpensatis, ijs pacem in tam miseris, tamq; afflictis temporibus, det. Quibus rex sicut antea, non abnuere se pacē respondit, si aut Genuēses ab eorū postulatis desistant, ac superiorū temporū pateras aureas, quas sibi ex foedere debent, ad se deferant, aut si damnis acceptis satis fieri velint, & ipsi damnis, quę sibi ac populis suis intulissent, satisfaciant. Quæ res cū cōponi nullo modo posset, Genuēsi legato, nauim, & res ablatas, aut earū preciū, deponi apud sequestrū debere asserēte, nec quū esse, regē sibi ipsi nauī capta ius dicere, nauimq; ipsam, quę appareret ante omnia restitui oportere, Pōtificis legatus vnā cū ceteris, omnibus nequicquā tentatis, abeūdi consiliū cepit. Itaq; petita à rege venia, Romam, atque inde domos quisque suas reuerſi sunt. Genuensis quoq; legatus, cū frustra sese ibi tēpus terere, ijs digressis animaduertet, & ipse statim Romam se contulit: vbi dum moram facit legati pontificis, quē diximus, hortatu, Nicolaus pontifex maximus, qui tum grauiter ægrotabat, è vita discessit.

\*



# IOANNIS IOVIANI

## PONTANI DE FERDINANDO PRI-

MO REGE NEAPOLITANO ALPH. F.

LIBER PRIMVS.



**I**TALIAM naturæ instituto quodam (nullum enim perpetuum est imperium) post collapsas res Romanas, & regnantem Gotum, variæ gentes, diuersis tamen temporibus occuparunt. E quibus maximè illustres Langobardorum res fuere. Hos diutius regnantes primò Franci, post Normanni, et ipsi ab initio partim Germani, partim Sarmatæ, verum è Gallia, quam aut pulsas, aut superatis antiquis colonis occupauerant, profecti pepulere. Princeps autem Robertus Viscardus, rerum quas gessit magnitudine, ingentem sibi & gloriam, & imperium comparauit. Satis enim parua manu Italiam ingressus, atque ab Gulielmo fratre, qui Melfia ædificata, cum Normannis in Apulia confederat, cuique à virtute Ferribrachio fuit cognomen, aduersus Græcos in auxiliū accersitus, rebus nō semel bene gestis, cum Gulielmo, Drogo quæ, atque Humfredo fratribus, qui pro ætatis prærogatiua, alius post alium Normannis præfuerat, in dominatu successisset, Constantinopolitani Imperatoris præfectos primò è Salentinis expulit: inde in Brutios cū Regerio fratre profectus, Pœnos qui plureis annos genti imperitauerāt, vi atque armis eiecit: trajiciens quæ in Siciliam, multis confectis prælijs, attritis quæ tandem barbaris, insulam penè omnem in suam, fratris quæ potestatem redegit. Quorum reliquias nedum delet, maiores res omitteret, in montanis Siciliæ locis sedes habere eos permisit. Mox reuersus in Italiam, Lucanos, Apulos, Samnites, Campanos quæ qui cis saltus Terracinenses sunt, diuersis artibus ac temporibus domitos, in suum ac fratris iurare nomen coëgit. Post verò cum Boamundo filio Hadriam trajiciens, fugato Imperatore Constantinopolitano Alexio, plurimis captis oppidis, non exiguam Epiri, ac Macedoniæ partem imperio suo adiecit. Ab hoc igitur, atque à Rogerio fratre imperium cœpit, quod post à Rogerio Rogerij filio in regium nomen versum est, ac supra trecentos regnatū annos, maximis interim bellis fortiter administratis, pluribus rebus terra, mari quæ feliciter gestis, dum ab ipsis aut propulsantur regibus, aut inferuntur bella, Federico etiam & rege & Augusto Romanam ecclesiam prosterneute. Quo mortuo, excitante Romano pontifice ad bellum Gallos hi Siculo ac Neapolitano regno, Carolo duce potiti sunt, Caroli quæ successoribus, post inter se de regno contententibus, quæ contentio Italiam simul omnem, Gallias quæ permiscuit, tandem ad Alphonsum regem deuenit, quem Hispania è citeriore accitum & annis ac rebus gestis florentem Ioanna sibi adoptauerat, quæ per id tempus Ladislao fratre mortuo, Neapoli regnabat. Hic Ioanna etiam viuentem primū cum Ludouico, deinde eam mortua, cum Renato, Prouinciæ, atque Andegauia regulis, qui & ipsi regnum sibi Neapolitanum, quod ex eadem qua Carolus stirpe essent editi, atque ex testamento superioris Ioannæ hæreditarium asserebant, plures annos bella vario enēu administravit: tandem Neapoli per vim capta, Renato etiam pulso, victor regno potitus est. Hoc regnante Italiæ res maximè floruerunt: nam et bella multa fortissimè gesta sunt, & bellis partim compositis, partim etiam confectis, pax secuta est tranquillitatis atque opulentiæ plena. Hæc ætas fortissimos duces, sapiētissimos rerum pub. administratores habuit, vidit quæ literarū studia magno fauore, ingenti frequentia, post tot seculorū interiecta interualla reuocari. Quam temporū felicitatem Alphonsi mors turbauit. Hunc hymæ in Apuliam profectum, dum aucupij, ac venationis studijs capitur, morbus corripit, quo confectus haud multis æstiuū post solstitiū diebus Neapoli interijt, ætatis suæ annum agens quartum ac sexagesimum. Alphonso mortuo Ferdinādus succedit, quæ hæredem in regno Neapolitano pater instituerat, natū Valentia in Hispania citeriore, atque ex muliere susceptum, quam Valentia cum ageret in delitijs habuisset. Res hortari videtur, quoniam



quoniam Italiae rerum mentione fecimus, qui tum vniuersæ status esset, quique aut populi, aut principes eam moderarentur, paucis exponere. Nec verò ceteræ indignentur vrbes, regulique, si primæ nobis Venetiæ auspiciū dicendi fecerint, & propter vr-  
bis ipsius magnitudinem, ac nobilitatem, & propter reipublicæ temperationem, sum-  
mamque imperij æquabilitatem. Igitur vrbs huius primordia satis quidem exigua  
fuerunt: initio enim loca in quibus post vrbs creuit, à piscatoribus habebantur, ac salina-  
rijs, qui piscandi studio, aut faciendi salis gratia illic multi conuenerant. Quas ad res  
locorum eos natura cum primis inuitabat, propinquitas præterea ac frequentia Vene-  
tiæ vrbiū, è quib. mortales multi eò assidue mercandis ijs confluebant. Quibus artibus  
ac quæstibus paulatim loca ipsa creuere habitatoribus, creuere quoque cum quæstibus  
simul & negotiandi, & nauigandi studia. Idque eo magis quòd sedes eæ terrestribus ab in-  
cursionibus maximè tutæ habebantur, grassantibus iam tum exteris nationibus, ruenti-  
que Romano imperio. Itaque hac vlti opportunitate, opulentissimus quisque, ac ma-  
ximè nobilis è finitimis Venetiæ atque Illyrij populis, dum barbarorum, qui per id tem-  
pus Italiam infestabant, iram verentur, in tutiora se recipientes, multis præsertim dire-  
ptis, non paucis etiam funditus excisis oppidis, eò tanquam in arcem confugiunt. Post  
verò alijs atque alijs commigrantibus cœpere maioribus studijs, cupientioribus animis  
rem nauticam exercere. Quam ad rem locus, necessitudoque magis ac magis eos ad  
hortabatur, crescente multitudine, ac solo angusto, rerumque omnium, quæ victui ne-  
cessaria essent, egeno atque infœcundo, vt inter palustres, atque æstuarios locos sito.  
Quòd si coniectura vti liceat, credibile quoque est, propinquos quosdam portus, qui  
perquam celebres tunc erant, illabentiumque in mare fluminum ostia, plurimum fre-  
quentiæ contulisse, dum assiduo, continenterque per ea commercia exercentur. Hinc  
opulentiores ad mercaturam conuenarum cum verterentur studia, breui Veneto-  
rum res (Venetos enim sese, quod è Venetia emigrassent vocauere) ciuib. atque o-  
pibus aucta est. Igitur diuitijs freti, peritiaque nauigandi, cum eorum nomen abunde  
potens pollensque & clarum esset, Mauris sæpius classe superatis, prædonibusque Illyri-  
cis, quique alij mare infestum reddebant, captis victisque, pluribus elati victorijs, cœperunt  
insulas primò atque nationes externas subigere. Atque hunc in modum circiter septin-  
gentos (vt ipsi tradunt) annos, aut etiam amplius artibus his eò potentiæ peruenere, vt  
Venetorum res finitimis, exterisque pariter formidolosæ essent. His igitur è sententia  
fluentibus, crescente imperandi cupiditate, ad res Italicas animum adiecere, finitimis  
regulis, dum impotenter in subiectos populos dominationem exercent, eos inuitantib.  
Nam inter Patauios ac Veronenses regulos diutius cum esset certatum, vtriusque partis  
vexatis atque attritis, lassitudo & ipsi aliquando à Patauinis hanc occasionem nacti,  
ininitiam in continentem insiliere. Post bello maximo acerrimoque conflato cum Phi-  
ippo Maria Mediolanensium duce, cuius imperium latè magnum in Gallia cisalpina  
erat, multis tandem cladibus vltro citroque datis, atque acceptis, vniuersa penè Vene-  
tia occupata, Bergamo ac Brixia captis, magna quoque Illyrij parte aliquatò tamen pri-  
us domita, imperium in Italia viribus autoritateque magis ac magis auxere. Tantam autem  
erum felicitatem concordie studium maximè peperit, ac viuendi inter se æquabilitas è  
statuendis ac seruandis legibus nata. Hunc itaque tuendarum legum consensum, secura  
est administrandæ reipublicæ concordissima securitas. Nam ne vnquam nobiliū ani-  
mi per ambitionem insolescerent, qui eam initio constituere, vnum & quidē summū sta-  
uerunt magistratū: quē qui gereret, ducem vocauere, senatus quidē principē ceterū  
ui iniussu senatus nec pace agere nec bello publicū quicquā liceat. Dux ipse senatū cō-  
sultat, Senatus autor decerit, cuius tamen decreta ducis nomine feruntur. Hoc mortuo  
numero senatorū statim alter p suffragia creatur. Magistratus ipse quanquā perpetuus  
memoria tamen nostra Franciscus Fuscus, quòd senectute aggrauate, publica ad mu-  
era factus videretur inhabilior, magistratu se abdicare coactus est. Huic de publico  
certa penduntur stipendia. Senatus ad eum cogitur in curia, quam egredi ducem nisi sta-  
tis diebus, ac certis causis minime permissum sit. Ceterū ipsis senatoribus mira in di-  
cendo libertas, summa in consulendo integritas, atque asseueratio, recti ac veri cultus  
xiuius, erga patriā studiū supra quā cuiquam sit credibile. Quòd si quando delibe-



randis atq; decernendis rebus in contentione sit deuentū, non partiū studia superant, verū publici boni ratio. De quorū tamen institutis, moribus, & quabiliq; administratio ne filere est omnino cōsultius, quā nō multa differere. Proximis in regionib. reguli tres imperitant, Mediolanensis, Ferrariensis, Mantuanus. Mediolanensi frequentissimi, maximeque opulenti Gallia cisalpinæ parent populi, Comenses, Ticinenses, Alexandrini, Nouarienses, Laudenses, Parmenses, Dertonenses: item Placentini. Ferrariensi Mutina, ac Regium, opportunæ ac nobiles vrbes subiectæ sunt. Rem Mediolanensem per id tempus moderabatur Franciscus Sfortia, qui Philippomaria mortuo, Blancamariæ vxori suæ, Philippi è nobili matrona filia dominatum asserens, partim vi, partim beneuolentia ciuium, ac rerum gestarum fama clarum se, ac maximè potentem in Gallia, Italiaque vniuersa fecerat, vir profectò Romanis temporibus dignus. Ferrariensem Borfius Estensis, miti vir ingenio, consilioque maximè tranquillo, quiq; Italicarumurbationum sese medium gerere consueffet. Mantuanam Ludouicus Gonzaga & ipse vir, belli que non minus quàm pacis artibus clarus. Quæ vrbes populi que alpihus adiacent. alij Monferratensi, alij Sabaudiensi obediunt, cuius imperium etiam trans alpes in Allobrogibus latè amplum est. In Aemilia, Piceno, Vmbria, Sabina, Latio, Hetruria magna parte, magna etiam Campaniæ, qui populi, qui que reguli in ijs agitant, Romani pontificis imperata faciunt. Quorum omnium ea tempestate res maximè illustres Sigismundi Ariminensis, Federici que Vrbinatis erant. Quibus autem artibus pontifices maximi tantum sibi imperium comparauerint, nequaquam est explicatu facile. Nanque vt initio armis illud sibi vendicauerint, longè aliud arbitrari par est. Genus enim ipsum hominum olim quietum, ac religioni tantum deditum. Cæterum vt ante sacerdotes innocentissimi, atque abstinentissimi fuere, quo tempore sola sacra, cerimoniasque tractabant: sic post fuere ex eis, qui cupiditate ambitioneque præcipientes ierint. Verum Romani pontificis æqua imperia, administratio tranquilla, studia pacis, otijque maiestas propè diuina. Hetruria olim bona pars sub regulis erat: quibus aut cæsis, aut pulsis Senenses, Florentini que, illorū vrbes, atque agros suo imperio subiecere: finitimos etiam populos, qui antea liberi erant, in seruitutem redactos, nouis vt viuerent legibus coëgere. Vtraque autem res publica popularis nunc est, nobilitate olim ob superbiam pulsa. Florentinorū nomen per orbem terrarum latè clarū est, non tam rebus gestis, quàm gentis ipsius solertia, & vrbis magnificentia. Eam in plano sita amnis Arnus interfluit, quam deorum ne immortalium templa, an publica, priuataque ædificandi magnificentiorem reddant, haud facilè est iudicatu. Ipsi ciuib. mirum ædificandi studium, mira orandi cura. Si quid regio non suppetat, peregre deuehendū atque importandū curat. Certamen est, non in vrbe modò, verum etiā in agris, qui magnificentius ædificet. Itaque regio sumptu villas passim ædificatas videas. Genus ipsum hominū acutū, & graue, bonarumq; artium studiosum, pecuniæ tamen studiosius, quocirca in vltimis etiam terris negotiantur. Quorum tamen propria laus est, ac peculiare meritum, quod Latinas literas penè ab interitu vindicauerint, dum & ipsi Latinis, ac Græcis literis dant operā, & illarum studiosos ad se accersitos, salarijs, præmijs, honoribus prosequuntur. Vrbs ipsa paulatim à paruis obscurisque initijs, atque Fesularum è ruinis creuit, quam quidem artium plurimarum, quas ea gens aut ipsa inuenit, aut ab alijs inuentas perfecit, frequentia mirum in mundum auxit, locupletauitque. Florentinis proximi sunt Lucenses, ciuitas non tam suis consilijs libera, quàm alienis opibus, atque præsidijs firma, dum Florentinorū ne accedat opibus, magnæ curæ est cæteris. Senensis reipublicæ administratio propter diuersa ciuium studia inquietior est, nec satis ex eo libera. Itaque ciues dum parum ipsi inter se consentiunt, quæ reipublicæ in commune bonum haberi potest ratio? Pacis tamen apud eos studium viget, præterquam Florentinorum artibus: quibus non raro eorum res turbantur, quorum ager oppidò quàm fertilis est. Ciues ipsi quæstui dediti, ac ciuilib. vitæ muneribus. Libertatis idem omnibus studium: ea tamen Romani pontificis opera ducis que Mediolanensis, quàm ciuium cura magis constat. Genuensium res maiores quidem atque opulentiores haud multo antè fuere. Nam & mari aliquando potiti dicuntur, non solum Corsica, Sardinia, multis que Aegæi maris insulis captis, vexatisque, sed Euxino enauigato, pluribus oppidis quæ in ora Pontici maris



maris posita sunt, ab eis aut captis, aut etiam conditis. Venetorum quoque rebus penè ad internitionem aliquando adductis, & vrbe illorum ingenti classe circumfessa. Horum opes paulatim dilabi cœpere ob domesticas seditiones ciuiliaque odia, quibus effectum est, uti amissa libertate Gallorum regi seruiuerint. Nam veteris cum esset instituti, ducem qui summum apud eos magistratum gerit, communi consensu creari, dum multos annos studio partium magisquàm publici boni duces de signantur, magna certamina, foedæ seditiones, ingentia etiam bella exorta sunt, donec Genuensium res publica eò perducta est, uti Gallicum nomen, imperiumque à patribus inuocatum atque acceptum fuerit: missusque à Carolo rege Ioannes Renati, de quo ante dictum est filius, qui Genuensem rempublicam administraret. Reliquam Italiam, quæ ab saltu Terracinenſi Equos, Hernicosque, ac Marſorum, & Sabinorum montes in Picenum, ad ostia Truenti pertinet, quod flumen in Hadriaticum sinum influit, quæque supero etiam atque infero mari cingitur, Neapolitani eam reges tenent, in qua Ferdinandus ex testamento successit. Igitur Alphonso mortuo, reguli, ciuitatesque missis oratoribus, Capuæ conuentu habito (nam pestilentia Neapolis infestabatur) in Ferdinandi verba de more iurauere. Et quanquam omnia quieta apparebant, rex tamen conuentu dimisso, in Pelignos ac Marrucinos digressus, equitatu in itinere scripto reliquum ætatis in Theatibus ac Ferentanis egit. Hinc rebus regionis eius pro tempore compositis, in Apuliam, ubi hymem agere decreuerat maturauit. Inter eam Callistus pontifex maximus Alphonsi beneficiorum immemor, cuius autoritate atque opibus antea Cardinalis, post Nicolao Quinto mortuo pontifex creatus fuerat, peruersa consilia, & perfidiæ plena aduersus Ferdinandum agitare cœpit, clamque cum primoribus ciuitatum, ac regulis agere de rebellione, diuulgatis etiam epistolis, quibus Ferdinandum suppositum Alphonsi filium diceret, denique aqua & igni interdiceret qui huius imperata facerent, & in officio ac fide permanerent. Quod ni Callisti consilia mors interrupisset, ingens maximeque calamitosum conflatum iri bellum apparebat: quippe qui esset fluxa fide, peruicaci ingenio, varijs consilijs, præcipiti ambitione. Huc accedebat, quod dum assentatoribus patefacit aures, Borgio sororis filio ingentem dominatum in regno Neapolitano destinauerat. Sed Callisti consiliorum ac vitæ finis idem fuit. Creatur inde Pius pontifex, ad quem missi ab rege legati omnia pacata retulere: quin etiam haud multo post Latinus Vrsinus Cardinalis, cum amplissimis decretis Barolum in Apuliam venit, ubi iussu pontificis, collegijque Ferdinandum initiatum (uti moris est) coronaque donatum, regem declarauit. Quæ res popularium regni animos de bello iam dubitanteis, quietiora uti sperarent, mirum in modum confirmauit. Ipse interea amicos, sociosque nunc per literas hortari, nunc per oratores rogare, uti veteris amicitiae memores esse vellent, se bonum amicum, fidum socium futurum ad cumulandam veterem beneuolentiam, ad continendam societatem, nouas ubique causas, noua semper vincula additturum, offerre, polliceri: se paterno contentum regno, suisque fortunis pacem, atque otium omni arte procuraturum: denique omnia se quàm bellum malle, illumque pro hoste habiturum palàm dicere, qui bellum in Italia moliri pararet. Adhæc in populos popularesque suos publicè ac priuatim noua beneficia conferre, vestigalia minuere, regulos benignè appellare, ornare muneribus, decretisque. Hispanis qui remanere apud se vellēt, familiaritatem polliceri suam: qui redire in patriam mallent, muneribus affectos, ornatosque dimittere. Carolum patruelem, Nauarræ principem, qui agente animam Alphonso res nouas tentasse Neapoli dicebatur, qui ob conscientiam Alphonso mortuo nauem, quæ Neapolitano in portu in ancoris stabat, confestim ascenderat, benignè appellatum: multa etiam amplaque per amicos pollicitus, nihil prius habuit quàm persistentem in abeundi proposito conciliatum dimittere, isque haud multis post diebus in Siciliam nauigauit. Demum rex cuncta perspicere ac meminisse, quibus amicos, sociosque contineret, aduersum populos, regulosque non satis habens iustum sese, ac liberalem gerere, nisi & illos ad bene etiam de se merendum inuitaret. Non deerant tamen qui è regulis existimarent hæc ipsa à Ferdinando simulanter fieri, quod ijs ingenium eius à puero esset cognitum. Nam & eum sese esse post manifestò declarauit. Quæ existi-



matio nonnullorum etiam procerum ac primatum regni animos ab illo (vt creditum est) auertit. Hæc agenti Ferdinando, significatur Ioannem Antonium principem Tarentinum, clàm rebus nouis studere: quod regem nequaquam fallebat, qui eius inconstantiam atque animum minimè tranquillum nouerat: quippe cui ab adulescentia seditiones, rapinas, discordiasque gratas fuisse intelligeret. Erat enim Ioannes Antonius vario & inconstanti ingenio, ac parum firma amicitia: apud quem etiam sancti, honestique non tantus respectus, quantum studium, quantaque erat cura assequendi eius quod animo destinasset: atque vt sui ipse parcissimus, sic contrà alieni quàm appetentissimus erat: vtque in bello abunde timidus, sic in pace parum fidens suis aut amicorū opib. quem longa et maximè quieta Alphonsi pax male habuerat. Sed ad quod intentus erat, aliquando peruenire vt ad id posset, interim dum ingentem sibi pecuniam compararet, nihil pensi habebat: & quanquam ipse timidus ac suspiciosus, gerendi tamen belli maximè audax: vtque in conferendis manibus minimè strenuus, sic producendi belli egregius artifex. Is igitur per finitimas ciuitates, locaq; opportuna clàm summittere cœpit, qui alijs præmia, alijs delictorū condonationem promitterent: nobiles alios suæ inopiæ, alios gloriæ maiorum admonerent: regulos vt quenque vel cupidum rerum nouarum, vel ære alieno pressum, vel rei suæ pœnitere intelligerent, tentare, hortari, sollicitare, multa pollicendo erigere, opes eius ostentare ne desinerent: denique belli eum autorem ac ducem offerrent. His atque alijs animos hominum ad Renatum, cum impelleret, in Galliam quoque ad Carolum regem, in Prouinciam ad Renatum, Genuam ad Ioannem Renati filium mittit, qui eos ad regnum armis repetendum hortentur: omnibus denique artibus participes, socios, duces consilij sui quærit, atque habere tentat. At rex artes illius ueritus, nunc per literas, interdum per oratores, aut amicos operam dabat, illum vt conciliarent. Itaque blande appellando, largamque de eo spem ac fiduciã vbique præferendo, consilijs eius pro tempore obuiã ibat. Quam tamen ille occasione nactus (vt erat simulator atque dissimulator, arte nō minus, quàm natura ad vtrunque institutus) per speciẽ conciliationis postulare ab rege cœpit, vt Iosie generi sui Iulij Antonij patri, & Antonio Centiliæ, cuius filio suam ipse despondere filiam pararet, quis illos oppidis, castellis, agrisque Alphonsus spoliasset, ea cuncta vt restitueret. Hac re diutius in senatu agitata, diuersè cū essent patrū sententiæ, nec de Ioannis Antonij fide quicquam exploratū haberetur, aut bonæ spei, tandē rex honestum potius quàm vtile consilium secutus, famæque suæ consulens, ne accusari vnquam posset, quod per ipsum scilicet steteret, quō minus cum Ioanne Antonio pax maneret, Iosie Hadriam Teramumque, Centiliæ Crotonem, Catantianum, quæque alia oppida, agrique anthuius aut illius fuerant, restitui iussit, missis ab Ioanne Antonio, qui eius ea nomine acciperent. Per id tēpus Antonius Centilia qui paulo post Alphonsi obitū ad Tarentinū trāsugerat, cōmunicatisq; cōsilijs in Brutios ad res nouandas pfectus erat per veteres clientes beneficiariosq; (vt qui natura seditiosus ac supra quā dici potest, serēde discordiæ singularis esset artifex) populos, primoresq; ciuitatū sollicitabat, ac nūc vanos terrores miscēdo, nunc se ad liberandos eos ab duro Hispanorū dominatu auctore futurū prædicando, cum omnia nominis sui admiratione impleisset, nomenq; Renati in memoriã reduxisset, eō rem perduxerat, vt omnis fermè regio in rebellionē spectaret. Quod veritus rex, Carolum Campibassium, & Alphonsum Daualum eō cum exercitu præmiserat, qui prouiderent, ne quid respublica detrimenti caperet. At Centilia castellis aliquot occupatis, quanquam parua manu, populorum tamen leuitate fretus, sibi que præficens bellum mouerat. Hunc motum diuersis ex oppidis permulti secuti, breui ingentem agrestium multitudinem armauerant. Quæ res partim terrore ac metu, partim cupidine rebellandi, popularium animos affecerat. Quo minus autem Centilia quod animo destinauerat, Alphonsi celeritas obstitit, qui facientem iter per orā maritimā Cropanos versus, de improviso adortus, eum fudit, fugauitq;. Qua re complures de rebellionē cogitantes, in fide atque officio continuit. Urbibus, castellisque Iosie, atque Antonio restitutis, atq; illorū nomine à Tarentino acceptis, cū in Brutijs quietiores futuræ res sperarentur, & Ioannis Antonij animus sedatus videretur, tum ille magis, magisque intentus omnia administrabat. Nam scriptos in Gallia cisalpina milites, finitimisque in regionibus mari



mari ad se deueniendos curabat. Cum regulis foedera clam inibat, Ioannem Renati filium omnibus artibus ad bellum inuitabat. Iacobum quoque Picininum, qui aduersus Sigismundum Ariminensem primo Alphonsi, post Ferdinandi auspitijs bellum gesserat, quanquam Ferdinando ob eius multa, patrisque merita obnoxium, tentare tamen ausus, ingentibus & suis, et Ioannis pollicitationibus corruptum, paulatim in suas partes traducere pertentabat. Cum primis autem tum socium fidelem, tum solertem ministrum inuenerat Marinum Martianum, principem Rhosanensem, cuius praeter genus vix erat quod bonus aliquis laudare in eo posset. Hunc Ioannes Antonius pater adolescentulum, quod ingenio maxime peruerso esse senserat, ab suo conspectu arcuerat, in filij locum non habiturus, nisi Alphonsus Helionora filia ei in matrimonio collocata, magno etiam dominatu addito, in patris restituisset gratiam. Ac nihilominus pater, dum viueret, filij foedum animum, ac peruersos conspiciat mores, non semel quidem suspiransque dixisse inter domesticos fertur, fore, ut his Martianam tandem familiam pessum daret. Igitur Marinus hinc regi suadere, quo Hispanos omneis regno eijceret, neque enim fidendum illis esse: consulereque uti per Italicos homines, suosque populares regni res administraret: magnam inde regem sibi beneuolentiam, & gerendis rebus fidem autoritatemque conciliaturum: illinc Ioannem Paulum Cantelmium proximum sibi regulum, nobiles item multos in Campania, Samnioque ad rebellandum diuersis artibus pellicebat. Post ubi vero satis prosperè cedere consilia sua vidit, Hispanos palam infectari coepit. Adhuc cum Honorato Caietano, qui Fundis, finitimisque dominabatur in locis, simultatem primo exercere, post vero in manifestas inimicitias prolabi, quod illum regi acceptum, suisque consilijs offuturum maxime intelligebat. Quia etiam aduersus Galeatium Pandonum arma mouerat, obsessis Capreatis, uti per hanc occasionem scribere exercitum liceret. Vtebatur autem ministro Marco Ratha, sobriino suo, homine turbulento, Gallicarumque partium studio: cuius vxor Ioannis erat Coxae filia, qui capta ab Alphonso Neapoli, Renatum in Prouinciam secutus, magnum sibi locum apud Galliarum principes rerum usu atque eloquentia comparauerat: ac propter prudentiae opinionem cum Ioanne filio Genuam ab Renato missus fuerat, quo tanquam magistro vteretur. Per hos igitur ministros multi mortales coniurarunt, in quibus & Iacobus Ratha Beneuentanus antistes, cuius insigni perfidia, Ferdinandi res maxime perniciosum vulnus accepere. Hunc rex cum Francisco Baucio, duce Adriense, legatum Mantuam miserat, ubi Pius pontifex maximus Christianorum conuentum habebat. ad quem Renati, & item Galliae regis Caroli legati venerant, postulantes uti regni Neapolitani sua Renato salua iura essent. Quo tempore Iacobus praeter fidem, decus, iura diuina & humana, ministrum se ac medium exhibuit scelerum omnium, quae ab Ioanne Antonio, ac Marino, ab Ioanne item Renati filio parabantur, autor & ipse cum esset foedissimorum etiam consiliorum. Affuit in hoc conuentu Mediolanensem dux Franciscus, cuius autoritate ac consilio factum est, uti pontifex Romanus Gallorum postulata iniqua esse docuerit, palam professus Ferdinando se non defuturum, deberi hoc publico Italiae foederis ac memoriae Alphonsi regis, cuius beneficio atque opera Romana res aucta esset opibus, autoritate, imperio. Interea Ferdinandus cognitis Tarentini consilijs, quo illius incepta frustraretur: quippe cui potiunda per dolum Venusiae maxima spes esset, ad Arundinem castra posuit. Is annis tribus millibus passuum, aut non multo amplius ab Venusia praeterfluens, in Aufidum influit. Venusiam Pyrrhus Baucius, Francisci, de quo dictum est, filius tenebat, regi carus, ac maxime fidus. Caeterum dotalis vrbs erat, cuius ciues propter imperium aequum, clemensque Gabrielis Vrsini, qui Ioannis Antonij ipsdem e parentibus frater fuerat, plerique Tarentino fauebant: nec deerant, qui urbem se dedituros pollicerentur. Qua spe Tarentinus & ipse circiter decem millibus passuum opportuno in loco coactis in vnum copijs, confederat. Ac tamen nihil adhuc aperte hosticum geritur, vterque tamen in insidias intentus erat, caeterum hic cauendis, quam ille parandis intentior. Atque haud multum absuit, quo minus dum noctu Ioannes Antonius urbem se potiturum sperat, rexque illius consilium praueuiens obuiam facti ante conflixerint, quam bellum inter eos indictum esset. Tandem vero ille, quamuis



re sapius frustra tentata, urbem per dolum occupat. At rex confestim subsidio suis veniens, porta ingressus alia, Tarentinos vrbe expulit: & quanquam à cæde temperatū est, bona tamen ciuium direpta. Hanc sibi urbem Ioannes Antonius, si potiretur ea belli arcem atque horreum propter opportunitatem destinauerat, agrum vberem, pabulique maxime feracem, pascendis equis aptissimum ratus. Vrbs ipsa in mediterraneis, ac natura etiam munito loco sita, totius regionis caput erat: atque vt in omnem Apuliam quæ ad montes iacet, quæque regi parebat, discursiones facile promittebat: sic vrbes, agrosque Tarentino subiectos à tergo claudens tuebatur, nequid hostile inferri ab rege posset. Adhæc Tranensium inde, ac Barolitanorum res, in primisque Francisci Andriensis ducis facile se assiduis impressionibus afflicturn, finitimosque alios tū populos tum regulos dolo, vi, metu, pollicitationibus, minis, ob loci opportunitatem in parteis suas tracturū sperabat. Hic motus, quæ Tarentino mens esset, futurumque haud multo post bellū indicauit: licet missis vltro citroque sapius legatis, quæta vtrinque nuntiarentur. Sed ille verbis quidem pacem velle, re autem bellum parare, tempusque agitando per speciem concordie terere, dum quæ agitabantur à coniuratis, parata essent omnia. Quocirca rex animo vehementer angi, diuersaque secum consilia agitare, nec cui fidendum esset, satis compertum habere, repetere animo veteres regni discordias, domestica populorum inter se odia, regulorumque aut similitudines, aut amicitias: præterita bella docere planè posse, quantum in hominum animis polleteret inconstantia, ac leuitas: quantum auaritia valeret, ac vindicandi cupido: nec tantam æqui aut honesti curam, quantum vtilitatis studium, ac libidinis generi mortalium inesse: suas Tarentinique ac Renati opes iuxta expendere, quid ab Gallis, Gallicarumque partium studiosis, quid contra ab se sociisque terra marique geri posset, cogitare, ac metiri. Denique quantum fortuna humanis in rebus polleat, quam varij rerum euentus essent, animo æstuanter volutabat. Hæc agitati Ferdinando significatum est præfectorum literis, rerum in Brutijs aduersum tumultuantem agrestes bene ab illis gestam, quos ab domibus, atque ab aratro digressos partim autor Centilia, partim rerum nouarū libido ad bellum, ac direptiones traxerat. Hi primò vagi, palantesque vt quis sese ducem præbuisset, sequebantur, post inito consilio, atque in vnum conuenientes, duce potissimum Nicolao Tosto, cuius maiorumque eius nulla antè cognitio, aut memoria fuerat statuere Alphosum Daualum, qui mortuo Carolo regis copijs solus præerat, ex improviso adoriri, & cum vniuerso exercitu cedere. Nam & multitudo erat ingens, & Alphosus per pacata loca non satis magna manu iter faciens, nihil hosticum verebatur. Itaque habentem eum in campis castra, qui Maidam inter Neocastrumque interiacent, qui agrestium primi agmen præcedebant, de colle sese ostentantes, sublati ad primū statim cōspectum clamoribus, maximo impetu in castra ferebantur. At Alphonsus repentina re p̄motus ac trepidans, interim dum suos impeditos atque imparatos instruit, præmittit qui rem sciscitentur, eorumque impetum remorari verbis studeant. Illi primò remissionem tributorum, hinc alia atque alia postulare cœpere. Ad ea ab Alphonso benignè cum responderetur, vbi conuenisse ingentem suorum numerum vident, cædem ac sanguinem flagitantes, sese in castra proripiūt. At Alphonsus longius à castris structis in plano ordinibus, cum interim à Iacobo Galiota, impigro homine, acriter pugna conferta esset, vbi illos vidit nullo certo duce, nullo seruato ordine rapi, illatus cōferta acie primò impetum eorum reprimi: mox ab euentu rerum confirmatis militū animis, fundit fugatque fugientes, magnum illorū numerū cedit: multos etiā capit, quos haud multo post interfici iubet, certior factus, paucis post horis longè maiorem affuturam multitudinē. Quod ni flumen Sabatium, qui circiter viginti millibus passuum ab castris aberat transire maturasset, eo die cum vniuersis copijs ad vnū cæsus esset: vix dum enim saltū prætergressus, qui flumine, syluis ac montibus clausus, atque impeditus est, summis è montibus cateruatim decurrere ad occupandum saltum hostes conspiciat. Cecidere ex agrestibus septingenti, aut etiam amplius: fama tenet ad duodecim millia fuisse hominum, qui simul ad tumultum conuenerant. Alphonsus re bene gesta, Consentiam versus tutioria in loca se recepit. Quibus rebus permotus rex, euocato ad se Alphonso, vt ab eo coram de statu regionis certior fieret, in Brutios proficisc, decreuit. Igitur



Venusiæ rebus compositis, relictoque ibi Masio Barresa cum præsidio, ad amnem Bradanum proficiscitur, ubi aliquot diebus æstiuam habuit. Inter hæc Nicolaus, quem multitudo ducem sequebatur, in agrum Consentinum impressione facta, finitimis castellis ac vicis, partim metu, partim studio rerum nouarum ad eum inclinantibus, breui supra viginti hominum millia in vnum contraxit. Qua multitudine fretus, dum Consentiam obsidere parat, nihil inuiolatum relinquit, agros vastat, ædificia incendit, pro libidine atque ira cuncta gerit. Hoc cognito Ferdinandus magnis itineribus eum contendit. Agrestes verò de aduentu regis certiores facti, dimissa statim obsidione, in montana se recipiunt, dilabente passim multitudine, magna tamen manu Castellione occupato, quod id oppidum in colle situm, naturaque egregie munitum esset. Rex castris admotis quæ ad oppugnandum necessaria videbantur, proximis è locis comportatis, ac non semel oppugnatione incassum tentata, tandem eximia suorum virtute oppidum capit, captum diripit, atque incendit. Hac tanquam belli arce amissa, cum spes nulla esset reliqua, qui ex agrestibus in rerum expectatione erant, diuersis itineribus domum regrediuntur. Tostus et ipse initio oppugnationis se cum paucis ex oppido surripuit. Dum hæc a Ferdinando geruntur Ioannes uti cum Tarentino, cõiuratisque cõuenerat, classe ab Renato patre in Prouincia cõparata, instructaque, rebus Genuæ cõpositis, idoneam ad nauigandum tempestatem nactus cum duabus ac viginti rostratis nauibus, onerarijs quatuor è Liguria soluit, ac felici nauigatione usus, paucis postquam soluerat diebus, præter litus Formianum delatus inter Lyris ac Vulturii ostia, diebus aliquot in ancoris stetit, dum cum Marino Martiano quid primum agendum videretur statuit, Tarentinumque de aduentu suo certiores facit. Rebus igitur è cõmuni sententia compositis Falernum in litus descensione facta, Suefsam à Marino deducitur: ubi magnificentissimo apparatu, lætisque adeo popularium animis acceptus est, ut nihil eum honoris prætermisum videretur, quod aut maiorem ciuium lætitiâ, aut Marini vehementius declarare studiû posset. Quæ res Ioannis animum magis magisque auxit, atque accendit. Ea potissimum tempestate iudicari planè potuit, non fidem, non cõstantiam, non gratitudinem popularium animis inesse ullam, poenitere eos præsentis semper imperij, gaudere nouis rebus, futura in expectatione habere, leuitatem ducem esse atque autorem ad postrema quæque flagitia. Rebellant cum Marino simul volentibus animis, communi consensu complures Campaniæ, ac Samnitium populi. Non illos longè pacis otium, quæ etiam eorum, qui in militia educati sunt, relanguescere animos facit, non partem sub Alphonso plurimæ diuitiæ, quarum comes voluptas, desidiaque esse consuevit: non belli facies ipsa, quæ eo terribior, magisque formidolosa apparet, quo longior pax fuit: non denique agrorum securitas, ad quos relictis oppidis cõmigrarant, aut eorum desiderium quæ relinquenda erant, remorantur. Certatim undique ad rebellandum curritur. Ipse verò Marinus comtenpto iure necessitudinis, omnis diuinæ & humanæ rationis oblitus, spretis, inuitisque patris manibus, qui Alphonso partes accerimè fouerat, paternum tectis hostem accipit, addit sceleri, nato tunc filio, religionem Compatratus, moxque in illius, ac Renati patris nomen conceptis verbis solennibus sacris, ante aras, Deo teste, iurat, confestimque nullo indicto bello, hinc finitimos Capuæ agros, illinc Lyri traiecto, propinquam regionem populationibus vastat. Abigitur omnis generis rerum præda ingensque captiuorum trahitur numerus. Caluium quoque oppidum, corruptis qui illud proderent, capit ac præsidio firmat, & quammaximè potest metu ac formidine cuncta cõplet. Augebat terroris regis absentia, nullo propinquo exercitu, nullo duce, qui grauibas ac repentinis malis iret obuiam. Quocirca nihil tutum, nihil securum Neapoli, aut finitimis in locis videri metu in maius cuncta tollente, deferri villæ, relinquere ædificia, impuberes, senes, mulieres munita in loca passim trahi, fuga omnes sibi cõsulere, iumentis, pecoribus, carris via oppidaque impleri, viderique omnia circumsonare armis, atque equorum hinnitibus fremere, dum quotidianæ, tum populi, tum principum rebelliones nuntiantur, demum vanis etiam rumoribus oppida vrbesque complentur. Hanc tantam consternationem auxit confirmauitque classis, quæ Ioannis iussu ante portum Neapolitanum aliquot diebus in ancoris stetit, præferens spem rerum in vrbe nouandarum. Quod sentiens Isabella regina singularis animi matrona, urbem diurnis ac nocturnis præsidijs firmat, fortibus ac fidelibus viris



quid agendum, quid cauendum esset præscribit, hostem à continenti equitibus per oram maritimam pluribus in locis dispositis arcet, portum erectis aggeribus ac muris, eductisque ex arce ferreis, æneisque tormentis munit: nihil hosti ad offendendū terra mariue aut opportunum relinquit, aut ciuibus, quod idoneum ad propugnandum esset, neglektum permittit. Ipsa Neapolitanos nunc plureis, nunc singulos coram benigne appellat, forteis confirmat, timidos erigit, alium alia ratione cohortatur. Quin etiam Campanos, cæterosque, qui in fide perstabant, literis ac nuntiis bonum habere animum iubet, regē propediem cum exercitu affuturum affirmat, demum, p re ac tempore necessaria parat, ac pluribus simul, pspicit. Incenso Castellione, omniq̃ue circum regione pacata, rex Martoranum versus proficiscitur, eo consilio, ut ea peragrata, compressisque si qui noua parare in animo habebant, regionis ipsius res commodius, magisque è sententia componeret. Hæc igitur agitans literas ab Isabella accipit, quibus certior fit Ioan nem cum classe ad litus Sinuensianum applicasse. Quo nuncio accepto, permotus rex, hinc atq̃ue illinc ingentibusangebatur curis. Nam & Brutios, Lucaniamq̃ue inquietā relinquere periculosissimum iudicabat, in qua paulo post iisdem autoribus ingentius repullulaturum intelligebat bellum, et rebus Campanis non occurrere longe perniciosius uidebatur. Hæc itaque diutius agitati animo, & quod potissimum sequeretur consilium deliberanti placuit. Centilia tandem capto, autorem rerum nouarum ratione hac è medio tollere, hominem infidum, leui ingenio, insigni audacia, ferendasq̃ue ad seditiones natum. Venientem itaque ad se non tam beneuolo animo, quā ficto consilio, quippe qui Ioannis aduentus ignarus uerebatur ni ad regem uenisset, ne statim bellum in se omne traheret, rex comprehendi eum iubet, atque è uestigio Catantianum petens, scalis ad motis oppidum aggreditur. Oppidani ut qui diuturniorem passuri obfidionem nō essent, vix una, aut altera impressione sustentata, multis vulneratis ac mortuo balistali sagitta Toisto, deditionem faciunt. Rex oppido recuperato, cuius magna oportunitas erat, rebusq̃ue quantum tempus patiebatur, constitutis, cum iam de Marini rebellionem nuntios accepisset, magnis diurnis, nocturnisque itineribus Neapolim contendit, atq̃ue ad eundem Antonij, Capuana in via, senatu habito, cum de summa belli agitata esset, de communitandem sententia confestim ad Caluium oppugnandum, exercitum rapit, magnoq̃ue machinarum, ac tormentorū apparatu instructus, euocatis etiam è finitimis oppidis, quæ in officio perstabant, veteranis militibus, castra ad ipsas propè fossas admouet. Ipsum oppidum in plano situm, ac præterquam ab ea tantum parte, qua meridiem prospicit, qui tractus haudquaquam multus est, ex eis imminet rupibus, quas inter alterasq̃ue longe etiam asperiores media percurrerit vallis: per quam riuulus fertur, cuius aquis belli tempore ciues tutissime vtantur. Sunt qui Cales fuisse peruetus ac frequentissimum oppidum credant, si quidem antiquæ urbis vestigia, moeniumq̃ue fundamenta multis in locis visuntur. Rex ad meridiem castris positus, tormentisque admotis, muros quæ portæ committebantur, quati assidue iubet: & quanquā magna ruina edita, omnia tamen indies asperiora erant. Nam & anni tempus pessimum erat, & cum cingi vndique oppidum nequiret, ut quæque ad defendendum necessaria erant, per vallem noctu præsertim facile importabantur ab Theano: quod oppidum nō amplius quatuor millibus passuum abest. Breuiq̃; tanta sclopetariorum immissa vis est, ut passim totis castris milites veluti pecora trucidarentur, qui glandibus, pilisque expositi, non vallo, non aggere, non vllo munimenti genere protegebantur. Ipsorumq̃ue castrorum facies ob multitudinem cadentium maximè fœda ac miserabilis erat. Præerat oppido Sancius Carilius, cum lectissimo milite, vir impiger, ac bellicis in rebus multos annos exercitatus. Verum Gallus Germanusq̃ue sclopetarius maximè nocuus ac formidolosus erat: regem autem uti eò acrius instaret, multa impellebant: loci oportunitas, pudor deferendi incepti, Campanorum importuna postulata: quodq̃ue ut hostibus ingens audacia, si irrito conatu discederet, accessura esset: sic suis infelix auspiciū reputantibus longe maximus terror, atque animorum consternatio inde futura, quod fugæ similior discessus videretur. His rege curis anxio forte accidit, ut Camillus Caracciolus impiger iuuenis, regi q̃; ob virtutē maximè carus, cum munitionibus præesset, patefacta ab bombardis aliquantum per muros via, occasionem pugne adesse ratus, cohortatus-



hortatusque paucis milites, vti pristinae virtutis memores essent, ingentibus etiam donis propositis, signum pugnae dari iusserit. Itaque certatum est pro muris, atque in ipsa ruina atrocibus animis, dum neutri cedere loco volunt. Tandem sclopetorum, colubrinarumque foeda strage superati regij, alij cedunt, alij praecipites dantur. Camillus dum inter primos versatur, pila colubrinaria per cerebrum adacta cadit: cuius casu, prostrati ceteri oppugnationem deserunt, multisque acceptis vulneribus, cis fossas egre se recipiunt. Regem nihilominus in proposito persistentem ingentes, compluriumque dierum hymbres deterruere, quod exploratum quoque habebat Antonium Caldoram aduentare: qui iunctis cum Marino ac Ioanne copijs, obsessis subsidium ferrent: cum etiam nota obsidione, Capuam cum exercitu petiit: distributisque per hyberna militibus, Neapolim concessit. Fama interim Ioannis per regnum diuagata, multos qui antea dubijs erant animis, ad rebellandum inuitat: Venisse virum florentem annis, regis moribus, et veteri Neapolitanorum regum prosapia, quorum merita passim a natu maioribus referebantur. Contra alij Hispanae gentis impotentis animos, insatiabilem auaritiam, crudelē dominationē cum damnarent, venisse tandem: erant qui subicerent, venisse iam qui ab insolentissimo Catalanorum dominatu tot annis oppressos populos, spoliatas prouincias, dissipatum regnum, a vi iniuriaque liberaret, cuius integritas, rectitudo, sanctitas dijs equaretur immortalibus. Haec igitur, taliaque palam iactabantur, passimque inibat in ciuitatibus a rebellionum autoribus consilia. Apulia maximē in aduentus eius expectatione erat. Ciuitatū principes nihil prius, aut potius curabant, quam ut aduenientē apertis acciperent portis. Augebant Ioannis nomen auctoritatemque Ioannes Paulus Cantelmus dux Soranus, Nicolaus Monfortius comes Campobassanus, nobilesque item multi, et in ijs Ioannes Sanframundius comes Cerretanus, qui ad Ioannē statim ad primum aduentus eius nuntium defecerat, et Caldorarum familia, cuius dominatus quod in Pelignis, Marrucinis Ferentanisque potens, pollensque, et clarus esset, rebellionis suae fama ingentem Ioanni expectationem conciliauerant. Quo circa inito consilio placuit ut Ioannes in Apuliam proficisceretur, qui a Theano mouens, tentata ex itinere Isernia, quam ad deditionem coacturum se sperabat, ubi in Apuliam Nicolao duce peruenit, omnia ad se inclinantia comperiit: Luceria portas aperit, prodita ab Loisio Minutulo urbis eius arce. Cuius exemplum breuisequitur Sancti Seuerij oppidum, Troia, Foggia, Manfredonia: captis etiam Ferdinandi praesidijs, arx Manfredoniae praefecti ignauia etiam dedita, quaeque oppida in Gargano ad mare, siue in montanis sita pleraque ad Ioannem deficiunt. Hercules quoque Estensis, quem rex Apuliae rebus praefecerat, suadente Borzio duce Ferrariensi eius fratre, qui Gallorum rebus clam fauebat, Ioannis partes sequitur. Idem faciunt Ioannis Caracciolus dux Melfitanus, et Iacobus frater eius comes Auellinensis: ad haec Georgius Alamanus comes Pulcinensis, Carolus Sangrius, Marinus Caracciolus, qui multa, et quidem opportuna tenebant oppida in Apulia, Lucanis, Hirpinis, Samnio. Rebellat in Marfis, Sabinisque Aquila, Petro Lallo Caponisco autore et Franciscus Marerij comes: in Ferentanis Iacobutius Montaganus. Ad Tarentinum quoque in Apulia, Daunisque deficiunt Labellum, Quarata, Melficta, Bitontum. E Neapoli, compluribusque ciuitatibus, quae adhuc in officio manebant, nobiles permulti aut cupiditate rerum nouarum, aut quod ipsorum maiores Gallicam factionem fouerant, ad Ioannem transfugiunt. In his Bosillus Iudex, qui Beneuentum, ac Montifusculum, quibus praerat: prodere Ioanni festinans, detecta prodicione, irritos conatus habuerat. Hoc malum contagio quasi quaedam, principum ac populorum animos eo magis infecerat, quod Ioannes Tarentinusque iunctis simul viribus, consiliisque Bari comunicatis palam iactabant, appetere Vere se in Capaniam ex Apulia, in qua huius comitis Sarnensis, Iordani comitis Atripaldini, et Felicis principis Salernitani. Hi non una est matre fratres erant, ac Ramundi, Ioannis Antonij fratris filij, quos ille Ramundo mortuo, multa pollicendo, adolescentes facile in sententiam suam traxerat. Quibus consilijs Ferdinandus obuiam ire parans, Mariam ex concubina filiam Felicis desponderat, ac multis promissis et illum, et fratres onerauerat. Quin etiam relicta



Campania in Samnites cum exercitu profectus, apud Montifusculum confederat, quo è loco & consilia hostium explorare còmodius poterat, & celerius occurrere, quocunq; hostis iter intenderet. Interim Auellinensis comitis agros assiduis populationibus infestat. Prata quoq; munitissimum castellum expugnare conatus, re infecta multis suorum amissis, certior factus Pij pontificis maximi auxilia iam aduentare, ne à Marino Martiano aditus interciperetur, ad saltum Menianensem, qui est in agro Casinate, maturare decreuit. Quo tamen iter hosti esset formidolosius, in agrum Campibassanum, locaq; finitima defleat: multisq; castellis expugnatis, aliquot etiam incensis, agros, villasq; populatus cum ingenti praeda in Venafranum, atque inde Sidicinum in agrum peruenit: positisque prope Caluium castris, quod antequam in Samnites proficisceretur, noctu scalis admotis, arce occupata, cæsisq; vigilibus, præsidio etiam capto receperat, pontificis copias expectabat, quas ex Hetruria mouisse perlatum erat, Stellateis interim, Sidicinosque agros vastaturus. At Marinus, qui non iuuenili leuitate, magis quàm execrabili in Ferdinandum odio descuisset, hostemq; ab Liguria accitum, classeq; profectum finibus, ac tectis accepisset suis, quo pacto regem è medio tolleret, animo æstuanter agitabat, hominum ac deorum immemor. Hoc dies nocteisq; versanti secum, tandem per speciem colloquij adoriri illum placuit. Quocirca Gregorium Coreliam multos sibi ante annos cognitum, intimumq; regis familiarem à se accersitum mitti clam ab rege postulat, acturus cū illo de recòciliatione, rebusq; còmunib. Quem ad se profectum blandè appellans, ac facti poenitentia simulans, rogat, vti compositis operaeius simulatibus, in regis gratia, pristinumq; beneuolentiae locum restituatur. Vetera in se Alphonsi beneficia còmemorat, pueritia cū Ferdinàdo actam, tot liberos è sorore susceptos, iura diuina et humana refert, Gallorum insolentiam detestatur, Ioannè incusat, nec se passurum affirmat liberos suos, duorum regum sanguinem, homini barbaro, Gallicamq; insolentiam in tenui etiam re præ se ferenti seruituros. Cum his mandatis plenus spei Gregorius ad Ferdinandum reuertitur. Re in senatu agitata, exquisitisq; sententijs, cum regis responso ad Marinum Gregorius redit. Quo sæpius vtrò citroq; misso, dies tandè colloquio dictus est, quo dirimi omnem posse còtrouersia satis magna spes offerebatur. Abest Theano circiter mille ac sexcentos passus, secundum viam militarem, vetus sacellum: à cuius fronte, quàm meridiem spectat, campus patet penè nudus arboribus. hic ad colloquium delectus est locus. Ferdinandus explorato itinere, ac præsidijs dispositis, prior ad Turricellam (id loco nomen est) venit, ac partitus copias peditatuq; viarum angustias, & loca superiora occupas, ne quid à tergo parum tutum relinqueret, equites in plano pluribus locis distribuit, ac præsidijs firmat: hinc ad locum pedetentim progreditur, Gregorium ac Ioannem Vigintimiliū comites secum ducens, non tam consilio, quàm necessitate adductus. Nam cum Gregoriū Marinus dirimendæ còtrouersiae medium adesse vellet, rex Ioannem propter rerum gestarum famam, prudentieq; opinionem, alterum deligere coactus est, quando duobus cum non amplius comitibus in colloquium vtrinque veniendum conuenerat. Et Ioannes quidem, ppter ætatem pugnae parū idoneus, Gregorius verò imbecillo corpore ac dextro brachio penè inutilis erat: quod Marinus futurum prospexerat. Postquam igitur ventum ad locum est, Ioannes ac Gregorius vnà cū Deiphobo Anguillaria, et Iacobutio Montagano delectis à Marino comitibus, quibus cum còsilia communicasset, quique facinoris essent conscij, ad viam haud procul à sacello remansere. Illi in campum vterque armatus, vterque equo insidens circiter nonaginta passus ab via soli, communibus de rebus disceptaturi processerant. Rex aliquanto editiorem in campo locum cum cepisset, vnde circum omnia lustrari oculis latè poterat, à Marino est monitus, humiliorem in locum equum vtdemitteret, ne à Gallis, qui Theani arcem tenebant, despectari possent. Quod dictū regis animum vehementer pupugit, suspicati insidias paratas, seque fraude peti. Quam suspicionem Marini oratio mirum in modum còfirmabat, cum ita, esset exorsus, vti omnè semper in regem ab se culpam reiiceret, nullam verò ipse regis excusationem, aut causam acciperet. His altercantibus, cum aliquantum temporis extractum esset, Deiphobus (sic enim conuenerat) ad Ioannem, Gregoriumq; conuersus, vultu quammaximè còposito quando, inquit, Marinus, quod felix ac faustum sit, res ex animi sententia cum rege suas



ge suas composuit, an ipse quoque meas compositurus, regem supplicem adire ultra morabor? adactoque statim equo, solus in regem ferebatur. Venientem conspicatus rex animaduertit quo propior fiebat magis magisque se versus ad dexteram declinare, apparbatque hostili eum ingressu ferri. Etiam eo progressus erat, ut rex quem strictum ille quo ad poterat pugionem occultabat, conspiceret: quo cospecto cum Deiphobus tantum non in regis equi habenas illatus esset, Ferdinandus confestim stricto ense, atque animo quam confirmatissimo in illum primum, mox in Marinum equum concitat, ac nunc hunc, nunc illum, nunc utrumque simul comminus petens, ambos in fugam vertit: cum interim Iacobutus Ioannem, Gregoriumque armatus ipse pugnae inutilis facile continet. Quod equites conspicati, qui in speculis dispositi erant, sublati clamoribus praestito fuere. Illi ad suos quammaxime citatis equis delati, re infecta non tam tristes abeunt quam regis fortitudinem admirati suspiciunt. Ferdinandus incolumis a suis exceptus, ingentis animi plenus in castra reuertitur. Illud deorum potius, quam hominum consilio factum videtur, ne rogantis regis, cum primum in via obuiam facti sunt, uti galeae fibulam Deiphobus ei substringeret, gladio iugulum aperuerit. Postero die rex, aliquotque insequentibus diebus, productis copiis, populabundus in agrum Sicidinum proficiscitur, coactaque est propinquis oppidis satis magna agrestium manu, quacunque it ferro cuncta vastat. Inde in Stellatem progressus, ad Balneas usque Sinuessanas, quaecunque in agris erant corrumpit: parciatur tamen aedificijs, ignique temperatum est: eripi enim hosti victum, non exuri aedificia, quae longa parauisset pax volebat. Fortè accidit, ut cum praeteruectus equo locum rex esset, ubi cum Marino congressus fuerat, pugionem humi repertum eques ad eum ferret, qui Deiphobo inter congregiendum exciderat: erat autem veneno intinctus, tabidisque medicamentis delibutus: quo quamuis leuiter ictus cum esset catulus, statim veneno exedente concidit. Haec res magnam in primis Marino inuidiam conflauit: videri enim supra hominum improbitatem facinus indignum & atrox regem, cuius nomen apud mortales sanctum esset, fraude ac veneno ab illo circumuentum. Non fidem aquid eum, non necessitudinem, non quod in regis nomen volens, libensque iurasset, non deum metum locum habuisse ullum, speratam, contemptam, pessum eodem facto datam famam, pietatem, gratitudinem, religionem, nihil illi in Deo, nihil in hominibus credere aduersum scelera esse repositum. Haec grauioraque aduersus Marinum ab amicis, inimicisque aequè iactabantur. Populanti agros Ferdinando significatur, eodem penè tempore Ioannem Tarentinumque iunctis simul exercitibus, magnis itineribus per Samnium aduentare, Pelusiamque incensam, & Alphosum Lagonissam cum vniuersis Caudinorum oppidis in societate ascito, recto itinere Neapolim contendere. Parte verò alia Simonetum cum pontificis copiis in Calinatè peruenisse, petereque illum ab rege, uti sui etiam copiis admotis ad saltum Menianensem auxilio afforet. Martianum enim praemissa iam militum parte, reliquo cum exercitu, ni maturetur, statim affuturum. Ad haec missi qui iter explorarent equitibus, leui certamine inito Ioannem Maleuoltam, unum est Pij praefectis captum, reliquos formidare, se non ijs viribus esse ut sine regis ipsius auxilio, Marino prohibente angustias incolumi exercitu peruasurum confidat. Cui rei Ferdinandus praeruendum ratus, ijs enim copiis additis, hosti se numero ac viribus superiorem fore intelligebat, nocte in tempesta profectus, cum de profectioe certiore fecisset Simonetum, & ille in tempore adesset, sine ullo certamine, saltu penetrato, statim coniunctis exercitibus, quo Tarentino, Ioanni que occurreret, citatissimis equis Sueffulam petebat. Quod hostes exploratum cum haberent, Aceris dextra relictis, Nolam diuertere. Adueniens Felix & Daniel cum Iordano fratre praesto fuere, qui dicerent, se cum oppidis, popularibusque imperata facturos. Igitur hostes impares se cum indicarent, neque retrò iter vertere sine manifesta pernicie, neque aequis in campis expectare tuto possent, intra Sarnenseis fauces (sic enim vocantur) sese includere. Sarnum in adeo montis latere positum arcem in summo habet dorso quammunitissimam. Sub ipsum autem montem suburbium iacet, in longum porrectum, habitatoribus frequens. Ac ipso suburbio in via Nolana occasum versus circiter mille & sexcentos passus, sub inflexi radicem montis fontes scatent, qui statim minimè vadofum fluuium, qui & ipse Sarnus dicitur, constituunt, quo in loco porta est turri subiecta. Eum autem locum Fauces incolae vocant. Ab altera etiam suburbij parte



ad Solis exortum, quā Salernum versus est, iter, fontes alij manant, qui ceteris immitti fontibus, toto passim suburbio scatentibus, alterum & ipsum nequaquam vadofum flumen efficiunt. Hi amnes, Solis alter ab occasu, ab exortu alter sese per entes ex obliquo, in meridiem mare versus prolapsi, per culta circiter duobus millibus passuum ab ipsis fontibus, coniuncto simul alueo conflunt in mare, quod à confluyente quidem ipso circiter sex millibus passuum abest. Quod medium interiectum est agri fluminibus insulæ penè in modum cingitur, à septentrione perpetuis, ac minimè peruijs montibus clausum. Ager ipse vitibus atque oleis consitus, pabulo quoque abundat plurimo. Itaque in hanc tanquam insulam cum se hostis recepisset, fluminibus ac môtibus perinde ac munitionibus se tuebatur. Ferdinandus sub confluentem in sylua, cui Longulæ nomen est, castris positus, quo arctius hostem premeret, structo ponte, à frumentatione, quod maturæ iam erant segetes, atque à pabulatione, hinc atque illinc arcere hostem statuit: id quæ eo erat facilius, quod castellum Santi Martiani valde confluenti proximum regi parebat. Igitur strato ponte, assiduis discursionibus hostem adeò vexabat, ut is obsessio per similes videretur. Quocirca fremere eques, timere duces, ipse Tarentinus sibi diffidere, & iam de nocturna fuga cogitare: esse etiam qui se regi per amicos conciliare clam studerent, alij qui transfugere pararent, cuncta demum plena esse terroris, atque formidinis. Per eosdem dies hostium classis præfectus non exigua prædatorum manu Surrentino in litore exposita, agros vicosque populari parabat: factis magna cum spe, sollicitati ciuium animis, ob vetus Andegauenis factionis studium, urbis etiam potiundæ. Quod rex intelligens, Antonium Olzinam cum lectissimo pediatu, qui agrum villasque tueretur, præmiserat: præsidio etiam urbi addito, hostis animò impune rapere, ac passim ferri, mox ab signis dilabi cœpit. Quod Antonius aduertens, nactusque idoneam occasionem, hostem palabundum ex improviso adoritur: qui locorum ignarus, atque iniquè congressus, cum diutius sustinere impetum non posset, insignem cladem accepit. Itaque alijs cæsis, alijs captis, qui reliqui erant, dum fuga sibi consulunt, rati iter ad mare peruium, hinc Antonio, illinc Surrentino premente, per rupes maximè editas deturbantur. In ipsis etiam tremibus, dum funes legunt, ac per res, dum reliquos à clade accipiunt, trepidatum est. Telorum, armorumque omnis generis magna vis Surrentum perlata. His rebus adductus Felix, missis qui veniam impetrarent ad regem supplex in castra profectus est, Parmæ arce (quod castellum Sarnensibus à faucibus non ita multum abest) regi prius tradita præsidioque illic imposito: Rex eo acrius instare, ne annona comportari Sarnum posset summis viribus conari, arcere hostem à pabulationibus, prohibere frumentationes, dies noctisque id agere, quo nihil hostitutum, nihil quietum relinqueret. Fortè accidit, leui ut certamine inito Petrus Hubaldinus eques regius ab hoste caperetur. Is (uti moris nunc est) exutus armis, atque adempto equo, ad regem remissus, retulit satis se exploratum habere, occupato clam monte à pediratu, deinde per effractam, quæ ad Fauces esset, portam immisso equite, diripi qui hostibus ad suburbij cōsedissent caput haud magno conatu posse. Quo hosti inflicto vulnere fore ut castris intra Fauces translatis, hostis fame confectum, paucis diebus ad se dendum rex compelleret. Quo audito, conuocatis ducibus cum singulorum ipse sententias exquireret, Simonetum huiusmodi orationem habuisse accepimus: Qui dominari in bello fortunam dicunt, Ferdinande rex, non temere illi quid mihi & sentire videntur, & dicere. Non quod belli administrationem, victoriæque euentum in manu fortunæ collocatum existimè, sed quod in conferendis præcipue manibus propter ea quæ repente accidunt, nunquam satis prospici ab imperatoribus aut consulendo queat, aut ubi consilium captum est, strenue rem, gnauiterque gerendo. Quo enim consilio, aut qua nam prospicientia equorum confossiones, militum transfugia, falsi rumores, male accepta imperia, cœli tempestates, locorum iniquitates in itinere faciundo, equitum, centurionum, tribunorum, aut imperatoris ipsius casus in conferendo prælio, aliaque huiusmodi propè innumerabilia, aut prouideri ne accidunt, aut postquam acciderent, ne dano sint, satis utique perspicere poterit? cum nullum persæpe ad prospiciendum spatium propter temporis exiguitatem, nulla opportunitas ob rerum difficultatē imperatori relinquatur, nec idem ipse & hic, et illic vno in tempore adesse, nec plura simul aut imperare alijs, aut administrare



strare ipse valeat. Equidem ego ita se habere rem non magis magistro ab aliquo in scolis, quam ipso ab usu, qui humanarum actionum optimus ac sapientissimus magister est, doctus affirmare audeo: quippe qui iam sexagenarius quam militiam adoloscens sequi coepi, eam adhuc sequor. Quo interim tempore animaduersum à me est, non semel etiam leuissimum casum ex victo victorem, ex victore victum exercitum reddidisse. Totigitur annorum usus, & hæc, quam videtis, ætas abunde me monere debent, ne quid temere incipiendum, nequid inconsulto audendum consulam. Velle autem tentare fortunam, eius esse arbitror, cuius res angustæ cum sint, spes etiam longè angustior indies futura videatur. Quod ego consilium Ioanni, Tarentinoque, quorum res deteriores indies futuras arbitror, sequendum potius iudicem. Nobis dies ipsa meliora atque secundiora cuncta promittit, dum tanquam septis hoste clausum, ac circumfessum habemus. Nobis stando, ne dicam cunctando augetur autoritas, duplicantur vires: & tantum non captum hostem fama ipsa, qua bella maximè constant, per regnum, atque Italiam diuulgabit: illis contra omnia cum suis nostrisque contemptu: æquè sunt. Stando Felicè, id est, Salernum Nolamque: vtranque nobilem vtranque maximè opportunam urbem recuperauimus: stado hostem paulò antè ad obsidendam Neapolim festinantem, de fuga ut cogitet, sitque de propria etiam salute sollicitus (quod videtis) iam coëgimus. Cum interim classis, quæ oram hanc maritimam metu sui cõcusserrat, ludibrio haberi coepit, stantibusque hinc nobis penè aditi fuerint classiariorum militum clamores atque eiulatus, aut iugulum Surrëtinis præbentium aut præruptissimis è rupibus in mare se præcipitantium, quo insequentium gladios fugerent. Nobis Neapolis & oppida vrbesque vicinæ annonam, equos, arma, recentem peditem, recentem equitem subministrant: quarum rerum illis non modò nulla est commoditas, aut copia, sed haud sciam an eorum desiderium relictum sit ullum, cum Apuliam Peucetiosque ac Salentinos, torrentes ac valles, tot nostra oppida ab illis distrahant. Demum à pugna continendo, pugnatium finem, id est, victoriam, absque ullo nostro periculo consequemur. Cum illis vero satis bene actum fuerit, si (quod vnum cogitare, ac meditari possunt) nocturna fuga concessa fuerit per loca difficilia, prærupta, aspera, magnaque ex parte nobis parentia. Quamquam etiam fortissimis, peritissimisque ab imperatoribus usurpatum esse scio, fugienti hosti pontem quoque vel ex argento constituendum esse. Quamobrem cum dimicandi nulla immineat nobis necessitas, censeo à prælio continendum nec præbendam hosti bene gerendæ rei occasionem. Et quoniam quanto arctius sese pressum senserit, tanto est amplius de fuga cogitaturus, etiam censeo, uti occupato monte, qui Faucibus imminet, castra sub ipsum montem, ad caput fluminis cis ripam transferantur: quo pabuli, atque annonæ difficultate coactus hostis (quod vnum reliquum est) nocturnæ fugæ consiliū ineat. Rex probata Simoneti sententia, statutoque ad peragendum negotium tempore, peditum quanto potest maiorem comparat, veteranos euocat, novos etiam equites scribit: quid hostis paret, quid consulat, per transfugas, captiuosque explorat: qui montem lustrent, aditus vestigent, semitas inquirant, fidelibus & strenuis viris negotium dat. Satis etiam constat Ferdinando clam significatum esse, Pium Pontificem mutata sententia decreuisse medium sese belli eius gerere, clanculumque Simoneto iniunxisse, uti paucos post dies in Samnites Beneuentumque, quæ Pontificis ipsius vrbs esset, exercitum traderet: atque eo cognito regem decreuisse fortunæ res è vestigio committere, fore ratum, superior si euaderet, uti victoria ipsa in partes eius Pontificem retraheret: sin secus cessisset, uti cum iram in illum prouocaret hostium, tum illum ipsum ad vindicandi cupiditatem, quod postea secutum est. Quo circa quæ faciendò prælio necessaria essent, summa ea cum celeritate comparari iussisse. Illud verò à Simoneto imperatum, differret abitum è castris, quoad suos rex per oratores tētaffet, posset ne Pontificem ab eo proposito dimouere. Itaque ubi parata esse omnia suaque consilia latere hostem rex sensit, tribunis, ducibusque conuocatis imperat, uti quammaximo silentio de secunda vigilia cum exercitu instructo paratoque ad signa adfuerint: quid ipse paret, quid fieri à quoque velit, singulos edocet, huiusmodi etiam oratione cohortatus. In omni re bellica, fortissimi viri (quod usus ipse docuit) plurimum occasio valet, quam optimus quisque imperator summo studio, ac celeritate complecti debeat: quippe cuius ea natura sit, ut ardua in planum facile vertat. Eam igitur nos capere, ac sequi maximè utile,



atque in primis cautū consiliū reor. Sed in omni occasione capienda, incæptisque prosequendis duo potissimum seruanda sunt: alterum quod factū opus est, maturè id ut fiat. Quid enim occasione breuius, aut fugacius est? Alterum, ut suo quodque geratur ordine, quando in re præsertim militari nihil ordine ipso potius ac maius est. Nam confusio, ac trepidatio, præterquam quod periculosa, gerendis quidem rebus maximè etiam contraria est. Neque enim aut vnum, aut alterum tantum prælium, quanquam consilio, ac ratione susceptum, infelicitè tamen cessisse inuenias magis ob imperia non eo quo tradita erant ordine seruata, quam ob militum virtutem, atque aduersarum partium imperatoris industriam. Quocirca nequaquam à me cohortandi estis, ut in conferendis manibus fideliter ac fortiter rem geratis: quippe cum fidem, virtutemque vestram in multis, magnisque difficultatibus planè perspectam habeam: neque uti ductando exercitum iter maximè exploratum haberi studeatis: cum hostis ipse quamproximus sit: & quam exploranda essent, cuncta sint à me diligentissimè explorata. Quid etiam mihi in animo sit, quid faciendum decreuerim, quæque se nobis occasio offerat, iustà mecum tenetis. Verum illud vnum, illud in quâ vnum moneo, hortor, rogo, & p*i* iure etiâ meo impero, ut quæ à me præscripta sunt, eorum memores, ad capiendam occasionem, quam propè tenemus in manibus, atque (ut verius dicam) omnino iam tenemus, ordinem adiungatis. Ego ipse pro loco ac tempore adero. An fortasse verendum est exercitissimi viri ne hostis cognito consilio nostro, instructus, paratusque, atque in acie armatus offendatur? Satis compertū, satis exploratū & cognitū habeo præter paucos admodū qui p*i* statione noctu excubant, ceteros omnes per oppidum dispersos sub testis quenque flumine ac montibus fretos, somnos etiam ignauissimos ducere. Antequam somno expergiscuntur, armis instruuntur, equi frenantur, tribunumque quisque ac ducem suum pedes, eques cōuenit, metu, ac repentina re attonitus, nos occupato monte, effractis portis, adiutūque referato, voti compotes, locum castris ceperimus. Quo capto nobis in acie stantibus, eò castra transferentur: quibus positis, reliquū est uti nō horā quietā, nō locum vllum tutum hosti relinquamus. Neque multum tempus aberit, dum aut sese nobis dedat aut necessitate compulsus, fuga sibi quammaximè periculosa consulat. Hac oratione accepta tribuni, ducesque ad imperata quisque facienda properans: paulò post instructo cum exercitu, magno etiâ silentio assunt: rex peditatū præmissis itineris ducibus montē circuire, ac superato iugo, sine vlla trepitatione inde descendere, interim equitem procedere paulatim, atque sub signis iubet. Vbi verò tempus visum est, quo pedes destinatum ad locum peruenisse iam poterat, dato signo Robertū Vrsinū, lectis cum equitibus superare Fauces imperat. Ille egregiè nauata opera, citato equite, in hostium stationē illatus, alios semisomneis capit, alios resistenteis vulnerat, ac paulo post in fugam actos, suburbium versus acriter vrget. Roberto urgente gregarius miles, qui eū secutus erat, prædæ intentus, nihilque ad præscriptum gerens, tabernacula diripere, equos à præsepibus dissoluere, seque equosque sarcinis onerare statim cœpit, ac tanquam fugato hoste, præda onustus ad Fauces, atque in castra regredi. Rex id quod erat veritus, dari tempus hosti ad arma capienda, aliquot turmas cū sumpsisset, ipse reliquo cū exercitu p*i* Faucibus expectare decreuit. Inter eâ hostium duces fugientium ac pugnantium clamoribus excitati, re cognita, propere accurrunt: suos hortantur, ac præmissis, qui imperū sustineant, ut quenque fors obtulerat, acies instruunt, ac paulatim alios atque alios equites summittunt. Robertus ubi sustinere impressionem nequit, cedere pedetentim cœpit. Vrgebatur enim cum lectissimorum manu equitum Vrsus, atque acri cœpta pugna summis utrinque viribus de loco pugnatur. Hinc Robertus, illinc Vrsus dum suos hortantur, dum fortiter rem gerunt, parū abfuit quo minus vterque suo ab aduersario caperetur. His rem penè intra globū gerentibus, regiisque in arcto propter locorū ignorantia pugnantibus ab hostium ducibus leua sinistraque, hinc pedites, inde equites summittuntur. At rex cum intellexisset suos in arcto premi, maiorem equitum manum subsidio ire iubet. Hostium verò pedites in angustiis viarum implicitos inter se regiones conspicati, alij hastis eminus, aut sclopetis, alij cōminus gladio suffossis, aut vulneratis equis, ipsos equites partim deiciunt, partim in fugam vertunt. Locorum peritia hostem maximè adiuvabat, Regius verò vix è via egredi, illic omnes cogi, aliisque atque aliis subsidium ferentibus in



bus in vnum simul cuncti coire. Quod aduersarius vbi vidit, ab dextra sinistraque acris illum premere, conari etiam à tergo inuadere, atque ab reliquo exercitu seiungere. Quod rex veritus, suos referre pedem paulatim iussit. Primis igitur, dum partim pedē referunt, partim etiam terga vertunt, fugam iam paratibus, postremis autē in acies stantibus, cum locus ipse explicandis ordinibus haudquaquam satis esset, hostiū duces eo acrius urgere incipiunt. Illi à tergo, hi ab latere, plures singulos, liberi impeditos, recentes faucios circumfistunt. Hic verò ingens strages equorum atque hominum à sclopetarijs edita, qui ab rege propter stipendia non statim exoluta initio obsidionis ad Ioannem transfugerant. Inter alios, atque inter primos Simonetus cadit. Robertus vulnere in ore accepto, vix hostium elapsus è manibus ad regem, qui extra Fauces in loco paulò editiore instaurare pugnam parabat, se recipit. Cæteri magna è parte capti, rex ea exercitus parte exutus, cum nullum in pedite præsidium esset, quippe cuius nulla in toto prælio extitisset opera, cum neque locum tenuerit, neque imperium seruauerit, neque vbi tempus ferebat, pugnae affuerit, summis tamen viribus anniti, quod vnum erat reliquum, ne hostes Faucibus prodirent. Quo circa prehensare fugientes, confirmare integros, hortari, rogare, locum tuerentur, superesse tot lectos equites, tot etiam recentes turmas, aduentare è castris subsidia, si viri esse velint, non hostium modò impetum repressuros, verum etiam si Faucibus egrediantur, magna etiam illos clade affecturos: ipse in hostē proficisci, ac nūc his, nunc illis se ostentare. Cum interim ex ijs, qui in præsidij collocati erant, quique postremos tenebant ordines, multi signa, locumque deferere, seque fugæ dare cœperunt. Quod hostium duces cum animaduernerēt, tanto se impetu è faucibus proripiunt, vt regij vix primo congressu sustentato in fugam se quam laxissimis habenis dederint. Hostes statim in castra profecti cum vacua ea defensoribus inuenissent, capta diripiunt, pauci trans pontem, Nuceriam, finitimaque in loca se recipiunt, regem Neapolim versus fugientem haud multi secuti: reliqui penè omnes aut in prælio, aut in fuga, aut in ipsis castris, ad quæ post præliū refugerant, ignauiter capti. Magnus captiuorum omnis generis fuit numerus. Direptis castris ingens tum rerū aliarum, tum argenti atque auri præda Sarnum perlata. Hanc cladem non vatum modò prædicta, et eorum qui rerum coeli periti sunt, verum prodigia quoque præcessere. Nam & veterum fatiloquorum carmina passim recitabantur, quibus regi clades obnuntiabatur, & Mathematicorum minæ vulgo ferebantur. Pridie etiam quam pugnatum est toto ferme die coruorum greges prætorium obuolitauere conclamantes, ac proximis insedere arboribus. rex ipse prætorium egressus, equo repente concidit. Diuersis locis alibi sanguine, alibi oblitis cinere guttis pluuisse nuntiatum est, notatumque folijs holerū eas guttas insedisisse. Nostra tamen tempestate hæc aut animaduerrere, aut procurare religiosum est. Die quæ insculta est, cum à Ioanne, Tarentinoque coacte senatu quid de captiuis statuendum, quò primū arma inferenda essent cōsultaretur: de captiuis vicit eorum sententia, qui cēsebant vt triremibus impositi, Massiliam deportarentur, nisi finito bello in Italiam non remittendi. De proseguendo vero bello duæ cum essent sententiæ, altera vt ad obsidendam Neapolim statim admoueretur exercitus, altera vt finitima prius oppida, quique in regis fide reguli persistebant, tentarentur: huius quidem Tarentinus, prioris verò Ioannes Coxa autor erat, cui plerique assentiebantur, eumque ita locutum accepimus. Siquam nobis perficiendi belli rationem hesternā ostendit victoria, eam ipsi sequi, atque oblatam à dijs immortalibus capere occasionem volumus. (dicam audacter fortissimi duces) die crastino, hostem Neapoli circumfessum, atque haud multo post cum ipsa etiam vrbe expugnatum videbimus. Quantū igitur sedendo ac cōsultando tēporis ipsi absumimus: tantū à belli fine per negligentiam atque ignauiam volentes absumus, qui si quo impetu in hostium castra irrupimus, ea alacritate fusos, atque in fugam verfos secuti essemus, eodem cursu, aut rege ipso in fuga capto, aut fugienti itinere intercluso, in magnā (mihi credite) occupandæ ex improviso Neapolis occasionē incidissemus, secuta et penè otiosa ciuitate dū Sarni circumfessos nos, ac tantū nō captos, in porticibus ac cōpitis inaniter gloriantur. Sed quod vel militū labore vel prædæ studio, aut lætitia ipsa, quæ præcludere hominū solita est consilia, omissum est, aut peccatū id quamprimum vt corrigamus, nostrum quidem est: aut si cor



rigi minùs potest (quando quod factum oportuit frustrà de eo faciendo consilium nunc initur) saltem quòd reliquū est, quodq; in nostra adhuc manu positum, celeritate pensemus. Quamobrem quoniam (quod in omni bello maximum videtur) profigatum in acie aduersarium de se, vallo, murisque tutando cogitare iam coëgimus: quid reliqui superest, nisi uti moenibus inclusum, obsidione eū quā arētissima cingamus? Quo quidem circūfesso, quid opis, quid spei reliquū, quid animi esse potest ijs, qui eius partes hactenus sunt secuti? Itaque cum vna sit regni caput Neapolis, in quam Ferdinandus a misso exercitu penè solus refugit, nō tam (ut arbitror) aut moenibus fretus aut ciuiū beneuolentia, quā arce ipsa fidens, in quam non est dubitandum, quā vbi muris castra admota senserit, confestim se includat metu territus, ac nobilitatis odium timens, cuius bona pars ad nos transferit: quēnam causa est, quē inquam est causa, fortissimi duces cur non crastino die, albescente cœlo, auulsis signis ad eā obsidendā exercitum rapiamus? Nobis integræ sunt vires, miles victor: et quod maximum est, fortunę ipsius fauor adest hominumque voluntates, eodem semper quò fortuna inclinantiū. Contrà, regi effoetæ vires, exaustis Alphonso thesauris, milite, qui ei fidelis esse poterat, & strenuo quoq; capto, reliquis, quos fuga tutata est, inermibus: quosque optandum sit, Neapolim se post fugam, clademque recepisse, aliquem illic tumultum, ob famem inopiamque excuros. Videlicet maritimum aliquod auxilium paratum est Ferdinando? Atqui mare à nobis tenetur. An fortasse terrestres alias copias, quas aduentare fama sit, subsidio venturas expectat? cum nec vllę quidem ipse sint, & quicquid illinc trans Capuam, hinc cis Accerras, agrorum atque oppidorum est, nobis pareat, & armis circumclusa omnia teneantur à nostris. Reliqua est vna illi ciuium beneuolentię spes, qua firmissima obsidionem tandiu ciues tolerant, dum ex Hispania ab Ioanne patruo, aut à Pio, Franciscoque ex Italia mari terræ is mittatur exercitus, qui aut metu sui solui à nobis obsidionem, aut viribus congressus cogat. De spe quidem ciuium (ut dicam quod sentio) imperium Catalanorum quā omnes oderint, iuxta mecum tenetis, & res ipsa docet. In nobilitate verò quid certum habere, aut constitutum in ea Ferdinandus potest? cuius maior pars odio illum prosequētes, sponte ad nos transferint. Nam de auxilijs vestrū erit iudicium. Quid enim in Ioanne patruo, rege non modò paupere, verumetiam inopi repositum esse præsidij potest? quæ ab hoc auxilia expectari? præter paucas admodum triremes, easque captiuo instructas remige. Quòd verò ad Pium, & Franciscū attinet, etiā si maxime cupiant, quę tamen auxilia aut tanta mitti ab eis possunt, ut vel percurrere tantum montium, ac fluuiorum valeant, nobis aditus omnes armis circumseptos tenentibus, Piciniūq; cum validissimis copijs obsistente? aut tam præsto ea esse, ut nō, quòd estatis reliquum est, interim prolatur, hyemsque mox inhorrescat? quo tempore an dubitatis, Neapolim aut vi expugnatum iri à nobis, aut partium studijs sponte imperium accepturam? Cum interea quæ in Brutijs, Marfis, Pelignis, Marrucinis reliqua in fide regis manent oppida, audita exercitus eius strage, cognita Neapolis obsidione, ultro mittent qui sese nobis accepto imperio dedant. Adhæc Neapolim obsidere quid est aliud, quā Pium Franciscumque ab incepto detertere atque abstrahere? reputantes frustra se de mittendis auxilijs cogitare, tam breui tempore, tanto terrarum spatio, omni itinere atque aditu intercepto. Contrà verò hortari, atque incitare, vbi dari à nobis Ferdinando spatium senserint ad comparandam pecuniam, ad restituendum exercitum, ad ipsa denique auxilia commode: tutoque expectanda. Actandem si qui sunt, qui aduersus Ferdinandum moliri aliquid parent, quos non paucos esse quotidiana nobilium docent transfugia, detertere eos, animumque & vires aduersarijs adiungere. Quæ cum ita se habeant, an cunctamini fortissimi duces ad obsidendā Neapolim propere castra ducere, quò fortuna, quò cœli fauor nos vocat? ac regni ipsius caput, coactis in vnū viribus petere? ut contusa, mox etiam excisa anguis ceruice, reliquum corpus truncum atque exanimum relinquamus. Quæ vbi Coxa dixit, cum qui aderant, et ipse in primis belli dux Ioannes, pars vultu, verbis alijs probare viderentur: contra ea Tarentinus in hanc sententiam locutus dicitur. Neque importunè duces, neque parum considerate paulò antè Ioānes Coxa de obsidenda Neapoli, totaque belli mole eò vertenda disseruit: quippe quæ regni caput, neque multis antè annis ab Alphonso capta victoriā il-



li, decusque pepererit, ac regnum vniuersum in pace, officioque stabilierit. Verum enim cum eo mihi de genere oblidionis parum omnino conuenit: quippe cum exercitum pro pere muris admouendum censeat: ego verò longe aliam sequendam rationem statuam: & cur ita statuam, multa me simul mouent. Primum vrbs ipsa eo loci sita, ut præter non multum campi, quod ab ortu solis muris adiacet, cætera omnia libera ab obsidione, atque aperta relinquenda sint. Cum ab occasu, atque à septentrione tantum montium interiaceat ac vallium, à meridie verò mare patens, ac liberum, molesque adeò munita, atque ad propulsandum instructa, ut tranquillo mari longissimo ab continente tractu classem in ancoris stare necesse sit, futuram in summo discrimine, ubi etiam leuior spirare aut Auster cooperit, aut Boreas, quibus hic ipse sinus quammaximè est obnoxius. Mouet deinde populi frequentia, & Hispanus miles, quammaximè regi fidus, et quod ea tum armorum est, tum equorum illic copia, ut breui non exigua equitum manu comparata, restituere exercitum Ferdinandus queat. Addam tot arces tam egregie munitas, quas qui ciuis aut peregrinus alpicit, rege præsertim præsentem atque incolumi, quamuis magnum atque robustum habeat animum, quamuis factionis nostræ studiosus, abijciat tamen illum, obtorpetque formidine. Nam quod ad nobilitatem attinet, nobiliumque ad nos transitionem utinam, inquam, utinam Neapoli potius manere consilium eis fuisset. Quid enim aliud tot nobilium ad nos transitione effectum est, quam ut urbem Ferdinando liberam permiserint: nec securiorem illum modò, verum etiam cautiorem rediderint? Adhæc, tanto incepto que paucitas nostra sit, ipsi videtis, cum etiam ad oppugnandum necessaria nobis desint omnia. Regi contra & ad repugnandum, & ad lacessendum vrbs ipsa, & arces, et multorum etiam annorum Alphonfi apparatus cuncta suppeditent. Scilicet sperandum id est, uti constitutis à nobis ante portas castris, in arcem sese Ferdinandus includat, quem non montes, non flumina deterruerint, quo minus infesto agmine, loco sibi maximè iniquo, intra Sarnum irruerit. An potius (quæ illius est virtus, & ætas militaribus laboribus assueta) verendum etiam atque etiam est, nequid apud obsidentes tutum, aut in castris quietum continuis eruptionibus patiat? Tentare igitur obsidionem, quæ postea turpiter omittenda sit, an quælo erit aliud, quam victoriam fortuito nobis oblatam, turpi aliqua dedecore iactura? aut sedendo ad Neapolim, qui populi, principesque in officio erga Ferdinandum reliqui permanent, ijs ut oppida muniant, comineatus imporent, militem conducant, aliaque præsidia sibi comparent, tempus otiumque permittere? Quam ob rem quæ tutissima quidem est obsidendi ratio, hanc ego censeo ineundam. Primumque uti Robertum Sanseuerinum, cuius oppida nobis ante oculos sunt posita, ad deditionem pelliceamus, aut debellare recusantem tentemus: finitimos deinde populos, quibus aut captis, aut deditis: Robertoque in parteis nostras ascito, an dubitamus a Neapoli Cossentiam, ac Rhegium versus omnia in ditionem ac nomen nostrum concessura? Robertum enim Lucas Sanseuerinum cuius latè magnus in Lucanis, Brutijsque dominatus est, minoresque alij proceres, liberè item ciuitates sequuntur: ut diebus quæpaucissimis, præter Auerlam, Capuam, Acerras, Neapolim, nihil in tanto terrarum spatio, quod inter Lirim amnem, urbemque Rhegium, atque Crotonem interiacet, Ferdinando relinquamus: ac Pio, Franciscoque animum, cogitationem denique omnem mittendorum auxiliorum adimamus: dum regem perinde ac truncum, sine membris, sine neruis destitutum atque emutilatum viderint: missis etiam ad eos oratoribus, qui utrunque et nostro, & Renati nomine benignè appellent, ac largis etiam pollicitationibus impleant. Quæ an sit tutissima obsidenda Neapolis via, omnes iam videtis. Nam tentare fortunam, ubi consilio locus est, quam sit temerarium, dies hesternus admonere nos potest. Regem certe ipsum ne fortunæ posthac tam facile se committat, abundè iam docuit. Dicenti hæc Tarentino senatus assensus est omnis: ea erat senis autoritas, is rerum usus, quodque belli esset autor, omnis spes, ratioque vincendi in eo collocata videbatur, ut Coxæ sententiam quamuis tacitis omnes comprobarent animis, nemo tamen ne ipse quidem belli dux Ioannes à Tarantino dissentire aut videri palam vellet, aut omnino auderet. Igitur motis à Sarno castris petiere Stabias. Id oppidum, uti rerum Romanarum scriptores prodidere, Syllæ iussu solo æquatum finitimos in vicis abierat. Postero dein tempore, quod eo propter loci opportunitatem, portusque manufacti, multa mari comportaretur, tuguria in



litore constitui cœpta: procedentibus inde seculis, tanquam in vicum multi mortales confluxere, donec oppidi nomen ac formam accepit: arce etiam in edito posita, quam egregie Alphonfus munierat, brachio ab ea ad mare deducto, ut cum usus vocaret, per id immitti præsidium in arcem posset. Præerat arci, atque oppido Ioannes Galiardus, ex antiquis Alphonfi familiaribus, miti vir ingenio, & fide integra, cæterum qui ut Hispanus uxori paulo nimium esset deditus. Ea erat Margarita Minutula, nobili loco nata, cuius frater Loisius arcem Lucerinam Ioanni in Apuliam profecto prodiderat. Siue igitur futurum speraret, uti Margarita Galiardum ad deditionem impelleret, siue quod ea sponte deditionem fuisset pollicita, si castra eò admouerentur, Capaneo fratre instigante, hostes oppidum ingressi, nullo suburbium defendente: nam oppidum intra vallum, quod sub ipsam est arcem, confugerant, quater confestim crepidinè tormentis cœpere: nec multo post à Galiardo deditio fit. Iisdem diebus Vicani, Massensesque ad Ioannē defecere. Surrenti quoque trepidatū est, propter suspicionem familiæ Acciapaetiorū, qui Ioannis, Renatiq; partes clam fouebant. Præerat vrbī cum præsidio Antonius Carassa, cuius prudentia effectū est, uti Acciapaetiorū cōsilia parū prosperos euentus habuerint. Interea duces ipsi nunc minis nūc pollicitationib. Robertū Sanseueriniū ad deditionē sollicitabant. Qui viribus diffusus, quod omnē in se belli impetū versuros eos cerneret, facta deditione in castra hostium profectus, in Ioanis verba iurauit. Cuius exemplum Lucas quoque, quod & ipse iisdem diebus in Brutijs male pugnaverat, secutus est. Etenim Antonius Centilia, quem rex in arce Neapolitana custodiendum curauerat, corruptis custodibus, noctu arcis postico, quod ad mare est, Marianum se receperat, indeque haud multo post in Brutios reuersus, bellum instaurauerat: quod captiuus dum esset, per Alphonsum, ac Iulianum fratres, & Ioannem Trauersum eius præfectum administrabatur. Lucæ ac Roberti deditione cognita, cæteri omnes Lucaniæ ac Brutiorum principes, populiq; præter pauca admodum castella, Andegauienſeis sunt partes secuti. Igitur hostium duces Roberto dedito, cum de occupandis Causis consilium cepissent, parum abfuit quin magnam ex improviso cladē acceperint. Ea ciuitas magis quam vrbs montanis in locis disposita vicatim habitat, multitudine tamen hominum frequens, ac situ naturali satis munita. Cauenses igitur relictis vicis, quos defendi vix posse arbitrarentur, in loca se munitiora contulerant, ubi de obsidionis aut tolerandæ, aut propulsandæ rationibus cum agerent, consilium iniere de inuadendis nocturno tempore hostium castris. Nam & Armatorum multitudine abundabant, et satis exploratum habebant, si res parum successisset, posse tuto se ad suos recipere: fauissetq; incepto fortuna, ni re per transfugam cognita, castra repente ex eo loco mouisset hostis. Huic tot principum, populorumq; tam repentinæ defectioni non magis cladem ad Sarnum acceptam, quam inconstantem ac perleuem Felicis animum causam dedisse satis constat. Qui si quam debuit animi firmitatem retinuisset, præter prædam in castris inuentam, vix aliud eo prælio ab hoste partum, aut quæsitum fuisset. Verum enim adoloscens infirmo ingenio, nullo rerum usu, addictus consilijs Francisci Infantis auunculi, hominis incompressi, ac sacerdotis parum continentis, nō deditionem modò vrbium, atque oppidorum statim fecit, sed supplex ipse ad Ioannem Antonium in castra profectus est. Ex ea deditione cum Nola, Salernumque maximè opportunæ vrbes hostium accessissent viribus, coactus est Robertus desperatis penè rebus suis consulere. Cuius exemplum Lucania, Brutijque ferè vniuersi secuti cum essent, periculosum regi vulnus inflixere: additis etiam defectionibus Loisij Iesualdi, qui in Hirpinis cum aliquot opportunis oppidis, rerum ad Sarnum gestarum nuntio accepto descuerat: adhuc & Matthæi Extendardi. Quo effectum est, uti hostibus Argentio, Harpadioque potitis, in Samnites, Apuliamque aditus regi omnes intercluderetur. His et aliud accessit malum, quod Franciscus comes Casertanus deterritus, & ipse Sarnensi primū clade, post finitimorum etiam rebellionē, maximisque hostium minitationibus, aliquantum nutabundus cum steteret, consilijque incertus, tandem ad Ioannem inclinauit, matris potissimum suasu, ac Thomæ Brancatij, cuius consilijs, mater, filiusque acquiescebant. Quæ res Campanorum, atque Auerſanorum animos vehementius fregit. Cū Petrus quoque Mondragonius, qui Metalonū opportunū tenebat oppidum



pidum, clàm cum hoste consensisset. Vt iam Acerræ, Capua, Auerfa, quæ solæcis Lyrim amnem, Campaniæ vrbes in Ferdinandi fide atque officio perstabant, circumfessæ ab hostibus tenerentur. Licuit hoc potissimum tempore, atque ex hoc rerum statu cognoscere, quàm lubrica sit, periculisque exposita adoloscantium administratio, parumque omnino moderationi apta, & propter rerum incertiam, & quòd præsentibus solum res sibi ante oculos ponant, plerumque vana sequantur & incerta consilia, illis maxime consultoribus credentes, qui blandiri nouere magis quàm vera dicere. Quocirca Tarentinus Felicis inconstantiam veritus, qui paucissimis diebus ter rebellasset, specie quidem liberum, re autem captiuum eum in castris secum hebens, arci Salernitanæ fidem sibi hominem cum præsidio imposuit, Nolæ Vrsus magna cum peditum atque equitum manu præfecit, qui & Nolam tuèretur, & Neapolim, Acerrasque assiduè discursionibus infestaret, cum ipse hyemare in Apulia decreuisset. Adhæc constiterat secum in Apuliam Robertum ducere. Sed ille senis maxime callidi, ac fallacis insidias suspectas habens, ex quo die abire è Tarentini, Ioannisque conspectu licuit, redire ad eos omni studio auersatus est. Conatus tamen est quo arctissimo posset vinculo deuincire sibi eum Ioannes, ascitum quidem cooptatumque in socium Crescentis, eo Galilino nomine Lunam appellant corniculatam. Est enim mos eius gentis principum, religiosam aliquam militiam pro arbitrio statuere: ad quam quos initiatos admittunt, iurare verbis conceptis cogunt, futuros se socios periculorum, neque vllò vnquam tempore arma aduersum laturos, fidem, amicitiamque perpetuam seruatuos: vbi etià casus tulerit, auxilio futuros, in bello præsentibus, armatosque in acie staturos, aut pecunia adiuturos. Adhæc statuta sacra, & dies quosdam maxime solenneis constituunt, quibus interesse cunctos fas sit. Hi Confratres vocantur, quos & viuos, & mortuos, qui religionis eius, militiæque autores sunt, maximè prosequuntur honoribus. Insigni autem militiæ ipsius aliud aliud est. huic Luna erat corniculata, quæ à Gallis Crescens dicitur, eaque ex argento brachio subligata gestabatur. Quo religionis ac militiæ genere honestatū Robertum Ioannes sibi cum obligasset, Pius inde Pōtēfex Maximus illum haud multo post absoluit, quòd iudicaret eas nō magis religiones, quàm cōiurationes quasdam esse pessimo exemplo institutas. Quoniam autem locus ipse admonuit, pauca de Roberto, deque eius maioribus dicam. Roberto pater fuit Ioānes, sancti Seuerini (id oppido nomen est) Comes, mater Ioanna, & ipsa quoque ex eadem cum marito stirpe edita. Quo mortuo superstitis ex eo compluribus liberis, cōlebs ipsa, summa illos cura et aluit, & eorum res procurauit. Nam & domi parca erat, & continens: & quod esset supra muliebrem sexum animo elato & magno, vtrasque patris et matris vices gerere se videri volebat. Cumque eorum singulos materna prosequeretur caritate, Roberto tamen, qui natu erat maximus (qua prærogatiua paternus ei dominatus obuenerat) & indulget supra maternos effectus: & dum augere quacunque ratione res illius posset, parum omnino pensi habuit. Ad cæteras autem matrona dignas artes illud etiam adiunxit, quòd, vt erat ipsa fidei, ac regij nominis colens, iisdem artibus, eodem etiam fidelitatis studio filium imbuuit. Itaque nihil prius habuit, quàm vt Robertum egregiè institutum, Ferdinando quibus liceret artibus conciliaret. Ille igitur, vbi primum ætas tulit, equitando, venando cū æqualibus sese nunc iaculo, nunc gladio exercendo, nullo turpi otio adoloscantiam labefecit: quo etiam tempore literis operam dedit, quas post natu grandior maiori studio complexus est. Is igitur artibus inter regulos faciliè eminebat, Ferdinandoque propterea maxime carus atque acceptus erat, naturæ quoque muneribus ad ea adiutus: quippe cuius decora esset facies, statura procera, & cū dignitate, oratio p tempore nō minus suavis quàm grauis, atque ingenua. Ipse facilis aditu, gratus responsu, atque in primis urbanus & liberalis, cuius etiam domus generosissimo ac probatissimo cuique quotidie pateret. Demum singulis in rebus nobilitatem præferebat generis, quod alij Gallicum ab origine quàm Italicum malunt. Nobiles enim quosdam secutos è Gallia Normannos ac Viscardos duces, pulsosque ex Apulia, Salentinisque Constantinopolitani Imperatoris præfatis, virtutis merito donatos in initio oppidis, iisque posteros eorum imperitasse, in quibus Venusiam, Materam, Cupertinum, Neritonium fuisse tradunt. Qui dominatus indies magis magisque auctus fuit bellicæ ob virtutem, qua hæc quidē familia in Italia ex eo ad-



huc etiam floret. Quo factum est, ut dum partim ipsi regum quorundam impotentiam, superbamque dominatum parum e quo ferunt animo, partim ipsi a regibus timentur, aliquando familia omnis ad internitionem penè redacta fuerit, vix vno aut altero superstite. Adeò euertendæ illi nihil reliqui ad crudelitatem regibus ipsis fuit. Contrà, qui Italicam eam asserunt, nec olim fuisse, nec nunc quidem extare apud Gallos, Britannosve tali cognomento familiam: deductamque agnationem volunt ab oppido, cui ex ea domo primus imperauerit, ut Celanam, Martianam, Ebulam, Molisiam, Aqueuiuam, quæ ab oppidis sunt agnominatæ. Sed ego longius fortasse digressus sum. Quamobrem ad inceptum redeo. Dum hæc ad Sarnum, proximisque geruntur in locis, Iacobus Picininus hostium partes secutus, à Britonoro, ubi hymauerat, mouens, per Cefenatium, atque Ariminensium fines profectus, decimo die ad flumen Cefanum peruenit. At Alexander, Federicusque, qui iussu Pij Pontificis ac Francisci Sfortiæ iter eius obseruabant, quod eum locum maximè idoneum ad prohibendum transitum iudicarent, fluminis ripas fossa, aggeribusque munierant, ne transiret hostis facillè prohibitori. Post tamen veriti ne Picininus conuerso repente itinere Saxiferratum teneret, eò cum exercitu se contulerant. Itaque Picininus quanquàm magno militum labore, nullo tamen obistente, aggeres diruit, ac repletis fossis trans flumen exercitum ducit, et ad Esim fluuium eo die castra ponit. Quod sentiens Sigismundus, qui illum insequabatur, eo consilio, ut si Alexander Federicusque à fronte obstitissent, ipse à tergo includeret, confestim in Fanensem agrum redijt. Picininus die insequenti cum Loretiæ Mariæ templū ex itinere ingressus, Diuam salutasset, ad flumen Potentiam castra mouit, quodque in sola celeritate rem positam intelligeret, nocte intempesta mouens, cum ad ostia fluminis (cui loco Firmanus Portus est nomen) peruenisset, veritus ne mons, qui litori imminabat, ab aduersario teneretur, ubi qui exploratum missi fuerant, retulere liberum eum esse (decreuerat enim occupato eo ab hostibus, rem gladio experiri) continuato itinere, emensus eo die passuum septem ac triginta millia, ad Benedicti templum peruenit, quod à Truentum flumine circiter octo millibus passuum aberat. Ibi duabus horis equo ac militi reficiendo concessis, cohortatus suos, ut quod reliquum erat ad fallendum hostem, æquis conficerent animis, de prima vigilia mouens instructo exercitu, ad Truentum peruenit. Hic cum à militibus, qui præsidij gratia Asculum venerant, item ab oppidanis ingens excitus esset strepitus, passimque noctu ingnes plurimi cernerentur, ratus hostem eò cum vniuersis copijs profectum, consistere agmen iussit. Ipse cum omni peditatu (erat enim in castris eius peditum duobus millibus amplius) magnoque gregarij militis numero ripas fluminis tentaturus accurrit, succisisque obicibus, & aggere æquato, vado inuento, primus flumen transijt: quem insecuti reliqui ripas occupauere, quibus occupatis, dato signo, reliquus exercitus traductus est, deque tertia vigilia ubi Columnella castellum positum est, tumultu capto cõsedit, plurimisque factis ignibus, regni se fines ingressum finitimis significauit, quo alijs pro partium studio lætitiã afferret, metum alijs incuteret. Cum interea Federicus, Alexanderque Maceratam profecti, quo portum Firmanum antecaperent, victi celeritate Picinini, incepto irritò, consilium mutare coacti sunt. At ille biduo tantum quieti militum, atque equorum dato, inuitatus à Iosia, qui Andegauiensis sequebatur partes ad Turdini ostia, qui antea Batinus fuit, cõstitutis castris, ac decimo die machinis, ceterisque bellicis instrumentis è naui exoneratis ad obsidendam ciuitatem Sancti Angeli proficiscitur. Iacobus Padulius, qui oppido cū præsidio præerat, diffusus moenibus, quod æneorum tormentorum vim minimè possent ferre deditionem oppidanis suasit. Postridie quoque ciuitas Pinnarum, non expectata oppugnatione, deditionem fecit. Inde Laurentum profectus Picininus cum esset, & iam quassatis, ac dirutis muris sustineri diutius obsidio nequiret, tum Franciscus Aquinas Marchio deditionem his conditionibus fecit, ut ipse cum omnibus oppidis, quibus plurimis dominabatur, ad Ioannem transiret. Laurentani multè nomine aureum quatuor millia penderent. Hinc ad Aternum profectus cui post ab oppido Piscaria factum est nomen, strato ponte, ac traducto exercitu in agro Theatino castra posuit, eo consilio, ut & agrum vastaret, & Iulium Camertem, quem nuper conduxerat, illic expectaret. Nam initio Truentum cum transijt, vigintiquatuor equitum turmas, haud amplius se-

cum ha-



cum habuerat. Interea vastabundus Theatium fines populatur, singulisque penè dieb. cum Matthæo Capuano prælia facit. Hunc rex propter fidei virtutisque opinionem opido, atque vniuersæ regioni præfecerat: qui quanquam parua equitum ac peditum manu, Picinino tamen vbique occurrere, tueri oppido propinquos agros, populantib. metum iniicere, infidias disponere, fugare, capere, denique hostis conatibus omni arte obuiam ibat. Non multo autem post certior factus Picininus: Federicum atque Alexandrū, qui plureis dies in Asculanorum finibus Bosium Sfortiam cum septingētis equitib. expectauerant, munitis ad Turdinum castris cōsedisse, decreuit aduersus eos cum vniuersis copijs regredi, euocata magna peditum auxilium manu, accito etiam Caldoriarum exercitu, qui statim in belli initio ad Andegauensem defecerant. Medius amnis vtrunque dirimebat exercitum, vtręque copię quotidie in armis erant, vtrinque imperatores rem egregie curabant: quid casu, quid industria parare posset, hinc atque illinc prospiciebatur: non dies, non noctes quietæ, nunc eques, nunc pedes ad arma currere, è castris se proripere, fremere omnes, ac prælium exposcere. Tres illius temporis clarissimi duces de virtute, gloriaque certabāt, par robur, par militum audacia. Picininū locus aliquanto editior tuebatur, hos arte ac labore parata munimenta: ille peditatu superior hi veteranorū delectu: ille quod rem sibi futuram cum duobus exercitatissimis imperatoribus intelligeret, eo maiores cōcipiebat spiritus, hi partū multis bellis decus ereptū iri sibi indignabantur. Excitabant etiam vtrunque exercitum studia veterum factionū quę à Braccio, Sfortiaque ductę, multos annos in grauissimis bellis, acerrimis etiam prælijs magis ac magis iras, odiumque accenderant. Illud verò partium alteri acerbum & graue, quod morbo grauatus Federicus nec equo nec pedibus obire, imperatoris munus poterat. Erat et vtriusque exercitus, quæ vtriusque factionis ferè semper fuerat, dissimilis disciplina, quod Sfortiani cunctando, Bracciani prouocando laceffendoque bellum magis administrabant. Cum igitur multi quotidie è Picinini exercitu in stationem illati hostium, nunc singuli, nunc pauci, nunc etiam plures in certamen prouocarēt, fortē accidit vti Saccagninus, cuius Picininus forti opera sæpe utebatur, cum paucis equitibus, ac lecta peditum manu è castris progressus in planitiem, quæ media inter vtrąque castra interiecta erat, flumen transierit, prouocaturus eos, qui in statione pro castris agebāt. Hi despecta equitum paucitate, autore Marco Antonio Torello, qui stationi præerat in Saccagninum illati, magna peditum strage edita, reliquis in fugam versis trans flumen præcipientes egere. Quod conspicatus Picininus, Iulium Camertem fugientibus summittit. Hoc cognito Alexander omnem exercitum armari iubet, septemque equitum ordines extra vallum progredi, qui subsidio stationi essent, imperat. Quod vbi Picininus intellexit, è castris cum omni exercitu se proripiens, vbi in planum peruenit, duas lectissimi equitis alas in dextro ac sinistro cornu statuit, alterique Ioannem Comitem, alteri Ramundum Anechinum præficit, ijsque imperat, ne quo casu locum deserant, præterquam vt cedente aduersario pedetentim æquo passu in portam castrorum quam confertissimi ferantur. In media versari iubet acie Syluestrum Lucinium, ipse milites cohortari, nunc singulos alloqui, nunc simul plures, fortia cuiusque facta referre, vulneratos ex acie subducere, recentes fessis, saucijs integros summittere, nunc addere suis animum, nunc terrorem aduersarijs incutere, nihil segne, nihil remissum agi finere, sæpe ante suorum ora volitare, in hostem strenuum quenque immittere, sæpe ex acie excedens prospicere hostium ordines, suas atque aduersariorū res expendere, quid cauendum, quid sequendum esset cōsiderare: nihil denique prætermittere, quod casus offerret, quod ratio suaderet, aut belli disciplina, totque annorum ac præliorum vsus ostenderet. Hoc prælio videri potuit (si quando aliās) fortunam ipsam belli dominā, mediam sese statuisse inter vtranque aciem, nunc his, nunc illis victoriam offerentem, atque aliās in illos inclinantem, aliās retrahentem sese: ludificari imperatores ipsos, nec pati eo die, ea acie discerni, vtrius exercitus milites, vtrius partis duces aut fortius rem gererent, aut maiore animo consilioque administrarent. Nanque alia parte Alexander summa vi, diligentiaque curare omnia, quocunque casus vocasset illic adesse, plura simul prospicere, periculis occurrere, prehensare alios, alios hortari, voce, vultu, manibus, quid agi vellet significare. Imperatorum præsentia diuersis locis pugnam instaurabat,



multi vtrunque cadebant equi, virique. Ipse locorum angustia, magna que ducum peritia, spectata item veteranorum virtus, & equorum, virorumque recentium alacer successus, summis animis, ingentibus conatibus fieri, ac tentari omnia cogebant. Itaque armorum strepitu, equorum fremitu, procurentiumque militum clamoribus, alibi cadentium gemitu, aut urgentium lætis conclamationibus cœlum complebatur. Interdum tanta ira, irritatisque adeo certabatur animis, ut præterictus, hastarumque fragores, magno silentio pugnaretur, vtrunque aciem nunc spe, nunc fortuna ludificante. Et iam in nocte pugna protracta erat, cum Picininus frustra sæpius tentata palustreis per locos via, quod irrumpi intra munitiones, quæ amnis vada impediebant, nulla vi posset: circiter secundâ noctis horam iussit, ab dextro atque sinistro cornu vtrunque alam, quæ maximè conferta hostium acies erat, irruere, tanto impetu, ut in vallum usque utroque à portæ latere penetrauerit. Qua facta impressione, multi vallo exclusi capiuntur. In hac pugnae atrocitate, tantoque rerum discrimine Federici præsentia plurimum contulit. Nam victus necessitate in equum se inferri cum iussisset, laborantibus in tempore affuit: quæ acies inclinabat, recentem militem summisit, hortatus pro loco ac tempore, ut alij sensim cederent, quos in locum iniquum progressos intelligebat: alij obdensatis hastis, gladiisque cuneo facto, confertim hostem repellerent. Agnouit Feltrensis miles imperatoris sui artes atque consilia: itaque nunc sensim cedendo: nunc acri conatu propellando effecit ne ingens ea nocte clades acciperetur. Repulsus à vallo atque à porta Picininus in castra rediit, ignibus qui è fragmentis hastarum incensi sunt, lucem, facesque ministrantibus. Mane ubi Sol illuxit, magna hominum, maior equorum strages apparuit, foeda terre facies truncis, cruore, cadaveribus. Cernere erat in ipsis castris ferè sternuum quæque tum peditem, tum equitem, qui in pugna non cecidisset vulneratum, sauciorum gemitu tabernacula resonare, equos, viros passim animam agere, alios cæso aut capto amico dolere, alios aut sua, suorumque, aut hostium fortiter facta referre. Erant qui imperatorem suum qui hostium duces aliam ob causam aut laudarent, aut accusarent, nemo tamen qui non fessum se, atque defatigatum diceret, tantum præterita dies laboris, ærumnarumque attulerat. Igitur nocte insequente Federicus, Alexanderque communicatis consilijs, veriti ne hostis positus à tergo castris, pabulationem ac regressum prohiberet, magno silentio egressi, summa etiam diligentia adhibita, ne discessus hosti nuntiaretur à perfugis, equis, qui grauius vulnerati erant, relictis, sarcinarumque inutili onere, magno itinere breui spatio confecto, trans Truentum, proximè Cryptasamaras se recipiunt. Quos eo die Picininus parum cum posset assequi, postridie ad Truentum peruenit, eo consilio, ut illos insequens in eam Piceni partem, quæ nunc Marchia dicitur, bellum trasseret. Sed retractus à Caldoris, principibusque alijs factionis Andegauensis, metu Matthæi Capuani, & Alphonfi, Inicique Daualorum, qui cum Enneco Geuara ad Amonis Vastum non exigua equitum manu æstiuabant, quorum ipsi præda futuri essent, in Theates paulò post regreditur. Reuerso confestim Francauilla, Bucclanicum, Villamagna, Lancianum, impellente Tuccio Ricio, cuius magna in eo populo autoritas erat, sese dedidere. Quibus deditis, Sarum transgressus (quod interea Ennecus cum fratribus in Campaniam ad ferendam regi opem festinarat) omnem eam regionem paucis diebus cepit. Quæque enim oppida, quique proceres, primatesque in Ferentanis erant, statim ad Picininum nuntios de deditione misere. Arcium præfecti post admota tormenta cum de auxilio desperarent, paucis post diebus fidei Picinini sese permittunt. Quo facto, expugnatisque magno labore plerisque castellis, quæ in finibus Theatinorum erant Matthæum intra urbem inclusit. Tum restitutis oppidis Antonio, Caldorisque alijs quæ sub Alphoso rege amiserant, ijsque cum parte copiarum relictis qui darent operam, ne quæ incursiones à Matthæo fierent, ipse per fines Pelignorum in Marfos profectus est. In itinere Sulmonenses, item Ioana Celana, & Petrus Cantelmus Populensis comes, missis oratoribus ei se dedidere: ac paucis diebus Marfis, Pelignisque vniuersis præter Tellacotium captis, aut deditis, nactus occasionem occupandi Tiburis, Romæque potiundæ, Sabinorum fines ingressus, plurimis castellis direptis, Siluestrum Lucinium cum mille equitibus, pedibus sexcentis præmisit, qui Tibur prodentibus præsto esset. Verum opera Iordani Columnæ cardinalis irritò incepto rediit. Nam Iordanus quanquam ad-



uersus regem cum Picinino consenserat, maluit tamen Romano pontifici fidem seruare. Igitur Syluester in Palumbaria agrum digressus (nam Iacobus Sabellus Picinini partibus fauebat) Latium, propinquosque vrbi agros ita vastauit, vexauitque, vt metu, terroreque cuncta compleuerit, magna etiam pecunia, per speciem induciarum, finitimis à populis cōparata. Quæ res Pium pontificem magnis diurnis, nocturnisque itineribus (nam ea tempestate Senæ agebat) properare Romam compulit. Interea Franciscus Sfortia, cum intellexisset parū prosperè, ac pro antiqua gloria ab suis pugnatum, veteri exercitu paucis diebus restituto, nouo etiam scripto, ac misso Donato, quem nouis copijs præfecerat, iussit vtrunque imperatorem cum omnibus copijs in Sabinam ac Latium primo quoque tempore proficisci. Qui iunctis simul exercitibus cum Antonio Piccolhomineo, quem Pius copijs suis præfecerat, aduersus Sabellum ac Syluestrum bellum gererent. Sed quòd hyems iam appetebat, expugnatis aliquot castellis, maturè in hyberna concessere: quod etiā ab hostibus factū est. Nam copijs diuisis Picininus Syluestrum Palumbria, Ioannem Comitem & Carolum Ballionem cum parte copiarum in Marfis collocauit: ipse Hortonem profectus, reliquos in Marrucinis, Theatibusque distribuit. Quoniam autē ab sapientibus traditum est viris, nihil eodem statu, quo est ortum permanere, quid mirum, rerum, ac locorum nomina cum etatibus simul immutari? Igitur ne ijs, qui vetera sequuntur, noua quoque ignota sint nomina, placet quæ nunc sunt, & quæ olim fuere appellationes regionum, in quibus à Picinino bello hoc gestum est paucis describere. Aprutium vnde nomen ceperit, affirmare vix ausim: alij enim ab apris ductum putant, quòd cum asperissimi montes, siluestriaque admodum in eo sint loca, apris inde frequentibus abundet: alij, quòd pars quædam eius Præcutinorum quondam esset, corrupto nomine pro Præcutio Aprutium dictum volunt. Sunt qui à locorum asperitate deducant, factumque ex Asprutio Aprutium velint, idque nomen montanis primò locis inditum, post verò ab ijs qui regū vestigalia exigerent, paulatim productum plures simul regiones complexum esse, Siquidem Marfos continet, qui nunc in Tallacotienteses, Albeneses, Celanenses, Aquilanos, Mareriosque distributi sunt, et si Sabinorum hi quadam ex parte, quàm Marforum olim magis fuere. itemque Carpeolanos. adhuc Piceni partem quæ à Truento Aternum vsque hinc Aquilanorum montibus, illinc Hadria continetur. Isque ager ab ijs, quæ in ea regione sunt, oppidis nomen accepit, vt Teramanus, Hadrianus, Pinnésisque. Nam quæ pars maximè septentriones spectat, olimque Sabinorum fuit, ea nunc Montanea vocatur. Peligni cum in treis olim diuisi essent partes, quæ in plano sita est, eam incolæ Valuam nominant, in qua Sulmo est nobile, ac frequens oppidum, totiusque regionis emporium. Reliquæ partes duæ, ob coeli inclemantiam ignobiles factæ, desertæque penè à cultoribus, pabulum æstate pecudibus ministrant. Quod ab Aterno et Saro, id est Piscaria, & Sangro fluminibus, ac Maiella et Coctia montibus clauditur, Hadriaque alluitur, in qua sunt Horto, Lancianum ac Theate, olim Marrucinatorum fuit, in quibus Theates præstabant. Quod est à Saro Trifernum vsque Ferentani tenebant, mons hodie quoque Ferentus dicitur. Post quos sunt Dauni. Ferentanorum quondam celeberrimum fuit oppidum Istonium, nunc est Vastum ab Amone agnominatum. est in eo tractu celebre oppidum Atissa à Pelignis per Appeninum quæ in meridiem vergit, Samnites, ac Campaniam pertingit, Vulturno flumine dirimente, qui agrum Venafranum ab Ifernienfi diuidit. Hæc loca Samnites olim tenebant. Cæterum Aprutium vniuersum regum præfecti in parteis distribuunt duas. Nam quod ab Aterno ac Marforum clauditur montibus, id vltius Aprutium appellant, quod Marrucinos, Pelignos, Ferentanos, & partem Samnitium complecti diximus, huic citeriori Aprutio nomen fecere, vtrunque Piscaria (vt dictum est) fluuio dirimente. Sed redeo vnde digressus sum. Ferdinandus accepta Saanenſi clade, cum se Neapolim recepisset, Phyrum Baucium, Ennecum Geraram, Inicum, & Alphonsum Daualos, qui nuntio cladis accepto statim se in Campaniam contulerant, cum equitibus quadringentis, et aliquot peditum cohortibus, Acerris, Robertum Vrsinum Auerſæ cum præsidio imposuit. Ipse nunc Capuæ, nunc Neapoli agere, reliquias exercitus colligere, pecuniâ quantâ posset, publicè, priuatimque cōquirere, equos, arma, tela vndique cogere. Hoc tempore maximè cognitum est, ciuium beneuolentiam, diuitiasque



non eos qui ærarium illati essent, regum thesauros esse. Nanque eques, mercator, opifex, nobilis, ignobilis, inquilinus, etiam sacerdos certatim regi pecuniam maxima pars sponte, pauci rogati offerre, atque elargiri, alij bellatorem equum, alij mulum clitellarium: erant qui thorces, loricas, arma, tela, hastas: qui pannos vestiendis militibus, qui coria loricandis equis, telas faciendis tabernaculis, nullum denique rerum genus omittere, quod reficiendis copiis, atque instruendis militibus conducere. Isabella regina nunc in templis, nunc publicis in locis sese ciuibus ostendere, præferre paruos liberos, Alphonfi nepotes dicere, qui de populo Neapolitano tantopere esset benemeritus: ciues eos esse Neapolitanos, Italici generis, apud ipsos genitos, altos, educatos: non Gallicâ præferre insolentiam, non peregrinos mores in urbem illaturos: cum ipso rû liberis, ac nepotibus ætatē acturos: cum ijs diuitias, honores, magistratus distributum partituros: cum ijs pueritiam, cum ijs adolofcentiam, cum eisdem quoque senectutem exacturos: regias opes, regni administrationem in eorum arbitrio ac manu futuram. Se verò quid nam aliud curaturam, quàm vt publicè, priuatimque Neapolitani populi patrociniū gerere videretur? Hæc dicendo, lentos excitabat, excitatos impellebat, impulsos confirmabat, ipsa magna & excellens habebatur. De qua quoniam res admonet, pauca dicam: Isabellæ pater fuit Trifstanus, comes Cupertinentis, ex Claromontia familia, quæ in Gallia vltiore habita est nobilissima: mater Catarina, Ioannis Antonij Tarentini, qui bellum hoc excitauit, vtroque è parente soror. Patre mortuo, Ioannes Antonius eam, quæ minima natu erat, cum quatuor sororibus Lipij in Salentinis habuit, atque educauit. Post collocatas autem sorores, & Alphonfi victoriam, auunculi opera, Alphōso etiam cupiēte, Ferdinando nuptui tradita est: quem pater in regno Neapolitano heredē instituerat. Ipsa statim à primis annis mirum pudicitiae ac cōtinentiae studium præ se tulit, domi parca, nō tamen alieni appetens: formæ quantum dignitas posceret studiosa, religioni non sine superstitione dedita, facilis aditu, in responsis libera magis quàm aspera, magno animo, magno consilio, constans in aduersis, lenis in prosperis, populari eloquentia, quæque nihil fictum aut compositum præferret, iusti atque honesti etiam ad contentionem colens. Quo minus autem gratitudinem exercere atque liberalitatem posset, mors prohibuit. Bello enim finito, rebus tamen regni nondum planè compositis, Neapoli diem obiit, cum sex iam liberos enixa esset. Mors eius vulgo molesta, quod vitam longè vtilissimam omnes præsertim boni arbitrabantur. Igitur rex aliquot turmis equitum restitutis, militibus etiam è classe accitis, circiter idus Octobris Capuam mouit, ac direptis Formiculis, finitimisq; aliquot castellis in deditionem acceptis, aduersus comitem Cerretanum profectus, confestim eum ad deditionem compulit, Carolo maiore natu è filiis obside accepto. Inde à Terrecusanis arcessitus, die vno vniuersa Caudinorum castella recepit, arce Aërolæ in quam mortales multi confugerāt, circumfessa, & Alphonso Daualo cum præsidio illic relicto qui obsidioni præesset, repenteque aduersus Franciscum comitem Casertanum profectus, Ducentam diripit, Munditianum incendit, Vallem ad deditionem cogit: ac paulo post Francisco dedito, Pomilianoque recepto, Argentium circumfedit: quo minus autē rex oppido per vim potieretur, tempestates prohibuere. Nam cum bruma iam appeteret, increbuere tempestates, adeo vt pleraq; tabernacula discinderentur, aut torrentibus correpta haurirentur, qui è finitimis deuoluebantur mōtibus, equis, virisq; simul immerfis, demū corruptis omnibus, militaria etiā tuguria, quæ pro tempore stramentis constructa fuerant, passim natabant: fœdi dies, noctes longè fœdiores erant. Quod sentiens Matthæus Extendardus, cum etiam speraret Vrsū, quem Tarentinus Campania decedens, quadringentis cum equitibus Nolæ reliquerat, comparatis auxilijs subsidio venturum deditionem differebat. Tandem cognita regis constantia, militumq; pertinacibus animis, Ferdinandi se fidei permisit. Quod idem paucis post diebus Iacobus Galeara, qui Harpadium cum præsidio tenebat, secutus est. Nam & Iacobus quoque ad Andegauenses defecerat, post rem in Brutijs aduersus tumultuantes bene gestam. Interim qui in Aërolæ arce circumfessi premebantur, cum se vndique circumuallatos intelligerēt, & spe annonaeque deficerentur, ne quicquam ab Vrsō subuentione rentata, & iam rex cum omnibus adesset copiis, pacti corporum incolumitatem, arcem tradidere.

Qua tra-



Qua tradita, Ferdinandus, quòd coeli foeda vis ferri ultra nequiret, in Montifusculi vicus ibidem hybernaturus concessit. Nam Tarentinus, Ioannesque Lucanis ac Campania relicta, in Hirpinos primò Iesualdum, post Vallatam Charifrasque inde in Apuliam finitimaque in loca discesserant. Satis enim constat, Tarentinum cum videret Ferdinandus prostratas, Gallumque sibi praesidentem, mutato consilio, rebus suis ita consuluisse, ut relicta Campania, Ferdinandum penè circumsessum, ad erumpendū inuitauerit: clàm etiam missis ad Isabellam nuntiis, qui bonum eum habere animum iuberent, regēque confirmarent: quippe cum ab ijs, qui Ioannis res solùm spectarent de se capiendū consiliū in initum aut sensisset, aut propter metum, qui ei summus inerat, suspicatus esset. Per eosdem dies, ac post labefactos admodū Argentij muros Robertus Sanseuerinus comes Calatinus, quem Franciscus è Gallia citeriore, propter singularem uirtutem ac rei militaris disciplinā, cum exercitu miserat, è portu Formiano soluens, ad regem cum paucis venit: cuius aduentus non gratus modò, verum etiā expectatus regi fuit: tum quia vir bellicosus & acer, atque in victorijs enutritus: tum quòd Francisci sororis cum esset filius, magnam popularibus spem, maioris regi spiritus excitauit. Huic è naui descendenti praesto ad litus rex fuit, declarauitque, quo suā, quo hostium res in statu essent, quid illum agere vellet, quid ipse pararet, cuncta simul aperuit: & primo quoque tempore, ut equite in nauibus imposito, exercitum omnem è Formiano ac Fundano in Baianum traduceret, ac Puteolanum agrum hortatus est. Hæc duobus fermè annis gesta.

## FINIS LIBRI PRIMĬ

IOANNIS IOVIANI PONTANI DE  
FERDINANDO PRIMO REGE NEA-  
POLITANO ALPHONSI FILIO  
LIBER SECVNDVS.



**I**NITIO insequentis anni, qui fuit millesimus quadringentesimus sexagesimus primus à CHRISTI natali die annus, Robertus Sanseuerinus, quòd in parteis Andegauiseis, desperatis Ferdinandi rebus inuitus declinasset, aspirante iam regijs rebus fortuna, cum de se regi conciliandò consilium cepisset, clàm ad illum misit, qui reditum eius in Campaniam inuitaret. Itaque rex circiter Idus Ianuarij ex hybernis mouens in agrum Vesuuiinū magna cum parte copiarū proficiscitur. Nec multis post diebus Robertus ad eum venit, ubi cōmunibus de rebus cum diutius cōsultassent, tandem placuit ut ille cum Roberto Vrsino, & parte exercitus Cossentiam maturaret, ad ferendum arci auxiliū, quæ indies arctius premebatur. Hi maturè necessarijs ad expeditionem comparatis, paucis diebus magno itinere confecto, pluribus interim castellis captis, aut deditis, Campanianum cum ad flumen peruenissent, nō longius duobus millibus passuū à Cossentia, ubi instructo exercitu, tantisper in acie sterere, donec præmissa turma equitū, de aduentu suo Franciscū Siscarem, arcis præfectū, certiolem fecere, qui septē iam menses inclusus tenebatur. Inde ad Castellū Francum profecti, partim intra oppidum, partim sub moenia confedere. Quo tempore Lucas etiam Sanseuerinus affuit tribus cū peditum millibus, equitibusque sexcentis, Roberti voluntatem secutus. Hi consilijs prius communicatis iusserunt milites corpora curare. postridie autem albescente cœlo, iussis militibus se ad pugnam parare, instructo agmine Cossentiam petunt. est ante urbem propter Bissentum flūmen locus cui nomen est, ad Reuocatos, forum rerum venalium. Huc postquam duces cum exercitu peruenere, inito simul consilio, cohortati milites, ut se prædæ magis quàm pugnae accingerent, decreuerunt montem occupare, qui arci ab occasu aduersus est. Is mons magna manu à Nicolao Antonio Caruleio tenebatur. Namque hostes de aduentu Robertorum edocti coacta manu septem millium peditum è propinquis oppidis, montem occupauerant. Equites



magno impetu facto, peditem è monte facilè deiiciunt: qui pugnae parum assuetus, ubi equitem cõfertis ordinibus inferri vidit, pars abiectis armis, fuga sibi consulit: alij dum hortante Caruleio certamen ineunt, irruente equite aut capiuntur, aut vulnerantur nec multo post vniuersi in fugam versi, montem liberum equitibus relinquunt. Quocirca duces victoria ac celeritate freti ne quod ciuibus tẽpus ad prospiciendum relinqueret, statim è monte descendunt. Sisear arcis praeffectus, praemissis qui rem certius exploraret (verebatur enim ne fraude pereretur) ubi superata conualle, venire ad se copias instruitas vidit, & vtrunque ducein, signa militemq; cognouit, cohortatus uti rem impigre gererent, intra arcem eos accipit. Tum Robertus Vrsinus, quò spe, animisque militem impleret, quod etiam celeritatis praesidio vtendum intelligebat: Milites, inquit, in vrbe vobis prandendum est. Maesti virtute estote, vallum mecum rescindite. Quo dicto accensus miles, alius vallum rescindit, alius aggerem diruit, pars cominus pugnans munitionem peruadit. Qui p munitionibus pugnabant, vix prima impressione sustentata, proiectis armis sese fugae mandant, quibus immixtus pedes decliuem per locum nullo ultra obistente, urbem ingreditur. At ciues repentina re attoniti, non obuiam ire hosti, non arma capere, non abiectis repagulis urbis vias obsidere, alius domo sese includere, alius militi manum dare, plerique in tepla cofugere: mulieres, impuberes, senes clamore, lamentatione, eiulatu coelum implebant. Militum irruptionibus, portarum, claustrorumque fragore tecta viaeque resonabant. Interea Vrsinus urbis porta securibus effracta, equitatu immisit. Hic verò tota vrbe peruagatus miles, quòd tunc omnino capta vrbs videretur, nihil reliqui facere, non profanis, non sacris parcere, pro cuiusq; ira ac libidine res geri, rapi virgines, matres spoliari, pueros è parentum complexu diuelli, luctu ac miseratione ciuium non domus, non via, non templa vacua esse, omnia demum acerba, foeda, crudelia in victos fieri. Interdum victores ipsi, dum alius alij praedae cupiditate vim infert, arma in se conuertunt, adeo miserabilis facies direptionis erat. Capta igitur ac direpta vrbe, cum foedae etiam tempestates accidissent, diebus aliquot militi ad quietem concessis, de communi ducum sententia placuit, productis ex vrbe copijs, magno prius in arcem commeatu conuecto, finitima loca tentare. Itaque magna cum fiducia, maiore hostium metu Cossentia egressis, Silanum statim deditur, inde Martoranum ac Neocastrum. Nam Centilia, Franciscusque Neocastrensis comes, diffusi moenibus Maidam concesserant. Neque ita multo post Bisinianum per vim captum. Quae res regionem vniuersam longe maiore formidine impleuit. Oppido enim in editis ac praeruptis locis sito habitatoribus frequenti, quoinermi vix militi patere accessus existimaretur, primo impetu expugnato, nihil ijs ducibus, nihil tali militi inuium, atque inaccessum fore metus persuadebat: nec aberat, quin breui maximam regionis partem in regis ditionem redigerent. Quod sentiens Tarentinus, confestim Iacobum Picinum è Marrucinis arcessit, qui Roberti agros, oppidaq; quae in Lucanis essent, vastaret. Itaq; per Samnites profectus Picinus, Montemaureum adnotis eneis tormentis primum expugnauit: dein Caluanicum dolo magis quam virtute captum diripit, parua etiam aliquot castella, vicosq; plurimos populatur: ferro igniq; quae iret, cuncta vastat, corruptiq; suos ingenti praeda hostes metu ac pauore plurimo afficit: ut nec rex, licet misso satis cum valida manu Roberto Calatino, eius cohibere impetus posset, et Saseuerinius incepto desistere cogeretur. Ceterum ille inito cum Vrsino consilio, quo regressus esset eorum formidolosior, & hostem lateret, superatis Brutiorum saltibus in Apuliam declinauit: magnaque celeritate vsus, Iuuenatium à Tarantino plureis iam menses circumfessum, atque ad ultimam necessitatem redactum, comportato frumento fame atque obsidione liberauit. Id oppidum tempestate nostra satis celebre, atque habitatoribus frequens est: atque ut quidam arbitrantur, Egnatiolum initio dictum, quòd fortasse diruta Egnatia celebri quondam vrbe, in ea maris ora sita, qui ea è clade superfuerant, ibidem confedere. Nam & à Baro, quae nunc quoque celebris vrbs est, ac regionis eius caput, Barolum in eadem ora sitam urbem, duxisse nomen opinantur. Veri tamen est simile, loca illa maritima, quo tempore mediterranea à Langobardis primò post verò à Normannis tenebantur, propter assidua bella, quae aduersus eos Constantinopolitanis ab Imperatoribus gerebantur, mirum in modum celebrata, maritimisq; aucta comportionibus, increbuisse cultoribus, ac



bus, ac ciuibus. Cæterum veritas ipsa apud eos qui harum rerum studiosi sunt, summa teneat locum. Igitur oppidum ipsum quanquam mare liberum, ac patens habet, tamē eò ne comportari frumentum nauibus possit, à Tarentino omni arte curabatur. Nam finitima continentis oppida cum ei parerent, eò rem perduxerat, ut corruptis quæ in agris erant omnibus, prohibitisque rerum comportionibus, vix ciuibus paucorum dierum cibaria superessent. Robertorum aduentus, ut Iuuenatensibus pernecessarius, sic Tranensibus, Barolitanisque maximè gratus atque acceptus fuit, cum viderent regias res paulatim respirare, vagarique per Apuliam Ferdinandi copias: atque eo magis, quòd plureis iam menses occupatis ab hoste vndique finitimis oppidis atque itinibus, vix nuntius ad eos regijs de rebus peruenisset, famaqué omnia aduersa diuulgarat. Roberti confirmatis ciuium animis, communicatisque cum Francisco Baucio consilijs, qui Andriæ dux præerat, Canusium primo, dein Venusiam profecti, ubi cum Masio Barresa, vrbs præfecto, quæ de communi sententia visa sunt, composuere, paucis diebus in Lucanos, indeque in Campaniam peruenere. Quorum aduentu cognito Picininus, & ipse distributis copijs sese in Apuliam ad Tarentinum recipit, adducta secum Neapolitana Lucretia, cui ea maximè fidebat. Hæc est illa Lucretia, cuius per orbem terrarum amores fuere quàmnotissimi. Eam Alphonsus adamatâ propter formæ, qua præstabat, excellentiâ, suauissimæ etiam puellæ illecebris senex ipse delinitus, diuitijs, opibus, auctoritateque ita extulerat, ut plerique arbitrarêtur, si Maria vita excessisset, legitime vxoris eam loco habiturum. Alphonso mortuo, Lucretia in arcem sese Vesuinam cum thesauris contulerat: quibus cum timeret, quòd Ferdinandum bellis exhaustum intelligeret, adduci nunquam potuit, ut eius se fidei crederet, quin etiam clam cum hoste cõtinentiens, parum amica consilia agitabat animo, metu, atque ambitione præceps. Interea appetente iam Verè, Pius pontifex Maximus Antoniû sororis suæ filiû, mille cum equitibus, ac peditibus quingentis maturare ad regem iubet. Præerat ijs Ioannes Comes vir impiger & strenuus, atque in rebus bellicis maximè exercitatus, quem nuper magnis stipendijs, maioribus pollicitis Pontifex à Picinino distraxerat. Hic saltu Minianensi impigre occupato, ac rescisso aggere ad regem, qui per id tempus Capuæ agebat, peruenit: confestimque aduectis ex vrbe machinis, ac tormētis æneis, Castellum, quod est ad Vulturum ripam, quâ mare illabatur, oppugnare adortus est: quod cum à Marino Martiano impositis teneretur præsidijs, miles ipse præsidiarius campos Leborios, omnēque Campaniam, quæ cis Vulturum esset, populationibus infestabat. Oppidani, qui in præsidio erant, diffisi moenibus, paucos postquam oppugnari cœptum est dies, deditionem fecere. Inde Antonius, Ioannesque Scafatum profecti, castellum aggrediuntur. Cum autem oppugnatio ipsa difficilior esset, quod castellum in insula positum, Sarno flumine cingitur, turrim quater duabus è regione bombardis incipiunt. Ea quanquam maxima crassitudine, biduo tamen continenter quassata, ruinam facere cum cœpisset, pontem ab ea parte comportata materia extruunt, quo strato per ruinam turris milites ingressi castello potirentur. Quod veriti castellani, sese Antonio dedidere. Per idem tempus Marcus Antonius Torellus, & Petrus Paulus Aquilanus, alter cum equitum turmis sex, alter cum duabus à Francisco missi, iunctis cum Matthæo Capuano copijs pleraque oppida, quæ in Pelignis, Marrucinis, Ferentanis, Præcutinisque æstate superiore ad Picininum defecerant, facile recuperare ciuium animis in regem inclinantibus. Quæ res Picininum ex Apulia statim reuocauit. Nam longa naui è Manfredonia Turinum, mox Hortonem delatus, audita obsidione Loretanæ arcis, quam Matthæus recuperato oppido acriter oppugnabat, lectis cum peditibus Moscosum proficiscitur: ubi equites, quos diuersis è locis arcessebat expectare decreuerat. Scafato dedito Ferdinãdus iunctis simul cû Antonio copijs è Cāpania mouit, eo consilio, ut in Apuliam profectus segetes, quæ maturæ in agris essent, corrûperet. Paucis tamen diebus in oppugnando Monteforti frustra cõsumptis, per Samnium iter faciens, aliquot etiam castellis in itinere receptis, cum ad Apenninum peruenisset, sub Sabinianum cõsedit: inde superato monte, cui nunc Crepicorio nomē est, in Apuliam descendit: positisque ad Troiam castris, finitimos inde agros pluribus diebus vastauit. Erat autem vastandi genus duplex, quod quæ minus maturæ erant segetes ad equorum pabulum: quæ



iam maturæ, ad vsum hominum secabantur. Cum enim rei frumentariæ laboraretur inopia, nullaq; esset panis in castris copia, triticum ahenis excoquebatur, in cibum tum pedatum, tum equitum. Cumq; mortales permulti montanis ex oppidis & in ijs mercatores penuria frumenti ac lucris gratia venirent in castra, ad frumentationis famam, inde miles vastationi factus est intentior ob lucrum ac laboris pretium. Itaque castra ipsa ad mercaturam penè conuersa, horreum quasi quoddam ea æstate præbuere finitimis. Extitit autem ipsis solstitij diebus frigoris tam atrox vis, ut necesse fuerit vineta concidi, ac frugiferam quanque arborem, ad ignis castræsis vsum: res sanè rara, atque annotatu digna propter temporis ac regionis illius naturam. Vastatis igitur Troiæ subiectis campis rex inde mouens, sub Vulturium confedit, simili euastatione in agro Lucerino vsurus. Quo tempore aliquot etiam castella, quæ ad radices montium, quæque in ipsis sunt iugis posita deditionem fecere. Quo minus autem Luceria tentata fuerit, Ioannis præsentia obstitit, qui satis magna equitum ac pedum manu urbem tuebatur. Quæ re leuia quotidie prælia diuersis locis committebantur. Adhæc Estensis Hercules, qui Fogiæ cum præsidio præerat, discursanteis regiones à liberis populationibus prohibebat. Inde rex Sanctum Seuerinum petens oppidum, insequenti die recipit. Oppido enim egressus Nicolaus Rosa, cuius propter opulentiam magna inter populares erat autoritas, impetrata venia seque, & oppidum regi dedit, quod tamen diutius in fide haud permanfit. Dein rex ad Turrin, quæ Dragonaria dicitur, motis castris, tentauit Carolum Sangrium, sub cuius ditione finitima erant castella, ad deditionem pellicere: profectusq; ad Turrin maiorem alloquendi illius gratia, irritum inde incepto redijt. Quippe cum soluto statim colloquio, Carolus Luceriam ad Ioannem profectus, regem ludibrio habuerit, arbitratum facile illum ad se traducturum. Nam Ferdinandus, quod Honorati Fundani, fidelissimi sibi reguli Carolus gener esset, per illius homines, quos ea de causa ad se accierat, moturum se adolescentis animum ratus, multis ac magnis eum promissis per eosdem honorauerat. Sed ille quanquam adolescens, astu tamè instructus, atq; consilij dubius in initio subbladitus est regi, dum hac ratione dies plureis tereret, quibus præteritis, regem intelligeret siti, atq; ardoribus exagitatū, suis è finibus cum exercitu discessurum. Hac deceptus spe rex, frustra q; ab adolescente habitus, Rhodum, quod est oppidum ad mare situm vniuerso cum exercitu proficiscitur, vastissimam per planitiem, ac cultoribus vacuam, & arborum, atque aquarum indigam. Itaque canes, equos, iumenta cernere erat passim æstu exanimata cadere: pueros armigeros, ex equis repente delabi, pedites, equites itinere, calore, siti, agmen denique vniuersum viribus iam deficere. Cum iam ad aquas peruentum est salsas, ibi verò aquarum ipse aspectus, & fontium species blanda (nam quo salior est, eò apparet aqua limpidior ac magis lucida) qui primi agmen præibant, eos repente gaudio, lætitiæque affecit. Itaque testari acclamationibus lætitiæ cum capissent, & inuenta flumina, fontisque compertos significare, redditusque inde ab insequentibus clamor cum esset, vniuersum agmen ad maturandum excitauit, erexitque languentium animos. At ubi gustati cupide initio fontes salsi apparuere, repente ibi è gaudio tristitia exorta est: castra tamen haud longè posita in campis, locisque hortensibus, sub Caprinum castellum, quod propinquum cum esset, statim sese dedidit, sollicitantibus qui è Marrarum familia in castris erant, cuius familiæ proxima castella antiqua sub ditione fuerant. Approperata à castellanis, volentibus quidem animis, pro ea quæ illic erat copia, vina, panis, aliaque cibaria: atque è vestigio in castra perlata, itinere atque æstu confectos milites aliquantum refecere, præsertimque hortensia quorum non exigua in agris reperta est copia, quippe cum maturi, immaturi que, ac crudi pariter ac mites foetus promiscuè absumpti. Processum inde mitiora in loca, castraque secundum Pantanum statuta. Rhodo igitur recepto, ac præter Vestas castellis omnibus, quæ in ea Gargani parte constituta sunt, refecto que paucis diebus exercitu, noctu maximo itinere confecto, mane sub montem Sancti angeli, quod oppidum summo è iugò, in quo est positum, æquinoctiali ab exortu pelagus, a meridie subiectos Apulie despectat campos: Vriosque eos montes ab antiquis dictos non temere quidam pertendunt, in ijsque Veneris celeberrimum fuisse quoddam templum, vniuerso cum exercitu rex improvisus apparuit. Cuius repentino aduentu eò atrocius consternati sunt ciuili



animi, quod maximè tutos sese antea arbitrati essent, montium asperitate, aquarumque inopia, ac pabuli. Tentatis igitur oppidanis, quo minus sese dederent, obstitit præsidium a Ioāne missum. Itaque paratis ad oppugnandum necessarijs, tertio rex die, qua parte neque fossæ ab oppugnatione distinebant, neque rupes ab ingressu deterrebant, militem, dispositis circum balistarijs, sclopetarijsque, quorum magnus erat in castris numerus, acri oppidum prælio adortus, vulneratis aut cæsis maxima è parte defensoribus cum tribus circiter horis pro muris pugnatum esset, comminutis, ac deiectis non semel scalis, instaurata sæpius pugna, cohortantibusque subinde ducibus, eiectis è muro propugnatoribus paucorum pertinacia, vno simul tempore pluribus locis miles irrupit, perque humiliorem turrim facto aditu, peditum pars maxima ac gregariorum immissa est in manus, moxque effractis portis omnis multitudo ingressa: paucis in ipso ingressu è præsidarijs cæsis, reliqui in arcem sese recepere. Direptioni huius facies multo maximè miserabilis fuit, irritatis militum animis pugnae ardore, ac multitudine omni simul irrumpente, spe prædæ incitata. Nam quod oppidum ipsum frequens, atque oppulentum esset, quodque propter situm maximè securum, atque ab hoste tutum existimabatur, peruulgatū erat, è finitimis vrbibus, præsertim Manfredonia, lucupletissimos quosque ciues clanculum à se comportatos illuc thesauros amicis, aut templorum sacerdotibus commendasse. Itaque nō sacra, non profana ab vi, iniuriaque tuta erant, dum occultos thesauros miles exquirat. In viros ac mulieres sæuissima suppliciorum edebantur exempla, maximèque sacris in edibus sequitum. Itaque sepulchra eruta, spoliata donaria, direpti oculi venerabilium reliquiarum, aræ etiam sanguine foedatæ, ac polluta adyta. Quodque mulieres, atque imbecillior sexus eò confugerant quisque pro libidine trahere, verberare, cedere, infantes à matrum complexu diuellere, ac solo sternere, rapere pueros, violare virgines: nec deesse, qui faminarum pudendas partes insertis digitis cōtrederent, dum gemmas, vnionesque aut preciosum aliquid putant illic abditum. In ipsos quoque tribunos ac duces tumultuatum, dum parci imbecillo sexui, ac sacris imperat. Rex Michaëlis angeli templum statim ingressus, claudi illud iubet, demādata fidelibus viris custodia: in quo præter ciuium priuatam pecuniam æditimis commendatam, auri atque argenti sacri magna vis reperta, eaque regis iussu à scribis notata, atque à quaestoribus in castra, atque in ærarium relata est. Quam tamen omnem parta post victoria (sic enim conceptis iurauerat verbis) referendam in templum summa diligentia curauit, singulaque restituta sunt, atque à bonis resecta artificibus, in ea qua fuerant antequam in numos conflarentur, forma. Nec verò alienum fuerit (quoniam in templi mentionem maximè augusti incidimus, ad cuius antrum ab vltimis terrarum finibus annis singulis plurimi mortales soluendis votis accedunt) de eius initijs quæque ab antiquis autoribus habeo comperta, pauca pro meo instituto referre. Est natua specus durissimo è saxo, in quam multis gradibus, ceterum nō lato admodum aditu descenditur, specularibus quibusdam lumen præbentibus. Vestit eam parte superiore, qua natua ipsa quidem ac perrimosa testudo est, è quercu vasta proceritate, lucus muris tamen circumdatus, pecori ne quā pateat ingressus. Ante verò quā descendere in antrum incipias, ædificia extant manu facta elaborato è lapide. Vbi verò antrum in imum descenderis, quā specus diffunditur, mira animum religio subit, loco ipso subobscurus, et horrido, solaque natura constituto. Admonent religionis tabellæ, vota que passim suspensa titulos indicantia. Vbi verò aræ admotis ad numinis procumbes statuam, loco solo & ab hominum accessu semoto, repente inhorrescit tacito metu animus, atque in diuinorum tantum rerum cogitationem versus, in preces, suppliciaque effunditur. Augent venerationem aliæ item aræ, nullo sumptu, nullo artificio factæ, quibus natura ipsa videtur locum statuisse. Cur autem Michaëli potissimum dedicata specus fuerit, hæc à maioribus tradita comperio: annos quidem supra nonigētos, atque amplius repetita: quæ quidem tempestate Heruli, Gotti, barbaræque aliæ quædam gentes per Italiam bacchantur, Garganum quædam, ciuem Sipontinum, cuius prægrande armentum Gargano pascere in monte, à quo et ille nomen duxisset, cum armentalem taurū, qui oberrauerat per sylvas, suis cum pastoribus quæriraret, inuentum tandem eum ad eius, de qua dictum est, speluncæ ostium pascentem animaduertisse: itaque ira percitum, conten-



to arcu, summis in illum viribus sagittam emisisse, eamque ubi tauri tergus attigisset, retro flexam è vestigio, recurvataque spiculi acie sagittatorem petiisse. Quæ res inter pastores in religionem cum esset versa, tum Garganum rem hanc sacerdoti expositurum Laurentium adiisse, probatissimæ vitæ antistitem: ibi illum re cognita, factique admiratione ductum, dierum trium ieiunio indicto, multis etiam adhibitis precibus Deum esse consulendum, Gargano respondisse. Itaque absoluto ieiunio, re sacra ritè facta, noctu dormienti Laurentio astitisse Michaëlem angelorum principem admonentem his verbis: Mea opera, ac Dei iussu factum Laurenti, qui taurum indicem esse voluerim basilicæ huius, quam mihi ad inhabitandum cum hominibus in terris paravi: hæc mea est basilica, meum hoc sacrarium apud mortales futurum. Enuntia hæc civibus, ut monente me, per te intelligant ea in spelunca, ijs in adytis aboliturum esse me mortalium peccata, qui ad eam confugerint. Quo accepto oraculo, antistes somno excitus, ubi Deo gratias egisset, re populo indicata, summa civium cum frequentia venerabundus, indictis supplicationibus, pontificis habitu amictus, ascenso monte ad speluncam procedit: sacraque ibidem peracta re, non tamen ut ingredi antrum ausus esset quisquam, multis cum precibus, decantatis rite divinis laudibus, Deo gratias egit, nomenque Michaëlis per omnes laudes celebratum. Riteque rebus his peractis, Sipontum rediit, magna civium lætitia, ingenti que urbis universæ gaudio. Nec verò multis post diebus, neapolitanorum exercitus, quorum opes profligatis Benevëtanorum rebus abunde tum polentes erant, Sipontum obsedit. Igitur sollicito de populo suo antistiti, post indictum dierum trium ieiunium, quo triduo fuerant etiam indutiæ ab hoste impetratæ, astitit rursus dormienti Michaël, admonens, & piè, & ritè factum, quod per ieiunium ac preces à Deo auxilium implorasset: Michaëlem se angelorum principem, iussu Dei illa dicere, imperareque uti in sequenti die de quarta hora populus universus arma caperet, in hostemque repente irrueret, se ipsum armatum in acie civibus affuturum. Hæc igitur populo tuo experrectus differe, ac bono animo esse iube. Hora igitur dicta armatus atque ad pugnam instructus civis hostem negligentius agentem improvisum inuadit, fundit, fugat, validis adeò repente exortis procellis, summoque è montis iugo prorumpentibus terrifico impetu fulminibus, uti maxime foeda tēpestatis vi, ac fulgurū sexcenti ex hoste exanimati referantur. Fugatis igitur, ac cæsis hostibus, sacris Deo Optimo Maximo ac Michaëli ritè factis, cum antistes decrevisset speluncam ipsam (uti moris est, Christianique ritus) dedicare, Gelasiumque pontificem Maximū, per id tempus Soraacte agentem de ea dedicatione consulisset, astitit illi tertio Michaël, inquit: Mihi egomet nulla adhibita hominum aut arte, aut opera vacuum feci hoc saxum: mihi egomet desertum humano cultu motem dextra hac subaperui, mea ego in lapide hoc vestigia infixi: mihi ego ipsemet ædem hanc statui, sacrarium feci, basilicam dedicaui. Quæcunque igitur ab hac æde, basilica, sacrario humana dedicatio absit, ritusque omnis abesto humanus. Michaël ego sum, qui hoc excavato saxo, hoc antro, hoc habitaculo, his assidue manantibus stillis abluturus sum, ac deleturus meam ad aram confugientium mortalium errata. Age expergiscitor sacerdos, civibusque hæc tuis differito, cumque ijs simul rem divinam illic facito, meque adesse antro meo, sacrario meo, meque basilicæ, tuque populusque tuus, mortales denique omnes placatum, atque propitium sciunto. Inde igitur angelo antrum Michaëli dedicatū, spoliando templo regem (et si erarij premebatur angustijs) magis tamen illud compulit, quod compertum haberet Ioannem post suum statim ipsius discessum cuncta direpturum. Nam & ille graviore etiam rei pecuniariæ laborabat inopia, & ipse decreuerat urbem habitatoribus vacuam, ac sine ullo præsidio relinquere. Nam & arx à Ioanne tenebatur, nec prohiberi poterat quo minus quotidiana præsidia noctu præsertim immitterentur. Adhæc fama erat Picininum aduentare à Ioanne pariter Tarentinoque accersitum. Itaque ne illic includeretur veritus, descendere quamprimū è monte statuit, cum præsertim exercitus præda omnis generis esset onustus: præteritaque Manfredonia, quæ præsidio tenebatur, castris ad Sipontum positis prædaque universa tutum in locum comportata, quietem militi atque iumentis dedit. Quo tempore ingentis multitudinis armentali præda malè custodita, atque ab latronibus noctu abacta, in sequenti die, maxima è parte eques, qui Fogiæ erat, seapotitus est. Cum autem ab-



tem ab Siponto diruta, & solo æquata vrbe, duplex esset via, altera per Fogienfium, aut Asculanorum fines reuertendi in Hirpinos, aut Samnium, altera per oram maritimam Barolum, ac Trantum petendi: dum hæc partem in vtranq; agitantur, falso nūtiatur, quod post cognitum est, consedisse Picininum in Lucerinorum finibus, ac tantum non cum Ioanne & Hercule, qui Fogiæ præsidebat, iunctis simul copijs adesse. Itaque communi ducum sententia decernitur, Barolum petendum, motisque intempesta nocte castris, per oram maritimam, prope Aufidum metatus est rex. Die quæ infecuta est, castra trans amnem veteres ad Cannas posita, insignem clade quondam Romana vicum, nunc habitatoribus omnino vacuum, inde præda est omnis Barolum perlata. Quo è loco paucos post dies cum transire in Samnium decreuisset, et iam sub auroram aliquantum spatij Canusium versus profectus esset cum vniuersis copijs, renunciatur ab exploratoribus, ac leuis armaturæ equitibus, qui agmen præcedebant, hostem instructum, paratumque stare in acie: quo ex improviso agmen adoriatur sub sarcinis impeditum. Hoc nuntio accepto, rex magno silentio retro vertere agmen iubet, maximèque repentinus, atque in expectatus Barolum petit: ac secundum fossas, partim in hortis, partim sacris in ædibus, quæ sunt extra vrbis mœnia, exercitum collocat: tantus aduentantis hostis terror duces pariter militesque inuaserat, cum tandem compertum fuerit agmen fuisse ceruorum compascentium, quorum in ea regione belli præsertim tempore maxima est copia. Hi sub matutinum tempus pastui dediti sparsim cum errarent, vbi exploratores sensere equites, in vnum coacti dubia iam luce speciem præbere hostilis agminis. Castris igitur hunc in modum ad Barolum dispositis, interim dum præda venditur, quod nouus ex ære numus iactabatur, & Borolitani autore Barnaba Marra nouum æs aspernabantur, reijciebantque illius vsum, coactus est rex fuso argento, atque in numum conflato, ex ea pecunia pendere militi stipendium. Fama etiam tenet Iacobum Caldoram, solertissimum ætatis suæ imperatorem, ducentem per Apuliam peditum atque equitum non exiguas copias, eadem specie deceptum. Itaque & conclamatum fuisse ad arma, & instructo cum exercitu stetit eum in acie hostem expectantē: nec nisi aliquot post horas cognitum, errantem in pastu maximè ingentem ceruorum gregem esse. Quo factum est, vt Picininus iunctis simul copijs, illum intra urbem penè in cluserit. Sunt qui regem criminantur, desedisse illic ob amores tum veteres, tum novos: quibus delinitus magis ipse curauerit, qua ratione amoribus indulgeret, quàm quibus artibus hostem falleret. Quod ni è Macedonia Georgius Castriotus cognomento Scander, vir fortis, & multis rebus aduersus Turcas strenuè gestis clarus, cum classe repente apparuisset, futurum erat, vt rex aut mari fugam turpiter inde arriperet, aut tentata pugna, in postrema seque; et res suas pericula conijceret. Cuius aduentu expositis in cōtinentem circiter septingentis equitibus, lectissima virorū manu, cum aliquo peditū numero, Andria præterita hostes iter auertere. De hoc igitur viro pauca dicam, & propter eximiam ac raram eius animi virtutem, & propter insignem etiam gratitudinem. Georgij maiores in Macedonia latè magnum imperium tenuere. Verum Amoratho Turcarum Imperatore Græciam vastante vniuersam, Georgius admodum adolescens à patre, quo res suas in pace tueretur, missus est ad illum obfes: in cuius expeditionibus ea viri fuit virtus, vt propter liberalitatem, ac fortitudinem agnominatus sit Scander, quo nomine à Turcis Alexander dicitur: vnde hodie, quæ nostra lingua Alexandria, ea Turcica est Scanderia. Post vbi paterno successit imperio, atque ab Mahometo, Amorathi filio, summis oppugnaretur viribus, Alphosus Ferdinandi pater pecunijs, militaribusque præsidijs amicissimè eum iuuat: diutiusque ipse seque resque suas pluribus prælijs fortiter administratis, Alphonsi opera, auxilioque tutatus est. Igitur eo mortuo, vbi sensit Ferdinandum in Apulia grauiter ab hoste premi, conductis mercede aliquot nauibus, decreuit & animi gratitudinem, & fortitudinem simul testari suam, impositoque in nauibus milite, ad regē in Apuliam trānsijt. Huius igitur nomen atque aduentus non hostem modò, eiusque turbauit cōsilia, verum Italiam omnē opinionis suæ fama impleuit. Vir militari disciplina, corporisq; atque animi viribus æquè clarus ac rebus gestis, apud amicum atque hostem maximè inclytus in ore omnium versabatur. Quod si Marinus Martianus (vt ad inceptum regrediar) cum ea quam



habebat manu equitū ac peditum, in agrum tunc se Campanum contulisset, cum Nolæ Vrsus esset, resque Neapolitanas infestissime vexaret, aut in Hirpinos, quorum vtrumque facere tutō poterat, haudquaquam Ferdinando in Samnium reditus aut in Campaniam per id temporis patuisset, sine maximo rerum ac vitæ discrimine. Verū Martianus summæ rerum parum consulens, dum finitimis quibusdam Sidicinorum oppugnandi castellis tempus terit, regem ipsum ad regrediendum pellexit. Qui rebus Apuliæ Georgio commendatis, cum Alexander Sfortia è Pelignis, Marrucinisque, vbi Sulmonem, aliaque oppida per multa recuperauerat, quæ anno superiore ad Andegauensem defecerant, à rege euocatus, Samnitum in agris habere castra nuntiaretur, & Robertus Vrsinus plures iam dies suis cum copijs ad Monteleonem, ipsisque in Apuliæ faucibus confedisset, magno itinere nocte dieque confecto, Vrsino primū, post Alexandro sese coniunxit: communicatisque deinde consilij Flumarim circumfidet: conuectisque à Campania tormentis æneis, pluribus diebus concussis mœnibus oppidanos ad deditionem cogunt. Quorum exemplum finitima quoque castella secuta sunt. Inde in Campaniam ventum, hyeme iam appetente, ac viris, equisque tolerare vltierius laborem nequeuntibus, Sfordiano præcipue equite propter anni asperitatem imperia detrectante. Cum etiam Vrsus Neapolitanos, atque Auerfanos agros assiduīs excursionibus indies magis ac magis affligeret, marique ab Ioanne Torella, qui Aenariam obtinebat, tuti nihil prorsus esset: inter hæc Bartholomæus Cardinalis, qui gerere bellum in Apulia Ferdinando, Beneuenti Pontificias res curabat, per fidelem hominē cum Vrsō egit, vti Pij opera ad Ferdinandum transiret. Nam & Pontifici Maximo rem abundē gratam faceret, & rebus suis perquam opportunē consultum iret. Cui cum hæreditario iure Nola deberetur, quam tunc precario teneret, hanc esse viam recuperandē illius, persuadere summo ei studio conabatur. At Vrsus, qui paternis puer atque auitis exutus bonis fuerat, eiectusque patrimonio, tantā hanc occasionem nactus, cum intellexeret Ioannem Antonium annis, morboque aggrauatum iam, ita bellum gerere, vti qui animi, consilijque incertus in diuersum traheretur, decreuit oblatam occasionem frustra labi non sinere. Itaque rebus sic compositis, vti Nola, Laurum, Atripaldum, Forinum, Asculum, cum agris, finibus, ciuibusque ipsi, liberisque, ac posteris dominanda traderentur à Ferdinando: quarum rerum omnium Pontifex fideiussor esset: Vrsus Neapolim ad regem profectus, iurauit de more Neapolitanorum regum in eius verba. Ritus verò iurandi, verborumque huiusmodi est formula. Sedet rex medius regia in sella editiore loco constituta. Assident iuxta primi ordinis optimates, ac proceres. Stant inde purpuratorum frequentes ordines loco quisque suo: regis ad pedes, genibus innitēs à dextra procumbit parte epistolarum magister; qui nūc Secretarius dicitur: sinistra antistes, euangeliorum libros regio in sinu adstratos tenens. Horum medius genibus & ipse ille innisus procumbit, qui in verba iurat, vtraque manu libris adapertis imposita. Ibi epistolarum magister verba præit: quæ iuraturus in verba sequitur. Igitur posteaquā Vrsus regios ad pedes prouolutus, palmam in codice vtranque expansam statuit, tū magister præire verba hæc cœpit, Vrsusque ea est fecutus: Vrsus ego Vrsinus, Nolæ & Atripaldi comes, Asculi, Lauri, ac Forini dominus, illorumque & agrorū, & finium, ciuium atque popularium, tibi Ferdinando regi, liberisque, successoribusque in regno Neapolitano tuis polliceor, promitto, spondeo pro liberis successoribusque in hisce item vrbibus oppidis, agris, finibusque meis, fidelem meque; illosque; vti que futuros, tuisque; illorumque; imperijs vbi que, meque; illosque; parituros, atque imperata facturos, cum hisce vrbibus, oppidis, agris, finibus, popularibusque perpetua cum constantia & fide. Siquid verò aduersus teue, illosue parari fraudis, doliue, insidiarumue, audiero, sciero, cōpertumue, significatumue habuero, indicaturum illud è vestigio, ac facturū palam tibi que; illis que; : officia demum obiturum, meque; illosque omnia domi, forisque; pace belloque aduersum quoscunque, ac pro imperio quæ probi, & fidelis subiecti iure, lege, natura, obeunda ac præstanda sunt regi. Deumque his Optimum Maximum testem inuoco, perque sacrosancta hæc Euangelia sciens, volens, libensque verbis conceptis iuro. Atque his dictis, manus ipse è libris sustulit. Tum rex Vrsi manus vtriusque; digitis pollicibus apprehensis suosque; intra pollices ijs insertis, deuinxit illos suis, statuitque; iuper Euangelia. Hic rursus Vrsus

magistro



magistro præeunte verba. Ego me, inquit, cum liberis, successoribusque meis, Ferdinandi regis mei, domini mei, liberorum, ac successorum eius, Ligium hominem statuo, dedicoque, eumque me hinc sisto. Hæc ter ubi dixit, regios osculatus est pollices, rexque ore suo illius os excepit, moxque comiter appellatum dimisit. Hic est vsitatus iurandi mos in verba regum Neapolitanorum: quique Ligios illorum se faciunt, ipsum hunc seruant: dicti inde Ligij, quod ligatis reges pollicibus, illos fidei, imperijsque sic suis vinciant, atque obnoxio statuunt. Ex ea tempestate Ferdinandus Vrſi opera forti, fidelique in maximis quibusque vsus est rebus: quippe qui esset magno ingenio, constanti animo, fida amicitia, maturis consilijs, integra voluntate, manu promptus, atque in certaminibus felix, in consulendo cautus, in deliberando minimè temerarius, qui que nihil prorsus fidei haberet, atque ut maximè impiger, sic ipse parum omnino ambitiosus erat. Regis igitur aduentus Neapolitanis ciuibus maximè gratus, atque expectatus fuit summaque gaudij, ac lætitiæ ex aduentu eius declaratio apparuit. Is postquam per aliquot dies ciuibus atque amicis dedit operam, conuersus inde ad res bellicas, quod ab Ioanne Torella, qui Isclam oppidum, Aenariamque tenebat insulam, multa mari in prohibendis atque abigendis commeatibus indignè patrabantur, decreuit occupata insula eum intra oppidum includere, atque à statione triremes arcere munitionibus ad oram maritimam erectis. Accedebat huic malo, quod arx, cui ab ouo est agnomen, à Gallis tenebatur, pecunia tradita Ioanni Iuncesio, qui ei sub Alphonso præfuerat. Ea arx circiter quingentos passus ab Neapoli exeso, & arduo in scopulo posita, iacta mole continenti iungitur. Ab hac ad Isclam arce quotidianæ triremium, nauigiorumque aliorum traiectiones fiebant, ac tranquillo tempore mare hinc magis magisque infestum reddebatur nauigantibus. Demandata igitur re Alexandro Sfortiæ, alijsque fortibus ac fidelibus viris, ceteraque in continenti materia, eaque nauibus cõportata, capta primo congressu à militibus qui descensionem fecerant, insula, collocatisque opportuno loco præfidijs, munitiones castrorum in morem eriguntur: quibus perfectis, milites intra vallum collocantur, dispositis per opportuna loca diuersi generis tormentis æneis, quibus præcipuè nauium infestaretur statio. Iscla oppidum edito atque ad eso in monte situm, mari olim vndique cingebatur, nunc mole iacta, satis longo tractu insulæ coniungitur. Mons ipse breui admodum à Prochyta freto dirimitur: inde circum adesis rupibus ab meridie occasuque mare sinuatur, stationemque efficit, qua parte post ipsam molem insula procuruato in sinum mari abluitur: statio ipsa sub Euris ac Notis male omnino tuta à fluctibus. Ad ipsum autem oppidum accessus est peraccliuus, maximaque è parte saxo cæso, atque excauatarupe manufactus. Munitiones igitur ita erectæ sunt, uti tormentis æneis, & offensitari nauium statio, & oppidi porta, finitimæque illi quassari ædes possent. Militibus itaque intra munitiones collocatis, conuectoque multorum mensium commeatu, & oppidani intra muros coercerantur, & repellebantur à litore triremes, ne in insulam ab ea parte descensionem tutò facerent. Quocirca acriter per sæpe excitabantur certamina, dum per gradus quasi quosdam ferro in rupe excauatos demissis in mare restibus, classarij milites ijs excepti subsidium oppidanis ferunt. Quæ obsidio eo fuit grauior atque contentior, quod supra biennium durauit, & Carolus Torellæ frater, quatuor cum triremibus, aliquotque biremibus, atque exploratorijs nauigijs, itemque onerarijs nauibus, quas ceperat, prædam omnis generis in oppidum conuectabat: unde annonæ, stipendiumque militi, ac popularibus affatim subministrabatur. Quo tempore Torella arcem Oui, de qua diximus, spoliauit, multa & diti supellectile, quæ illic asseruabatur, corpusque Alphonsi regis ibidem in loculis custoditum, triremibus ad se transtulit. Cauerat enim Alphonsus moriens, uti de more aliorum Aragoniæ regum in Hispaniam Tarroconensem, ad ædem Populeti sepeliendus veheretur: eamque ob rem in arce, ubi diè obiit, loculis pie, religioseque seruabatur. Parta tamen victoria Ferdinandus loculos ipsos eadem in arcem referendos curauit, in qua hodie quoque seruantur: & ob rerum gestarum memoriam, à magnis & clavis viris frequenter & uisuntur, & saluantur. Hoc in bello, rerumque bellicarum varietate, & casibus cognitum est, Hispanos plerosque qui oppidis aut arcibus præfecti essent, Ferdinando parum fideles fuisse: seu quod tacitis ipsi consilijs Ioani eius patruo regnum assererent, seu quod indignum ducerent Ferdinan-



dum Alphonso succedere, quem alij incesto coitu è Catarina, Errici fratris vxore susceptum ab Alphonso putarent: alij supposititium, neque ex Vilar dona Carlina, quæ mater eius diceretur, genitum, sed suppositum ab ea, autore Gulielmo Corelia, quem Alphonfus honoribus, titulisque mirificè euexisset, procreatumque ex homine ignobilis, quales Valentini plerique sunt agricolæ, atque opifices: quæ quidem, aliaque ab illis, qui Ferdinandum prosequerantur odio, palàm indigneque iactabantur. In quibus tres præcipuè visi sunt maximè improbi, atque ob insignem perfidiam detestabiles, Ioannes hic Torella, quem Alphonfus, quod Antonia vir erat, quam è sororibus Lucretia vnicè amasset, illius gratia Isclæ moderationi substituerat, præfeceratque arci. Petrus Mon draconius alter, cui ab Alphonso arcis Metalonij & oppidi administratio permissa fuerat. Tertius, Ioannes Antonius Foscianus, cui Tranensis arcis erat custodia demandata. Verùm hi duo clanculum cum hoste consenserant. At Torella bellum apertè gessit, aduersus Ferdinandum, Ioannemque ad se confugientem, amissa continente terra & accepit, & armis opeque fouit, iuuitque. Vrso igitur dedito Daniel quoque, qui Sarni, Forini que imperitabat, metu perterritus, & ipse haud multis post diebus deditionem fecit. Quodque Sarnensis arx à Tarentini præfecto cum præsidio tenebatur, occultisque militum qui arcem tuebantur, latrocinij, regio infestaretur, aliquot post menses coactus est rex ad motis bombardis, illam expugnare. Itaque concussa & diruta turris, quæ ab vrse nomen habet, estque ante arcem statuta, veritus præfectus, ne ea capta, fame intus conficeretur: sese ea cõditione dedit, ut militibus, qui cū eo erant, cum vestimentis libere abire permitteretur. Illud in hac expugnatione rarum, atque admirandum, quod cum immensæ magnitudinis æneum tormentum subuehi in summum atque arduum nequie iugum, in plano, remotiusque aliquanto à montis radicibus collocatum, inde turrim ipsam concussit, labefecitque spatio ad mille aëris passus interiecto. Interim etiam Robertus Sanseuerinius Salernum laceffebat, interclusis itineribus, nequā in urbem deferri cõmeatus posset: hac enim vrbe recuperata, Cossentiam adusque ferè liber à Neapoli permittebatur accessus. Hæc à Ferdinando dum geruntur, post reditum ex Apulia in Campaniā, Iacobus interea Picininus præterita ut diximus, Andria, Ioannis Antonij iussu Lucanorum montana populatur, diripitque: profectusque Aquam viam versus, quod erat Francisci Baucij Andriensis ducis oppidum, illud æneis tormentis aliquot dies concussit, dum sub specie deditionis ciues ad colloquium, & pacis spem trahit, dolo magis, quam virtute militum capit, diripitque: nihilque crudele, foedum, abominandum in viros, mulieres, impuberes omissum: inde locuplerato exercitu, in fines Tranensium regressus, urbem obsidet, agrumque Andriensem assiduus excursionibus vexat. Quo tempore cum Georgio Castrioto, qui Barolum tutabatur, sæpius certatum est, diuerso pugnae genere: cum Italici equites statariæ magis pugnae sint assueti, propter armorum gravitatem: contra Macedones è Turcarum disciplina vagi procursantesque, raro congregiantur stantes. Itaque plerisque in cõgressionibus Georgius hostem ludificatus est. Ceterum Tranensis obsidio diuturnior fuit, quod vrbs erat egregie munita, nobilitasque Tarentini ferè imperium nolebat: muris tandem, qua parte infirmiores erant, solo æquatis, cum à rege nullum etiam speraretur subsidium, famesque vrgeret, Tarentino se ciues longiorem post obsidionem dedidere. Arx incolumis regi mansit. Nam Georgius cum intelligeret Foscianum arcis profectum cum Tarentino cõsensisse, sub specie colloquij extra arcem accitum, cepit illum. Captus igitur arcem Georgio tradi iussit, pacione libertatis. Itaque Picininus ad arcis oppugnationem conuersus, qua mari non abluitur, vallo illam ac fossa cinxit: ne inferri cõmeatus in eam posset dispositis per ora maritimam biremibus, singulari diligentia cauendum curabat. Quo effectum est ob summam cibarii inopiā, ut qui arcem defensabant ad famem redacti sint. Fortè accidit, uti Venetæ classis præfectus secundum Tranensem oram vela faceret, quo tempore nauigia quædam frumento grauida à Ferdinando missa, vento ad arcem ferrentur, quæ Picinini biremes adoriri iam parabant. Itaque quod ipse duceret de dignitate id reipublice Venetorum esse, speciem exhibuit, se haudquaquam passurum suos ante oculos vim nauigijs Venetico in sinu inferri. Quod veriti qui biremes moderabantur, abstinere à vi inferenda. Itaque

delata



delata ad arcem, magnam frumēti vim exposuere in litore. Quæ è re ablata est Picinino pes eius potiundæ. Nec verò hac præsertim in parte haud alienū à me fuerit, aut ingratum lectori explicare, quibus nunc nominibus regiones eæ dicantur, in quibus hæc à Picinino gesta sunt: ne qui vetera tantum noscitant, noua ignorent nomina: qui verò recentia tenent, ijs prisca ne sint omnino incognita. Apuliæ igitur pars ea, quæ est ab Frëone flumine, quod hodie Fortorium est, ad Aufidi ripas, sua nunc appellatione est Capitinata, quæ Normannorū prius, ac Græcorum temporibus fuërat Catapaniata, quod qui eius moderationi esset Imperatore ab Constantinopolitano præpositus, diceretur Græco nomine Catapanus: quæ vox contractis atque immutatis literis recentioribus versa est in Capitinatam: quique Catapanus fuerat in Capitanium. Quæ verò Calabriæ pars olim fuit, in quâ Tarentum, Brundisium, ac Salentinorum mariuma est ora, eâ ab Hydrunto oppido ad quod est ab Macedonia, Epiroque quàm breuissima ad nauigatio; Hydruntina hodie terra dicitur. At qui est ab Aufido tractus ad Calabriam, hoc est Hydruntinæ fines terræ, quo in tractu sunt ad mare posita Barolum, Tranum, Vigiliæ, Melfi-cta, Iuuenatium, Barum, Polygnatium, Monopolis. Ab vrbe Baro, quæ caput olim regionis fuit, Barenfis vocitata est terra, regionum quæstorum constitutione ac iussu. Post eam montana loca, quæque olim fuere illinc Lucania, hinc Apuliæ, ijsdem illis temporibus vocari coëpta Basilicata: cuius regionis cōplura castella fuere à Picinino direpta agerque ferè omnis fruge, pecoreque spoliatus. Cæterum hæc ipsa appellatio vnde potissimum ducta sit, iure anceps est, ac dubium. Sunt enim qui existiment, haud satis tamen certis autoribus, Constantinopolitano olim ab imperatore regionem eam filia ac genero traditam dotis nomine. Veri autem alijs videtur esse similius, à Basilio quodam fortissimo viro dictam, qui per illa tempora loca ea tenuerit, de quæ regione ipsa, tractuque omni Salentino Græcos industria sua pepulerit, atque Pœnos. Verum nos quæstionem hanc posteris melius inquirendam relinquimus. Hæc dum in Apulia, Campania, Samnioque geruntur, Baptista Grimaldus in Brutios à Ioanne missus, qui regioni præesset, cognito Robertorum aduentu, dum copias colligit, paucis post captam Cossentiam horis cum præsidio affuit, cognitaque eius direptione, retrò statim mouit. Post Robertorum autem discessum (pleraque enim oppida ab illis capta statim ad Andegauensem redire) Silani hyemauit. Antonius verò Centilia cum Errichecta vxore apud Hypsicron dū desidet, seque parem Robertis desperat, arcessitus ab Loisio Arenate, qui mortuo patre ipse è concubina genitus, nouerca capta, Arenas, agrumque eius occupare omnem parabat, præstò illi affuit. Ineunte igitur Vere, comparatis atque instructis exercitibus, de comuni sententia in planitiem, quam Cratis amnis mediam secat, simul vterque conueniunt. Baptista prior per Agelli ac Petramalæ fines, montemque qui interiacet Caruëios profectus, inde in planitiem peruenit, nec multos post dies Antonius cum Alphō fratre eodem proficiscitur, biduoque post Loisius Caracciolus Neocastrensis comes eodem quoque cum accessisset, placuit, iunctis simul copijs, castra ad syluam transferre Tabulariam, quæ secundum amnis ripas diffunditur. Hoc cognito Lucās Sanseuerinius qui cum præsidio partim Cossentis, finitimis partim in oppidis hyemauerat, equitatum vndique suum ex hybernis euocatum, Lucios ad se venire Silam per montē iubet. Quod hostes vbi sensere, ingenti agrestium manu Cossentinis è vicis coacta, qua Silæ egressus esset syluam longo spatio cædunt, stratisque, atque obseptis ingentis proceritatis arboribus, transitum impediunt, comparataque finitimis è locis magna amatorum manu, nec minore pastorum omnis generis superiora occupant, ibique insidias struunt. Equitatus igitur syluam ingressus, nullo secum peditatu ducto, ipse securus, atque insidiarū gnarus, vbi longius progressus, egressum impeditum, atque obseptum conspicatur, cō ilij incertus, atque consternatus animo tum verò in insidias delatum se intelligit: dumque aliud alij consilium sequendū censent, repentè maximis sublati clamoribus agrestes immixti pastoribus, superioribus è locis magno impetu illati, equites confusos, nullo certo ordine, parum certo duce, consternatosque adorti, locorum ipsi periti alios fugam paranteis intercipiunt, resistentis alios vulnerant, partem ex equis longurijs, pericis que deturbatam sparis, ac fustibus magis quàm telis percutiunt, partē ense, aut hæræa prostratos cædunt, captosque ad vnum penè omnes armis ac vestibus exuunt, secum-



que ad vicos atque oppida captiuos ducunt. Ludum hunc fuisse magis quam certamen illud planè docet, quòd pastores, equorum, telorum, armorumque vendendorum grati dum ad oppida vicinasque ad vrbes proficiscuntur, quo se strenuos, victoresque ostentare assumptis perticis, equisque impositi, ingressi urbem, dum concurrunt, dum pugnas meditantur, animaduersum est pastorum alios, quæ arma protegendis erant cruribus, et aptasse brachijs: alios quæ cubitis ea genibus inseruisse. Itaque in risum cum verteretur, qui ad spectandum plurimi conuenerant, iudicatum est à rudibus quoque atque beliorum ignaris hominibus, ingenium quam vires corporis administrando bello plus posse, fortunamque tum demum omnia sibi vindicare cum prudentiæ locus nullus fuerit etiam inter maximas opes, potentiâque relictus. Ex eo Antonius, ducesque Andegauensium, per agros urbium, quæ Ferdinâdo parebant, liberius discursantes, vicos plurimos diripiunt prædâque omnis generis in castra referunt, longiusque vagati terrore, atque formidine populos implent: spoliatisque impune agris aliorum ac villis, dum Cassanensium fines audentius populantur, strenuè insecutis Cassanensibus Nicolaum Antonium Rufum adactò per galeam telo, prostratum humi ac confestim cæsum amittunt, virum & corporis, & animi viribus pariter insignem. Hinc Rogianum quoque strenuè magis quam feliciter adorti, aliquot militibus amissis, à fossa moenibusque repelluntur. Hinc Sanctum Marcum tentare aggressi, exulibus deditione pollicentibus, fugati inde collubinarum, bombardarumque multitudine frequentibusque explosionibus vetera in castra ad Tabulariâ se recipiunt. Ex eo igitur duces ipsi in castris desedere. Namque Antonius per idoneos, ac fideleis homines qua erat animi infirmitate, atque ambitione, agitare cum Luca cœpit de sua cum Ferdinâdo conciliatione. Erat enim Lucas necessitudine Antonio coniunctus, quòd vtriusque uxores ipsedem è parentibus sorores erant, ex earum conciliatione uterque existimabat rebus suis optimè consultum iri. Itaque primò petere Antonius, dein postulare etiam à Baptista cœpit, Amantem sibi urbem restitui, quòd ea materno iure uxori deberetur, quo per hanc causam, si negaretur, castris discederet, sin concederetur, ut haberet oppidum inferum ad mare situm, cuius opportunitate ad eas, quas animo agitabat res percommodè vteretur. Baptista bonam primo spem Antonio polliceri, ille eo vehementius agere ac nunc precibus nunc muneribus contendere: dumque alter cauet, alterius ne capiatur artibus eò ventum est, ut uterque, ille causando, hic importunè agendo tempus tereret seque alternatim frustraretur. Tandem Antonius, ubi dari sibi omnino verba sensit è castris cum Neocastrum abiit, ab uxore se arcessitum simulâs, quòd agri eius, atque oppida illinc ab Iacobo Caraffa, Antonioque Caibano assiduis vexarentur discursionibus, expugnato penè Bellicastro, repente aggressu militumque ac ducum virtute hinc à Galeotto Baldasino impune populante, cum etiam compertum se habere diceret, Masium Barresam validis cum copiis aduertare. Hunc rex initio belli Venusie cum præsidio præfecerat, isque (ut erat acri ingenio, et magno atque elato animo) multa fortiter ac feliciter gessit. Nam non urbem modò eam ab hoste tutatus est, verum cum Ioanne Melfæ duce collatis sæpius signis conflixit, quibus in certaminibus non minus sæpè victor euasit, quam victus. Duo hi præstantes animis ac bellicis laudibus duces, nunquam manus conseruere, quin vtrinque summis conatibus in gentibus animis, haud minore sua quam militum virtute, imperatoribusque artibus ac muneribus decertauerint. Ioannes tamen suam ubique maioremque suorum nobilitatem prætulit. Ille, ut erat natura ferus, ac parum urbanis moribus, vix ab ingenio unquam discessit. Quo igitur Brutiorum rebus Ferdinandus prospiceret, Masium eò cum equitum ac peditum valida manu mittere decreuit. Itaque Antonius his usus causis in regionis vltiora concessit, atque haud multo post Sinopolim proficiscitur, eò consilio, quòd Gulielmus Rufus, capto ab se Carolo Rufo comite, patruo suo, & oppidum & agrum illius omnem occupauerat, ut eorum ipse res opera sua componeret. Nam Ruforum familie Errichecta eius uxor princeps erat, & ipse ambitioni seruiens, sibi non minus quam uxori satisfacere cupiebat. Horum post discessum Baptista sese Bisinianum contulit: nec multo post, quòd vici Cossentini, quæque hodie Casalia dicuntur, alij Ioannis, alij Ferdinandi partium erant, proque tempore ac rerum euentu modò huic, modò illi apertius fauebant, decreuit Baptista mentionem apud Dominicos erectam occupare, eaque occupata, finitimos vicos diripere: missis Rogerio Laino, Loisio Fogia, & Nicolao Stabia, cum ea peditum atque equitum,

quam



quam tunc habebat copia. Illi strenuè nauata opera munitionem capiunt, moxq; in prædam versi, vt què prædandi libido rapiebat, eò raptabundus ferri. Qui in vicis erant partim fugere, partim arma capere, seq; resq; suas ferro tueri, alius alij auxilio esse, modò hi, modò illi aut pellere, aut pelli, sauciare, aut sauciari, vulnera cædesque promiscuæ, victoria incerta esse, è Cossentia subsidia subinde mitti, equites, pedites misceri, confodi equi, substerni pedites, è tectorū culminibus iaci tela, tigna, trunci, saxa, tegulæ, plurimi ab alto vulnerari, superantium conclamatione ac cadentiū gemitu cælum consonabat. Iam verò balistarū fragore, dumq; arma franguntur ac clypei, sclopetorū displosione, & tonitru percussa nemora, vallesque mugiebant, ac circūfuso fumo lux è pugnantū oculis auferebatur. Ter eo die pro Aragonensiū Andegauicūmūe victoria aut fuga vicorū populares instructi, atq; in acie stantes, mutatis studijs, in hostē, seq; ipsos cōminas verterunt arma. Itaq; centuriones, præfectiq; dum nihil geri segniter, nihil remisse administrari patiuntur, vix è balistis sagitta, aut è sclopetis pila, iaculaue è dextris incassum emissa. Et adhuc tamen mars ipse anceps erat cū tandem post arma vndiq; cruore sparfa, foedatasq; tot cædibus vias, nox pugnantes diremit. Satis autē cōpertum est, qui in initio pugna cōmisere eorū haud sanè multam fuisse manū, Andegauicūsem tamen lectū militem, post verò ad quinq; millia armatorū, qui ad certamen diuersis è locis raptim concurrissent, manus contulerunt, è quibus cecidēre quingenti, plurimi vulnerati ex Andegauicūsis, qui fuere capti, à factionis fautoribus, aut ab amicis, cognatisue noctu ad suos remissi. In ea pugna atrocitate, præfectorū ne, an militū, ciuium, an qui stipēdia facerent, virtus maior fuerit, æquè ab vtraq; parte dubitatum: tanta ira, incensisque adeò militum ac popularium est omnium animis dimicatum. Hac pugna nuntiata Masius maturato itinere, instructus ad oppugnandum copijs, Bisinianum petit. Quod Baptista veritus, Acrim se contulit, ratus posse illic cautius Masij se conatus frustrari. Ille præmissis qui deditionem minitabundi tentarent, confestim vbi in cōspectum venit oppidi, ciuib; dedentibus Bisinianum recipit, diebusque aliquot militi de itinere fessio concessis, interim oppugnationi necessaria comparat, quibus comparatis ex improviso Acrim adoriur: cōmittitur pugna varia, atrox, cruenta oppidanis pro sua, coniugum liberorumq; salute ac libertate pugnantibus: hoste pro præda, pro victoria, quòd eo ex pugnatō oppido, nihil sibi reliquum futurum ad victoriam arbitraretur, ducibus etiam ipsis vtrinque suos hortantibus, ac nunc ante illorum ora manum conferentibus, nunc alios pectore apprehensos, alios tergo impulsos in aduersarium immittentibus, Marte intra vallum modò, modò extra munitiones sæuiente. Itaque multis vtrinque cæsis, aut vulneratis, non paucis vallo deiectis, aut è rupibus deturbatis edificijs quoq; vallo proximis immisso igni, ab ortu solis ad noctem vario certamine, dubioq; euentu pugnatū est. Dirēpta à nocte pugna, Masius, quòd fessis omnibus, vulneratis cōpluribus, nocturnis iter in tenebris peragendū esset per loca saltuosa, equitibusque parū cōmoda: hæc veritus noctē sine tabernaculis, absq; victu vllō sub dio, breui in cāpo, qui duos intra tumulos, non adeo ab oppido procul iacet, summa sua sollicitudine, ac militū cōsternatione egit, subinde trepidantiū, ne finitimis à populis, qui Martiano parebāt, auxilijs arcessitis, tumultuario ab illis adortu intercepti trucidaretur. Sub aurorā igitur equis, qui de vulnere inutiles erant, quiq; animā iam agebāt militibus in cāpo relictis, Bisinianū quòd quatuor aberat passuum millibus, citato gradu redijt. Iisdem quoq; diebus Octavianus Montiflorius, Masij præfectus circiter millibus passuū tribus ab Renda, cum in vico cōsedisset, quanquam à se pro tempore munito à Cossentinis exulibus, qui iter eius obseruabant, nocturno aggressu superatus, vix ipse solus euasit: cæteri ad vnum omnes capti turma integra virorum atque equorum amissa. Repulso ab Acri Masio, quòd diffideret vi se post id oppido potiturum, multa diu animo cum agitasset, visum est tandem, quòd per Milanū egit exulem, vt is explorato vndiq; oppidi situ, cognitisq; oppidanorum, ac Baptiste nocturnis institutis ac moribus, cum Blancino acri ac veterano milite oppidum minimè muris cinctum nocturnis vsus tenebris ingrederetur, singulaque exploraret. Quòd vbi abutroque factum est, Masiusque de oppidanorum institutis omnibus ab ijs edoctus est, cōsiliū iniijt, vt ij lectis cum militibus, ijsq; partim clypeatis, partim sclopetarijs balistrarijsq; sub primā noctem deceptis vigilibus flumen peruaderent.



ac monte superato, ubi collocata prima custodia oppidanorum erat, caesis vigilibus illic opperirentur, quoad ipse in plano cum copiis instructus, paratusque adesset. Est autem Acris summo in monte posita, paucissimis locis muro, ceterum vallo ac rupibus undique ferme cincta. Circiterque duobus millibus ab oppido passibus decurrit Cotilis fluvius, à cuius vado ad ipsum usque oppidum sensim assurgit arduo ascensu, montis dorsum quem Serronem incolæ vocant. Ad vadum Baptista consueverat singulis noctibus vigiles disponere, qui per tenebras aucuparentur si qui flumen transirent, statim id renuntiaturi. Igitur tranato amne, cum ob præfecti negligentiam, vigiles nulli ea nocte flumen obseruarent, militesque cum Milano, ac Blancino præmissi, taciti, absque ullo omnino strepitu ad custodiâ peruenissent, summo silentio custodes iugulant, de quibus suorum numero lectos substituunt, qui oppidanis signa de more custodum antea quidem explorata & cognita, redderent. Cum verò accepto signo ubi aliquantulum quiescissent, Masiû adesse cum copiis sentire, magno impetu oppidanis quiescentibus vallum transcendunt, Gattumque centurionem, qui vallum custodiebat, inermem, ac semisomnem capiunt: inde clypeati primi, post eos sclopetarij, balistrarijque occupatis vijs in forum irrumpunt. Quo à civibus ac militibus concursum cum esset, magnis utrinque sublatis clamoribus acre committitur prælium. Inter hæc Masius portam conatus diffingere, ab illis qui eò concurrerant, magno nisu repellitur, alijs tandem atque alijs succedentibus, facta est ferro per portam via. Milites turmatim ingressi, qua conferti irrumpunt, gladio sibi iter pandunt multa omnis generis hominum cedes passim facta. Baptista repentina re percussus, aliò atque aliò dimissis militibus, ipse cum paucis, veteris ad arcis tumulum confugit: illicque contra irrumpentes aliquantum cum stetisset, tandem superatus, ac penè circumventus ab hostibus, fuga sibi per rupes asperas, confragosaque montis loca vix consuluit: ac beneficio noctis usus, cum exiguo familiarium numero Lungobucum ( sunt autem qui Themesen olim hanc fuisse, propter metallorum venas arbitrentur ) se recipit. Capto igitur oppido, conuersi ad prædam milites, nihil sibi reliqui non ad prædam, non ad crudelitatem fecere. sacra, profanaque in promiscuo cuncta habita. Ducis ipsius iussu, Nicolaus Clanceoffus ferra per dorsum lumbosque adacta, medius secatur: rarum profectò, ac penè inexcogitatum sæuitiæ genus, ac supplicij exemplum. Inde haud multo post dies Catantiarium profectus, repentino mox adortu Simarim cum tēasset, re infecta alia atque alia via aggreditur. Id oppidum, quod esset in edito situm, quadamque è parte rupibus immineret, eo minus diligenter à vigilibus noctu custodiebatur. Itaque nocturno tempore ad motis scalis magno silentio Masius illam non exiguo armatorum numero occupat: qua occupata cum exercitus ab aduersa ei parte muros aggressus esset, illi superiore è loco magno impetu, maioribus clamoribus illati, intentos prælio oppidanos à tergo inuadunt, alios cedunt, alios vulnerant, hos è propugnaculis deijciunt, illos proiectis armis capiunt, breuique positi oppido illud diripiunt. Quod peruetustæ, ac maximè celebris quondam urbis Sibaris reliquias esse, sunt qui existimant: quippe cum haud multum inde loci dirutæ urbis vestigia ostendantur. Interea Alphonfus Centilia tribus cum equitum turmis, non satis numero peditatu, eoque maiore è parte tumultuario, Rocellam obsidebat. Id castellum abest Catantiario circiter sex passuum millibus. Castra eius hinc stagno muniabantur, illinc amne Coragio, qui circiter quingentos passus ab castris præterlabebatur. Id Masio cum esset cognitum, quatuor cum equitum turmis ac mille ferè peditibus, septingentis item armatis partim equitibus, partim peditibus qui eum lecti è civibus secuti sunt, Catantiario mouit, secundumque torrentem Masentium profectus, collem occupat Pergellum nomine, qui ab Coragio quingentos ferme passus distat: eo consilio, ut cum Alphonso confingeret, à quo paucis ante diebus provocatus ad certamen fuerat. Alphonfus confidenter eum in tumulto conspicatus, instructa acie confestim aduersus illum mouit, amnemque prætergressus, sub collem in via constitit, haud procul ab ora maritima, illic cum hoste manum conferturus. Contra Masius ubi transeuntem Coragium, atque aduersum se venientem hostem instructa vidit acie, suos è colle turmatim instructos descendere in planum iubet. Quod si Alphonfus quo impetu venerat, in primos confestim irruisset, nimirum profligatis aduersarijs, captisque, ut quisque è monte descendebat, suis incolumibus, voti compos in castra rediisset: cuius rei suis cum esset



cum esset à præfectis admonitus, iuuenili animo magis quàm ex ipsa re sumpto cõsilio, auersatus præfectorũ sententiã: Atqui, inquit, descendere omneis patiar ad vnum cunctos captiuos ducturus, ne cladis eorũ nuntius ad urbem redeat. Stabat in acie Alphonsus tribus cum turmis, præerat alteri ipse, alteri Antonius Caracciolus, tertie Ioãnes Cola, & ipse Caracciolus. Peditatũ moderabatur Galassus Ascarus. Masij copiarũ præfecti erant Losius Sangrius, alter Loisius Longobucus, tertius itẽ Loisius Gentilis, Octavianus Montiflorius, & Coletta Castellius. Initũ est præliũ ingētibus vtrinq; animis, stetitq; vtrinq; immota acies diutius, cum interim multi vulnerarentur equi, viriq; ducũ præsentia ad singulas cohortationes pugna instaurabat, & ipsi pugna edebat duces ante suorum oculos. Consiectus maior quã pro equitũ numero, ipsaq; paucitas virtutẽ excitabat, quod singuli à duce suo conspiciebantur, & ducẽ quisq; suum conspiciebat, nec pedes superari se ab equite virtute patiebatur. Itaq; offirmatis ab vtraq; parte animis vulnera infligebantur, pediti pedes, equiti eques, singulis penẽ singuli aut gladio, aut hasta sibi aduersi dimicabãt: hinc atq; illinc balistarij sclopetarij; vix incassũ aut pilas fundebãt, aut sagittas: eratq; euentus pugnae dubius, ac Mars ipse anceps, cũ repente Galassus balistaria transfixus sagitta, ex equo moribundus corruit, eodemq; simul momẽto aliquot cum eo, qui iuxta pugnant: casu quorũ consternati pedites, parũ militiæ affueti, cessere primũ loco, mox terga simul cuncti vertere. Quorũ fuga circumdatus à Masij milite Alphonsus, viribus, auxilioq; destitutus capitur, vix pauci ex eo numero euasere; castra statim direpta. Victor Masius cum præda, captiuisq; Catantiariũ redijt, magna ciuiũ lætitiã, ac gratulantiũ acclamationibus urbem ingressus. Per idẽ tempus Ioannes Trauersus Antonius Turrius, Stephanus Malenus, & Ioãnetus Moranus, qui Martiani copijs Scilacensi in agro præerant, fines Sanctæ Seuerinæ populati, ingentẽ pecorũ omnis generis prædã, multosq; mortales secũ captiuos perduxere. Post eã prædã è præfectis quisq; cum suis loca ad sua redijt. Trauersus ac Turrius Netensem in agrũ se cõtulere. Quæ res cum à Iacobo Balestra, impigro, maximeq; exercitato equite, Antonello Caibano significaretur, consiliũ Antonellus inijt sub prædandi specie, vtriufq; intercipiendi. Itaq; dispositis secundũ Netũ fluuium insidijs, circiter quingētos passus ab oppido Roca cui est de flumine agnomen inditũ, Balestram præmisit cum paucis, qui Rocæ portis insultans, hostẽ extra oppidũ repentinũ ad tumultũ extraheret. Trauersus, ac Turrius gregarijs timentes, qui pabulatum ierant, ex oppido egressi nullo ordine, ipsi eorũque equites parũ instructi, Balestrã consulto fugientẽ trans flumen insequuntur. Quod Antonellus vbi animaduertit, ex insidijs repente prodiens illos circumuenit. Circũuenti dum elabi ex insidijs, summis conãtur viribus, transfixi vterq; alter per tẽpora, alter per ilia adactis sagittis collapsi ex equis cæduntur, cæteri capti. Antonellus victor magna præda, eximijs caesorũ spolijs è pugna redit. Huius viri fidẽ, cõsiliũ, fortitudinẽ, sunt qui tollentẽ in coetũ Ferdinandũ sepius audierint, cũ illius ingenio acceptũ referret, quod ea regio tot paucis rebellantib. breui pacata, impẽriũ acceperit: idq; eò apparebat admirabilius, quod Antonellus omnẽ adoloscenciã, primã etiã iuuentutẽ in literarũ egerat studijs, otioq; ac libris deditus: post verò bellicis cum se negotijs tradidisset, eò laudis atq; autoritatis processit, vt & consilio præcipuẽ bonus haberetur, & conferendis manibus maximẽ auxilius, nec minus dux prudens, quàm miles strenuus, incipiendis atq; administrandis rebusq; par. Hæc dum in Brutijs administrantur, Ioannes Vigintimilius à Ferdinando missus, propter ætatis autoritatẽ, ac rerum gestarũ gloriã, mari ad Brutiorũ litus prouectus Antonium adiit, quoddã de conciliatione prius agitatũ esset, cum illo transegit: quibus transigendis illud etiã effectũ est, vt Ioanna Antonij, filia Masio desponderetur, conditionibus ex amborum sententia scriptis, vt sua Antonij liberorumq; eius essent oppida, agri & bona quæcunq; vxori hereditario iure deberentur, quæq; ipse olim tenuisset: Masius Castriuiuari dux declararetur, cum ijs agris, oppidisq; quæ ipse belli iure tenueretur. His conuentis, hacq; rerum gestarũ gloria elatus Masius, in fines Terrænouæ niuersis cum copijs digressus, oppidum ipsum statim recipit, itemq; Sanctum Georgiũ cuius arcẽ Rogeriũ Oriliam, equitem Neapolitanũ, duosque item alios nobiles viros immis arcis pinnaulis in rupes maximẽ præruptas deiici iussit: spectaculũ sanẽ horribilũ, immane, nouum, atq; ob crudelitatem ea tẽpestate per Italiã ab amicis aduersarijsq;



iuxta nobilitatum. Sunt qui factum excusent, quod cum Ioannes Barresa Masij frater in foro Cossentino, nulla honesta causa à popularibus in frustra concisus esset, hoc genere vindictæ vlcisci fratris ipse interitum voluerit. Inde aduersus Galeottū Baldasiniū profectus, qui, vt erat fluxa fide, ad Andegauicem iam descuerat, scalis nocturno silentio admotis, urbē nomine Oppidū capit, ac captam diripit, largaq; cum præda ad Terramnouā reuersus illic hyemauit, ac per speciem colloquij, veterisq; consuetudinis, Marinū Curialem, qui Giraciū tenebat, capere dū intendit, ille re per amicos cognita, dolū atq; insidias fuga maximè improuisa vitauit, tãta celeritate vsus, vt equus quo ferebatur, de nimio cursu in itinere exanimaretur. Inerant autē ingentes Masio virtutes tū corporis, tum animi, maximè firma laborū toleratīa, frigoris, calorisq; patiētia, quæ magna, victus eius plerunq; militaris, vestitus præ tempore, quiq; inter alios vix excelleret, perferendæ inediæ militibus ipse suis exemplum erat, honoris gloriæque appetitio insatiabilis, habendi cupiditas infinita, nec minus vt multa largiretur alijs, quam vt ipse possideret quamplurima: periculorum incredibilis despicientia, difficiliumque inceptorum summa audacia. Ira tamen, superbiaque vastum eius, vixque sui capacem animum deformabant. Itaque pace parta, compositisque regni rebus, Neapoli agens, obuiam cum haberet Ioannem Spathaforum, hominē sibi aduersum, ac maximè infensum, qui salutandi regis gratia in arcem accedebat, ira atq; impotentia præceps, gladio illum obruncat: quæ re in carcerem coniectus, aliquot post annos illuue, atque pedore obsitus, squalensque diem illic obijt: vir utique dignus mitiore animo qui esset præditus, quiq; si non magis grato, minus saltē seuerio principe vsus esset. Anni huius exitu, in campis qui Beneuentum inter Aipciumque interiacent, foedum certamen inter coruos, miluiosque exortum est, siue ostentum illud fuerit, prognosticumque futuræ ad Troiam pugnæ, seu naturalis contentio, quod multitudine locustarum ijs in campis eo autumnno prognatarum, quibus alites ipsi vescantur, pugnatum sit ob pastus cupiditatē. Primo igitur è certamine (nam bis pugnatum est) quod milui acrioribus magisq; falcatīs armati essent vnguibus, alisque vterentur patentioribus, maioresque captarent auras, corui cum discessissent inferiores, paucis post diebus, acsi imploratis aliunde auxilijs, rediere densiore agmine generis sui volucrū. Quod idem facitatum à miluijs. Cœpta igitur acri in aëre pugna, corui sensim quasi inuito consilio, arteque hac vsi, intra vineta subsidere, stātesq; aut supervitibus iam defrondibus, aut super editioribus ramis, truncoue eminentioribus rostra subrigebant, ingruenteisq; alis atq; vnguibus miluios suffodiebant rostris, quasi pugionibus. Itaq; cernere erat cadētes passim atq; exenteratos miluios, singulorumq; ad casum conclamare coruos, crocitatūq; significare victoriā & tanquam cohortari acie cantu, atq; excire pugnantes. Quo pugnæ genere cum certatum esset diutius, plenis tandem cadentium miluorum campis, ipsi tãquam in insidias delatos se intelligentes, pugnam deseruere, cōfessi volatu fugam, atq; alitis hosti super stragem volitantis victoriā. Hic verò elatus victoriā coruus, atque in cædem versus in stratos humi miluios sœuire, iramq; ac rabiem exercere, conficere rostro semineces, atq; è mortuorū aut capitib. cerebrum eeuere, aut hausta è visceribus in testina trahere vnguibus, carpere præcordia, ac discindere armos rostris; demum nihil iræ reliquum facere, nihil nō permittere rabiei. Atq; ex hoc certamine victor plureis dies perinde ac di reptis hostium castris liber, lætusq; passim ferebatur. Hanc pugnā, volucrumq; conatus tantos plurimi mortales spectatū cum venissent, quo stragem ipsi cernerent, per vineta, camposq; vagabantur. Itaq; alij pugnæ genus acre cruentumq; stragem alij tantam mirabantur. Erant qui vulnere vastitatem, & congestos quasi cæsorū acervos suspicerent, nemo tamen, qui non futurum breui contententium exercituum auguraretur certamen, partisque alterius calamitatem. Eodem anno Arenate Brutiorum agro mula equum peperit, pilo flauo, crinibus rutilis, oculis rufis: quem post Loisius Arenās ad Ferdinandum misit.



IOANNIS IOVIANI PONTANI DE  
FERDINANDO PRIMO REGE NEA-  
POLITANO ALPHONSI FILIO  
LIBER TERTIVS.



NEVNT ESTATE Masius animo agitans quibus maximè consilijs, quaq; arte aduersariorum res prosterneret, educto ex hybernis milite eoq; instructo paratoq; in expeditionem proficiscitur, positisque Medimam ad amnè castris in monte, qui est agri Plaisanatis, quanquā natura munito, manu tamen ipse arteq; erectis munitionib., munitiorè multo illum efficit, ferreisq; atq; aeneis tormentis circum dispositis firmat, eo cōsilio, ut relicto paucorum militum præsidio, vagari cætero cum exercitu liberè atque impunè posset. Parte ex alia hostium duces, arcessito Baptista Grimaldo Ioannis legato, qui per id tempus ad Sanctam Agatam agebat, eoq; duabus cum biremibus mari Arenatem in oram delato, conuenere Monasteracij, dieq; constituta ad Antonij fanum secundū litus maris, de rerum summa consultabant. Fuere autem qui conuenerunt ad fanum cum Baptista simul Galeottus Baldasinus, Loisius Arenas, Franciscus Gerunda copiarum Martiani præfectus, Franciscus Caracciolus, & Ioannes Cola eius filius, qui aliquot oppidis regionis eius præerant. Horum fuit omnium vna sententia, uti data Loisio cura rei frumentariæ, cæteri que commeatus, ipsi omnes coniunctis simul copijs, Masij inceptis obuiam irent. Itaque paucis post diebus, positis inter Philogathos ac Panagiam castris, pedite, equiteque illic recensito utroque, cum apparerent hostibus superiores, decreuerunt castra castris conferre: atque hac ratione, commeatu intercluso, illum aut ad deditionem cogere, aut gladio rem experiri. Quam ad rem interceptæ Antonij ad Masium literæ, illorum animos mirum in modum confirmauerant. Monebat enim ante aduentum Iaimi Centiliæ fratris, qui propediem affuturus esset trecentis cum equitibus, lectaque peditum manu, ne quo pacto manum consereret. Quo cognito, hostes ante Iaimi aduentum decreuere cum illo congregi, rati (quod post successit) superiores se futuros: motisque confestim castris, haud procul Plaifano metantur, quingentis non amplius passibus ab Masij castris: quo die leuia quædam certamina inita, postridie verò ex eo loco digressi ad flumen proficiscuntur, eo consilio, uti munitis ad Sanctum Philum castris, & prohiberent, ne comportari ab Semenaria commeatus posset, & tentarent trahere illum in certamen. Masius igitur (qua erat animi impotentia) venientem in acie conspicatus hostem, expediri arma in castris confestim iubet: ac relicto Alphonso cum præsidio, qui castris præesset, ubi suos conuenisse instructos videt, huiusmodi est eos oratione adhortatus: Ad prædam potius, quam ad pugnam quo vos horter milites, monet me tot prælijs spectata virtus vestra, cui non mœnia obstitere, non rupes, quin ipsi quocunq; tentastis, vi, ferroque irruperitis. Ferro vos intra munitissimas vrbes viam vobis mihi que aperuistis, ferro æquis in campis prehensum hostem non semel profigastis, ubiq; victores, ubique hostium potiti. Aduentante ipsi cernitis, ignauissimo cum exercitu, imperitissimos duces, eosdemq; inter se maxime discordeis. Et hæc quoque ignauissimorum militum messis secanda vobis ferro est. Agite igitur fortissimi socij, irruite in eos quo soliti estis robore, quibusq; vincere consueistis animis. Hac vna acie, hoc vno certamine (mihi credite) deletis his copijs, regio omnis nostra est. Hac igitur acie, hac vna pugna parate vos, ad colligendos quos par est, quos fortitudo manet vestra, quam maxime vberes laborum vestrorum fructus. Ego dux, ego miles ubique periculorum socius atque hortator adero. Hæc ubi dixit, in hostem instructa acie è monte descendit. Parte alia hostium duces instructis ordinibus procedentem Masium conspicati, impedimentis ad sinistram accliu in loco constitutis prægrediente peditatu aduersus illum feruntur magnis clamoribus, summa alacritate. Duces ipsi suos quisque hortantur: Agite milites, nocturnos hos latrones luce in media quos indepti estis, cædite gladio, figite hastis, sternite iaculis, liberate regionem



hac peste, vindicate à sicarijs patriam lux vobis auxilio est. Noctū per fraudē, per insidias in tenebris pugnare soliti, quod videtis, aduerso oculis eorū sole procedunt, videlicet assueti in latebris, dum conspectū hostium reformidant, improuisos ardoriri. Hæc dies, hæc lux, vestra dextra, animorū vestrorum robur libertatē populis, vobis diuitias, gloriā, decus, otiumq; comparabit. His vtrinque duces militē quisq; suum adhortantur. Et iam signa canere incipiebāt. Erat medio vtriusq; exercitus cōuallis nullo accessu aut calle, nisi qua publicū iter, ac peregre incedentiū via. Itaq; aduersarū partiū duces quod intelligerent Masium, quo impetu rapiebatur, conuallē trāsiturum, alam à sinistra lectis simorū equitum collocarunt. Ille ad conuallē ut peruenit, turmas equitū quatuor, aliam post aliā trans conuallē immisit. Hæc consertis acriter manibus, peditatu hinc, illinc hastis equos transfigente aliquāto iam superiores aduersarios propellebāt. Aderat ipse inter primos dux, ac nunc ante suorū ora ferri, nunc gladio hostē petere, peditem immittere, hortari voce, significare manibus, adesse se periculorū sociū, atq; adiutorem. Nec verò duces aduersarum partium nō & ipsi ferire, cedere, in hostē incurrere, vulneratos ex acie subducere, integros summittere, virtutē, ac fortiter facta suorum extollere, eleuare aduersariorum: cum iam in hoc statu rerum quinta à Masio immittitur turma, è cuius pugnae euentu in alterutram planē erat partem victoria inclinatura. Itaque nihil à militibus, nihil ipsis ab ducibus omitti, exanimari equites, exanimari pedites, æstu, labore puluere, vulneribus, equi plurimi transfigi, pedites equorum impulsibus passim sterni, ungulis atteri, sauciari, cædi. tum Masius eo acrius instare. Nam si ut aliās, hanc quoque mouisset loco turmam, hostes ibi in fugam versurus erat. Itaque summis viribus nunc solus in hostem ferri, nunc alios secum rapere, hos dextra, illos clamore impellere. Hic verò hostium duces (quod rem in summum adductam discrimen intelligerent, aduersariumque fessum iam, virosque atque equos defectos viribus) alam illam recentibus equis, virisq; à sinistra immittunt tanto impetu, ut ea impulsu suo disiectum hostem dissipatūq; nullis yltra sustentatum subsidij in fugam verterit. Dux ipse decem cum equitibus è manibus hostium elapsus, Semenariam quammaximè citatu cursu cōtendit. Fugientem pauci ex hostibus insecuti, in queis Capacius Capanus, qui dū ab alijs deseritur, ab alijs qui cum Masio fugiebant, captiuus Semenariam ducitur. Strages fuit equorum maxima, peditum, equitumque plurimi sauciati. Masianj penē omnes capti, cæsi equites aliquot strenui ac fortes viri: in ijs Gulielmus Rufus sclopetaria pila traiectus, & quidem dignus ob animi, generisque nobilitatem longiore vita vir. Dumq; viatores ipsi ad spoliandos qui cæsi iacebant, phaleratosq; cōuertuntur equos, Loisius Gētilis è Masij præfectis stratus humi, grauatusque vulneribus repertus est: quodque eò in congressu in galeæ suæ cono insigne ferebat, quod ferre Masius alijs esset in pugnis solitus, dum fama fertur esse Masius, è finitimis oppidis manus que in castris tum erant in illum versa, corporis eius vix partem aliquam, que nō aut telo, aut ense, aut pugione petita fuerit, intactam reliquere: tanta propinquorum oppidorū populi in Masium irarabieq; incensi ferebantur. Victor inde exercitus ad expugnanda castra profectus, acriter ea aggressus capit. Alphonfus inter dimicādum, vallo furtim egressus, Burrellū fugapetijt. Hostes castris potiti, quatriddum in ijs quieuerunt, dum vulneratos curant, recentisq; captiuis prædam partiuntur. Inde Semenariam profecti, duobus circiter passuum millibus ab oppido Petracē ad flumē metantur, rati oppidanos deditionē facturos, dū agrorum vastationem minimè toleraturi videntur. Cum interim exercitus rei frumentariæ extrema penē inopia laboraret, ut qui armentariæ tantum prædæ raptō, animaliumq; aleretur visceribus, triticoque subuiridi è messibus vixdum maturis excusso, eoq; aut pruna, aut caldarijs excocto. In hac itaque deditionis expectatione cum essent, Baldafinus cuius ut corporis, sic animi quoq; incomposita ad modū, ac vastæ vires erant, leuissimas ob causas, ira atq; indignatione præceps, equestris militiæ quosdam alios hasta, alios fuste cum percussisset, tumultuātem penē omnem in se exercitū traxit, dum equites alij, dum equitū præfecti indignè, impotenterq; ab illo factum ægerrimè ferunt, criminantiumque in castris audiuntur clamores. Is igitur ut erat animi impotens, atque intractabilis, conclamatis vasis, repente è castris se proripit, profectusq; in agrum Giraciē sem, maritima in ora cōfedit. Quo facto duces alij, quod impotentia hominis, furiasq;

nec pre



nec precibus, nec ratione vlla lenire potuissent, & ipsi dissoluto exercitu ad oppida quæ sua, agrosque reuerſi sunt: cognitumque præcipue tunc est Baldasium, cuius in Europa clarum admodum nomen erat, quod sæpius in singulare certamen cum prodijſſet, victor semper euaserat, vires illas corporis admirabileis, tantamque membrorum dexteritatem, animi morbis, moribusque fœdasse intolerandis, naturamque ipsam, qua gignimur, quibus hominibus corporis attribuendis viribus maximè consuluerit, eisdem animorū conferendis viribus æquè vix vnquam prospexisse. Quippe quæ huic viro parū pensī nihil omnino moderati indiderit, cuius animus esset trux, violentus, inexorabilis, vastus in cupiditatib. fœdus, crudelis immanitate etiam fera. Huc accedebat, quod in tanta elatione, hominūque despicientia, bellicis in rebus parum se pro hominum opinionione, veterique dignitate gesserat. Is igitur Brutianum in agrū è Giraciensi profectus, turrim quæ Brutiana dicitur die noctūque cū acriter oppugnasset, irritō inde incepto abiit: cumque castellis ab alijs esset repulsus, quod Alphonsus Centilia magnum in singulis peditū præsidium imposuerat, quodque intellexerat Alphonsum Ferdinandi filium mari ad oram Cossentiam appulisse, validisque comparatis copijs cum Antonio et Luca simul aduersum se parare expeditionē Rocellā se cōtulit, distributisque per oppida quæ ei parebant militibus, decreuit illic Alphonsum expectare. Inter hæc post Baptistæ Legati discessu Loisius Arenās sibi, rebusque suis iuxta metuēs, per Alexandrū Tofum veterē familiarem egit cum Alphonso de conciliatione. Eo igitur dedito receptisque oppidis omnibus quæ sub eius ditione erant, Alphonsus aduersus Baldasium proficiscitur. Ferdināndus enim pater cum intelligeret Brutiorum res laborare præfectorū ambitione, ducūque suorum seditionibus, decreuit eō Alphonsum, qui esset liberorum suorum omnium natu maximus, mittere, fore ratus, vti duces, præfecti, procures, regionis vniuersæ populi, Alphonsi dictis iuxta omnes parituri essent, imperataque obtemperanter facturi. Is itaque è portu Neapolitano soluēs duabus cum triremibus, felici navigatione vsus acceptusque à Luca quàm familiarissimè, per eius agros Cossentiā profectus, ibique cōuentu habito cum ac procerū, qui patris imperio parentes tunc erant, coniunctis simul copijs ad obsidendā Rocellam progreditur: Id est oppidum Ioniū ad mare situm, naturaque ac manu satis munitum quod Baldasius præualidō tuebatur cum præsidio peditum atque equitum. Itaque oppugnatio perdifficilis erat, multique quotidie balistarū, eneorumque tormentorū crebris excussibus sauciabantur: & quanquam obsidio ipsa apparebat futura diuturnior diffusus tamen Baldasius rebus suis, quodque acerbissimè imperitasset, sibi prætimens sub speciem aduehendorum è Sicilia auxiliorum, triremem ascendit quæ ad ancoram stabat, noctūque cum liberis in Siciliam nauigauit; cohortatus prius milites, vti fidei, amicitiae, pristinaeque fortitudinis memores essent, breui se affuturum pollicitus magnis cum auxilijs, bellicisque omnis generis instrumentis, diemque expectandi suum cum illis statuit. Alphonsus ubi intellexit Baldasium relicto oppido in Siciliam nauigasse, eo acrius oppugnationi intentus erat. Itaque nihil remisse ab suis agi sinere, nihil apud obsessos quieti esse, summa omnia diligentia administrare, tentare obsessorum animos, ac maximè militum, pellicere eos ad deditiōem pecunijs, præmijs, pollicitationibus. At milites quanquam obstinatis animis obsidionem, diurnosque ac nocturnos labores non minus pertinaciter sustinebant, quàm fortiter: tamen cum ille nec statutam redijſſet ad diem, nec aut reditus eius, aut auxilij reliqua esset spes vlla, atque indies omnia apparerent difficiliora cum se denique frustra à Baldasino habitos intelligerent, scriptis cōditionibus, seque, atque oppidum Alphonso dedidere, popularibus publicè priuatimque data venia: milites plerique acceptis stipendijs in Ferdinandi verba iurauere. Quod exemplum alia item oppida quæ Baldasino parebant, secuta statim sunt, qui que item equites in illis erant. His peractis, Alphonsus compositis pro tēpore populariū rebus, Pentedaetylos cum exercitu proficiscitur: quod castellū millibus passuum quatuor abest à litore. Castellani haud procul à castelli porta munitionem longè prius erexerant, quam Alphonsus tanto est aggressus impetu, vt castellani metu perterriti, ea destituta intra castellum se reciperent, quibus trepidantibus immixti hostes castello potiti, illud diripiunt. Maritimam inde per oram instructo exercitu procedit ad Mottam Anomeriam, tentatisque animis Mottanorū, cum deditiō negaretur, iussit tormēta ab Rhe-



gio festinari, interim munitionem summo studio erigi: quodque solum esset glareosum materia ex arborum ramis caesa, parum poterat aggesta, quæ male inhæreret, terra contegi, cum aggeres lignea, quàm terrena materia magis constarent, quodque æstiuu torrerent calores, breui materia omnis aruerat. Hoc animaduertens Mottæ præfectus, qui hostibus in constituendis munimentis quasi timentis speciem præbuerat, nactus occasionem flantibus auris, die medio ignem sulphurea admistum materia immisit, raptimque omnis ea aggestio conflagrauit. Quod ægerrimè cum ferret Alphonsus iussit denuo aggeres restitui, quod esset futurum bombardis, atque eorum excubijs munimentum. Quibus reficiendis magnis laboribus permulti dies consumpti cum essent, bombardæque expresscripto collocatæ, valido etiam præsidio illis imposito, rursus præfectus nocturno tempore, comparatis prius sulphurei pulueris sacculis, vasculisque item olei, magnoque silentio, cõsperfis oleo exterioribus tabulis, sacculisque passim iactatis ac sopitis de multa lassitudine vigilijs (nam & ipse ad multâ eos noctem defatigauerat) ex improviso inferri ignem iussit: quo statim comprehensis vndique munitionibus, vno omnia tempore ignibus ambusta sunt, tela, clypei, thoraces, armorumque omnis generis non exigua copia. Vigiles tandem exciti flammarum strepitu, materiæque crepitantis fragore, adhæc illorum vocibus qui è muris in clamabant, vix incendio elabuntur: hinc fumo conspectum eripiere, illinc flammis fugâ impredientibus. Igitur vbi sol illuxit, castellani irridere vanos militum labores, contemnere tot operas, tot irritos conatus, ludere, cachinnari, exprobrare. Illi dolere tot dies incassum absumptos, pudere ignauie, accusare præfectos: hi vigiliam socordiam, cœnas, atque intempestiua conuiuia. Alphonsus ira, indignationeque angi, turbari, penè furere. In hac itaque eius perturbatione ludificatisque consilijs, hostes qui extrema laborarent aquæ penuria, per hominem Antonio Centiliæ cognitum, cuius cõsilio atque opera Alphonsus in primis utebatur, egerunt cum illo de deditioe. Antonius in re præsertim desperata, hoc cognito, ad Alphonsum properat, rem explicat, hortatur, monet, oblatam deditiois occasionem elabi è manibus ne patiat. Cuius autoritate persuasus Alphonsus cõditionibus statim subscribit: castellumque ingressus, vbi comperit aquæ reliquum quantum eo die satis esset, neque amplius castellanis esse, admiratus hostium solertiam, ac fidem, maximis extulit eos laudibus. Anomeria recepta ad Mottam Russam copias admouit, perfectisque summa celeritate, non minori studio munimentis, collocatisque tormentis æneis, ijsque de cœlo asperrima tempestate tactis, maximo exercitus terrore, cuncta cœlitus exarserunt, fulminisque afflatu quatuordecim intra munitiones ex præsidiaribus exanimati. Sancius Agerba munitionum præfectus eadem procella attonitus, vix post dies plurimos ad se rediit. Restitutis verò munitionibus, multis laboribus, magnis operis, cum nihilominus castellani pertinaciter se defenderent, Antonius quidam, qui è monacho per summum scelus factus esset miles, atque ob morum improbitatem agnominatus Gabadeus, cum esset ipse vnus è turris custodibus, obtulit popularibus, clam se transiturum in hostium castra, tormentaque clauis ferreis confixurum, ne displodere post id possent. Cuius cum esset cõsiliu ab illis laudatum, ipse furim castra ingressus Centiliam adit, offertque proditurum se Alphonso turrim soluto pretio, signaque ac diem constituit. Re ab Alphonso comprobata redit intra castellum, hoc prius cum Centilia composito, vt perinde atque tormenta confixa clauis essent, ne quo modo aliquandiu disploderent. Reditus eius maximè acceptus popularibus, præsertim non displodentibus bombardis, confirmata fide promissorum. Igitur Gabadeus diem ad dictam turrim ascendit, aliquantumque castra munitionesque conspicatus, ac si magnum etiam aliquid animo aduersus hostium munitiones agitaret, quod sol esset ardentior, rogauit socium, qui vnus cum ipso ascenderat, pileum ad se vti deferret feruentissimū sub estu integendo capiti. Itaque ob eam ille causam vbi è culmine descendit in imum turris, confestim Gabadeus subductis sursum repente scalis, palliū hasta infixum, quod signum proponendum conuenerat, è propugnaculis prætulit. Milites, qui ad munimenta instructi parati que aderant, signum conspicati, turris ad Vallū magno impetu concurrunt, atque inde intra turrim excepti in castellum irrumpunt, captumque confestim ac direptum, atque Alphonsi iussu incensum est. Turris ad solum diruta populares magnis propositis supplicijs ni parerent coacti Rhegium commigrare. Tentata inde it-



inde incassum Sanctagatha, cum oppidum esset maximè omnium munitum, ac ciues ipsi supra omnes mortales Andegauiensis factionis studiosi, Baptistaque haud inuailidum secum haberet præsidium, decreuit Alphonsus Cossentiam regredi, apud Flumariam oppidum aliquantum temporis Centilia cum copijs relicto. Biennium inde Baptista, pacata iam vniuersa regione, vexauit finitimos, magnis prædis sæpius abactis nec prius oppidum sese dedit, quàm Ioannes è Massilia Baptistæ scripsit, suadere populo deditiōem: quam ijs populus conditionibus fecit, uti sub Bartholomæi Cardinalis moderatione esset oppidum, fraterq; eius Florius ius eis nomine Cardinalis diceret. His peractis Baptista, fide publica ab Alphonso accepta, cum ijs omnib; qui remanere in patria recusarunt, Messanā primò in Siciliam traicecto freto, Narbonensem inde in Galliam ad Ioannem mari delatus est. Hæc per id tempus in Brutijs gesta.

## FINIS LIBRI TERTII

IOANNIS IOVIANI PONTANI DE  
FERDINANDO PRIMO REGE NEA-  
POLITANO ALPHONSI FILIO  
LIBER QVARTVS.



AD EM Æstate Tarentinus adulta iam in campis segete, cum omnes in vnum coëgislet copias, infestissimo exercitu Andriam petit, castrisq; propius admotis, obsidionem quam destinauerat pertinacissimè aggressus mœnia pluribus simul locis quatit, nihilque remissum, aut quietū esse apud circumfessos, & laboranteis finit. Quoq; à Francisco duce magis magisque ciuium alienet animos, atque atrocius terreat, non solum agros vastat, diruitque ædificia, sed domos, atque frequentia vrbs loca æneis tormentis die ac noctu quassat, non sacris, non profanis abstinent. Apparebat illum ita necessitudinis & humanitatis oblitum, ut nihil præter vrbs eius ruinas, præter Francisci ac Pyrrhi sanguinem, Bauciæque excidium gentis cuperet, odio atque immanitate præceps. At Franciscus, quod vnum, ac maximum obsessis vrribus remedium ac præsidium esse solet, ciues humanissimè alloqui, appellare singulos, sua maiorumque suorum publice, priuatimque benefacta memorare, de rege liberalissimè polliceri, auxilia propediem affutura dicere: nec passurum fortem atque amicum regem, deditissimum sibi populum, benemeritum ducem, cum gente Baucia, cum vxoris suæ sorore, indefensos, desertosque, hostis prædam, ac Tarentini spectaculum fore. Hæc aliaque ingentè præ se spem ferens cōmemorat. Nec verò Sanxia vxor, virilis animi matrona popularibus suis deerat, discursare per urbem, sua præsentia, sua oratione plurimum spei, plurimum illis firmitatis addere, vulneratos solari, egentibus subuenire, in summis difficultatibus summum robur ostendere: omnia ab utroq; dici agique, quæ cōfirmandis animis, leuandis laboribus, solandisque præsentibus malis conferre intelligebantur. Regem verò literis ac nuntijs quo in statu res essent, certiore facere, rogare uti quamprimum auxilia mitteret. Se indies magis ac magis premi, populum Andriensem imbellem, verendam hominum inconstantiam, præsertim in magna annonæ difficultate, arcem in vrbe nullam esse in quam confugiat: itaq; vrbe amissa, ne spem quidem reliquam aut tutandi sui, aut illius aliquando recuperandæ. His rebus permotus rex, quod vnum tunc afferre auxilium poterat, nondum enim à Pontifice, atque à Francisco Sfortia stipendium militibus missum fuerat, & ipse magna laborabat ærarij difficultate, Alphonsum Daualum, qui Arianus in Samnitibus hyemauerat, quanto celerius possit, subsidio ire iubet, pecuniamq; quantā pro tempore poterat, ad eum mittit. Magnis interim Andria in periculis versabatur: mœnia pluribus locis corruerant, deiectæ è turribus plures, corruentium murorum ruinis fossæ impletæ: plurimi intus dum aggerem extruunt, dum propugnacula erigunt, vulnerantur, non pauci etiam cadunt. Iulius Antonius Tarentini gener, quod



Picininus Francisci res perditum iri nolle, propter veterem amicitiam putaretur, autor atque hortator nihil reliqui facere, nullam obsessis intermissione, nullam quietem diurnam aut nocturnam esse pati. Cæterum nõ exiguum ad salutem popularium remedium erat, quod Andria non modica è parte antris habitatur, vnde sunt qui nomen duxisse illam credant, his se pleræque mulieres, atque imbellis etas cõtinebat. Franciscus dux, dum ijs qui ad aggerem laborabant, socius atque adiutor adest, dum suos confirmat, cognitus ab hoste parum abfuit, quo minus tormentario ictus lapide sub corruentis muri ruina decumberet. Quotidiana prælia conferebantur, ne quietæ quidem à certamine noctes erant. Hinc atque illinc multi vulnerati, aut occisi. Quo tempore Franciscus dum laborantibus suis equo vinctus noctu accurrit, atque ante eum facula incensa præfertur, atroci colubrina Tarentini iussu petitus est, quæ posteriorem equestris sellæ partem secum auulsam trahens, illam tamen illum solo deturbavit. Adhæc hostis ipse, quo præsidarius Pyrrhi miles defatigatione, vulneribusque confectus, rem Andriensem imbecilliolem redderet, de industria repentina certamina excitari iubebat, ac subinde ad arma concursari. Mittitur etiam à Francisco Barolum ad Barnabam, qui tum rei Barolitane præerat, uti peditem quo ipse maximè egeret, quoque illum paucis antè diebus iuvisset, confestim remitteret. Nam quia corona cingi urbem passus non esset, facilis adhuc intra muros illi exceptus foret. Quod ab illo, dum sibi, rebusque Barolitanis vehementius timet, pernegatum est. Dum hæc ad Andriam geruntur, Mineruinum à Pyrrho ad Tarentinum, missis ab illo qui oppidum acciperent, deficit. Qui Pyrrhi partes fouebant, eorum pars in arcem cõfugiunt, in qua Maria Donata, Pyrrhi coniux cum parvis liberis, ipsa grauidia, & maturo propè partu erat, quorû bona statim direpta sunt. Arx, ne quæ ijs qui in eam confugerant fuga patèret, nèue intra accipi præsidium posset, ab ijs qui Mineruinum curabant, præsidio imposito cingitur. At res Andrienses quotidie magis ac magis ad excidium spectabant, frustra subsidium expectabatur: & quanquam in hac obsidione maximè cognitum est, nullum firmiter ciuium benevolentia munimentum esse, tamen cum animi omnium fessi viderentur, spesque indies minor esset, ab hoste verò quæ ad oppugnationem pertinerent, summa cura administrarentur omnia, annonæ propè nulla esset, præter hordeaceum panem, cumque paucissimorum dierû, resque in angusto versaretur, & iam Alphonsus aduersus regis præscriptum in Samnites, Pelnosque iter diuertisset, nec à Barolo subsidium veniret: tum verò primum Franciscus dux necessitate victus cogitare de conciliatione cum Tarentino cœpit. At nihilo imbecillius, aut minus strenuè in tanta militum paucitate, moenia, turreisque tutatus est, centum quinquaginta bombardis oportuna per loca dispositis, ut ne ipsas fossarum ripas attentare hostis vnquam sit ausus. Quocirca faciundo cuniculo, quo intra urbem noctu irrumperetur, magna cura dari operam Tarentinus iussit. Re autem à Francisco cognita, nihil ab eo omittitur, quo frustrari hostium conatus posset. Itaque dum irrumperere hostis intra muros parat, Franciscus patefacto cuniculo suo, sublati clamore in hostem fertur: & quanquam ignis, incendijque fomenta parata erant, quo vrere illos ad vnum intra cuniculum destinarat, religionè tamen victus, ac rerum humanarum memor abstinere incendio iubet, captosque, atque armis exutos illos, ac per domos distributos familiariter accipi à ciuibus imperat, atque vbi illuxit, benignè appellatos in castra cum vestimentis remittit. Qua è re illorum ita sibi deuinxit animos, uti reperti ex eis fuerint qui per famulos, aut amicos suos clam frumentum, cuius inopia premi urbem sciebant aut intra urbem immitterent, aut in ipsas fossas excipiendum noctu ab oppidanis deijcerent. Quibus artibus aliquot diebus fames in vrbe tolerata est. Cui rei Tarentinus, quod prospicere nullo modo posset, dolore, rabieque conficiebatur adeo, uti sagittis balistarijs veneno delibutis tollere Franciscum è medio, pretio corruptis balistarijs tentauerit. Igitur cum ab illo tentandi gratia noti quidam homines missi intra urbem ad colloquium essent, atque in ijs Laurentius Miniatus, vir vtrique propter syderum cognitionem notus, & ob animi integritatem ac fidem gratus admodum, atque acceptus, agere cum eo Franciscus statuit de conciliatione. Sed cum animo destinasset sese nunquam in Ioannis Renati que nomen, verbaque iuraturum, quod Tarentino nequaquam displiciturum intelligebat, ita quidem conuenit, uti Franciscus seque urbemque in fidem



Tarentini permitteret, scriptisque in hanc formā conditionibus, diebus nouē & quadraginta, ex quo obsideri coeperat, deditur. Quæ res in Ioannis animum altius descendisse dicitur. Pyrrhus filius noctu cum paucis equitibus, ut qui Tarentini cōspectum adire, ac ferre nollet, fugam arripuit. Facta deditione, rebusque è formula cōpositis, Tarentinus ad arcem oppugnandam, Mineruiniū partem exercitus mittit, ob Pyrrhi fugam longē infensior factus. Qui postquam nec precibus, nec minis tentatam impellere ad deditionem Mariam nequit, arcem non minus crudeliter, quā pertinaciter oppugnari iubet. Concutitur itaque assiduīs tormentorum ictibus: labefactantur pluribus etiam locis muri. Ipsum quoque gynæceum, ubi mulier pleno uterō, languenti corpore, ingētibz victa malis sese continebat, patruī iussu plus etiam quā hostiliter pulsatur, oppugnationem tamē verius quā obsidionem supra muliebreū animum fortiter sustinet. Addit igitur eius constantia, obstinatioque propugnatoribus animum, paranturque ab ijs ad propugnandum opportuna, quantum ars, quantum pertinacia valet. Quæ res Tarentini animum eo acius irritabant. Itaque eius iussu expugnationi necessaria, mira celeritate, summo studio, diurnis, nocturnisque expediuntur laboribus. Quoque Mariæ prospectum foedet, ac lucem ipsam, qua nihil est mortalibus gratius, ante os illius, oculosque suspensio confectū hominem in iugo statui iubet. Circumsonabant omnia minarū, ac terrorū plena, palamque audiebantur voces, quibus significabatur foeda exempla, atrocis cruciatus, crudelia supplicia parari. At verò significatum ubi est ei, Mariam morbo simul, partitūdineque aggrauari, victus pietate senis ac patruī animus, memorque ex fratre, quem vnicē amasset, genitam (adeo in acerbissimis etiam odijs naturalis persæpe recurſat affectus) quotidianum ad eam victum deferendum curauit, qualis languentibus dari solet. Hæc ad regem perlata cum essent, eius animum vehementius perculſere, mouebant amissa oppida, in primis verò ne quid in Franciscum: ducem crudelius admitteretur. Inexoribilis enim Tarētini animus iure plurimū suspectus erat. At Maria quod nulla vltius tendæ arcis spes esset, muri solo æquari, munimenta euerſa, ac disiecta ab imo essent omnia, nullum denique auxiliū paratū intelligeret, nec sustineri iam oppugnationi posset diutius, capta verius quā dedita, exuta penē bonis omnibus, ac male dictis oppleta, cum liberis Spinaciolā à patruo mittitur. In eos, qui in arcem confugerāt seuitum est. Arce capta, Mineruino mouēs Tarētinus, Canusiū proficiscitur, Acris præcipue potiundæ cupidus. Intelligebat enim Canusio capto, Barolum, & quicquid trans Ausidum esset annem, breui suam sub ditionem iturum. In hac obsidione illud auarē nimis, impotenterque admissū est, quod dum thesauris inhiatur absconditis, ne à sepulcro quidē maximi principis Boamundi temperatum est, quod aliquot etiā seculis, atrocissimorum quoque bellorum turbinibus intactū, inuiolatūque extra urbem in Sabini tēplo magna quadā religione permanſerat. Quod facinus palam docuit maximē foedum ac detestabile animorū malū auaritiā esse, sacra profanaque in equo eam ponere, rapiēdi licetiā summum ius ducere, nullū deū metum, nullum honesti respectū habere: id deī de cere fasque esse existimare, parto quauis ratione plurimū abūdere. Sunt qui Tarētini hoc iussu, alij Picinini factū criminētur. Illud satis constat, Tarentini iussu euulsas fuisse templi fores, ex ere constatas, quas post ipse tēplum ingressus religione ductus restitui iussit. Ceterum Canusium urbem fuisse ciuibz, aduenisque maximē frequentē, secundumque Ausidum flumen positam, emporiumque regionis eius ambitus ipse ac situs argumēto est. Nam & Cannensis cladis tempore, multa Romanorum millia, quæ illuc confugerāt amicē liberaliterque accepta paui, et ad Viscardi vsque tempora caput regionis fuit. Quam ob defectionem, expugnatam, incensamque, ac solo æquatam memoriæ proditū est à rerum scriptoribus, ijsdem ferē quibus à Roberto temporibus Roma quoque magna è parte incensa est, dum Gregorium Septimum Pontificem Maximū illic circumfessum, ab ira Errici Tertij ereptū liberat, ac Salernū secum ducit. Aedificatū autem ab Diomedē vnā cum Harpis ac Siponto, nō defunt è Græci qui tradant, dū Eoropā, atque Africā ferē omnem colanias esse suas volunt. Tempestate verò hac nostra præter tumulū, in quo arx tunc erat, præterque Sabini templum quod extra tumuli muros situm est, solo iacent æquata omnia, visque aliquod tantę vrbis vestigium extat: cuius profectò excidiū non parū videtur cōtulisse Borali affinis oppidi frequentię ac celebritati, dum propter



agri vicinitatem, rerumque opportunitatem maritarum, ciues patria amissa eò còmi-  
grant. Siquidem Heraclius Imperator dum transportandis à mercatoribus, ex Apulia in  
Macedoniam Epirumque præcipuè mari, prospicit mercibus, dum nauigantium saluti, o-  
nerandarumque frugum còmoditati, publicisque portorij ratione hac consulit, molem eo  
in litore iecit: quæ nunc quanquam partim oppleta est ciuium ob negligentiam, partim  
nullo reparâte maris quassata fluctibus, magno tamè vsui est onerâdis atque exonerâdis  
nauib. Extat etiam ænea Heraclij statua, quæ ad molis initium ob eius iactæ memo-  
riam tunc erecta fuit, id quod statua ipsa etiam dextra protenta significat. Hæc dum à  
Ioâne Antonio geruntur, Ferdinandus signis ad Sueffulam in Cápania de more lustratis  
dieque ad còueniendū dicta, ipse modicis itineribus in Samnium profectus secundum  
Lauellam (id riuo nomen est) castra posuit. Ibi viginti dierum, dum eques conuenit, sta-  
tua sunt habita. Quo tempore exploratis hostium consilijs, quid aut sequendum, aut  
cauendum esset, animo continenter agitabat, pluribus simul rebus intentus: populos  
enim qui in fide officioque perstabant, nullis non rationibus atque artibus confirmat,  
dubijs ipem fiduciamque adiungit: qui ad hostem defecerant, eos partim minis terri-  
tatos, partim impunitate proposita, ut ad officium redire mallent, premijs quoque, polli-  
citationibusque sollicitatos inuitat: quid in Pelignis, Marfis, Brutijs fieri placeat ducibus  
prescribit, nihil à quoquam remissè agi, nihil segniter geri passus. Igitur vndique coactis  
copijs, cum ex còmuni ducum sententia bellum in Apuliam gerendum decerneretur,  
nequid hostile à tergo relinqueret, aliquot castella, quæ in Apuliam descendenti ad  
Appênini radices posita iter reddebant infestius, prius expugnare decreuit, ac die pro-  
fectionis edicto, secundis castris cum septem ac quadraginta equitum turmis ad A-  
quam Diam profectus est. Id castellū loco edito situm, quā solis occasum prospicit, fa-  
nè angustū habet aditū, tractuque satis breui, cætera fermè omnia rupes occupat. Castris  
pro loci natura positis cum oppidani deditionē facere recusarent, rex obsidendi castelli  
còsiliū cepit. Et iam obsidio ipsa futura diuturnior apparebat, quòd hostis aduentare  
nuntiabatur. igitur eo intentiore animo esse, oppugnationi opportuna còparare, mate-  
riam vndique comportari iubere, tormenta ænea è Campania magno conatu deuehen-  
da curare, nihil segne, nihil remissum pati. Interim hostis quo regē ab incoepto deterre-  
ret, relicta Canusij obsidione, quinque millibus passuū ab regijs castris ad Focaciā còse-  
derat. Equitatu quàm regius erat aliquāto minore, peditū verò circiter septē millibus,  
in quibus ad tria millia balistariorū erant. Qua fiducia castellani infirmatis animis, cū se  
neque corona cingi posse intelligerēt, & noua quotidie à Ioanne Antonio subsidia per a-  
gros quāmlatissimos nocturno tēpore mitterentur, obsidionem indies magis magisque  
contemnebant. Nam & munitiones, quæ à regijs excitabantur, securi despiciebant, &  
quotidianas penè eruptiones ex oppido cū facerent prælijs ira laceſſebant, ut multos è  
regijs vulnerarent. Cæterū in castris laborabatur vehementer inopia commeatus, quod  
necesse erat ab longinquo summis laboribus, maioribus etiam periculis importari, cum  
hostis interim assiduè laceſſeret, ac nunc in pabulatores, modò in frumentatores illatus  
nihil tutū, nihil quietum, nō die, non noctu apud regios esse sineret. adhæc & Iacobus  
Vrsinus, qui Sanctā Agatham proximum tenebat oppidum, belli se mediū gereret. Ma-  
gnam fortè rex post aliquot obsidionis dies equitum manum è castris emiserat, qui pre-  
sidio tum ijs essent, qui tormenta deuehebant, tum gregario militi atque calonibus, quos  
in loca diuersa pabulandi, ac frumentandi gratia multos dimiserat. Hanc occasionem  
nactus aduersarius, hora diei fermè quarta, instructo agmine, tanta celeritate mouit à  
Focacia, uti eodem tempore, & nūtijs in castra quanquam citatissimo equo peruenerit,  
& hostes stare iam in acie conspiceretur. Ferdinandus repentina re permotus, & quid  
hosti consilij esset, incertus, quod ancipiti in re fieri solet, omnia oculis, animoque lu-  
strabat: & quanquam hostium incurſus, temporisque exiguitas nihil quieto consilio  
geri sinat, confestim tamen pedites, quos paucis antè diebus scripserat, quorum etiam  
maior pars ab hoste transfugerat, ne eruptionem castellani facerent, pro fossis arcē  
collocat, ignemque à munitionibus arceri iubet. Strenuum quenque, ac maximè fidum,  
quē aut casus obtulerat, aut ipse nominatim euocauerat, ad repentinos coërcēdos im-  
petus, ubi magis opportunum uidebatur, curare, atque adesse imperat. Tribunos, præfe-  
ctos, duces



etos, duces, alium alij muneri destinat, & quid facere quēq; velit demonstrat. His actis pro præsenti re atq; copia, satis castris prospectū ratus, Robertum Calatinū cum equitibus quadringentis, quanta maxima posset celeritate, ijs qui in pabulatione occupati erant, subsidio ire iubet. Ipse equitibus, qui pro statione armati, atque instructi aderant, hosti iam ē colle in planitiem, quæ sub ipsis castris non admodum lata suberat, descendenti in aciem, iussis occurrere, reliquum exercitū cogit, ordines disponit, ne quid ab latere, aut à tergo incōmodi accipiat, prospicit: nunc singulos, nunc vniuersos cohortatur bono animo essent, impetū hostiū tantisper ferrent, dum gregarius rediret, dū armatōtis expedierentur castris. Hęc agendo, ac nunc hos, nunc illos pristinæ virtutis admonendo, trepidationē sedare, militum animos cōfirmare, erigere spe, premijs, gloria. Et iam in planitie cōcurri acribus vtrinque animis cōceptū erat, resq; in vniuersi exercitus certamen expectare videbatur, hoste copias promouente: regio nō solum nō detrectante pugnā, sed vltro etiam ad conferendas manus prouocante. Hęc inter cum aliquantum tēporis extractū esset, accurrunt nuntij exploratoresq; qui omnia apud pabulatores, tormenta q; tuta esse dicerent: nec multo post gregarius cum subsidiario equite haud procul conspici cōceptus est. Quod vbi hostis intellexit, confestim suos in collem se subducere, atq; ad signa redire iubet. Gregarius cum equite letis animis in castris exceptus, vbi paulū modō vires cibo refecisset, & iam omnia insequēdo hosti ab rege parata essent ad signa atq; in ordines statim ire est iussus. Cernere erat, mutata belli fortuna, regiū militem speiatq; fiduciæ plenum, pugnæ signum expectare, se q; vix in ordine, cōferendæ manus cupiditate, continere. Contrā apud hostem omnia plena pauoris atq; formidinis, sola q; in fuga spem esse. Quod vbi hostium duces intellexere, veritine si pugna cōcepta esset, collocatis signis procul à castris suis, sole iam in occasum inclinante, dimicā dū esset, citato gradu ac fugæ maximē simili, per summum collem redire suos in castra iubent. Hoc cognito rex celeriter procedere agmen, qua intercipi posse hostis iter videbatur, imperauit, vltimos à tergo qui adorirētur, immisis: ac iam iam regis equitatus postremos affecutus, pugnam ciebat. Hic siue fortuito, siue Picinini consilio, quod à plebisq; creditum est, tantus repente ignis exitit inter vtrunque exercitum, vt non equorum modō transitus flammis interceptus, sed equitū quoq; aspectus esset fumo caligine q; sublatus, quæ subuiridi ē stramine, foeniliq; materia excitata, cœlum repente omne circumfuderat. Reditum est igitur à regijs in castra sub primam noctē, hostis ipsius confessione quo minus victus ipse, profligatusq; esset fumo flammisq; prohibitum. Qui si quo impetu venerat, irrumpere in castra conatus esset, nā dies ille calamitosum bello finem imposuisset. Satis tamen constat Picinini audaciam, Tarentini cūctatione repressam esse. Die quæ infecuta est, magno militum concursu, maiore spe, tormenta in castra perlata sunt, noctūq; ad iactum muris admota. Vbi illuxit, regij ad munitiones, castellani ad muros, qua cuique in sortem cefferat, laborare: hi tormētarios lapides subuectare, illi aggerem intus substruere: omnia summa vi hinc atque illinc administrabantur. In medio fermē, quem diximus tractu quadrata surgebat turris, ad cuius leuam oppidi porta erat aliquanto humilior, à qua vbi paulū modo processeris dimitti cliuus, atq; in horrescere rupes incipit. Eā primō turrim demoliri placuit, cuius ruina oppleta porta, muroq; qui portæ imminēbat, æquato, aditus intra castellum liber militi permittebatur: multis itaque iētibus die noctūq; labefacta turri, pars eius anterior, opinione citius corruit: qua ē re defensorum animi fracti conciderant. At nihilo segnus præfidiarius miles propugnacula munire, ne turris posterior pars exterius procumberet, machinis prohibere nō opera, nō arte sibi deesse. Rex vbi quæ oppugnandis mœnib. opportuna essent, cōparata intellexit, exercitum vniuersum esse in armis imperat: ac nequa repētinus hostiū incursus incōmodo esse, neue quem in castris, atque inter oppugnandum excitare tumultū posset, intento in oppugnationē exercitu, militē pluribus in locis disponit, simul quid cuiq; agendum esset, præfēctis ducibusq; præscribit. Tum signo dato, magnis sublati clamorib. in fossas, pcursum tanto est impetu, vt vallo superato admotis scalis acriter p muris pugnaretur. Castellanus saxa conijcere, scalas cōminuere, multos fauciare. Regius integras alias referre, murū rursus ascendere, non virib. non animo defici. Inter hęc rex castra subinde circumiens, ac nunc his nunc illis se locis ostendens



integros faucijs summittebat, alios voce, alios presentia chortatus, multa quoque per perfectos ac tribunos administrabat. Dum hæc à dextra turris parte geruntur, & pugna aliquantulum extracta, rex in expectatione esset, eorum qui ab leua dimicabant, tum repente dispolita bombardæ, imminens portæ murus concussus magnis fragoribus corruit. Quo collapsio, qui in propugnaculis consistebant, partim ruina protritit, partim maximè simili fulminis procella deturbatis, regius quanquam fumo, puluereque offusus undique, magno tamen adortu intra castellum irruit. In ipso statim ingressu aliquot è propugnatoribus cæsi, cæteri superante multitudine abiectis armis viui capti. Hinc milites ad prædam versi, castellum diripiunt. Cæterum cum direptio spectare in seditionem cerneretur (nam & præda exigua, & diuersi generis miles erat, adhuc quod hostem esse in armis, & aduentare illum fama erat, cum tamen castris se contineret) rex immitti ignem testis, pluribus simul locis imperauit. Captum igitur atque incensum est castellum vndeigesimo ex quo obsideri cœperat die. Cum interim finitimis è locis partim metu, partim studio partium, missis oratoribus, regi sese aliquot etiam castella dedidere. Biduo deinde quieti militum dato, cum interea de belli esset rationibus agitatum, Vrsaria omnium sententijs, actotis viribus petitur, omnisque in eam versus est apparatus. Fore enim satis apparebat, ea capta, uti penè omnia post tergum, citraque Appenninum pacata redderentur. Ab qua in vniuersam quoque Apuliam, quæ Apennino, Garganoque includeretur, liberæ discurfiones patèrent, Troiaque quæ regionis eius arx esset, à qua passuum millibus quatuor non amplius abesset, nihil tutum aut quietum relinqueretur. Quo peruertum cum esset, resque de more per preconem, uti deditionem facerent, postulasset, oppidanum quod scirent Tarentini copias integras esse, nec se propter loci opportunitatem despiciendos arbitrarentur, rursum quod intelligerent Aquam Diam ante ducum suorum ora per vim captam ignique absumptam esse, spe metuque quid potissimum sequerentur, incerti erant. Verum quod tormenta propius admoueri scirent, quibus admotis, deditionis sui arbitrium non facile integrum relinquebatur, spem metu superante, deditionem in quadriduum, ni liberati interea obsidione ab suis essent, cum rege paciscuntur. Ferdinandus quod per hanc maximè occasionem futurum rebatur, uti collatis cum hoste signis, quod maximè auebat, decerneretur, quodque è Campania nuntiabatur Marinum Martianum multis undique coactis militibus, ad viginti equitum turmas, ad duo peditem millia secum habere, quibus aut agrum Campanum infestaturus videbatur, aut in Beneuentanum transiturus, quo regem ipsum à tergo aut omnino includeret, aut arctius premeret, oblata ab oppidanis accipit deditionis conditionem. Igitur locis circum occupatis nequa nocturno præsertim tempore irrumpere hostis posset, quem è Focacia mouisse per exploratores compertum erat, ad eum propellendum summa omnia diligentia ab rege parabantur. Interea Ioannes, Picininusque (nam Tarentinus quartanæ morbo correptus è castris Spinaciolum concesserat) sub Asculum confederant. Ibi communicatis sententijs placuit, uti admotis ad Troiam castris, subiectos Apuliæ agros non solum à populationibus tuerentur, verum etiam fortunam tentarent, si quam liberandam ab obsidione Vrsariæ inuenire viam possent. Troia edito in tumultu sita ab occasu, quæ arx est, clementi tractu in ortum excurrit æquinoctialem, ipsa oblongior, & maxima è parte posito plano utrisque ab lateribus muros cliuo impositos habet, æquato penè ubique aggestitia terra fastigio. A qua parte in orientem, ut dictum est, vergit solem, paulatim se campi dimittunt, donec in vastam illam planitiem diffunduntur. Ager ipse ficu, vitibus, atque oleis confitus. Sub ipsum tumulum à septentrione Chilon amnis delabitur, ab Apennino decurrens. Vrbs ipsa, ut annales quidam docent, quadringentos & quadraginta duos ante annos condita, Basilij, & Constantini Imperatorum iussu, præsidium, uti autores arbitrantur, aduersus Normannos, qui finitimis in locis sedes sibi constituerant, bellumque aduersus Græcos gerebant. Sunt qui Ecanam eam fuisse tradant, veterem maximè urbem, atque à Constante Augusto multo antè dirutam: quo tempore is ab Epiro cum exercitu in Apuliam cum traiecisset, multa ibi foede, crudeliter immanem in modum patrauerit: non Ecana modò ac Luceria nobilissimis viribus solo æquatis, verum etiam à Remoaldo Beneuentanorum duce, Grimoaldi Longobardorum regis filio fufis fugatisque eius copijs Romam cum concessisset, atque Pontifice, ciui-

busque



busque Romanis liberaliter acceptus esset, publica priuataque ædificia, ædes item sacras antiquissimis quibusque ornamentis, ac præsertim æneis spoliauerit, in ijsque Divæ Mariæ templum, quod à Marco quondam Agrippa in honorem deorum omnium fuerat conditum, ac sumptuosissime ornatum, detractis inde tum monumentis alijs, tum æneis etiam regulis. Quibus patris sceleribus in Siciliam mox trajiciens, ea quoque cum Africa pariter ac Sardinia per summam auaritiam direpta, ante quam inde decederet, ob sæuitiam, atque impotentiam in balneo à militibus cæsus, dignum sceleribus suis exitum vitæ habuerit. Quin etiam quibusdam in annalibus comperio, Robertum Viscardum capto Rhegio in Brutijs, circa initia rerum eius, statim in Apuliam profectum, cum à Troianis urbem ipsam deditibus vocaretur: adeo inter annalium scriptores, & res gestæ & tempora simul dissentiunt. quippe cum euocatio hæc ipsa è Brutijs indicio sit, ante Normannorum aduentum in Apuliam, Troiam fuisse conditam, siue instauratam. Positis igitur ad Troiam castris, Andegauensium partium duces cum diuersa sentirent, altercandoque aliquantum extraxissent temporis, illorum tandem vicit sententia qui censerent, uti occupato colle, qui ante regia castra non magno tamen interiecto spatio, aliquanto surgebat editior, unde et aquationem facile hostium prohibere possent, & subiectos turri campos, eò copias traducerent. Occupandi verò collis ratio hæc est inita, uti de quarta vigilia præmissis paucis cum equitibus, quo plurimo abundarent perditatu, locoque castris delecto, reliquus exercitus instructo agmine cum impedimentis sequeretur. At rex quod vnum cupiebat, cum in dimicandi necessitatem rem adductam cerneret, præfectis ducibusque in prætorium ad se vocatis, huiusmodi ad eos orationem habuit: Si quam occasionem aut dii immortales ostendunt, aut hostes ipsi nobis offerunt, fortissimi viri, eam sequi ducem volumus. Non de recipienda Vrsaria, sed de profligando aduersario, belloque conficiendo nobis potius cogitandum videtur. Quam ob causam non tam mihi aut confirmandi estis, aut instruendi ad dimicandum, quam studium ipsis vestris, vestraque fortitudini gratulandum. Quem enim hostem indipisci in campis auebatis, en ante oculos iam habetis, atque in apertis locis positum spectata virtus vestra vel contemptui habere eum potest. Quod obesse vnum videbatur, Tarentini illius cum ætatoris præsentia, id omnino sublatum videtis. Ipsi verò inter se hostium duces non consilij modo, sed animis quoque dissentiunt. Quibus dissentientibus, quid in militibus esse firmitatis censeatis aut roboris? Contra summum in nobis studium, certa consilia, firma concordia, miles ipse noster præliandi cupidus, signa sequi, atque ordines seruare consuetus, omniaque ad præscriptum gesturus, plenus & ipse spei, tantum animi pollicetur ac fiduciæ, ut iam iam verso in fugam hoste, cogitandum magis sit, quoniam illum modo castris exuamus, quam quibus artibus, aut quo pugne genere sit cum eo congregiendum. A me parata sunt cuncta, quæ consilium, ratio, rei que militaris disciplina paranda docuere. Vos modo suum quisque militem, seque & equos curare, armaque in promptu habere iubeatis, atque uti de tertia vigilia instructi, paratique ad signa conueniant. Quod si quos vultus, quaque ora nunc video, cras ijs similes animos habueritis, dicam vobis duces, bellum iam confecimus, nec tam ad crastinam parare vos victoriam ac prædā oportet, quam ad belli præmia accipienda, quanta & à gratissimo expectari rege debeant, & regni Neapolitani amplitudo, atque opulencia fortitudini promittat vestræ. Concione dimissa, præfecti, ducesque lati, atque animorum pleni, militem quisque suum curare equos, expedire arma, seque in crastinam parare pugnam hortantur, præmia cuique sua proponunt, regias vires, sua consilia, atque opes in maius efferunt, hostem eleuant, in primis ne quis extra ordinem in aciem prodeat, edicunt. Hisque rationibus suorum animis confirmatis, corpora curare illos iubent. Albescere igitur cælo, hostis collem occupat. Quod ubi Regi cognitum est, eductis copijs, quas de tertia vigilia esse instructas iusserat, Robertos Vrlinū atque Calatinum cum ea equitum manu, quæ satis visa est, occurrere hosti imperat, post hos Alexandrum cum parte copiarum mittit. Ipse relicto in castris præsidio, reliquo cum exercitu ad pugnam instructus progreditur. Descensum in certamen est ab rege, cum nouem & quadraginta equitum turmis. Roberti hostium equitum non magno conatu è colle deturbatum in fugā conijciunt: inde in confertissimum illati pedite alter à dextro alter à sinistro cornu prælium committunt. Pedes primò quod equitum



suum auxilio venturum sperat, impressionem acriter sustinet: multa vtrunque vulnera eduntur, ex hoste plures cadunt, è regijs equi non pauci confondiuntur: imparque erat omnino pugna, quòd hostis nullo equestri præsidio, nudo arboribus loco irruentè equitem, nec evitare poterat, nec ex æquo cum illo configere. Fit igitur magna peditū strages, sustinent tamen. At vbi fulgentia signa conspecta sunt, & agmen procedere, regiumque equitem qui impressionem fecerat, noua subsidia, recenti subinde equos accipere visum est, repentinam in fugam versus, prostratusque ingruentium impetu equorum, pedibus illorum proteritur. Pars decliuorem per locum, quā equiti non patebat excursus, præceps ab insequentium manibus elabitur, seque trans torrentis ripam, vbi suos in acie stare conspexerat, recipit. Alij cæsi, vulnerati alij, aut capti armis exuuntur. At vbi regio à milite ad ripas ventum est, hinc noua rursus pugna conferitur. Vtrinque duces acies instruunt, præsidia locant, suos hortantur: apparet totis viribus atque vniuerso Marte de cernendum. Procebat Ferdinandi agmen suis sub ducibus, suo loco, suo quisque ordine gradiens. Quod Picininus conspiciens, qui trans ripam suos colligebat, cōuersusque ad Ioannem, qui iuxta aderat, ne dies hic inquit, plurimos hastarum truncos, plurimaque videbit fragmenta. Cui ab Ioanne oblique responsum cum esset, quippe qui pugnae cupidus detrectatum iri pugnam à Picinino verebatur, quem producere intelligebat arte bellum: ægerrimè id ille ferens, indignabundusque, qua parte redintegrari pugna cœperat, milites summittit. Erant omnino aditus duo, & hi quidem angusti, atque accliuēs, quibus regius irrumpere conabatur eques, quem superiore è loco hostis faciliè propellebat. Magna enim illic hastatorum manus, non minor sclopetariorum coacta pugnabat. Quo circa faciliè equites ab ascensu deiiciebantur, & qui acrius insitissent, vulnerati pedem referebant. Itaque magni vtrunque clamores tollebantur, vt quis aut ferocius illatus ascenderat, aut præceps datus corruerat, vario euentu, varia spe, summa tamen alacritate pugnabatur, pedes hinc atque illinc obteritur, eques equite subternitur, vtrunque centuriones, vtrinque tribuni recentes summittunt milites. Cadit ibi è regijs tribunus vir acer et strenuus, qua è re additus hosti animus. At regius facto tandem cuneo victor irrumpit, ripisque superatis inde aduersarios depellit, fugientisque ad ordines regredi, atque ad signa cogit. Et iam parte alia quā se campi latius apariebant, canere signa & cōcurrere acies cœperat: primaque è regio equitatu turma non satis prosperè manum conseruerat. Cui laboranti, & penè ab hoste circūuentæ, duas quas Alexander secum habebat, auxilio mittit, harum aduentu pugna restituitur. Nec minus à Picinino, ac Picinini ducibus subsidia mittuntur, pluribus simul locis certamen initur, pugnaque pro equitum virtute, proque recentium equorum robore, vel aduersa erat, vel prospera. Quod vbi rex animaduertit, Vrsus cum globo lectissimorum equitum, quem ad pugne difficillima parauerat, aliasque atque alias post eum turmas procedere paulatim iubet. Quod hostis cōspicatus, subducere se ac cedere sensim cœpit. Regius eò acrius equos promouet, hostemque iam cogitantem, qua se ratione aut in castra reciperet, aut intra Troiæ moenia magno impetu adoritur. Excepit hic Gallus eques procurrentem regiū, ingentibus animis, additusque est Gallo Hercules Estensis magno cum equitum robore, lectaque virorum manu. Itaque nec viribus, nec animis primò cedunt. Stimulabat Gallum animus insolens, ac natura ferox; manum verò Estensem ducis sui præsentia, & quòd ille nihil prætermitteret quod strenui militis, aut fortissimi ducis esset: quippe qui, nunc voce nunc præsentia, sæpe gladio, suis modò pluribus, interdum singulis adesset, vir & corporis viribus et animo magnus, atque excellens. Tandem relictus ab reliquo exercitu, suffossis, aut iugulatis equis circūuentique ab regijs, partim capiuntur, partim qui equo erant incolumi, cum Hercule duce fugientes ad suos se recipiunt: qui iam sub Troiæ muris in cliuo constiterant, eos regius intecutus eques cum esset, superiore è loco faciliè deiicitur. Quo tempore Picininus accliu loco, sub ipsam Troiæ portā, quæ ad Apenninū spectat ordines de integro restituit, tumultumque qui est ante arcem, præsidij firmat. Adhæc equitibus turmatim pluribus locis dispositis milites cohortatur, vt pristinae virtutis memores locum teneant, regios tam iniquum in locum sine summa suorum clade minimè successuros. Si viri esse velint acceptam ignominiam eò loco eodē die ipso illo penè momento obolituros. Cuncta eis se post tergum tuta, recentes equos, recenteis milites, urbem castraque subministratura.



Contra regias copias eò loci perductas esse, vt neque explicare se à pugna, neque recipere in castra, siti, laboreque equis, virisque confectis, sine multa internitione queât. Redintegratur igitur pugna regio vrgere, dum pertinacius iniquum in locum succedit, moxque aduersario rursum propellente detruditur, multi tamen vtrinque cadunt equi virique. Quod conspicatus rex, vocatis ad se principibus cum in maximum adductam discrimen rem cerneret, quid potissimum sequendum censeant sciscitatus: cum alij sensim recedendum censerent, quòd satis eo die, eo certamine actum iudicarent, alij insidias veriti, artesque Picinini, regi se vri è pugna subduceret, persuadere conarentur: Ad ea ipse quando, inquit, dies hic noster est, & nos fortunâ hodiernam sequamur, macti vir tute estote, quâ me vadentem videritis, sequimini ducé. Tum præmissis qui explorarét, ne quæ post tumultos insidiæ essent posite, còcitato statim equo, cū lesta manu equitum, per summū euadit tumulū. Procurrentem Ferdinandū suæ acies, signaque sequuntur, atque omnium primæ turmæ aliquot recentes, quæ à pugna còtinuerant integrisque viribus. Ea è re nouus repente ardor equites inuasit, ferro sibi viam quisque faciūt: nec turmatini iam sed confusis ordinibus res geritur: nec tam gladijs Mars fauit, quàm propellentium equorum pectoribus: hos incitabat, quòd partam iam victoriâ eripi sibi è manibus indignabantur, illos ducis sui gloria, & multis bellis partū decus. Igitur dum acerrimè haud procul à porta, ac sub ipsis muris ab ijs, qui cliuū tenebāt, dimicatur, interim ab illis, qui in via paulo à porta longius collocati erant, fuga fieri repente coepta. Inde premente rege, multisque ex hostib., & in ijs aliquot præfectis partim captis partim equo deturbatis; qui tumultum turabantur, ipsi quoque deserto loco terga vertunt. Ibi vndique à regijs tanta facta impressio, eoque incursum est impetu, vt versis equis hostes alij in castra secundū vrbis raperentur fossas, alij ex equis in fossam deiecti, ab ijs, qui è muris pugnabant, manibus, scalis, funibus excepti subleuantur. Ioannes, Picininusque magno tumultu intra portam admissi, qui que cum ijs erant vix acceptis, porta ipsa repente clauditur, regio ita vrgente, vt quidam hostibus immixti urbem sint ingressi. Signa ab ijs qui in propugnaculis consisterant excepta, intra muros cum trepidatione iaciuntur. Rex in fossam, quæ ad septentrionem est, equo inuectus, ac fugientibus immixtus in castra hostium contendit, quem Alexander, ceterique quanquam diuerso itinere subsequuntur. Vbi in castra peruentum est, confestim nullo defendente capta, direptaque. Qui è regijs à prælio atque ab labore recentes erant, atque integris viribus, fugientem Luceriam versus hostem insecuti, in ipsa fuga multos vulnerant, plures etiam capiunt. Rex vbi castra diripi, & iam nihil ultra ex præscripto geri sensit, haud procul à porta, quæ ad orientem spectat, signa in via constituit, eaque præsidio firmat, edicitque ne quo casu locum deserant. Interea victor miles totis campis vagatur, longiusque fugientis ad multam etiam diem insecutus, atque in prædam versus, non ad signa redire, non ad ordines curat. Videres itaque alios proiectis armis, onustos sarcinis vix progredi, alios collatam vnum in locum prædam inter se partiri, plurimos equestris decoris ablitos phaleratum præda equum onerare, seque ante aggeres ipsos pedibus ire, & recte alia atque alia iumenta, equosque sarcinis impeditos trahere. Quin etiam ex ijs, qui in præsidio collocati fuerant, complures & ipsi in prædam intenti signa locumque reliquerant. Quæ res hosteis quanquam fessos, et muris clausos, ad erumpendum inuitauit. Egressi igitur portis, nullo tamen clamore edito, regiones præda occupatos, ac sub sarcinis impeditos, de improviso adoriuntur, multosque ante quàm hostes esse intelligantur, mentito etiam nomine capiunt, & iam liberius vagari incipiunt. Quod vbi regi cognitum est, vndique ad signa concurrere imperat, multa que per IOVIANVM PONTANVM, quem secum ducebat, ab ducibus peragenda curat. Ipse vt quenque nactus erat, primo singulos, deinde plures, qua pugnam confertam videbat, immittit, donec aliquot ordinibus restitutis, iustæ pugne more dimicari coepit. Itaque dum sustinere imperum hostis nequit, citatis equis in urbem regreditur. Stetere dein regij in acie, atque sub signis, donec præda omnis coacta, & Vrsariam versus tutum in locum delata. Inde sub vespertinum in castra est reditum. Dies quæ insecuta est, quieti militum atque equorum data. Captiuorum numerus recensitus, fuit aliquanto minor: quia captiuorum alij, quòd capitalium rerum conuicti essent, clam dimissi ab amicis, aut cognatis fuerant: alij iurciurando parum ser-



uato, fideique et data, atque acceptę, vt nunc in confliatu moris est, dextre, immemores Troiam profugerant. Ioannes, Picininusq; maximo silentio Troia egressi, Luceriam noctu profugiunt. Deliberatę de obsidenda vrbe Ferdinandum Troiani inuitant, misso qui seq; vrbemq; dedituros polliceretur, vbi castra propius adiuuisset. Imperitabat vrbi Ioannes Coxa, qui quod Nicolaum Episcopum indignius habuerat, Lombardorū familię inuisior erat, cuius opes in ciuitate magnę atque pollentes tunc erāt. Castris igitur ad vineta positis, tumultu, sicuti conuenerat, ab Lombardis excitato, deditur regi oppidum. Coxa cū in arcē cum paucis confugisset, diffusus rebus suis, Alexandro se cui propter veterem consuetudinem plurimū fidebat, dedit. Rex vno simul tēpore & oppido potitus, et arce, oppidanos collaudat, Lombardos etiam muneribus donat. Coxam ad se ductum, multisq; ornatum laudibus, atq; inuitatū, vt manere in patriā vellet, dimittit: captiuos, qui in castris erant, & in ijs quosdam, qui Ioannis cognatione essent, liberos abire permittit: tum qui dedentem sese Fogiam accipiant, mittit: arma, equosque apud Troiā repertos, qui ab hoste capti fuerant, militibus suis restituendos curat. Rebusq; sic ad Troiā compositis, duobus castris ad sanctum Seueriū profectus, cingit oppidū: quod quo minus statim oppugnaretur, hymber prohibuit: postero tamen die deditionem fecit multatis ciuibus. Inde rex ad Asculum retrō mouens, vrbem statim recipit: Candelamque ex itinere oppugnatā diripit. Mox Asculo recepto ad Aufidum proficiscitur, eo cōsilio vt Ioannem Caracciolum, qui Melfę dux pręerat, debellaret. Is quod Andegauiensis factionis fractas res cerneret, nullumq; superesse Tarētino exercitum, quo tutari oppida remque suam posset, se cum arcibus atque oppidis in regis fidem permisit: quę ad se venientem rex, benigneque appellatum monuit, vt fidei memor, quieta honestaque consilia peruerfis, ac parum quietis anteponeret: postque aliquantum temporis mutuis ac gratis extractum sermonibus, iuratum illum in verba, eodem die Melfiam remisit. Id oppidum montosis in Apulię locis positum gerendis bellis maximē opportunum est: quod à Gulielmo Feribrachio Normannorum duce conditum, annales quidam tradunt, alij ab eo per vim captum. Quodque veri est similis, cognita opportunitate, illud vt arcem futuram aduersus Gręcos, qui Apuliam, Melfiæque tenebant oram, primum à Gulielmo, inde à Drogo atque Humfredo, qui Gulielmo fratri successerāt, postque à Roberto Viscardo & arce munitum, & moenibus, quę nuper ab hoc ipso Ioāne etiam promota sunt. Per eosdem dies aliquot in Hirpinis castella recepta. Fama ingentis pręlij breui regnum peruagata, omnium mētes terrore simul admirationeque compleuerat. Quo circa illustre regis nomen esse, maiorq; indies expectatio haberi, & quō victoria, eodem quoq; popularium fauor inclinabat. Accedebat quod per idem tēpus à Federico Vrbinatę aduersum Sigismundum Ariminensem feliciter dimicatum fuerat, ex qua dimicatione Sigismundus afflictis, prostratisque rebus suis, mari ad Tarentinū confugerat, opem ab illo imploraturus. At rex quanquam his Tarentinum necessitatibus circumuentum intelligit, tamen cum illius thesauros sciret esse integros, se verō tot bellis, tot calamitatibus exaustum, ac militem suum mercenarium, maxima etiam e parte peregrinū reputat, timere militum transfugia, nec tam irritandum illum quā leniendum ducere, aut paucorum expugnatione oppidorum ita territandum, vt vetere exercitu restituto, nouum quoque elonginquo arcesceret, Senem, & quartana febris deterrima parte anni laborantem, minimē diu victurum. Adhęc Ioannem, Picininumque cum singulari prosequeretur odio, videndum etiam atq; etiam esse, ne adductus necessitate Ioannes Antonius vtrique conciliaretur. Hęc aliaq; huiusmodi secum reputante regem, habentemq; ad Aufidum estiuā, missi Tarētino Legati adeunt de pace cum eo acturi. Quibus rex auditis, Bartholomęum Rouarēllam Cardinalem, qui Beneuēto Pontificis Legatus pręerat, ad se accitum rogat, vt ducto secum Antonello Petrucio, epistolarum magistro, Cereniolam proficiscatur, illic cum Tarentini oratoribus de pace pacisq; cōditionibus deliberaturus. Ipse interim quibus posset artibus, illum sibi conciliare studet. Iisdem diebus Ennecus Geuara, comes Arianensis vir multis artibus, & in primis fide clarus, morbo correptus diem obit. Igitur vbi de pacis conditionibus satis conuenit, Legati ad Tarentinum redeunt, vnaque Bartholomęus, & Antonellus cum ijs profecti, itemq; Antonius Tricius, qui Francisci Mediolanensis ducis apud Ferdinandū oratorem



oratorem agebat, summa tamen cōditionum Petrucio p̄missa. Agebat tunc Ioannes Antonius Vigilijs, quod oppidum ad mare situm est. Ad eum Ioannes Picininusque quotidie ab Trano ventitabant, ea enim vrbs p̄ter arcem Tarentino parebat. Quorum suafu penē commissum est, vti contra ius gentium legati violarentur. Quibus tamen à Ioanne Antonio comiter acceptis, benigneque auditis, fœdus his conditionibus iſtum est. Quod Deus Optimus Maximus beneuortat, Ferdinando regi & Ioāni Antonio Vrsino (sic vti conuenit) sine fraude, sine dolo malo pax inter eos perpes esto. Quæ in duello antehac vi, doloue, fraudēue acta, abacta, direptaque sunt, eorū nullæ vtiq; expostulationes, nullę iudiciorū actiones sunt. Quas vrbeis, quæq; oppida, quosq; fines Ioannes Antonius Vrsinus sub Alphonso rege tenuit, quoq; etiam imperio tenuit, sub Ferdinando etiam teneto, populisq; ita moderator. Queis legibus, queis olim conditionibus Ioānes Antonius Vrsinus sub Alphōso rege vixit, ollis legibus, ollis cōditionibus sub Ferdinando rege viuit. Eadem item in populis sub Ferdinando rege, quę fuere sub Alphonso, iura ei sunt, liberaque potestas esto. Quaque potestate, quoque iure militię magister Ioannes Antonius sub Alphonso rege fuit, eodem iure, potestateq; sub Ferdinando magnus militię magister vtitor, perfungitorq; aureūque centum millia magistratus huius ergo quotannis regio ex ærario, regijsue ē vectigalibus dinumerata capito. Idem hicce Ioannes Antonius Vrsinus Tranū urbē Ferdinando Regi, cum agro, finibusque statim restituito, arcemq; Salernitanā ad dictam diem resignato. Ioannē Andegauicem, Iacobūq; Picininiū intra dies quadraginta Apulia finib; q; eius vti faceſſant, Ioānes Antonius cogito: ollisq; nēue clam nēue palām, auro, argēto, ere, nēue alio auxilij genere subuenito, nēue vtiq; p̄sidiator. Rex fidem eis publicā, qua tutō abire finibus hisce liceat, dato. Terra, mariq; abeundi iusque fasque p̄o arbitrio ollis esto. Si quas vrbeis quosue regulos Ferdinandus duello peter, nullis copiis, nulla pecunia, nullo auxilij genere, clamue palamue Ioannes Antonius eis suppetias afferto, nēue consilio, nēue opera adiutato. Debellandi quos volet, quandoq; volet libera potestas regi esto. Hæcce ollis fœdera perpetuō manento, quæ inter eos sic conuenere, vti volens, libensq; vterque egerit, feceritque, promiseritq; sine dolo, sine frade, bona fide, cōceptis verbis. Deumque vterq; testem supremū laudanto. Pace facta rebusq; cum Tarētino cōpositis, Ferdinandus ab Aufido mouens, atq; in fines Daunorū profectus Ferentanos versus ad amnem Frentonē castra posuit. Aduenienti Lesinates, Serrani, Precinensesq; capto etiam p̄sidio, portas aperuere. Quorum exēplum finitima etiā castella secuta sunt. Inde Mōtorium profectus rex, cōfestim illud recipit: arx etiā paucis post diebus dedita. Hinc castris ad Sanctū Iulianum admotis, qui in p̄sidio erant cū munitiones erigi, tormētaq; diruendis muris admoueri cernerēt, paucis postquā obsideri cōperāt diebus deditiōē fecere. Iisdem diebus inclināte autūmno, tanti cœlo hymbres fusi, vti corruptis quæ in agris erant, nō esset vnde pabulū equis subministraretur: nec gregarius castrensis pati labores amplius vellent, recusare iam militiam, incusare regem, palamq; detrectare imperia, ipsi etiam equites grauari, rarique ad signa atque ordines cōuenire: increpare duces, queri tabernacula iam absumpta tempestatibus, frigoribus, fameq; cōfectos equos diurnis nocturnisque laboribus non corpora, non animos vltra satis esse: quid demūm hostes aliud optare, aut quærere, quā fame eos, quā tēpestatibus absumi? Quibus rex clamoribus permotus, decreuit in Samnium regredi, vbi mitius cœlum esset, ac regio stramentis, pabuloque abundaret. Quō cum peruenisset, aliquot dierum quietem militi concessit, dum interim tormenta ex Apulia veherentur: quibus subuectandis vix boues iumenta que solo ob pluuias subsidente suffecerant. Hæc inter in castris tumultuatum est, leuem ob causam, inter regium, Sfortianumque peditem exorta cōtentione breui tamen tumultus sedatus, quanquam non sine graui regis atque Alexandri discrimine, dum inter tela, balistasq; vterq; versatur. Tormentis comparatis, Ferdinandus animo agitans, quā potissimum ratione antequam in Campaniam in hyberna concederet, Nicolaum Campibassanū comitem aut ad deditiōē compelleret, aut eō redigeret vti Vere adueniente, omni eum exuere dominatū posset, Pontem oppidum, cui, vti ego arbitror, à conditore Landulfo nomen est, oppugnare decreuit. Quod veritus Nicolaus, magno antē p̄sidio firmauerat. Quo tamen regis conatus frustraretur, in-



duties petere ab eo cœpit, quasi agere interim de deditione vellent. At rex cognito Nicolai cōsilio, eo acrius expugnādo. oppidō intentus erat, quod ab ijs qui in præsidio erāt, summīs cōtrā virib. defendebatur. Deiectis igitur opportuno loco muris, cū oppugnatio pararetur, præsidij præfectus diffidens tolerari posse impetū, agere de deditione cœpit. Ceterū noctu ab vigilijs ijsq; qui in statione erant, ad arma cōcursum cum esset, ratis nocturnā à præfecto parari fugam, cōserta pro muris pugna, oppidū tumultuario prælio capitur; quod statim direptū atq; incensum est. Inde rex movens in Cerretano primum deinde in Telefino; atq; Calatino castris positus, aliquot ex itinere castellis receptis, antequam in hyberna cōcederet, Pontem Lateronem (id castellū trans Vulturnum amnem circiter sex millibus passuū ab Capua abest, sub mōtem positum) oppugnare cōstituit. Igitur admotis tormentis, quantum loci patiebatur iniquitas, ibinis illud castris circumfider: quod penē vndiq; altissimis rupibus circūcisum, naturaliq; fossa munitum, vnum tantum, quā porta est, aditum, eumq; haud quaquam latum habet. Portę quadrata imminebat turris, qua diruta, cum spes esset per eius ruīnā potiundi castelli, rex eam quā fari ancis tormentis iubet. Quod animaduertētes qui in præsidio erant, ne procūberet exterius, funibus machinisq; prohibere conabantur, interim quotidianę ab eis eruptiones feri, neque se muris continere. id quē eo audacius facere, quod propter rupes, conuallesq; quę fossarum in modum ē monte producebantur, neque claudi vndiq; à regijs poterant, nec omnino prohiberi, quo minus noctu præsertim per sylvas, & confragosa loca recentes milites, nouaq; quę ab Martiano mittebantur præsidia, acciperent. Cui rei magno etiam adiumento erat, quod propter brumam quamlongissimæ noctes erant. Frustra igitur aliquot diebus consumptis, potiundique castelli pluribus artibus in cassum tentatis, cum etiam equi virique diutius ferre coeli inclementiam haud possent, Sfortianusque præcipuē miles militiam sic detraheret, vt neque precibus, neque minis retineri in castris vltra posset: satius visum est regi obsidionem relinquere, quam tumultuante suo hostem ad erumpendum inuitare. Cum satis etiam exploratum esset Martianum magnam peditum manum cogere: qua coacta, verendum erat, ne occupato ab hoste monte, qui non satis commodē teneri ab præsidijs posset, in minora castra, quę trans conuallem sub montem posita erant, irrumperetur. Huc accedebat, quod Ioannes, Picininusque qui post iētum cum Tarentino fœdus, in Ferentanos, Marrucinosque longa naui ad Caldoras confugerant, vbi pugnae reliquias colligebant, arcessiti à Martiano fuerāt. Qui ne aut illum frustarentur, aut bellum quod in Marfis, Pelignisq; Rogerione authore, renouare parabant, prætermitterent, huiusmodi consilium inijsse (quanquam falso) dicebantur, vt Picininus diurnis, nocturnisq; itineribus ad Martianum cōtenderet, Ioānes in Pelignis remaneret ad bellum, quod animo agitabat, instaurandum. His difficultatibus circumuentus rex, obsidionem dimisit. Verū cum fama esset hostē aduentare, machinis Capuam perlatis, ipse sub montem Gallianū meratus castra, expectare hostem decreuit. Tandem cum satis exploratū haberet hostem se Theano, castellisq; finitimis continere, circiter idibus Decembris Capuam concessit, distributisq; per hyberna militibus, paulo post Neapolim proficiscitur. At in ea parte Samnij quod hodie Molisium dicitur, & Pelignis Farentanisq; ab Alphonso, & Inico Daualis multa castella aut per deditionem recuperata, aut per vim expugnata sunt, quedā etiam incensa. Caldoras (dum multis artibus ad certamen inuiant) nunquā apertis in campis indipisci potuere. Extremo anni recepto Sangri castello, arcem circurressam tandem capiunt, suosque in hybernis collocant. Per idem tempus Andegauensium partiū studiosi, cum Ferdinandi res superiores cernerēt, viribus diffisi suis, quod Pium pontificē nullis ab rege artibus alienare poterant, Romæ inducias postulabant. Duos principes inter se de regno contendere, vtrunq; pontificiæ maiestatis obseruantissimum: decere pontificē Romanum, rectorem orbis, patrem omnium, mediā personam induere: indignum se, indignum collegio, quod sacrosanctum habeatur facere, quod priuatā Ferdinandi causam aduersus Ioannē armis defendēdam suscepit; quod Gallorū regē, Galliaq; totius regulos de Romana ecclesia benemeritos prouocauerit in iram, odiū, inobeditiā: exaustum ecclesiæ ærarium, dum bellum minimē necessariū suscipitur: Flaminia atq; Sabinam bellis inuolutam, tot oppida direpta, in ipsa etiam vrbe trepidatū, & penē audi-



penè auditos equorum hinnitus, dum Latium diripitur, dum agros Vrbi proximos Picinini eques populabundus vexat, vastatq;. Hæc aliaq; differentes Pontificis animū vti de faciundis indutijs cogitaret, impulerant. Conuenerant Romæ vndique ad Pontificem Legati, resque tum in Senatu agitata, tum apud Cardinales, quibus demandatum hoc erat, tractaque diutius in contentionem venerat, dum pontificis animus huc atque illuc incertus rapitur. Tandem literis regis cōfirmatus, quod dum de indutijs agit, dum à suscepto bello retrahendi sui speciem exhibet, partam iam victoriam è manibus eripiat. Populos, regulosque, qui prostratis Ioānis rebus redire ad officium cogitassent, qui de se dedendis oratores misissent, cunctari iam, & deditionem nō modò differre, verum etiam recusare. Nectantū sibi Pontificis nomen, copias, opes, in eum vsque diem contulisse ad victoriam, quantum nunc detrimenti afferat indutiarum mentio: & tot iam dies ipso audiente, agitata Romæ causa. Quid autem rationis esse, cur feruente bello, rebus aduersis, victoria ad hostem inclinante, tantum animi, tantum roboris præse tulerit, & in propulsandis bellis, & inferendis, nunc hoste castris exuto, regno maiore è parte in potestatem redacto, recuperata iam Flaminia, Sigismundi rebus attritis, Latio Sabinaque pulsus hostibus: vbique victor, fortuna vbique aspirante, non animum modò demiserit, sed hostem iam desperatis rebus suis, cogitantem regno cedere ad bellum instaurandum inuitet, hortetur, trahat? Veterem igitur animi firmitatem retineat, nec belli exitum, id est, victoriam, qui finis est belli, elabi è manibus patiat. His Pius literis permotus, cum etiam intelligeret Franciscum Sfortiam in proposito persistere, confirmato tandem animo, indutias exclusit, ante tamen in hanc oratione sententiam habita: Si memores esse homines beneficiorum velint, & præsentem ecclesiæ Romanæ statum considerare, haud vereor Cardinales, quin & cæteri mortales, & vos ipsi me cum primis à belli crimine, quod non tam volentes suscepimus, quàm inuiti propulsauius, liberetis. Nam & ea in hanc sedem Alphonsi regis extant beneficia, vt neque pontifex Romanus, neque sanctus hic Senatus filij eius obliuisci, sine maximæ infamiæ nota queat: & Apostolicæ sedis ea magnitudo est, atque autoritas, vt insultantem in regno nobis tributario Gallum pati minimà debeat, seque otiosam regni cladum spectatricem præbere. An quæso, cuius patris munus est ac beneficium, vt Picenum omne, fertilissimumque, ac frequentissimum Italiæ agrum in pace possideremus, regnum eius ad alias quàm filij manus transire ingrati permittemus? Quasi non siquid honestum, siquid ius, gratitudoque apud vos valet, me & nolentem impellere, & cunctantem excitare ad defendendum regem bene meritum, ad propulsandam ab eo iniuriam deberetis: à qua inferenda ij nimirum quorum tam studiosi estis, continuissent, si qua reuerentia in Pontificem Maximum, si quis erga sedem Apostolicam cultus, aut erga Deum metus eorum animis infedisset. An non cum Mantuæ ageremus, abunde & Ioanni, & Renato, & ipsi Gallorum regi, quorum oratores apud nos agebant, declarauimus: nec passuros nos regnum nobis tributarium inuadi, pacemque Italiæ ab Gallis turbari: nec fœdus cum Alphonso iectum, in quo Ferdinandus filius secundum tenuisset locum, violaturos, aut periclitantem deserturos filium eius, qui labantem iam non modò non deseruisset ecclesiam, sed ferro armatus, in acie, pro tuenda eius dignitate stetisset, seque copiasque suas, & facultates vniuersas pro illius salute, bellorum periculis obtulisset? Hic mihi quisquam Gallorum religionem aut modestam Ioannis animum nominabit? Audiuius Cardinales, populantium agros nostros militum clamores. His oculis, his inquam oculis hausimus vibratos in perniciem nostram, & Romanæ excidium sedis gladios. Quod ni è Senesi agro, è patrio solo, vbi agebamus, abire maturassemus, & Romam diurnis, nocturnisque itineribus contendissemus, nec Roma nunc nostra esset, nec Senatum hunc ipsi haberemus: federet Pontificio in solio Picininus, discursaret per Urbem violentus & rapax miles: veterum ornatus Pontificum, & quibus Deo Optimo Maximo sacræ res fieri consueverunt, eos inquam ornatus, & Petri Paulique insignia rapraret per Urbem Andegauensis gregarius: argentea vascula, loculosque illos aureos, quibus Deo ministratur, quibus sanctorum reliquiæ virorum tanta cum hominum veneratione seruantur, eques in balteos conuersos ac phaleras portasset in aciem, cæde, ac sanguine fœdaturus. Dicam interum ecquisquam aut Ioannis mode-



rationem, aut religioso Gallorum animos nominabit? Timuit pontifex Romanus per agros suos inter faciens, Andegauensium grassatorum vim, atque occultas insidias: timuit nefario Picinini sicario, ne præbiturus esset iugulum in diuorum & Petri & Pauli templo, in augusta hac sede, atque in ijs edibus, è quibus tot sanctissimorum pontificum animæ ad cælum migrauerunt, non securus, non tutus, non vitæ suæ satis fidens. Hæc est Lotingij Ducis summa moderantia, hæc Galliæ hominum religio, et apud gentes tam diu probata pietas? Non igitur volentes, aut bellorū cupidi arma sumpsimus, quippe qui priuati dum essemus, pacem semper coluimus: ac dum Augustorum tractaremus negotia, ad hanc in primis illorum inuitabamur animos. Sed ut qui Romanæ tum ecclesiæ dignitati consuleremus, tum prouocati, & in ipsis propè penetralibus parum tuti coacti, inuitique, dum alia ratione rebus nostris nequimus consulere, expediri arma iusserimus. Videlicet nunc primum Iacobus hic Picininus ecclesiam Romanam vexauit: aut vos memoria parum tenetis, dum quæta Italia, fœdere publico, è communi Italiæ cōsensu omnium animis, sententijsque percusso, Cisalpina mouens Gallia, tumultuosissimo exercitu, Callistum pontificem, agentem in otio, ac pacis perfruentem bonis, nihil etiā minus quàm bellum timentem inuasit, perculit, ex improviso adortus est. Petat nunc igitur Lotingius dux inducias, qui tot annorum pacem ambitione præceps turbauerit sua. Detur Picinino tempus ad arma colligenda, quibus tertio in pontificem Romanum maioribus copijs, infestioribus militum animis insurgat. Induat Pius pontifex mediam personam, qui penè spoliatus Pontificatu inops, erransque aliorum opem querere est coactus. Non priuatā igitur Ferdinandi causam defendendā suscepimus, quam ut suscipere deberemus, ius honestasque & Apostolicæ sedis dignitas postulabant: sed nostrā, sed vestram qui in hoc cōfessu adestis, sed Romanæ ecclesiæ causam & suscepimus, & suscepisse lætatur. Nec prouocemus Gallos in odium, nec ad bellū nō necessariū exhauriamus ecclesiæ ærarium. Scilicet non suscipit necessariò bellū, qui domo sua suis è laribus propè pulsus est? Iactat pecuniā, thesauros dissipat, qui direptiones, cedes, incendia prohibere ab suis parat? prouocat Gallos, qui in Italia in sedibus suis, suoque cōtentus quiescere securus nequit? O consilia, o artes. Per ego Deum Optimū Maximum, perque Urbis ac templi huius venerabiles tumulos, atque aras oro, obtestorque, ne partiū studijs victi perperā cōsulatis, neue dum alteri factionū fauetis obliti loci huius, ac iusti, honestique immemores facti, parum honesta consilia, præter vestram, senatusque Romani dignitatem sequamini. Me sat scio, dignitatem Pontificis, & huius augustæ sedis maiestatem retenturum, et quod semel coepi pium, honestumque consilium secuturū. Atque uti Deo autore bellum suscepi, eodem quoque adiutore, & administraturum spero, & confecturū è sententia confido. Dum Romæ frustra de induitijs agitur, interea Picininus, reliquijs exercitus collectis, aduersus Ioannā Celanā nouum bellum aggreditur. Hæc mortuo Leonello marito, duobus ex eo susceptis liberis, quod Celanensis comitatus dotalis esset, ipsa subiectos populos pro arbitrio moderabatur. Nam & popularibus, propter generis antiquitatē erat acceptior, & Rogerius natu maior, eius aut ingenij, aut ætatis non erat, cui tutò rerum moderatio permitti posset. Quod ille egerrimè ferēs, parteisque Andegauensibus secutus, Picinino adhæserat. Quo autore Picininus Gallianū ubi Ioanna cum antiquis se thesauris tuebatur, circumfedit, castelloque potitus, apparatus omnem ad arcem oppugnandam conuertit, æneisque tormentis die ac nocte quatit. Ioanna quo erat animo, quos in arce secum habebat, horrabatur, uti fidei ac virtutis memores, obsidionem quam fortissimè ferrent, esse in Pelignis, Marruccinisque regiones exercitus, regiones præfectos: sat se certum habere, breui eos subsidio venturos. Igitur dum affirmatis animis hosti acriter oppugnanti resistitur, dum regij præfecti tardius se ex hybernis mouent, & Picininus plurimo peditatu locorum angustias occupat, quassatis, ac partim solo æquatissimis muris arx capitur. Splendidissima Leonelli suppellex, ac tot proauorum veteres thesauri direpti, nullum in egregiam fœminam misericordis animi officium à Picinino tributum, nullum à filio pietatis meritum. Matrona paulo antè plurimis ornata bonis, rerum humanarum exemplum, captiua trahitur fortunæ matris filio insultante. Eat tempestate fuere, qui crederent Matthæum præfectum, quod egregium ducem, veterem amicum pati noller, sordescere, dum anni tempus causatur, dum



tur, dum segnius consulto agit, Picinini inceptis locum dedisse. Hac præda viribus auctus Picininus, exercituq; ex parte refecto, quâquam hyems premebat, tamē quod occasione utendum duceret, Sulmonem circumfidere decreuit, ratus antequam subueniri à rege, propter anni tempus posset, agro se atq; urbē potiturum, quam sciret extrema rei frumentariæ inopia laborare. Eius autem obsidendę ratio hæc placuit, uti dispositis per finitima castella militibus, quæ cuncta Andegauensium erant partium, ne frumentum importari in urbem posset, prohiberetur. Idq; quo facilius fieret in via militari, qua Populum, atque ad Aterni pontem itur, munitionē ex aggeribus, ducta etiam fossa ab æde Tarentini ad ripas fluminis ædificari summa celeritate iussit, præsidiumq; quantum satis visum est imposuit. Ipse Pentimæ, Ioannes Pratulæ, Pacentri Restainus, & Ioannes Antonius Caldoræ agebant. Atque hac potissimum ratione urbem, quanquam in plano sitam, undique tamen montibus clausam, circumsidebant. Cum igitur indies arctius à Picinino premeretur, Matthæusque ac Robertus, cum & ipsi tentassent sæpius irruptis munitionibus, commeatum eò immittere, frustrati incepto, ad hoc tandem cōsiliū cōuersi sunt, ut nunc Populi, nunc Caramanici in hybernis agentes, per mōtem, qui longo admodum, æ perpetuo tractu interiacet, quâ maximē inuius ipse ac confragosus esset, noctu per homines opportunos, ac locorum peritos, humeris illigatos sacculos frumenti plenos præruptissimos per aditus quâ minimē hostes suspicari possent, Sulmonē clam importandos maximo silentio curarent. Quod dies complures diligentissimē curatum cum esset, nixq; interdum esset tanta, ut superari mons pluribus minimē diebus posset, plebsq; fame acrius premeretur, ducenti numero ciues grauius fame pressi, in ijsque quidam etiam mercede conducti per loca illa hostibus hætenus incognita perrupere Caramanicum. Hic igitur numerus hosti cum esset de uestigijs compertus, dispositis insidijs ad vnum redeuntes omnes capti, ductiq; ante urbis muros Picinini iussu, qui exteri essent, atque conducti pretio iugis suspensi sunt, qui ciues Pacentri in custodijs habiti. Tum verò ciuitas victam omnino se, atque expugnatam fateri nihil ultra sperandum esse, nihil è Campania, nihil ab rege propter occupatos à niuibus, atque hostium custodijs aditus, nihil ab Matthæo, Robertoque propter obseruatos montis anfractus vniuersos, expectandum præsidij, ducere. Ira, metus, fames, viros, mulieres, senes, adulescentes, æquē omnes denique vexatos malè habebat: eoq; perducta res erat, uti in prælium persæpe prodirent, quo confossis hostium equis, cadaueribus eorum potirētur quorum visceribus famem temperarent. Quin etiam exenteratis illis subducebant eorum ex intestinis quod inesset aut hordei, aut tritici, aut ijs commixti pabuli. Itaq; pluri mos iam dies, nunc sola carne fœdissimorum etiam animalium, nunc nuce, glande, canabe, parcē, distributimq; dispartitis, fame tolerata, plebeijs etiam aliquot teterrima fame absumptis, septimo tandem mense vrbs Picinino deditur. Ea dedita sæuitum est in aliquos ciues propter factionem, intestinaq; odia Quadrariorū familiæ inter se ac Merlinorum. Potitus igitur vrbe Picininus (nam Ioannes communi è consilio in Campaniam, atque ad Martianum venerat, veritus ne is regi conciliaretur) reficiendis copijs omni studio intentus, vbi aliquot restituisset turmas, quod iam maturescerēt in agris segetes, militibus egredi ex hybernis iussis, in Feretanorū fines castra cōtulit.





IOANNIS IOVIANI PONTANI DE  
FERDINANDO PRIMO REGE NEA-  
POLITANO ALPHONSI FILIO  
LIBER QVINTVS.



**T** REX persoluto equiti stipendio, iussuque eo ad cōstitutam diem sub signis cōuenire, cum paucis Leborios profectus in campos, collocatisque tabernaculis ad Annechini Pontem, quę Campani nunc agripars, Gallica appellatione Mansiorosarum dicitur, dum eques instructus, conuenit peditem scribit. Interim etiam dum segetes maturescunt, explorat vndique Martiani cōsilia, qui se Albanum intra agrum, Massicosque munierat montes: quibusque maximè artibus Sueffana intra culta, vicosque irumperet, animo sollicitus agitatur. Erant duo omnino aditus, alter confragoso itinere, ac maximè angusto, præruptis rupibus, cui Cascano est nomen: qui locus et multitudine lectissimorum peditum, quorum erat Martiano copia, & aggere turribusque ad portam substructis præmunitus, spem eripiebat inter tot munimenta, accerrimosque defensores ferro viam aperiendi. Alter erat aditus Sinuessanas ad balneas, secundum mare, et ipse fossa propugnatoribusque egregiè instructus. Nam ad mare quadrata è lapide turris in altum protendebatur, & in medio tractu Massicos versus montes, loco paulo editiore in arcis formam, etiam structio è lapide erectæ turres erāt, quas inter ac declinateis radices montis modicus procurrebat tractus à sinistra. Maritimam verò inter turrim à dextra aggeres ducti horrebant, munitionesque turritę cum fossis, frequentibus etiam sclopetis, colubrinisque instructæ, multisque & strenuis munitæ defensoribus. Summo autem in monte turris item è lapide, veterique surgebat structura, quę et aditus quosdam per se etiam difficiles, atque arduos tuebatur, & ex altissima despectabat specula subiectos campos ac maria. Qua capta, superiore è loco pediti dabatur ingressus intra munitiones, opportunitasque inuadendi à tergo propugnatores. Cæterum res difficilior apparebat, quod specula ipsa neque carebat custodibus, aut præsidio, et equitatus opportunis in locis à Martiano dispositus discursans patenteis agros tutabatur, occurrebatque repentinis casibus. Hic igitur delectus est locus in planitiem irrumpendi. Rex verò quo hoc ipsum consilium hoste lateret, motis è Rosarum mansione castris, ad Sauonem profectus, metatur secundum amnis ripas, circiter duobus passuum millibus à Turrifrancolisia, vbi diebus aliquot castra habuit sub speciem vastandi agri, atque colligendarum segetum, præ se etiam ferens Cascani sibi esse saltus consilium inuadendi, diruendæque munitionis. Quæ è re Martianus quanquam timebat etiam Sinuessanæ munitioni, vim tamen omnem peditum illuc conuertit, equitatumque propius admo- uit. Ipse verò Sueffanæ agere, ac nunc his, nunc illis sese locis ostendere, prospicere munitionibus, multa per præfectos administrare, exploratores plurimos huc illuc dimittere, nequid à tergo latere uel per Lirim amnem, oramque maritimam repentinè ab hoste accideret, neue per Theanenses aut Gallutianos saltus, Taurumque montem vis aliqua ex occulto inferatur, cauere, procurare, auertere, summo studio die, noctuque intendere, agrestes, coloni, villici uti faciendis messibus, comportandoque in urbem frumeto dent operam, imperare, ac festinari iubere, nullumque discrimen festi, profectiue diei haberi permittere, nihil denique vacui à labore, officiisque, colonis, militibusque labi sinere. Cum Ioanne simul, qui eodè se è Marfis contulerat, multa etiam agitare. Illud verò cum primis vereri, ne Federicus Vrbinas, neue Vrfinus Neapolion, qui iussu Pontificis in Soranum Arpinatemque è Sabino bellum transtulerant, per Casinatem à tergo agrum inuaderet. Quod tamen sæpius per literas, nuntiosque rogati à rege facere recusarunt, Pontificis imperium causati, dum Pius sibi statuit, Romanæque ecclesię, non Ferdinando regi Celanensem, Soranum, Arpinatemque simul agrum ab hoste vindicare. Quo factum est, uti Ponscuruus, opportunè Casinatis agri oppidum, atque ad Liris amnis ripam positum, ab Ecclesia hodie quoque teneatur. Nā Ferdinandus quo Celanensem reuendicaret, Mariā è concubina



concubina filiam Antonio Pij sororis filio vxorē dedit, ijs conditionibus, vti Celanensis comitatus Antonio Mariæq; dotis traderetur nomine, viueretque Antonius liberiq; eius quo antē iure Celanenses comites Neapolitanis sub regibus vixerant. Atque inde mortuo Pio, cum successisset Sixtus, collocata Catarina Martiani filia, Antonio Ruerio Sixti sororis filio (nam capto Martiano filiarum eius viris collocandarū curam rex susceperat) Soranum, Arpinatemq; agrum ab Federico, Neapolioneq; recuperatū sibi, regnoq; Neapolitano restituendum cavit, dotis nomine Catarinæ atq; Antonio, Pōtifice volēte, traditū. Rex igitur cōmunicatis cū Roberto Calatino cōsilijs, cuius forti fideiq; opera multū utebatur, iubet illū intempesta nocte, magno silentio, egressum castris, quatuor cum turmis equitum, aliquotq; peditū cohortibus superare Massicum saltum, turrimq; occupare speculatoriam. Ille impigrē pulso præsidio, quod saltum tuebatur, perculsisq; multitudine displodentiū sclopetariorū turris custodib. eaq; statim dedita summum occupat montē, quo ē loco facilis erat pediti in planum ac post munitiones descēsus. Rex accepto ab Roberto nuntio, instructo agmine cum vniuersis copijs ad munitiones contendit: quō cum peruenisset, dum interim ducū exquirat sententias, sciſciturq; quid quisq; agendum censeat, Anechinus Morimilis, strenuus, ac multis vir exercitatus bellis, relictum inter munitiones medias ad turreis, callem ad vsum emittendorum peditum conspicatus, adactō summo cum discrimine per callem equo, subsequenteq; cui ipse præerat, equitum turmæ, fugato præsidio, quod post munitiones excubabat, aliquāto longius planitiem versus progreditur: ubique tātis per prospectans stetit, dum regem de ijs quæ acta erant, certiores facit, expectatq; suppetias mitti. Cēterū nō expectato regis iussu, magnus tum peditum, tum equitum numerus eundē insistentium callem, qui attritu vngularū factus erat aliquanto habilior, trans munitiones irrūpit, iungiturq; Anechino. Ille se viribus vbi ijs auctum sensit, aliosq; atq; alios subsequi intelligit, vltērius progressus, conspicatur Marianum pluribus cum turmis vnientem subsidio suis, magnoq; ferri impetu. Itaque cohortatus suos factusq; illi obuiā, impressionē eius primō fortissimē excipit, dein viribus usus, facilē eum atque confestim repulit, & virtute equitum, & militum multitudine subinde ingruentium, versumq; in fugam, parum ab fuit, quo minus regius eques inter frutices illum, viarumq; anfractus interciperet. Missæ igitur à Ferdinando cōplures auxilio turmæ ad Sueffanos vsque cliuos infectatæ fugiētes sunt. Interea ad munitiones accerimē pugnabatur, quibus magno impetu captis totus ferē immissus est exercitus. Dum autem maritima oppugnatur turris, fitq; inter pugnātes de deditōne mentio, explosa colubrina ab illis qui turres defensitabāt medias, præfectus maritimæ, qui de dedenda turre agebat, colubrinaria pila traicitur, cuius casu turbati reliqui, qui in propugnaculis erant, ac perculsi metu sese dedidere. Tum verō magnæ excursionēs Albanos per agros factæ, multi mortales occupati messibus, passim in campis capti cum bubus, iumentis, equis, pecorisque ingens vis abacta. Quod regi vbi nuntiatum est, missis confestim qui equites reuocent, iubet vniuersos in castra regredi. Multa enim cum supra opinionem successissent, & dolos verebatur, & consilij incertus erat. Die quæ infecta est, dirutis munitionibus, exercitus immissus est cum impedimentis, castraque secundū Lirim in pratis posita, eoq; tormēta maturē conuectari iussa, ponsq; ē scaphis, atque interiectis tabulis super Lirim stratus. Interim mediarum turrium præfectus desperatis auxilijs, suæque ac suorum saluti parum fidens, si tormēta propius admota essent, deditur his conditionibus, vti liberum cum vestimentis, ijsque qui cum eo essent abire Sueffam liceat: Rex igitur, quo hostem ad inopiam ac famem redigeret, diebus singulis, producta maxima copiarum parte, conuocatis frumentariam ad prædam finitimis, agros vastabat, atque exectas segetes, frumentumque comportari in castra, tutosque ad locos iniungebat, summa cura per solertes atque idoneos viros huic rei adhibita. Perlati itaq; in castra tormentis decreuit rex arcem, quæ trans Lirim à Martino tenebatur, expugnare. Itaq; concussis aliquot ictibus eius muris, nō multos post dies facta à præfecto deditōne, arx recepta est. Per eosdē dies Neapolion ad regē in castra venit, cōmunicatisque simul consilijs, cōfestim ad exercitum in Arpinatem redijt. Tumultuatū est etiam in castris ad Falciculam. Id signum est gregariorū militū, dū ad arma aduersus ducem concurrunt. Nam in vnum omnes locum armati ad id nomen



conueniunt, ducesque sibi suo ex ordine ac numero statuunt. Neque etiam rarò aut duces ipsos exercitus in medio belli ardore deferunt, aut forù rerum venalium diripiunt, nonnunquam etiam ducum ipsorum tabernacula. Tumultus huius ea fuit causa, quòd gregarius propter rem furto subreptam, à pratore, qui nunc magister castrorum dicitur, Gallico autem verbo Marefcallus, ad suspendium trahebatur: quod ægrè multitudo cum ferret, repentè gregarij rei amicus cœpit cōclamare, Falciculam. Ibi è vestigio gregariorum vndique nimbus conuolat, parumq; abest tumultuatio à direptione tabernaculorum. Rex tamen facillè post primum impetum, instructo statim equitatu, repressit tumultuantes, ac bonis verbis delinitòs, vt ad tabernacula sedatis redirent animis suasit, condonata reo venia. Spoliatis igitur campis omnibusque fortunis exutis agris, decreuit rex expugnare Montis Draconis roccam. Id oppidum ad Massicorum exitum mōtiū quā in mare atque ad meridiē spectat, editissimo in vertice situm, Falernos, Stellateisq; dispectat agros. Ad eius autem montis latus, quā in mare vergit, vestigia extant veteris oppidi Petrini: cuius è ruinis, quod nunc est in vertice constitutum oppidum, traxisse originem, sunt qui arbitrentur. Ad alterum verò latus, quod Solis prospectat ortum, fanulum existit Marci Euangelistæ, post cuius aram hiatum esse subterraneum indigenæ affirmant: in quem vbi paulum modò descenderis, ad intimum ipsum montem specus panditur, ingens ipsa, ac nunc latis, modò angustis anfractib. vasta, & horrens: quòd qui ingressi quādoque fuerant, nunquam post id reuersi, quòd à dracone antri custode, tetro primum exanimati afflatu, mox etiam deuorentur. Atque ob hanc ipsam causam de dracone nomen monti est inditum. Referebat Philippus notarius, loci eius incolæ, vir summa fide, ac multo rerum vsu, mihiq; perfamiliaris, hiatum illum superniecto saxo occlusum olim iussu Iacobi Sannazarij Neapolitani, viri patritij, qui oppido, finitimisq; imperitauit agris, sub Vladislao rege, cui ob virtutem, rei que militaris peritiam cum primis ille fuisset acceptus. Dum Iacobus ipse & superstitioni ratione hac it obuiam, et ne qui è popularibus, aut oculis, ut sunt humana ingenia, dum explorandi studio capitur, antrum ingressus, aut ruina deiectus, aut aspiratione tetra afflatus, diem illic obiret. quam ipse causam esse duceret nullius ingredientium reditus. Locus is igitur et aditu difficilis est, et natura manuque permunitus, qui que paucis tempore propter asperitatē ab habitatoribus destituatur, qui sub ipsum montem, vicum maximè frequentem inhabitant, cui nomen est ad Marcos. In eo vico collocatis rex equestribus copijs peditatum ferè omnem distribuit in colle, qui vertici ex aduerso obijcitur, interiecta conualle nuda arboribus, horrida saxis, accessu aspera ac difficili. Disposito hic peditatu, delegit rex loca statuendis bombardis, magnoque fabrorum labore structis, congeftisque absque calce lapidibus, castellum ædificat. Quo perfectò, viam subuectandis ad castellū bombardis per obliqua, confragosaque montis latera complurium dierum, plurimorumque hominum opera strauit, produxitque in summum. Res hortari videtur, vti pro meo instituto, & regionum, & locorum tum nouas, tum veteres appellationes referam, quoque dicuntur à nobis, apertiora fiant legentibus. Vetus Campania per Augusti tempora ab meridiē mari Tyrrheno; ab occasu Tiberi; Sarno flumine ab ortu; Hernicorum ac Samnitium montibus à septentrione claudebatur, multos pupulos, ac gentes, præclarissimasque intra se vrbes continens. Post clades igitur Italicas ab exteris illatas nationibus, postque euerfionem Romani imperij, fines quoque mutati sunt, & cum ipsis finibus regionum nomina. Itaque tractus is omnis qui est à Tiberi ad Tarracinensem saltum, post Amarenum Latij oppidum per Velitras, Syrmōnetam, Setiam, Priuernum, Tarracinamq; maritima hodie ora dicitur, corrupta autē à vulgo appellatione, Maremma, videlicet quod mari adiaceat. Qui verò tractus, Prænestinum post agrum, per Valmōtonium, Ferentinum, Anagninā, Frusinonem, Ceparanum, Aquinatē ad agrum porrigitur, suo nomine hodie quoque Campania vocatur. Vterque autem tractus Romane ecclesiæ ditionis est. A saltu verò Tarracinensi, finibusque Ceparanensibus Neapolitanum regnum incipit. Quodque agrorum atque urbium ab eo saltu, ijsque finibus ad Sarnum vsque fluuium, cui nunc Scaphata nomen est, interiacet, Leboria terra dicitur, appellatione inde ducta, quòd quæ terra à Latinis olim Campania diceretur, à capiendis fructibus, atque ab vbertate soli: qui que nunc Capuanus est ager, quod Græcè illum tunc gen-



tunc gentes atque vrbes colerent, eadem nominis similitudine, leborij dicti & agri, & populi. Quocirca exigēdis uectigalibus regij quæstores, diuisis prouincijs, tractū hunc Leboriam appellauere terram, in qua sunt Fundi, Hydris, Caiecta, Mola, Casinates, Sueffa, cuius ager Albanus quondam dictus est, Theanum, Venafrum, Capua, Caserta, Auerfa, Puteoli, Neapolis, Nola. Cui adiungitur ab iisdem quæstoribus Samnij quoque pars ea, in qua est Bouianum, & Isernia, qui ager recenti nomine est Molisius, Molfio ab oppido, à quo originem duxere qui agro quondā imperauerunt. qua è re familia quoque Molisia hodie agnoscitur. Subuectis igitur summum in collem bombardis multo hominum labore, maiore iumentorum, bouūque, pluribusque diebus frustra absumptis, quod oppidi moenia septentrionem versus, quā bombardis exposita erant, in summo erigebantur vertice: cum tamen vniuersum postea oppidum in austrum vergat. Itaque quod tormentorum longior esset iactus, muriq; humiliores, ictus ipsi frustrabantur bombardarū. Nam aut superuehebantur propugnacula, aut montis percutiebant saxa, verticisque exelas cautes, quibus muri impositi. Neque huic rei adhiberi remedium poterat, nō temperandi pulueris, non ad normā minutius exigendi, atq; ad metā, & ad iactum lineas. Quæ res Ioannem Martianumq; inuitauit, quod pollerent peditatu ad inuadenda tormenta, eosque qui in præsidio pedites, equitesq; in colle ad castellum cōstitierant. Itaque intēpesta nocte per anfractus viarum perlatus, Andegauienfis miles, ubi propior factus est castello, magnis sublatis clamoribus vigiles inuadit, eosq; qui in præsidio erant, cēdit, fugatque; castellumq; adortus tandem per vim eo potitur, vulneratis primò, inde captis qui ad bombardas intra castellum excubabant, in quibus fuere strenui ac nobiles viri. At qui ad Marcos in castris vigilias agebant, re per clamores cognita, accurrunt. Rex & ipse, vt quisq; armatus offerebatur, alium post aliū summittit, donec copix omnes armatae ad signa constitire. Et iam prima rubescebat aurora cum hostes conspicati ascendentem militem, superantemq; montis ardua, relicto castello tormentisque, non expectato primorum ascensu, cum captiuis per montes citato gradu Sueffam se recipiunt. Rex territabundus, quanquam oppidanis excidium, direptionem cædemq; minitabatur, irritō tamē incepto, paucis post diebus inde abiit. Verū enim irritam obsidionē, vtq; incassum cederent conatus tanti, fusus repētē coelo nimbus efficit, laboratibus, ac penē eneētis siti popularibus. Nam quod mēses aliquot nullos aēr hymbres dederat, et quod in cisternis erat collectum aquarum, id omne exhaustum cū esset, languentibus maximē agrestibus, cunctis deniq; ob aquarum inopiam postremò metuentibus, nefarium ad sacrum Magicaque ad maleficia cōcursum est. Quod in summis miserijs, vltimaque aquarum penuria perditissimis à sacerdotibus commentū esset, dum impiē agendo, Dei simul iras, & aëris turbationem, ac tempestates exciunt. Inuenti enim ex oppidanis, atque obsessis sunt, qui nocturnis in tenebris, deceptis castrorum vigilijs, per asperrimas rupes furtim profecti ad litus, trahentes secum imaginem affixi ad crucem CHRISTI, maledictis illam prius ac diro presecuti carmine, post in mare execrabundi immerferint, coelo, mari, terrisque tempestatem imprecati. Quo etiam tēpore sacerdotes quidam mortalium omnium scelestissimi, dum satisfacere profanis militum artibus student, ritum nefarium secuti, quo, vt dictum est, in huiusmodi necessitatibus elici hymbres putantur, asino pro ædis foribus constituto, tanquam agenti animam cecinere funestum carmen. post diuina Euchastria in illius os, palatumque iniecta, conclamatū asinum funereis cantibus, viuum tandem ibidem pro templi foribus humauere. Hic verò vix dum perfectō sacro obnubescere aēr, ac mare agitari ventis cum cōpisset, diesq; medius offundi tenebris, ac nunc coelum micaret ignibus, nunc lux omnino eriperetur, tonitru coelum, terræque horrescerent, volitarent euulsa ventis arbores, discissaq; fulminibus saxa complerent auras fragoribus, prorupit tanta è nimbis pluuia, hymbresque tam validi, vt non cisternæ modò colligendis aquis satis non essent, sed arentia saxa, rupesque exustæ solibus, torrentes vndeque prolapsos diffunderent. Itaque rex, qui sola in siti potiundi oppidi spem collocauerat, frustra ab ea habitus, ad Sauonem vetera in castra redijt. Cæterum existimare Deum iratum, beneficium pro scelere referre, neque pij est hominis, neq; rerum naturæ callentis, atque peruestigantis causas. Quo enim maiores inualuere siue hyeme, siue æstate æstus, coeli ac



terre siccitates, eo tempestates cōsueuere pōt sequi fœdiores, nimbiq̃ue magis procellosi. Habente hīc castra Ferdinando, leuib⁹ quidem ex iniitijs agitari cœptum est de pace, Martiano popularium iras ob famem, futurum in annum verente, Ferdinando autem metuente Tarētini perfidiam, quodq̃ue intelligeret quartana illum magis magisque indies premi, ex eo cupiente in Apuliam quamprimum, finitimaq̃ue Tarentini locis loca cum exercitu proficisci, ad naturæ extremos casus. Itaq; equis cōditionibus pax sit paci additur alterum affinitatis vinculum, Beatrixq̃; Ferdinandi filia, quæ post Matthiæ Hungariæ regi nupsit, Ioanni Baptistæ Martiani filio despondetur, permittente Pontifice, quod vterque & vir, et vxor, alter è sorore, è fratre altera, Alphonsi regis liberis orti essent. Moxq̃ue ex conuento Beatrix à Ferdinando Sueffam, ad Helionoram sororem mittitur, futurum pignus et securæ pacis, et certi matrimonij, cum esset vterq; impubes. Andegauienti publica fides data, tutò se Isclam ad Torrellā conferendi, quibus cū etiā vellet è suis; cæteris in quæ loca, et ad quos vellent accedendi potestas permissa. His igitur peractis, rex extrema parte æstatis in Apuliam profectus, positus ad Luceriā castris inde ob sclopetorum, colubinarumq̃; diurnos, nocturnosq̃; displosus, repentinasp̃ue cuiusq; modi militum generis cædes, dimissa obsidione Manfredoniam petit, quā versus cum è Campania discederet, ænea comportari tormenta iusserat. Itaque vno ferme tempore & rex propter mœnia metatus est castra, & carri cum tormentis, alijsq̃; machinis eò peruenere. Quibus aduersus muros à septentrione ad iactū admotis, paucis diebus quassata mœnia, dirutæq̃; turres, dedendæ spem vrbis pollicebantur. Cum iam in castris ob summam cōmeatus inopiam penè tumultuatū est, stipendiaq̃; conclamari vniuerso à milite cœpta. Rex igitur quo sub spe stipendiorū è vestigio soluendorū exercitū prōptum, paratumq̃; ad imperata haberet, Barolum ad ea comparanda proficiscitur. Eo vix digresso, nauigia duo onerata fabis, atq; à Tarentino sub specie exercendæ mercaturæ ab Vigilijs, quod maritimum est oppidum, missa, cum appulissent, ad litus cōstitere: admonitiq̃; nauigiorum ac fabarū domini, nō licere, qui amici essent, obsessam eos urbem ingredi, aut adiuuare annonam, fabam in cōtinenti expositam regio quæstori vendere: quam per equitum ac peditum cum distribuisset capita, hac ratione tridui cēsuluit exercitus totius fami: cum interim ducibus oppugnationem parantibus ventum est ad deditiois conditiones, quarum medius Barolitanus cum esset Barnabās, scriptis ijsq̃ue ad regem mitteretur, dū inter ciues, militesq̃; pacata seruntur colloquia, ad muros atq; ad portas factō ex improviso impetu, ducum fraude ac prædæ cupiditate per ruinas mœnium irruptum est in urbem, eaq̃ue fœdissimo exemplo direpta, atque inter sacra profanaq̃; discrimen nullum habitum. Quæ res ingenti Ferdinandum dolore affecit, qui ne statim regredi Manfredoniam ad exercitum posset, aliquot dierum febricula effectum est. Interim arx Sancti Angeli dedita cum thesauris, qui in ea erant, missusq̃; ad eam accipiendā cum præsidio IOVIANVS PONTANVS, qui regis iussu in castris remanserat, quo ducibus adesset copiarum in administrandis rebus. Descendentē in Apuliam regē Antonius Agellus, & Antonius Vidanus Tarentini Legati adierunt, ijsq̃; Romam, vti aiebant, ituri pōsthabitu cum eo cōgressum, rex illos ad Ioānē Antonium remisit, qui aggrauante quartana Idibus Decēbris in arce Altemuræ diem obiit. Mors tamen eius suspicione nō caruit. Nam vterq; Antonius in suspensionē cum venisset, initi cū rege cōsilijs, subminatus (in cubiculo solus cū esset, ac sine testibus) Tarentinus eis fuerat vbi Tarentū, quō properabat, peruenisset, securi quamprimū in illos animaduersurū. Id à puero qui assiduus in cubiculo versabatur, clanculū, & quasi nō audisset exceptū, atq; ad alterū ex Antonijs perlatū à quo blanditijs, pollicitationibusq̃; delinitus puer fuerat, præproperandam ad necem perpulisse vtrunque creditū est. Itaque ad multam noctem ingressos cubiculum, vt qui repentinum aliquid afferrent, somno, morboq̃ue oppressum strangulasse, statimq̃ue ad regem misisse mortis nuntium. Multaq̃ue comperta violentæ mortis signa statim diuulgatum est. Rex accepto nuntio, missisq̃ue qui urbem, atque arcem acciperent, cumq̃ue ijs simul Marino Tomacello, fideli & cauto viro, qui duodecim millia aureūm ex arce, magnamq̃ue auri atque argenti summā inde in castra ferret, accito è Manfredonia milite, solutoq̃; stipendio ad Aufidum pergit: atq; inde mouens in agro Tranensi cōsedit, tantisper ibi moratus, dum qui post Ioannis Antonij mortem, Barenfi in



Barenſi in terra motus fierent, ab exploratoribus ſignificaretur. Inde verò cum ad Quar-  
 ranam mouiſſet ſyluam, maneq; ſolis ſub exortum, innumerabilis ferè ſturnorū nume-  
 rus paluſtribus è locis in aëra perlatus cum eſſet, ingruens ex improuiſo falco accipiter,  
 eos repente fugat ac diſijcit, tantuſq; inuaſit aues metus terrorq; vti inter acies cōuola-  
 rent, ac ſi armatorum ad ordines cōfugerent, magna exultatione incedentis agminis, fe-  
 liciq; bene vaticinantiū militū præſagio. Quo augurio proficiſcens rex, ad ſyluā ubi per-  
 ueniſſet, nuntios accipit, vrbes ferè omnes & Barenſis, & Hydruntinæ terræ, inuocare  
 Ferdinandi nomen, ac ſalutare eum regē. Quædā etiam ſtatim oratores in caſtra miſere  
 quosq; ipſæ vocant Syndicos, qui publico populorum nomine ſeq; vrbesq; dederent.  
 Cum autem factus eſſet certior Ferdinandus, Iulium Antonium Aquæuiuum Tarentini  
 generum, cum viginti equitum turmis in armis eſſe, idq; ſtudere, quo Baro vrbe potire-  
 tur, in cuius arce ad quadraginta aureū millia ſeruarētur, Triliciū verſus caſtra mouit,  
 ubi pluribus diebus cum haberet caſtra, Barum atque arcem ipſam finitimis cū oppidis  
 recipit. Interim Iulius Antonius, qui viuente etiam Ioāne Antonio regis fouerat partes  
 quod & populos in regem inclinanteis cerneret, & ſpurium Ioannis Antonij filium, ne-  
 quaquā eo ingenio præditū noſceret, qui ſuccedere paterno imperio dignus atque ido-  
 neus videretur, cum rege pactus, liberali ad illū animo in caſtra ſuis cū copijs venit, ve-  
 xillaq; veneratus eſt. Inde rex diſpoſitis oportuna per loca copijs, Tarentū profeſtus,  
 pacata omnia inuenit, nullūq; fuit alicuius nominis oppidū ad quod nō acceſſerit beni-  
 gnè, liberaliterq; acceptus à ciuibus, quos ipſe publicè, priuatimq; ac præſertim bene-  
 meritos, quosque proſecutus eſt priuilegijs, muneribus, beneficijs, aliosque liberauit  
 veſtigialibus, alios ornauit ſtipendijs, equeſtri que prærogatiua. Compoſitisque regio-  
 num earum rebus, ſub ipſum Ver Neapolim redijt victor, opibusq; et fama inſignis, di-  
 uerſis etiam oratoribus qui ad eum conuenerant, alijsque & bello, & pace claris viris,  
 in ijsque Alexandro Sfortia, qui ad eum è Theatibus venerat, ac Bartholomæo Cardina-  
 nale comitantibus. Duxit autem ſecum & Iulium Antonium, cuius operā, conſilijsque  
 in maximis pacis ac belli rebus ex eo uſus eſt; culus etiam ductu multa poſt & fortiter  
 geſſerit, & feliciter adminiſtrauerit: tametiſi in toga quā in armis non minus vir hic cla-  
 ruit, ad præſtantiſſima quæque natus munia domi, forisque. Ingredientem Neapolim  
 Ferdinādū, nobilitatis ordo populuſq; nullo nō honoris genere cumulauit. Gaudij, læti-  
 tiæq; à viris, mulieribus, omni deniq; ætate in templis, porticibus, cōpitis, priuatorumq;  
 ciuium domibus ſigna promiſcue præbita. Is poſtquam & ciuium & oratorum rebus,  
 qui ex Italiæ viribus gratulatū multi venerant, ſatis fecit, reuerſus ad belli ſtudia, Iſclæ  
 obſidioni acrius intendit, datque maritimæ rei operam. Hinc Qui arcem multis prius  
 uſus artibus corrupendis cuſtodibus, concutit, ad motis ingentis craſſitudinis tormen-  
 tis, in caſſum tamen, multorumque operum & dierum iactura. Longè verò poſt fame  
 coactus, præſectus illam dedit, qua vndique perquiſita, præter ſalis paſillum in ollulā,  
 faſciculumque ſalitæ braſſicę, nihil omnino eſui quod eſſet, in arcem repertum eſt, adeo  
 fortibus atque obſtinatis animis præſectus, defenſoresque extitere. Inter hæc agentē  
 ad Iſclam Ioannē, tum rebus alijs, præſertimq; miſſa clam annonā, tum interceptis Mar-  
 tiani literis, cognitum eſt, illum noua cum Ioanne inſiſſe conſilia, idq; modò expectari,  
 dum exectæ meſſes eſſent, frumenta q; intra oppida relata, ne renouato bello fame præ-  
 meretur, populariumq; metuendi tumultus Martiano eſſent. His perceptis cōſilijs mul-  
 ta cum animo ſuo agitans Ferdinandus, illud primū curabat, ne ratione aliqua ſuſpectā  
 habere Martiani fidem putaretur, quodq; Neapolis graui laborare peſte cœperat, quo  
 urbem multitudine vacuam faceret, per hanc ſpeciem ſtatutis Leborio in campo taber-  
 naculis eò ſe recepit, aſſiduo venatu, aucupijsq; nunc Capuano, nunc Auerſano ſe exer-  
 cens in agro. Quodq; Caldoræ in Ferantianis hoſtiliter adhuc agerent, vt qui debella-  
 turos eos eſſet, ſoluto militibus ſtipendio, cōuenire eos Roſarum ad Manſionem iuſſit:  
 atque ubi maturæ ſegetes viſæ ſunt, repentē ad Sauonem vniuerſo cum exercitu profe-  
 ctus, Martianum ad ſe in caſtra omnibus cum copijs euocat: quō ni ſtatim proficiſcere-  
 tur, illum ſe pro hoſte habiturum, agrumque eius omnem hoſtiliter populaturum ſigni-  
 cat. Ille primò timens, pauensque prius etiam omnia tentaturus videbatur, quā vt re-  
 gis ſe fidei permittere armati, & inimicum præ ſe ferentis animum: tandem & ſuorū ad-



monitionibus, & quòd populariù fame laborantium animos verebatur, iratos iam, & de rebellionem cogitantes, ad regem vultu, orationeque quammaximè composita in castra venit, ab eoq; benignè acceptus est. Cum eo rex permulta egit tum de rebus suis alijs, tum de conciliandis, aut debellandis Antonio, reliquisque Caldoris. Ille verò aliquot post dies, ex quo in castris manserat, quiescète in tabernaculo fege, mane sub exortum solis, equo per castra præter solitum deuectus, deambulansque cum paucis, ac subinde quasi multa animo agitans vultum immutabat, aliò atque aliò sese vertens, nunc humi fixos tenebat oculos, nunc cœlum suspirans, aurasq; suspectabat. Quod animaduersum cum esset, regi que perlatum, iussit diligenter vadum obseruari fluminis, quo è loco ad Carinulas fugienti (neq; enim amplius duobus millibus passuum oppidum aberat) iter tutum erat, vadum prætergresso. Incertus igitur, atque animi dubius fluctuansq; diutius cum fuisset, tandem ad vadum iam citato equo repétinus ferebatur. Ibi interceptus à custodibus, captiusq; Capuam, atque inde Neapolim regis iussu ducitur. Qui statim vrbibus, atque arcibus illius potitur, Helionora cum liberis, ac Beatrice Auerfam deducit. Ipse confestim cum exercitu in Samnium, Ferentanosque profectus receptis in itinere castellis, atque oppidis ferè omnibus, quæ Caldorarum essent, castris ad Vastum Amonis positis, quod olim Istonium fuisse multa docent, acri illud obsidione premit. Qua in obsidione propter multitudinem gneorum tormentorum, quòd permulti quotidie passimque ac promiscuè in castris caderent, atque alij coxis, alij brachijs aut humeris mutilarentur, foedæ mortes, vulneraque foediora essent, multa præter opinionem Ferdinando contingere. Futuram nanque breui Istonij obsidionem præfagiens Antonius, cum ipse se Riparellæ contineret, quòd id castellum natura maximè munitum esset, locoque summè edito positum, strenuissimum quenque, ac sibi vsu ipso cognitum ex ea quam secum habebat copia, ad urbem tuendam præmiserat: præfeceratque præsidio Ranerium Ligninum Neapolitanum, vxoris suæ fratrem, acri iuuenem ingenio, còstantem. Horum igitur opera, pertinacibusque effectum est studijs, ac laboribus, vti rex obsidionem tandem omitteret, plurimis diebus magna cum suorum cæde frustra absumptis. Itaq; disposito milite finitima per castella, qui ne commeatus in urbem inferretur prohiberet, fame Istonienses compellere ad deditionem decreuit. Ipse ad constituendas regionis eius res conuersus, illis compositis, sub autumnii exitum in Campaniam regreditur. Antonius post regis digressum, relicto Riparellæ præsidio, cum ea quam secum habebat, manu hostem frustratus, nocturno tempore itinere maximè occulto, Istonium ingressus, populares primò cohortatus, multa spe ac pollicitationibus illos onerat. Deinde cum intelligeret ciues diutius famem nullo pacto toleraturos Restainum filium ad regem in Campaniam misit, qui cum eo de se dedendo, deditionisque conditionibus ageret. De qua Neapoli cum ab Restaino ageretur, interim Iacobus Caraffa, quem rex militibus qui in finitimis Istonio castellis hyemabant, præfecerat, clam cum primoribus agere de deditione cœpit: quos ad vltimam propè famem redactos sine spe maritimi, aut terrestris subsidij, oneratos etiam promissis facillè in sententiam suam pellexit. Itaque quo maximè tempore Antonius sperabat regi se pacatum filij opera, resque è sententia pro temporum tamen statu compositum iri, tumultu in foro exorto, excitantibus illum Thoma. Petro, & Francisco fratribus, è Santorum familia, à tumultuantibus capitur, confestim regio inuocato nomine. Cuius rei certiorum cum fecissent Ferdinandum, eius iussu Antonius Auerfam perductus, arcis præfecto custodiendus traditur. Paucos tamen post dies, Restaino filio procurante, quòd captus is fuisset interea dum de deditione ageretur, resignata prius Riparella, è carcere liberatur, constituto satis etiam liberali stipendio, quo Neapoli priuatus cum vxore ac familia honestè viueret. Is verò haudquam multos post menses, sub speciem curandæ ægritudinis, cum se Baianas contulisset ad balneas, Romam inde comparatis clam nauigijs fugit: nec multo post Viterbium, inde Firmium in Picenum proficiscitur. Ad vltimum verò Esim petijt, vbi diem haud multos post annos obiit: vir specie quidem, atque alijs corporis muneribus abunde clarus atque excellens, quibus si animi quoque dotes accessissent, in eas nunquam calamitates incidisset. Per idem tempus Alexander, qui Pisauri hyemauerat, maturato in

Marfos



Marfos reditū, iunctis cum Matthæo ac Roberto copijs; nam & ipsi ex hybënis prodierant, Aquilanum in agrum progreditur, tentaturus per idoneos homines ciuium animos. Illi igitur Tarentino mortuo, prostratis atque attritis Andegauensium rebus, famem etiam cum timerent, agrorumque vastationem, oblatas ab Alexandro cōditiones accipiunt, ac p̄ eum impetrata venia, regi sese dedunt, accipiente urbem eam regis nomine Nicolao Statio, qui tum apud Alexandrum regis ipsius iussu agebat. Quæ deditio (nam ciuium ipsorum haud exigua in pontificem Romanum inclinabat pars) Ferdinādi rebus plurimum autoritatis addidit ac virium. Eæ namque urbis eius erant opes, ciuiumque ipsorum vires ac facultates, vt facili in quam ipsi declinarent partem, Aprutij reliqui populos fermè omneis in eam traherēt. Hęc vrbs Amiterni de excidijs paulatim creuit, quod oppidum Sabinorum quōdam fuerat, idque maximè celebre Aboriginum etiam temporibus, qua tempestate Aternus illud amnis nondum alijs auctus fontibus mediū secabat. Aberat tum haud multum ab Aterno viæ viculus de fonte dictus Aquila, quod nomen hodie quoque pars ea seruat nouæ urbis Aquilæ. Diruto igitur Amiterno per ea tempora, quibus extincto Romano imperio Italia ab externis est nationibus occupata, ciues diuersi, alius alium in vicum cum concessissent, aucta maximè tum ciuium tum conuenarum frequentia est Aquila, propter agri opportunitatem, fontisque ipsius vsum, atque vbertatem aquarum & pabuli. Nam pecuarijs è quæstibus Aquila præcipue creuit. Sensim itaque, atque non vnīs temporibus conuenientibus accolis, forum efficitur rerum venalium, emporiumque regionis totius, finitimorum denique vicorū omnium ratione hac conuentus & caput. Cuius etiam frequentia accessit Forconij propinqui oppidi euerfio. Nam & Aquilæ propinquum ab exortu Solis agrum Forconensem vocatum comperio. Adhæc & deleti etiam oppidi, alioque de nomine etiamnum extant vestigia. Cum igitur aucti diuitijs conuenæ, hostileis timerent incursus, inito simul consilio decreuere, vti dimensi solum, quantum abunde satis esset, regionatim in tot distribuerent partes, quot vici ad inhabitandum conuenissent, singulisque partibus, quæ hodie quoque nomina vicorum seruant, singulis attributis vicis, solum vniuersum mœnibus vndique cinxerunt: quique breuis ab initio dictus fuerat nomine de fontis Aquila, auctus post ciuibz, atque opibus, prolatis etiam finibus facta est Aquila, vrbis quidē ipsa ciuibz, autoritate, & opibus clara, regionisque totius caput.

Nam et populus ipse quanquam lanificio deditus ac textura,  
maximè tamen bellicosus est, finitimisq; vndiq; for-  
midini, nec minus etiam regibus qui  
Neapoli imperant.





IOANNIS IOVIANI PONTANI DE  
FERDINANDO PRIMO REGE NEA-  
POLITANO ALPHONSI FILIO

LIBER SEXTVS.



VM hæc biennio fermè geruntur, Aenariæ interim res insulæ factæ indi-  
es asperiores erant. Carolus enim Torellæ frater, cōparata octo triremi-  
um classe, magnoq; biremium, aliorumq; nauigiorum numero, ingentē  
omnis generis rerum prædā in Isclam conuexerat, seq; maritimæ Cam-  
paniæ oræ maximè formidolosum fecerat. Quo tempore regius mi-  
les munitionibus inclusus, magisque ipse obsessus, quàm qui obsideret  
fame sitiq; laborabat, ad extremum adductus deditiōem meditabatur. Adhæc mare  
infestum vndiq; : campanorum litus ab incursionibus minimè tutū: maritimæ cōporta-  
tiones è Brutijs, Sicilia, Hispanijsq; ab vltimis diremptæ: demum nulla non nauigatio  
importuna, maximèq; periculosa esse, ac timeri iam ne Torrella prædæ precio, allec-  
tationeque tractis ad se diuersarum gentium prædonibus, Tyrrhenum omne, Siculum-  
que infestum mare redderent, neque Hispanis, in quorum manu maritimæ tum res e-  
rant, satis credi, neque alia via prouideri posse. Quibus malis quo prospiceret Fer-  
dinandus, nec tamē quibus fideret, satis sciens, plurima diuersaque animo agitabat.  
Quoniam autem locus admonet, insulæ situm ac soli naturam paucis exponam. Aena-  
riam à cōtinente tractu motu terræ aliquādo euulsam multa docent, exesæ rupes, solum  
cauernosum, soli natura continenti persimilis, arida, & calidis fontibus scatens, nutrit  
intestina incendia, vnde alumine plurimo abundat. Quin etiam his ipsis annis Bartho-  
lomæus Perdix, Genuensis negotiator, Neapolim petens, cum insulam præteruheret-  
ur, animaduertit aluminosos quosdam sparsos in ora maris scopulos. Annis enim circi-  
ter centum ac sexaginta tribus ante quàm hæc geruntur, ruptis repentè terræ visceribus  
exanhelato incendio, non modica sui parte Aenaria conflagrauerat: quæ eruptio & vi-  
culum igne absumptum pōst voragine absorpsit: & quā Cumanum spectat litus, pro-  
uolutis ingentis magnitudinis in sublime saxi, fumo, flammis, puluereque inimistis,  
postque per agros sparsim impetu suo iactatis, maximè vberem atque amœnam insulæ  
regionem vastauit. Qua tempestate quædam etiam saxa scopulorum instar in litus  
prouoluta cum essent, ea Bartholomæus fornacibus pōst excocta, in alumen dissoluit  
fuditque, reuocata arte ea, è Roccho Syriæ ab se allata, vbi ipse plures annos negotiatus  
esset, quæ multis antea seculis in Italia iacuerat. Gignit ager nobilissimi generis tri-  
ticum, fert & generosissimum vinum, estque hortensium frugum maximè ferax, po-  
pulares insulæ vicatim habitant, positus ipse plerunque tumulosus, & arduus: insurgit  
in ea mons apprimè editus, in cuius penè vertice fons scateret eodem quo & ipse mons  
nomine Abocoetus, ab animum frequentia ( vt arbitrantur ) dictus, cum reliqua insu-  
la gelidorum laboret penuria fontium: litora incuruamagis quàm recta, cœlum cle-  
mens ac salubre: iungitur monti in quo est vrbs sita, mole manu olim iacta: vniuer-  
sæ ambitus complectitur decem et octo circiter passuum millia, abest fermè decem  
à continente, diuiditur à Prochyta freto non satis amplo. In eam Alphonsus eiectis  
inde antiquis colonis victor è militibus qui secuti eum essent, maximeque Hispanis  
coloniam deduxit, arcemque quàm munitissimam struxit. Cuius pōst & arcis, & oppidi,  
& insulæ vniuersæ moderationem cum demandasset Lucretiæ, ea permittente rege  
substituit et arcis custodiæ, & moderationi popularium Ioannem Torrellam, An-  
toniæ sororis suæ virum. Hic Alphonso mortuo, cum dominandi cupiditate tene-  
retur, violato iure fidei ac necessitudinis, restituere primò eam Lucretiæ contempsit,  
dein quòd intelligeret illam cum Andegauensi sentire, re Ferdinando significata, ab  
eo sibi et urbem, et insulam impetrauit. Atque haud multo pōst ( vt erat insatiabili  
auaritia, incredibili ambitione, summa inconstantia, perfidia etiam barbara ) cœpit  
cum Ioanne clām agere de amicitia, promissaque ab illo sibi Prochyta, statim cum Pe-  
tro Coxa, qui insulæ imperitabat, simultates primò, pōst apertas etiam inimicitias exer-  
cere.



cere. Hinc Ferdinando maioribus curis presso, traiecto triremibus freto, expositisque in litore militibus, insulam populatur: mox comparatis necessarijs, oppugnare oppidum decreuit: cumque à rege monitus, ne fidelem, et sibi maximè acceptum hominem armis peteret, nec ab incepto desisteret, ac tantum nō fame coactum Petrum ad deditionem coëgisset, tandem rex necessitate victus, comparata classe, Torrellæ militem Prochyta expulit, liberatumque obsidione Petrum commeatu plurimo, ac militibus iuuit. Torrella per hanc occasionem confestim ad Andegauisem desciiuit, quem post ad se confugientem vrbe acceptum, opibus etiam suis fouit. Quod ni Tarentini secuta breui mors esset, transmissio in Brutios cū triremibus (vti cōuenerat) Ioāne, insequenti anno bellū priorilongè infestius calamitosiusque instauratū iri apparebat. Igitur Ioānes in Isclā delatus, cōspecta munitionum natura, primò mediocribus prælijs infestare regios, eos extra munitiones excitos fauciare, fatigare, haud quiescere sinere: post ne castris egredirentur, prohibere, arcere à lignatione, nequid ab insulæ popularibus importari posset, cauere: sclopētis, colubrinis, bombardis die noctuque infestare: multos in propugnaculis nō paucos intra tabernacula vulnerare, aut membris mutilatos lacerare, donec eos cædibus, vulneribus, mutilationibus, fame, siti, lassitudine, pestilētia è diutino labore necesse situdineque exorta affectos, ad ultimā rerum ac malorū omnium difficultatē artibus his redegit. In hac summa rerum omnium inopia illud eos maximè angebat, quod clausi terra, marique: vndique, quo in statu res suæ essent, significare nec regi poterant, nec ab illo certiores fieri, quid pararet, quid ab ipsis parandū esset, quando præsidium expectandum, omni itinere, terra, marique intercluso. Itaque rex magno nuntiorum discrimine ab ijs qui Abocœtum tuebantur montē, de suorum difficultatibus certior factus, re in senatu sepius disceptata, cum omnes de ferēdo subsidio desperarent, quippe cum hostium classis abunde potens, pollensque esset, cōtrā regi eo tēpore præter triremim vnam maritimi apparatus nihil esset: in ea consiliorum infirmitate, consternationeque animorum, Ioannes Pous triremis eius præfectus, cæteris animo perculsis omnibus, ipse animi plenus: At, inquit, longè secus ego sentio, rex, longēque alia mihi mens, aliudque à vobis cōsiliū est, duces. Mihi est animus, expositis ab altera insulæ parte in terrā militibus, occupato mōre qui mari imminet, inde decurrere, gladioque et hasta, modò lectus mihi miles detur, aperire ad munitiones viam, hostemque ferro medium cedere, et commeatu immisso liberare ab fame obsidioneque munitiones. Huic sententiæ alij vt generose fortique fortes ipsi assentiebantur, contrā alij vt temerariā aspernati repudiabant, metu in maius aduersariorū res tollente. Tum Pous rursus, Vobis inquit, viri regia de re tantū agitur, mihi de regia, & mea de salute, item incolumitate, bonisque meis omnibus. Si vicero, regijs & meis rebus iuxta cōsuluero: sin fortuna, quod nullo pacto reor, inceptis meis inuiderit, regi nihil amissum, mihi vitaque & fortuna omnis in æquo mea ponitur. Et vos quidē Isclæ res desperatas habetis, ego verò eas è calamitate vt vindicem, meo, rerumque mearum omnium discrimine laboro, & conor. Nolite quæso tanta meis mihi pariundam periculis laudem inuidere: dabo vobis, mihi credite, hoc vno facinore cōfectum bellum. Rex probato eius consilio, triremi confestim instructa, duabus cum biremibus, minoribus item nauigijs duobus, delectis ter centū peditibus è veteranorum numero, cōmeatu nauigijs imposito, noctu è Neapoli soluere eum iussit. Ille tenebris, silentioque feliciter vsus ad finitimū mōtis litus applicat, peditatuque exposito, triremique alijs cum nauigijs Caietē petere portum iussis montē nullo prohibente ascendit, amiceque acceptus signo cognito ab ijs est, qui montē tuebantur. Nam summo in iugo Nicolai sacellū est, atque haud procul vetus munitio ad propulsandos repētinis insultus olim cōstituta, cui peregrina, barbaraque appellatione nomen est Bastida. Hi cōmunicatis simul cōsilijs è vestigio mittunt qui de subsidij aduentu obsessos certiores faciant, & quid agendū sit doceant, signumque inter se cōmittendę pugnæ constituent. Nuntij quod penetrare ad munitiones vndique circumfessas ab hoste nequeunt, Pous biduo frustrati sunt, qui in expectatione rerum erat. Terrio die Andegauensis consilij huius incensariam machinam ad moueri munitionibus cum iussisset, ea oblique tracta, in quem minimè locum oportuit declinauit, motuque ipso magis accensa, flammam simul, ac fumum ingentem edidit. Quod cōspicatus Pous, metuensque munitionibus à cōflagratione, instructa acie descendit è



monte. Partem ducebat cohortis Fantagutius; vir maximè strenuus: partem ipse cū Oriola, homine impigro, & ob fidem regi cognito. Vbi ad locum ventū est, signo dato occupatum expugnandis munitionibus hostē ex improviso adorti, magnum terrorē incutiunt. Illi pectore aduerso fortiter incurrētes sustinent. Ac nunc hi, nunc illi, fortuna belli domina variante, loco cedunt, multi vulnerantur. Strenuē vtrinque pro gloria, pro vita, pro libertate pugnatur. Regij eruptionē ē munitionibus expectant. Andegauīeses illinc paucitatē despiciūt, hinc eruptionem verētur. Itaque innisi viribus regios aliquantū propellunt. At qui intra munitiones clausi fraudē hactenus timuerant, vbi cædes, vulnera, fugas, impressiones eminētioribus ē turribus cōspiciātur, cōfirmatis maximè animis erumpunt. Editur pugna rara & nobilis, fortibusque vtrinque animis decertata, vtrinque pro salute pugnantibus. Vtraque in dextra acies spem, salutem, libertatem repositam habet: regia si cesserit, nullo se loco tutam credere. Andegauīensis in medio constituta hostiū, nō fuge, nō receptui locum habere, duces, centuriones, præfecti hortari, adoriri, ferire, milites alij impellere, alij cedere, pars capere, multi capi, vulnera, cædes, casus promiscui. Vtrinque clamores tolli, vtrinque pro pugnae euentu, aut fuga significari, aut victoria. Tandem Andegauīeses ab fronte atque à tergo arctius pressi superantur, nec sustentata impressione, pluribus aut cæsis aut captis, reliqui in fugam versi, pars intra molem, alij pontibus qui expositi in litore erant, in triremes se recipiūt, alij in mare prolapsi minoribus à nauigijs excipiuntur. Dux ipse Andegauīesium in fluctus maris mento tenus immissus egre a suis intra nauem subleuatur. Victor regius, fugato hoste munitiones ingreditur. Pous cōsolatus magis quā cohortatus, liberum iam obsidione militē, faucios curari, cōmeatum importari, præsidium per munitiones distribui imperat. Lāguidos aut morbo grauatos inde deuehēdos curat. Nec multo post, constitutis ē sententia rebus omnia, cōfirmatisque militum ac popularium animis, ad montē reuertitur. Illi victoria elati, speique atque animorum pleni felicia omnia sibi promittunt, ex eoque hostē à munitionibus, atque à continente prohibent. Pous ē monte ad litus digressus, ascensā ē vestigio nauicula, quo discessus hostē lateret, Caietam ad triremē deuehitur, statimque Formiano soluens litore Iluam petit, vbi intellexerat regias triremes expectare. Hæ simul inde digressæ Neapolim versus dum ferantur, Argentario haud procul à promontorio, quatuor triremes, ac biremes totidē Punicas obuias habent, in easque strenuē illata, vnam ē biremibus capiunt. Quo minus insequatur fugientes, oblitere Andegauīenses triremes, dum timetur ne insequentibus ipsis à tergo inferantur. Itaque felici nauigatione usæ Neapolim paucis diebus aduehuntur. Atque haud multo post Ioannes, Tarentino iam mortuo, desperatis rebus suis, in prouinciā inde Narbonensem enauigat, relinquēs in regni Neapolitani populis, atque apud nobilitatē præcipuē, permagnum sui desiderium; cum esset maximè cōpositis moribus, integra fide, incredibili cōtinētia, summa cōstantia, magno in Deum metu, in homines liberalitate ac gratitudine, iusti honestique apprimē colens, ac supra Gallorum hominū ingenia grauis, seuerus, circumspectus. Ferdinandus igitur Aenariense ad bellum cōuersus, cōparata classe decem triremium, totidemque onerariarū, ac biremiū sex, ei Galcerandum Hispanum prædonē præficit. Ille cōplureis mēses, nauibus opportunē dispositis, urbem sic cinxit, arcuitque cōmeatum, vti tandē ad summam annonę inopiam redactus Torella fratrem ē Prouincia arcessitum certiorē fecerit, ni quā primum subueniatur, de se rebusque suis esse omnino actum: maturaret igitur, se vel paucissimos dies vix esse toleraturum, verendamque interim popularium inconstantia, præsertim urgente fame. Carolus re cognita, ac maturandum ratus, onerata frumento naui, instructisque triremibus, nocturnis diurnisque remigationibus, ad ferendū subsidiū cum, pperaret, vbi in conspectū venit insule, inito cū præfēctis cōsilio, triremē maximè omniū instructā, cui erat Delphinæ ob celeritatē nomē, quæ onerariā remulco traheret, præmittit. Ipse cum omni numero speciē præ se fert magno impetu inferendi sese ex improviso in Galcerandum: ratus hac ratione, dum regia se classis instruit, dum ipse sese minabundus ostentat, omnē regiē classis impetum in se tracturum, Delphinam interim quasi parum animaduersam ad oppidum, ipsamque mōtis rupem appulsurā cum cōmeatu: quo facto fugam ipse esset in altum abrepturus. At Sancius Samudius in statione collocatus cum esset, conspecta Delphina, minimè cunctandum ratus, summis viribus



bus in illam rostro inuectus, edita cruentissima pugna, eam cum oneraria capit. Quod ubi Carolo cognitum est, speq; animoq; destitutus, confestim in fugam vertitur. Galcerandus instructa classe, in altum prouectus, diurna, nocturnaq; remigatione fessos ipse recente remige facilè affecutus, praeter vnam, omnes cum Carolo, alteroq; è Torrellæ filijs capit, captasq; secum Aenariam perducit, ac vtrinq; simul & victam, & victricem classem in ancoris ad fretum sistit. Quod ubi regi nuntiatur, ingenti cura liber, ac gaudij plenus, cū Ximèno Duræa, Siciliæ Legato, qui haud multos ante dies Neapolim ad regē venerat, ad Misenum profectus, Galcerando, prefectisq; gratulatus, gratias illis egit, quod fortiter fecissent, quod feliciter rem gessissent, quod eo facinore vltimā bello manū imposuissent: ijsq; magnificè collaudatis, quid gerendum, quid à quoq; administrandum esset, constituit, statimq; Neapolim regreditur. Tum verò vrbs victoriæ certa, festa omnia agere, viri, mulieres, ciues, peregrini, senes, impuberes per urbem discursare, ad litus currere, molem peruagari: qui victrice classe redissent, sciscitari, gratulari, complecti, virtutē eorum in cœlum ferre, conuiuia parare, publicè, priuatimq; lætari, quod mare liberū, quod nauigatio secura, quod tandē pax terra mariq; omnino esset parta. At Isabella regina qua erat pietate, & in Deū cultu victoriā deo acceptā referre, ipsa Marię aras, ipsa diuorū tēpla adire, venerari, paruos liberos ante se ferre, cū ijs ante illorū imagines procūbere, gratias agere, vota soluere, supplicia plurib. diebus facere; nihil ciuitas vniuersa, nihil nobilis, ignobilis, sacerdos omittere, quod ad declarandam lætitiā, nihil Isabella, quod ad gratitudinē erga Deum, erga diuos, diuasq; testificandam pertineret. Torrella amissa classe, capto fratre, ac filio, destitutus omni spe, de deditioe per Duræam cum rege egit, per quem paucis ante diebus etiam tentauerat exolutis sibi à Ferdinādo aureūm numūm quinquaginta millibus oppido & insulę simul cedere. Res igitur Ximeno procurante conuenit ijs conditionibus, vt Torrella oppidū regi traderet, ipse liber tutusq; cum vxore, liberis, reque omni familiari in Siciliam deferretur regijs duabus triremibus. Carolus frater, & è filijs alter, liberi, sui que iuris essent. Ximenus conuentorum præs, ac fideiussor esset. Antē tamen quā ille triremibus impositus vela facerent, Ferdinandus corā exhortatus est eum, vt cum vniuersa familia Neapoli remaneret, rerum se præteritarum immemorem futurum, neque ipsi, neque liberis defuturum pollicitus. Ille regi gratias cum egisset, Neapoli soluens in Siciliam primò, post Hispaniam Tarraconensem, quæq; illi erat patria, Barcelлонem perlatuſ est: vir profectò leuitate ac perfidia sua, deterrima quaque sorte vltimoq; supplicio dignus. Et hic quidem belli huius Neapolitani finis atque exitus rerum fuit. Cæterum cum regni vrbium princeps Neapolis, atque caput sit, antiquissimaque cæterarum ferè Italiæ vrbium omnium, quæ nunc florent, de ea si pauca dixero, neque alienum suscepto operi, & importunum minimè videatur, tum propter vetustatem ipsam, & vrbis nobilitatē, tum ob rerum plurimarū, siue natura siue hominū arte, industriaq; cōparatarū copiam, atque excellentiā, quibus ipsa affatim, mirificeque abundat. Quia verò vetustas ipsa, rerumq; remotissimarum oblitteratio, earumque cognoscendarum cupiditas ita expostulat, altius quēdam repetam, & perquisita, & eruta longo studio, multa que antiquitatum peruestigatione & cura. Nec verò vitio mihi dari velim, si antequam de rerum Neapolitanarum loquor originibus, Italiæ res à remotissimis etiam sæculis repetō, & qui, & quales eam populi, aut reges ab initio tenuerint, in memoriam reuocō. Detur hoc veniæ laboribus meis, compenseturque repetitioni ipsius remotior fortasse explicatio cum vtilitate lectionis: quod condonari mihi non impudenter forsitan videar postulare. Igitur Italiam, cui post vniuersæ nomen est hoc inditum, paulatimque prolatus finibus, imperioque ab Ionio mari ad Alpes vsque complexum est omnia, quæ supero, inferoq; abluntur mari, habuere in initio Vmbri, genus hominum bellicosum, acre, imperij cupidum, quiq; paulatim mediterraneis ac mōtanis à locis digressi, mare versus Hadriaticum fines protulerint, ipsi reliqui, supersitesque diluuiōi, quæ Deucalione regnante in Græcia, ab Aegyptijs, Græciæq; ipsius scriptoribus extitisse memoratur. Quā tēpestare Atlanta absorpta insula rerū quōdā in occasu potita, unde etiam nomen pelago inditum, irrupente oceano, mare hoc immissum est mediterraneum, quo tūc submersa atq; hausta fuere cuncta, quibus nunc interiectis Europa,



Africaq; inter se atq; Asia distinentur. Fabulosa fanè res existimata, propter Poëtarum decantata admirabiliter ea de re carmina, ceterū quæ nec à natura ipsa rerū abhorreat, & Aegyptiorum cōsentiāt historijs. Hos antè tenuerāt Liburni partē eam, quæ est ad superi maris sinum. Quibus pulsīs Vmbri armis eam occupauere, quaq; imperium protulerunt, tractū omnem vocauere Vmbriā, viris post oppidisq; diuturnū ob dominatū maxime frequentē. Liburnis finitima tenuere Siculi, atq; Aborigines, gens indigena, vel, ut alij volunt, ex Arcadia profecta, duce Oenotro, Lycaonis Arcadiæ regis filio, qui postea gēti nomē dederit. Cuius etiā frater Peucetius orā alterā superi maris occupauerit, eaq; sit ab illo appellata Peucetia, quæ antè fuisset Iapygia. Regiū itaq; nomen gentis vniuersæ ab Oenotro coepit, post quem aliquo interiecto interuallo Italus & Ipse rex ipsdē est à populis dictus. Ab Italo autem & Morges, & Siculus, qui à Morgete fratre dissenties, dedit parentibus sibi populis nomē Siculis, perinde ut ab illo altero nominati sunt Morgetæ. Atque hæc quidē omnia multis ætatibus ante obsessum à Græcis Illiū. Hodie quoq; post Marforū atq; Aquilanorū fines est ager, qui Siculorū nomen seruat, mutata prima nominis litera, Ciculi enim vocantur. Nam & Sicilia insula ex illis dicta, ab illiteratis hodie hominib. Cicilia dicitur, eadē mutata litera. Est & Vallis itē Ciciliana quæ Precurtinorū est in Vestinis, qui sunt inter Aternū, atq; Truentū amnes: quæ regio Piceni quodā fuit, nunc verò est Aprutij. Successit deinceps illis Latinus belli Troiani tēporibus, à quo prisci vocati Latini. Inter Siculos autem atq; Aborigines diutius certatū cum esset, accessere Aboriginum opibus Pelasgi, quibus ē Thessalia pulsīs, ad eā cum adnauigassent oram, quæ est proximē Padi fluminis ostia, postq; aliquantum temporis eiectione cum inde ab Vmbriis essent, Aborigines ipsi dedere eis sedes in Reatinorū finibus, eorumq; auxilio, cōmixtis viribus, Siculorū res vehementius attriuere. Quibus deniq; attritis, Siculi relictis sedibus, grauissimos post labores ac pericula in Trinacriā traicere: quam occupatam, suo ē nomine vocauere Siciliam. Tenuerunt autē in initio Itali, qui ab Oenotrijs sunt, Aboriginibusq; profecti, quantum interim agri Tiberi continetur, Lyriq; fluminibus, eaquē prisca fuit Italia, ijque Italici populi. Tiberim vltra tenebant tunc Hetrusci, quos Tyrrhenos etiam dictos volunt. Hi paulatim eō potentia peruenierunt, ut Vmbriorum ipsi imperium deleuerint, omnisque Italia ab exteris nationibus, presertimque à Græcis ob illorum potētiā fuerit appellata Tyrrhenia. Supra Hetruscos tenuere Ligures, & ipsi antiqua gens, quæque ausa sit venienti in Italiam Herculi ire obuiam instructa acie. Quin etiam quorundam opinio fuit, Aborigines illorum aliquando fuisse colonos. Hetruscos diutius imperantes, superatis alpibus, Galli pepulere vniuerso ex agro, quem vltra Apenninum montem ac secundum Padum fluiuium possederant, quorum etiam oppidum fuit Sena, quæ hodie quoq; Gallica agnominatur. Trans Lyrim verò, proximisq; Lyri regionibus, diuersis tamen ætatibus imperitauerunt Ausonij, Opici, Osci, Hetrusci, Samnites, Campani. Ausonij quidem videntur fuisse antiquiores, quàm ut ab Ausone Vlyssis filio nomen acceperint. Nam & partē illam terræ Brutia quæ est ad mare Ionium, satis constat longē prius vocatam Ausoniam, eamque Ausones primos tenuisse, & mare ipsum Ausonium appellatū: & ut Halicarnasseo placet Dionysio, quod post vocatū est Tyrrhenū, ante Oenotri aduētum ab accolis mare dicebatur Ausonium. Opici verò fuere, qui et Ausonij, ipse indigenæ, ut Rutuli, ut Volsci. At Osci Padi accolæ, ac pulsī ipsi, suis Opicos ē sedibus pepulere. Hos dein Cumani à Chalcide deducta colonia, Hippocle Cumæo, & Chalcidēse Megasthene ducibus. Hi cū opibus auctoritateque aucti admodū essent, subiēcere sibi finitimos populos. Omnem post eis agrū ademerunt Hetrusci, ac variante fortuna, Samnites Hetruscis. Dicti autem Samnites à nostris initio Sabelli, ipsique à Sabinis orti, postquam in Sabinorum nomen transiere, qui antè Oenotri fuerant, atque Aborigines. Ex ijs deinde agri Samnites hos eiecere Campani, quorum princeps fuit vrbs Capua: à Samnitibus quoque profecti sunt Lucani, qui secundum eos trans amnem Silarum sedes sibi imperiumque compararunt. Per multis tamen ante Lucanos ætatibus, imperitauerant ea in regione Pelasgi, atque Oenotri. Vnde insulæ duæ in Lucanorum mari sitæ, Oenotriæ appellatæ, atque ab Oenotrijs orti Itali, Morgetæ, & Siculi illis successere. Inter quos diutius etiam bella gesta. Quæ ē re: Græcis scriptoribus pars ea vocata est Italia. Vltimi autem Lucani à Samnitibus



Samnitibus emissi occupauere regionem, eque ducis nomine vocauere Lucaniam. A Lucanis orti Brutij, pastoralis initio gens suisque ab domibus digressa. Post eos quod reliquum est, tenuere Græci, ad mare Ionium, diuerso tempore, pluribus deductis coloniis, in plaga præsertim maritima, unde magna etiam Græcia olim dicta. Nec tamē defuere è Græcis scriptoribus, qui arbitrati sint, oram Italiae illam ultimam, quæ Isthmo contenta peninsulam quasi quandam efficit, Italiam initio dictam ab Italo quodam, quem populares, propter sapientiæ probitatisque opinionem, quam ipse etiam dicendi suauitate concitasset, regem sibi constituerint. Satis tamen constat tum Hesperiam, tum Ausoniam ante Herculis in Italiā aduentum à Græca præsertim gente vocari solitā. Hic status penē rerū in Italia fuit ante bellum Troianū, & post Aeneam atque Ascanium Albæ regnantem, donec Romanorum res adoleuere, ipsique tandem Italiae sunt potiti. Ut verò ad Opicos redeamus, à quibus Thucydides tradit, Siculos fuisse eiectos sedibus, quod videlicet Opicorum tunc celebre esset nomen, Phlegæus eorum ager fuit, in quo plerique volunt gesta, quæ de Gigantibus memorata sunt in fabulis, ab intestinis terræ incendiis dictus. Quo in agro principes extitere vrbes Cumæ, Puteoli, quæ Græcè est Dicæarchia, & Neapolis. Hanc igitur, finitimamque oram, quæ est ad amnem Lyrim, Vlyssis, belli que Troiani temporibus tenebant Lestrigones atque Sirenes: tenuere & Cimmerij, genus hominum furtis ac latrocinij assuetū: hi que specus quam domos magis incolebant, deductisque intrinsecus sub terram cuniculis diuersabantur. Cumque celebre apud ipsos oraculum esset, fierentque Auernum ad lacum sacra in Ditis patris honorem, in quibus, euocatis manibus, futura noscitantur, hac ratione multos mortales, qui ad sacra cōueniebāt, atque ad oraculum cōsulendum, deprehensos in meatibus, locisque subterraneis spoliandi libidine clam obruncabant. Demū scelera eorum deprehensa, ipsi supplicio affecti, sedesque eorum euersæ ac penitus deletæ. Opicorum insula fuit Prochyta, fuit Aenaria, fuere & Pontia, & Pandateria, & quæ dicta est de Sireneis vnus nomine Parthenope. Nam & ab alterius quoque sepulcro Leucosia dicta est etiam breuis quedā insula Pestantum cōtra sinū posita. Ac tamen si quæ de Sirenibus dicuntur, pleraque habentur fabulosa: proditū tamen est memoriæ, atque ita hominū opinio tenuit, vnus ex eis conditū sepulcrum editiore in colle ad vltimum maris sinum dedisse colli nomen, vocatumque illum ex eo Parthenopen, quod nomen post fuit etiam vrbs eius quæ nunc est Neapolis. Quia verò & Surrentum, quasi Surenetum, & promontorium ipsum quod Mineræ dicitur, Lapides sunt olim Sirenium dicti, quodque insulæ item duæ Sirensæ, quæ post Capreas, Posidoniati, hoc est Pestano, ac Salernitano adiacēt sinui, quo in sinu fuit olim Pestum, nuncque in promontorii eius capite posita est Acropolis, quantum coniectura vtilicet, & fabulæ videntur innuere, hæc imperitasse sinui locisque ijs videntur. Quando priusci etiam autores tradunt Surrentum urbem, ipsumque in quo constituta vrbs est, agrum ac promontorium, Sirenium quodam sedes fuisse, perinde ut Circe imperitauit finitima in insula, ut Calipso in alia etiam Ausonij maris insula. An non regnauit Babylone Semiramis, in Ponto, Phrygia, Bitynia Artemisia? nonne Punicum auspicata est imperium Dido? Florentibus maximè Gotorum rebus imperauit in Italia Amalasuntha, Theodorici regis filia. Nec verò multis ante nos seculis Amatildis Comitissæ res in Italia non in primis fuere illustres. Nonne duæ, diuerso tamen tempore, Neapolitanum regnum moderatæ sunt Ioannæ? Itaque permultis etiam post Sirenes seculis, Aenaria sub Neapolitanorum reipublicæ iurisdictione tenebatur: & cū ab illis aliquando bellica extracta vi fuisset, Imperatoris Augusti iussu fuit eis restituta. Et à qua matrona nomen accepit insula Parthenope, perinde ut ab altera Leucosia est de illius sepulcro dicta, nimirum cū ea post mortem sepulta in colle esset, continenti imperitauerat, et in quo sepe liri se cauit loco, & celeberrimus per id temporis locus is erat, & viuenti dominæ gratus admodum atque in delitijs habitus. Nam & honos sepulturæ religiosissimus semper fuit, etiam quibus temporibus literæ nullo ferè in honore essent, et generosissimo cuique decreto etiam publico, in maximè celebri vrbs aut agri parte, dabatur sepulture locus. Traditum est enim (de re ut maximè vetusta loquar) apud Oruinium antiquissimum, ac maximè quondam nobile Aboriginum oppidum, Augusti etiamnum tempore non murorum modò fundamenta, & fossas extare veteris magnificentiae testes, verum etiam se-



pulcrorum monumenta magno ambitu, operosisque aggestionibus, atque in sublime editis. Itaque sepulcrum ipsum indicio est Parthenopen colli imperitasse, qui subiectæ imminebat stationi, atque ad sinus ipsius caput, eque regione Surrentum spectabat, quæ Sirenum ipsarum sedes tunc esset. Quem ad locum quod naues quendam quasi in portum applicarent, collis ipse frequens erat habitatoribus, æquæ ab accolis ac nautis celebratus, isque oblitterato priori nomine, post in matronæ memoriam, atque ab eius sepulcro Parthenope agnominatus. Cuius post loci frequentiam auxere Cumani, atque è Chalcide Eubœæ profecti coloni, auxere & Rhodij, quo tempore rebus maritimis plurimum valebant, deducta illuc colonia, locoque in oppidi formam redacto. Nam Græcam eam fuisse urbem, id verò certissimum est. Quod autem eo ab loco quadringentis ferme passibus oppidulum aberat, secundum litus, ac sub montem ad meridiem positum, cui Græca nomen esset appellatione Palæpolis, idque breuitate sua habitatores non caperet, crescente iam multitudine, quo habitandi laxior ferebat comoditas, multi eò continuè immigrabant ob diuersandi amplitudinem. Quocirca augescere indies nouo oppido, illinc comportandis mari mercibus, hinc soli ipsius opulentia, cum ædificijs illustraretur, & hominum frequentia, quo ab veteri differret oppido, nouo paulatim nomine, & ab ipsis incolis, & ab nauigantibus, vocari pro Parthenope, Neapolis cœpta. Nam ad tempora Romanorum usque, ut Liuius tradit, urbes erant duæ, populus vnus. Breui igitur ob loci opportunitatem, conuenarumque frequentiam in urbis excreuit magnitudinem. Opibus verò atque autoritate valuisse tunc plurimum moenia ipsa planè docuere: quorum vestigia (quod hodie quoque quædam extant) videntur admirabili quadam altitudine artificioque fuisse constructa, ut minimè mirum fuerit, Annibalem Poenorum ducem illis visis fuisse ab obsidione deterritum. Conuenisse autem eum in locum proximis è vicis atque castellis plurimos, docent peruetusta quædam urbis regionum nomina, quæ hodie quoque & publicis, et priuatis scriptis seruantur, ut Baiana vicina Baianis à colonis dicta, ut à Cimmerijs Cimmericia, quibus urbis partes eæ quondam fuerint ad inhabitandum distributæ. Transiens quoque in Italiâ ab Hispania Hercules, post Cacum impotentem hominem in Latio domitum, liberatamque ab eius dominatu regionem, Campani maris ora cum peruagaretur, reliquit monumeta perpetua Auernum ad lacum sua, perque ora illam omnem itinere atque ætate fessos, Græcis potissimum è socijs, traditis eis sedibus collocauit. Quod in Latio ite, locisque in quibus postea Roma creuit, ante fecerat. Reliquit & proximè Neapolim paulo supra Palæpolim, qui locus hodie quoque Hercules dicitur, & ultra Neapolim ad fontes, qui ab illo Herculani sunt dicti, ibique Heraclea condita, & ultra Heracleam apud Pompeios, quo in loco exposita ab occasu solis aduecta præda pompæ egisse dicitur: quæ tēpestate loca illa omnia essent Græcis ab inhabitatoribus maximè frequentata et culta, propter locorum amoenitatem ac litoris. Ad vetera quoque Neapolis moenia, Nolanamque ad portam extat facellum Saluatoris, quod ad Herculis viam dicitur: & in eadem urbis regione Mariæ ædícula, quæ ad Hercule. Ad eò multa Herculis monumenta et intra urbem, et extra etiam permanent. Post ipsam verò Palæpolim, in qua noua nunc est arx cum adiectis hortis, postque montem qui Palæpoli imminet, promontorium protenditur in meridiem quod à delitijs sortitum nomen est, Pausilypum: è regione verò alterum existit promontorium, medium inter utrumque sinum constituens, Lapides olim Sirenum appellati. Inter autem lapidosos promontorij vertices, sparsosque naturali quadam voluptate, tum artificio quasi scopulos loca sunt inter seminata, ac sparsim cōstita, ea amenitate, & cultu ijs etiam delitijs, ut ab ijs illectamentis dictæ olim sint cantu Sirenes irretisse nauigantes, traxisseque peregre venientis homines ad inhabitanda saxa. Ac mihi quidem visus est Virgilius ad eorum locorum imaginem finixisse Elysios secessus, ut cum ait:

*Secreti celant calles, & myrtea circum*

*Sylua regit. —*

Nec verò non eodem mihi tempore visa sunt literarum studia, qualia tunc esse poterant illic & exitisse, & cœpisse, quæ postmodum tanta creuerint frequentia, ut quod de vocis suauitate & cantu attributum est Sirenibus, id fabulæ locum dederit ex eloquentiæ ac literarum studijs, disciplinarumque cognitione & cultu. Nam & Zeno, & Parmenides satis propinquis è locis fuere oriundi, quos ante et alios quoque fuisse veri est simile, quando hi




do hi duo essent et ipsi seculis nostris fortasse incogniti, nisi eorum Aristoteles in rebus physicis, & post eum scriptores alij meminissent. Iccirco & ante Pythagoram et Metapontinas illas scholas fuere Sirenum in regionibus bonarum artium studiosi permulti: quod Numæ regis Romani disciplina institutionesque declarant. Ea quoque quæ de oraculis, deque ad Auernum traduntur sacris, fieri absque literarum cognitione ac professu minimè poterant. Etenim rerum cognitiones per ea tempora penes sacerdotes erant, & apud Græcos extitisse tunc literarum notitiam, docuit Nicostрата Euandri mater, quæ eas in Latium attulit. Sed redeamus iam Neapolitana ad mœnia omnium illa tempestate magnificentissima: qua quidem tempestate mare quod illic curuari sensim incipiebat in sinum, radices allidebat collis, atque inter vetus nouumque oppidum breuisculus quidam constituebatur sinus, quædamque quasi statio quod spatium diuturnitate temporum, imbriumque limosis è monte decursibus, vt quotidie cernitur, in continentem abiit terram, idque nostro tempore ædificijs refertum est. Moles quoque posteriore ætate ab regibus iacta, portum nunc efficit. Ipsius quoque ac collis ima fontes tum manabant scatebrofis sub rupibus, qui nunc etsi paucioribus in locis, in ipsa tamen maris ora subter ædificia defluentes scaturiunt. Collis igitur ipse & ad mare impositus rupibus, & in mediterraneis insurgebat, vallibusque præterquàm ad litus cingentibus. Circum verò eum mœnia ab imo in editum assurgentia eminebant ingenti mole saxis, ac singulari artificio cõstituta, aggestitia materia intrinsecus arte iniecta qua tenuis collis altitudinem, summumque equarent solum. Adhec turres maximè frequentes, ipsæque extra muros ductæ ad æquato post solo insurgebant ingenti vastitate, minacibusque fastigiata propugnaculis maria ac terras superbissimo quodam prospectu de spectabant. Quæ omnia annis ducentis ac quinquaginta ante ætatem nostram Corradus demolitus est rex. Post verò Romanis vrbs eius ambitum promouentibus, et valles fuere maxima è parte colli æquata ad vrbs ipsius positum, vsusque inhabitantium, et mœnia pluribus etiam locis ad solum deiecta. Nam & Adrianus Augustus templum in tumulo proximè portam, quæ ad mare ferebat, qui locus hodie quoque Portus dicitur, edificauit miræ amplitudinis, idque postea collapsum ab insequentibus est principibus instauratum: qua ex ædificatione parte ab ea paulatim per ætates promotum est oppidum ad muros fermè Palæapolitanos, meridiem versus, quaque etiam Solis occasum vrbs spectat. Post Adrianum quoque & ante illum, potissimum autem Antoninorum temporibus, multa magnaque intra urbem condita fuere ædificia, vt vallium nunc ipsarum ne vestigiū quidem vllum relictum appareat, effectumque est, vt peruetusta illa magnificaque cum primis mœnia penè vndique ædificijs cingerentur. Nostra verò ætate Alphonsus Ferdinandi filius, prolato ad Solis ortum atque ad septentrionem pomerio, et munivit eam partem vrbs, & illustrauit, erectis ingentis crassitudinis muris piperino è lapide, quanquàm inchoasse videri solum potest, id quod nos ipsi scimus animo illum destinasse. Priscæ quoque vrbs magnificentiæ præter ipsa mœnia maximo est indicio fluuius intra urbem inductus excauato saxo, in quo vetus vrbs tota inerat fundata, eaque cuniculatio, atque effossæ specus, deductæ subter maximè celebres vrbs vias, atque ad singula quadriuias, in quæ vrbs quondam omnis distributa erat, excisi putei, è quibus vicinia hauriat. Ab hac autem ipsa cuniculatione deducuntur ad alia vrbs loca, ædesque nobilium aquæ tum ad puteorum vsus, tum etiam fontium in vrbs ijs partibus quæ vergunt ad mare. Ipsa verò cuniculata effossio, ductilesque aquarum cauæ & latæ sunt admodum, et decursu minimè recto, quo dum ad angulos sæpius aqua refringitur, reddatur salubrior. Quocirca & decurrit & strepit, sonorum in saxosi modum fluminis: antiquum sanè opus, ac priscæ cuiusdam magnificentiæ præclarum testimonium. Extant in ea monumenta etiam illustria templi maximè inelyti Castoris & Pollucis, & item fori, ac secundum ipsum forum theatri: alterius verò theatri (nam duo ea in vrbe fuere, quorum alterum interiectum erat) nullum apparet vestigium. Ipsa igitur theatra non urbanæ tantum magnificentiæ indicia sunt, verum etiam certantium inter se ingeniorum, propter bonarum artium studia, quæ in ea tum vrbe mirificè florebant. Nam & Nero Augustus ijs in theatris ad musicæ certamen prodijt in scenam, & propter liberalium artium studia quibus Adrianus maximè fuit deditus, ipse quæquam Augustus re-



rumque Romanarum moderator, nō aspernatus tamen est oblatum à ciuibus magistratum, eumque perinde ac priuatus administruit. Ac mihi quidem visi sunt Romani imperatores, contendisse inuicem in magnificanda atque illustranda Neapoli, aduersum quos ciuitas ipsa cōstantissimam ubique fidem seruauit. Nam qua fide, qua animorum offirmatione fuerit post eam stragem, rerumque calamitatem tantam, qua dux Carthaginensium Annibal populum Romanum affecit, Punico secundo bello ipse Romanorum historiae docent. Neque post dirutum à Gotis Romanum imperium, eadem nō constan-  
tiam retinuit aduersus eos, qui rem Romanam etiam qualemcunque tenuere. Nam qua humanitate doctos viros, quique ea in vrbe literis, rerumque naturae cognitioni operam dabant, ciues ipsi complecterentur, aperte illud docet, quod Græci Latini que Augustorum temporibus Neapolim tanquam in studiorum suorum matris sinum secedebant. Ea igitur in vrbe cum decessisset Lucilius poeta, publico à ciuibus funere est elatus. In eam ossa referri sua Virgilius iussit, Brundisij cum decessisset: qua in ciuitate tantæ admirationis & viuēs, & mortuus ciuibus ipsis fuit, ut in hūc usque diē multa cum magnificentiæ veteris monumēta, tum naturę ipsius dona quedā ad Virgiliū referantur. Secundū maritimam verò oram quædam etiamnum visuntur monumenta Luculli piscinarum, qui locus Lucillianus hodie quoque dicitur. Post quem sunt et Platamonis, excauatae ad litus ac manu hominum factæ specus, quas vetustas ipsa, salsaque maris aspergo magna è parte consumpsit, temporumque ipsorum iniquitas, loca nimirum ad voluptatem, æstiuasque deambulationes atque conuiuia excogitata. Sunt geminæ etiam criptæ perforato monte Pausilypo, altera ad viam Puteolanam, in ipsoque ferè promontorii principio, quæ ab Alphonso rege fuit non modicè amplificata: altera ad montis in mare prominentiam, atque ad ipsius exitum, eaque maxima parte ab vetustate labefacta. Nec verò ciues ipsi quàm otio, quàm literis dedisse minus bellicis rebus operam, ubi res ferret visi sunt. Siquidem è bellicis maximè exercitationibus ac laudibus, nobilitatē cōparaue-  
re sibi tantam, ut Neapolitana nobilitas appareat, & maximè ipsa vetusta, & diutius etiā magnificeque continuata. Quę res effecit, uti reges qui post Goticas, Africanasque calamitates maris inuectas, regnū Neapolitanū tenuerunt, eam sibi urbē metropolim, eā regni caput cōstituerint. In ea regias, in ea arces, in ea sepulcra edesque statuerint sacras ac diuturnis maximeque grauibus confectam bellis, restituere in pristinam faciem sint conati. Quam ad rem nō mediocriter etiā inuitauit eos cœli clemētia, situs opportunitas, agrorum fertilitas, maritima opulentia, rerum denique omnium quæ ad victum opportuna sunt, mira & regionis vbertas, & ex nauigationibus comportatio. Sed urbis nos laudationem quidem minimè, antiquitatem verò tantū referendam suscepimus. Igitur in hac vrbe Ferdinandus pace parta, rebusque è sententia compositis supra triginta annos regnauit: cum interim multa bella pro socijs atque amicis suscepta fortissimè gesserit. Turcas quoque qui Hydrunta, bonamque Salentinorum partem ex improviso adorti occupauerant, Alphonsi filij industria, atque op̃a victos Italia expulerit. Qui si quibus artibus in initio regnum sibi comparauit, easdem in pace otioque retinisset, ut maximè felix est habitus, sic inter optimos fuisset principes numeratus.























H566

F945F

1-SIZE

290-

1) 10 ll, 737 p, 1 blank l.

2) 222 p, 1 blank l.

coll

opt

H



